



古典文獻研究輯刊

三編

潘美月·杜潔祥 主編

第 **12** 冊 宋代尚書學案(中)

蔡根祥 著

國家圖書館出版品預行編目資料

宋代尚書學案 (中) / 蔡根祥著 — 初版 — 台北縣永和市: 花木蘭文化出版社,2006 [民95]

目 2+308 面:19×26 公分(古典文獻研究轉刊 三編:第12 册)

ISBN:978-986-7128-62-1(精裝) ISBN:986-7128-62-1(精裝)

1. 書經 - 研究及考訂

621.117

95015556



古典文獻研究輯刊

三 編 第十二冊

ISBN: 978-986-7128-62-1

ISBN: 986-7128-62-1

宋代尚書學案(中)

作 者 蔡根祥

主 編 潘美月 杜潔祥

企劃出版 北京大學文化資源研究中心

出 版 花木蘭文化出版社

發 行 所 花木蘭文化出版社

發 行 人 高小娟

聯絡地址 台北縣永和市中正路五九五號七樓之三

電話:02-2923-1455/傳真:02-2923-1452

電子信箱 sut81518@ms59.hinet.net

初 版 2006年9月

定 億 三編30冊(新菜)新台幣46,500元

版權所有・請勿翻印

宋代尚書學案(中)

蔡根祥 著

	上 冊 自 序
M	第一編 緒 論
HU	第一章 導 言 3
	第二章 宋代學術概說9
	第一節 宋代學術發展之條件9
目	第二節 宋代學術風氣之演變 16
	第三節 宋代尚書學概說25
	第二編 北宋尚書學案 39
	第一章 恕先尚書學案 郭忠怒41
入 為	第二章 安定尚書學案 胡瑗 47
錄	第三章
•	第一節 歐陽修
	第二節 劉 敞 70
	第三節 廖 偁
	第四節 曾 鞏
	第四章 荊公尚書學案
	第一節 王安石
	第二節 張 綱
	第五章 伊川尚書學案 程頤
	第六章 范、文尚書學案
	第二節 文彦博
	第七章 三蘇尚書學案
	第一節 蘇 洵
	第二節 蘇 軾
	第三節 蘇 轍
	第八章 晁、吳尚書學案
	第一節 晁說之
	第二節 吳 棫224
	中冊
	第三編 南宋尚書學案239
	第一章 五峰尚書學案 胡宏
	第二章 艮齋尚書學案
	第一節 薛季宣
	第二節 黃 度 279
	第三章 横浦尚書學案 293
	第一節 張九成
	第二節 史 浩 315

第四章 少	>穎尚書學案	335
第一節	林之奇	
第二節	夏 僎	372
第五章 東	ē萊尚書學案 ····································	393
第一節	呂祖謙	
第二節	傅 寅	
第三節	陳 經	425
第四節	魏了翁	447
第五節	胡士行	
第六章 程	民尚書學案 程大昌	467
	艺、鄭尚書學案 ····································	
第一節	范 浚	
第二節	鄭伯熊	
第八章 象	如門人尚書學案	4 9 9
第一節	楊 簡	
第二節	袁 燮	
第三節	錢 時	
下 冊		
第九章 晦	事翁尚書學案	547
第一節	朱 熹	
第二節	蔡 沈	
第三節	陳大猷	
	·····································	
第一節	王 柏	
第二節	金履祥	
第十一章	西山尚書學案	
第一節	真德秀	
第二節	王應麟	
第十二章	項氏尚書學案 項安世	
第十三章	趙、史尚書學案	
第一節	趙善湘	787
第二節	史堯弼	
	張、章、陳、黃尚書學案	795
第一節	張文伯	795
	章如愚	
第三節	陳振孫	
第四節	黃 倫	
	結論	
	пы ыпи =	
		,

第一章 五峰尚書學案

胡宏

一、生平事略

胡宏,字仁仲,武夷胡安國之季子也。自幼志于大道;父安國從程門謝上蔡、楊龜山、游定夫遊,得事楊時之門,又師事侯仲良于荊門,而卒傳其父之學。初以蔭補右承務郎,不調;秦檜當國,意欲用之,宏作書止敘契好而已,書辭甚厲;人問之,宏曰;正恐其召,故示之以不可召之端。止請爲嶽麓書院山長,蟬蛻于權利之外。優遊於衡山下二十餘年,玩心神明,不舍晝夜,學者稱之曰「五峰先生」。張栻師事之。秦檜死,被召,以疾辭。紹興間嘗上書論高宗不圖拯徽、欽二帝之辱曰:「昔舜以匹夫爲天子,瞽瞍以匹夫爲天子父,受天下之養,豈不足於窮約哉,而瞽瞍猶不悅;自常情觀之,舜可以免矣,而舜蹙然有憂之,舉天下之大,無足以解其憂者。徽宗皇帝身享天下之奉幾三十年,欽宗皇帝生於深宮,享乘輿之次,以至爲帝,一旦劫於讎敵,遠適窮荒。……願陛下加兵敵國,心目睽睽,猶饑渴之於飲食。」其強志敢諫如此。紹興三十二年,卒于家,年五十七。著有知言;張栻謂其言約而義精,乃道學之樞要,制治之龜蓍也。又有五峰集五卷,皇王大紀八十卷(註1)。

二、尚書學之著述與著錄

胡宏於尚書一經,無專門之著述;然警作皇王大紀八十卷,採邵雍皇極經世之編年,博採經傳而附以論斷 [註 2]。其中採尚書全本,分附各年之下,並時加考證

⁽註 1) 參見五峰集前附四庫提要;宋元學案卷四二五峰學業,總頁 776;宋史儒林傳本傳;宋人傳記資料索引册二,總頁 1558。

[[]註 2] 參見皇王大紀前附四庫提要頁 11。

議論馬。五峰集中有皇王大紀論一卷,即輯其論證而成帙也。其論尚書諸說,朱熹 甚採之,而曰:

康誥、酒酷是武王命康叔之詞,非成王也。故五峰編此書於皇王大紀, 不屬成王而載於武王紀也[註3]。

全祖望嘗稱五峰胡氏曰:

中興諸儒所造,莫出五峰之上,其所作知言,東萊以爲過于正蒙,卒 開湖湘乙學統、1224.。

以此見胡宏之學,雖非專注於尚書一經,然其尚書之論說,影響後世,亦有可觀者焉。

:、胡宏之尚書學

(一) 胡宏尚書學之淵源與特色

胡宏嘗從楊時學,楊時受學於程伊川,得義理之正傳,又嘗駁王安石三經新義, 著三經義辨,其中尚書一經在焉。胡宏論學,甚鄙介甫,或楊時有以教之之故也。 胡宏評王安石云:

军當以天下自任,故王者內雙嬪婦敵於后,外寵庶孽齊於嫡,宴遊無度,衣服無章、賜予無節,法度之廢,將自此始,雖在內廷,爲军宰者, 真當任其責者。……王安石以爲皆統於冢宰,則王所以治內,可謂至公而 盡正矣。夫順理而無阿私之謂公,由理而無邪曲之謂正、脩身以齊家,此 王者治國平天下之定理所自盡心者。苟身不能齊家,而以付之冢宰、爲王 也,悖理莫甚焉,又可謂之公正平!噫!安石真姦人哉(至5.!

按王安石於經,獨好周禮,以爲其理財者居半、註 6.,故三經新義中之周官新義, 介甫親自執筆;胡宏則以爲周禮乃劉歆所僞作,爲亂臣賊予僞妄之書,而於介甫多 所評議。其言曰:

王安石乃酷好亂臣賊子偽妄之書,而廢大聖垂老筆削之經,棄恭儉而 崇汰侈,舍仁義而營貨財,不數十年,夷戒亂華,首足易位,塗炭天下, 未知終始,原禍亂之本,乃在於是。嗚呼!悲夫,有天下者尚監之哉 註7.! 胡氏之於介甫如是鄙夷,或因楊時而來,則其尚書之說,亦或有取於楊時也。今楊

[、]註 3, 見朱子語類七十九,總頁 254。

註 4, 見宋元學卷四二五峰學案,總頁 776。

註 5 見皇王大紀卷十九,頁18。此下省稱大紀。

註 6) 參見林之奇尚書全解卷三六,頁 14 引王氏之言。

註 7. 見大紀卷十九,頁 23。

時尚書義辦已佚,然龜山語錄或記其論舜之事曰:

問象日以殺舜爲事,而舜終不爲所殺,何也?曰:堯在上,天下豈容 有殺兄者乎!此語自是萬章所傳之謬 註8 。

胡宏亦論此事曰:

象日以殺舜爲事,固非在妻二女之後,此萬章之失也、至9)。 1.者皆以爲萬章之言不可信也。則「者之尚書說義相關,可見一斑。

宋史云胡宏卒傳父學。考胡安國與程門三傑游,嘗謂「三先生義兼師友,然吾之自得於遺書者爲多、註 10 。」是其學近程門也,胡宏改武成,其文與程頤改本全同,亦足以證之。胡安國著有春秋傳,資治通鑑舉要補遺,是長於史學者也。胡宏亦重春秋,其皇王大紀之作,亦有繼其父志之意;其大紀序云:

我先人上稽天運,下察人事,述孔子,承先聖之志,作春秋傳,爲大 君開爲仁之方,深切著明,配天無極者也。愚承先人之業,輒不自量,研 精經典,泛觀史傳,……事有近似古先而實怪誕鄙悖者,則裁之削之;事 有近似後世而不害於道義者,咸詳而著之。……史之有經,猶身之肢體有 脉絡也,易、詩、書、春秋,所謂經也;經之有史,猶身之脈絡附肢體也 、註、,,。

按胡宏大紀之作·乃承父學·E以經、史相輔之意也。

(二) 疑經改經

胡宏以史家之學,釐折經典,各依時代分隸,以明歷代統緒,故必求精考經文之所屬朝代君主,以免統緒淆亂,張冠李戴也。復又考究經文所記典章制度,有不合者,亦必求是正之。以是之故,胡宏之於尚書,有易其篇次順序以求合時代之先後者,有故易經文章句以符禮儀典制者,有疑經文闕誤而未敢輕易者。茲列述如次:

1、疑 經

(1) 疑經文有錯簡、闕文

舜典「在璇璣玉衡」,以齊七政,肆類于上帝,禋于六宗,望于山川,徧于群神」, 胡宏疑其中有闞文及錯簡也。其言曰:

肆類于上帝,禮于六宗,此闕文失其次者也。其文宜曰:受終于文祖, 禮於六宗,在璇璣玉衡,以齊也政,肆類于上帝,宜于家土,望于山川。

[[]註 8 見龜山語錄卷一,頁18。

[[]註9 見大紀四,頁]。

[[]註10] 見宋元學案卷三四武夷學案,總頁671,全祖望引其言。

[「]註11 見大紀前附胡宏自序,頁3。

書經焚毀,伏生耄矣,口授于人,故多闕失也。國有大事,必既告諸祖禰, 然後告于天地,以及群臣,此禮之常也,故有以六宗爲三昭三穆,學者多從其說 註12 。

按孔安國以六宗爲四時、寒暑、日、月、星、水旱,胡宏以爲此六者當屬之天神,經文前既言「類于上帝」,則此六者必在其中矣。故主六宗爲 [昭]穆,用晉張髦之說,胡宏之所以疑此有錯簡者,蓋前文既已言「受終于文祖」,則依常禮當並祭 [昭]穆之祖禰,故主六宗爲 [昭]穆,謂當連言於「文祖」之下,始合禮制。考胡氏此一說,乃因東坡之言而起應也。蘇軾書傳評「六宗」作「『昭]穆」之說曰:

晉張髦以為三昭三穆,學者多從其說。然以書考之,受終之初,既有事于文祖,其勢必及餘廟,豈有獨祭文祖于齊七政之前,而別祭餘廟于類上帝之後者乎!以此推之,則齊七政之後,所祭皆天神,非人鬼矣 [21]]。 按東坡以爲以禮論之,受終文祖必及餘廟,而六宗在類上帝之後,必非三昭三穆,而胡氏亦因於東坡之禮論,然以爲六宗之說爲是,遂創失位之議;夫如是,則受終文祖之後,即繼之以六宗三昭三穆,於禮無不合矣,東坡所評亦無著也已。

胡宏非獨疑經文失位,亦疑其中有關文,蓋告祖禰之後,必及天地,今經文有「類土上帝」,是祭天也,而不及地者,於禮亦有缺焉,是以胡宏疑經文應有「宜于 冢上」一句,以明祭地之義;而經文不見祭地,是有關文也。胡氏論加「宜于冢土」一句,而引文未加;疑其經文本亦如其論說,如此則非疑經而爲改經、補經矣。詳見改經條下。

(2) 疑經文錯字

泰誓序云:「惟十有一年,武王伐殷。」經文則曰:「惟十有三年春,大會于孟津。」是序文與經文有不相合處,孔傳遂倡觀兵之說,以爲上一年觀兵,十三年復伐紂也。胡宏不信孔傳觀兵之說,以爲觀兵者則其事君不能道義以爲本,故其論十一年,乃武王之十一年,非承文王九年大統未集之數也。遂論曰:

泰誓敘曰十有一年,經曰十二年者,三之文誤也。曷爲知其然,以皇極經世知之 註 14, 。

按胡宏此說,乃宗歐陽修泰誓論也。胡宏以「三」字誤,乃根據邵雍皇極經世之曆; 然程頤以爲一字爲誤,蓋洪範有十有三祀之言,武王克殷之後,必立訪問箕子,若 泰誓伐殷乃在十一年,則訪箕子在二年之後,於理不當如此,故據洪範以十三爲止

註12 見大紀卷四,頁5

[、]註13 見東坡書傳卷二,頁4。

驻14, 見大紀卷十一, 頁4。

也 註 n 。胡氏不用程子之說,而取邵雍之曆,蓋皇王大紀之體例,自堯以下遵用 皇極經世之曆,或以是故以十一年爲下。

2、改 經

(1) 改經文之錯簡

甲、改易多士、多方兩篇之錯簡

胡宏以爲多上與多方,文句、內容、稱謂皆頗有相似,故伏生口授於人時,文 失其次。其論曰:

多士今爾又曰夏迪簡在王庭,有服在百僚,予一人惟聽用德,宜在瑜小子乃興從爾遷之下,多万克喝于乃邑,謀介爾乃自時洛邑,尚水力畋爾田,天惟畀矜爾,我有周惟其大介實爾,迪簡在王庭,尚爾事,有服在大僚;宜在多士予一人惟聽用德之下,而殷革夏命,宜與肆予敢求爾于天邑商相屬也。至16。

按考胡氏皇王大紀引多士、多方之文,多方文中「克閱于乃邑」一段不見,而見於多士篇中,而前所述改動處,亦一實現於多士、多方篇中,唯多」「殷華夏命」與「肆予敢求爾于天邑商」之間,又有「今爾又曰」一段文節,是多士篇中有兩「今爾又曰」之文,此或傳鈔之時,依經文原本誤鈔入其中也。又按此段論說中云「宜在」,於引文中即有改易之事,而前一節疑經錯簡、闕文一段,所論堯典之文,亦曰「宜曰」,而引文中無改易之事;今以此段察之,或胡氏原本即有改易補綴,而鈔錄者順原來經文鈔入而忽其論說,故引文不能與其論說相配合也。然此僅以理推之,別無佐證,姑以疑經目之,以俟後來。

乙、改武成錯簡

胡宏於皇王大紀中所引武成之文,與孔傳本不同,蓋經胡氏改易矣。胡宏於改武 成並無論說言之,或以武成之篇,自孟子云取其二二策,而後世遂多疑其文。有宋以 來,若王安石、程頤先有改本,胡宏修皇王大紀,亦有改易。今考其所引武成篇文句 段落,與程頤所改本完全相同,蓋胡宏之學,乃繼其父所學,而其父胡安國雖不及程 伊川之門,然與楊時、謝良佐、游酢皆有交游,並嘗言己學自得於程氏遺書,是私淑 程門者也;胡宏承父學,故亦多宗伊江之說也。茲述其改本段落順序如后:

自惟一月壬辰旁死魄,……于征伐商接底商之罪, .. 恭天成命,次

[、]註.5 參見董鼎書集傳輯錄纂註卷四·頁18 洪笆「惟十三年王訪于箕子」下輯錄引伊川說。 又问書卷四,頁1、2泰誓「惟十有三年春,大會孟津」下輯錄引格言與此說问,而 未明言爲伊川說者。

註16 見大紀卷十七,頁5、6。

接惟爾有神,……一戒衣天下大定接釋箕子之囚, . .. 而萬姓悅服,再接厥四月哉生明,……子小子其承厥志接肆予東征,……用附我大邑周,末接乃反商政,政由舊接列爵惟五, ... 垂拱而天下治 註 17)。

丙、改康誥經文

孔傳本康誥「非汝封又曰劓則人。無或劓則人」,胡氏大紀作「又曰非汝封劓則人,無或劓則人 註 18)」,蓋與王安石之新經說同也 註 19 。

(2) 改經文篇次之順序

胡宏以考史之意考尚書,分釐書篇以隸其時,以爲上古聖王之史記,故每詳考 各篇之年代。胡氏所考於書篇之順序,有異於書序者焉。其言曰:

孔子定書,必有先後之義,經秦焚燬,聖人之意不可盡見;愚詳考經 文,禹當堯時別九州,平水土,而載之於夏書之首者,此夏后氏之所以王 天下也。今雖以載於帝堯之時,讀者探本索原,固未失聖人之意矣。高宗 惟傅説之言是聽,殷所以衰而復興,禮所以廢而復起;黷于祭祀,其初年 時事也,若不能改,致有肜日之異、又何以爲高宗,故今戴肜日之訓於説 命之前,以不沒高宗改過從善,致中興之實也。康誥敘曰:成王既伐管叔 蔡叔,以殷餘民封康叔:謹按康叔者,成王之叔父也,不應稱之曰朕其弟; 成王者、康叔之猶子也、不應稱曰乃寡兄;其曰兄曰弟者、蓋武王命康叔 之辭也,故史記武王封康叔於衛;且康叔,文王之子,叔偉,成王之弟也, 周公東征,叔虞已得封於唐,王命歸周公于東,豈有康叔得封反在唐叔之 後者乎!故不得不捨書敍而從經史也。周公征三年而歸,明年奉王東伐淮 夷、遂踐奋、還歸于豐而作多方、及營洛邑、成周成、反政于王、分政東 郊而作多士,以多士在多方之前,既無大義,而時不可逆,是以正之也…… 周公不見知于成王,所以敢將兵居外者,恃召父爲保爾、不然,周公其可 離成王左右乎!故君奭之作,在元年,而不在亂定之後也。以無逸繫於周 公將沒者、考於君奭、立政、洛誥諸篇,周公於成王皆有沖孺幼小之稱, 而無逸獨無,故知其爲最後也 註20 。

茲以此論與皇王大紀所引尚書之文對校, 者有所出入,且亦有改易而未言及者, 茲復補述考校如后:

[·] 註 17, 參見胡氏大紀卷十一, 頁 1 引武成篇文。

[、]註 18〕 見大紀卷十二,頁7。

[[]註19 參見程元敏先生著三經新義輯考彙評 一 尚書,總頁 156 引, 佚之及評,

[[]註20] 見大紀卷二十,頁2、3。

甲、禹 貢

胡氏置禹貢於堯典、舜典之間、蓋以禹之治水告成、在堯時、舜未即位之前也。 尚書序本置於夏書之首、蓋因大禹以是功而受禪故也、皇王大紀以史爲經、故易置 之、以所持基準有異也。

乙、大禹謨、益稷、皋陶謨

書序以此三篇共一序曰:「皐陶矢厥謨,禹成厥功,帝舜申之,作大禹、皐陶謨、益稷。」東漢馬融、鄭玄所見尚書之本,皋陶謨、益稷本合爲一,而另有「棄稷」篇;宋代學者若蘇軾亦以爲「伏生以益稷合于皋陶謨有以也(計21)。」林之奇則曰:「益稷帝曰來禹汝亦昌言而下,實與臯謨思曰贊贊襄哉之文相接,則伏生之書,合而爲一者是也(註22)。」是論此二篇,皆以益稷接皋陶謨之後,然胡宏皇王大紀則以太禹謨與益稷釐析分合,字句相接而成文,置諸皋陶謨之前,此其與其他諸儒之說大異也。其釐析分合之狀如下:

自大禹謨曰若稽古大禹。…·無怠無荒,四夷來王接益稷帝曰來禹, 汝亦昌言……方施象刑,惟明接大禹謨禹曰於帝念哉…·萬世永賴,時 乃功接益稷變曰:於予擊右枘可……帝拜曰:俞!往欽哉[註23]。

又於舜即位三十三載下引大禹謨「帝曰格汝禹……七旬有苗格」,是胡氏以爲大禹謨 非一時之言,而益稷之文隸於舜即位之初也。胡氏隸皐陶謨於夏大禹之元載而不在 虞朝,則其以爲益稷屬虞書而臯陶謨反在夏書矣。

丙、高宗肜日

胡氏論以爲高宗形日,豐過於禰,乃初年事,其後改過精誠,道德發越,遂能 夢寶良弼,既得傅說而言聽計從,何復有黷於祭祀之事哉!故高宗肜日之文,其次 當在說命三篇之前。今考大紀卷九,商高宗三祀下,先引說命三篇而次接以高宗肜 日,與其論說義不相配合,此或傳鈔者之誤置也;若依胡氏之說,則高宗肜日篇次 當先於說命也 註 24.。

丁、西伯戡黎

孔傳以西伯戡黎歸於文王,次於微子篇之上;胡宏則以爲西伯乃指武王,而其次仍在微子之前。其言曰:

先儒以爲此言文王者也,及觀下武:媚茲一人,應俟順德。及矢於牧

[[]註21] 見東坡書傳卷四,頁1。

[[]註22] 見林氏金解卷六,頁1。

[[]註23 參見大紀卷四·頁7~1。

[〔]註24 參見大紀卷九,頁2王5。

野維予侯興之辭,然後知孔子概以周爲言者;方紂天命未絕,武王固盡臣禮,繩其祖武,嗣服西伯,媚于天子,如文王云時矣 程 251。 按胡氏以紂之 . | 四祀爲周伯發元年,而西伯戡黎隸於紂 十二祀之下,是其時西伯乃武王也。

戊、康誥、酒誥、梓材

孔傳書序以此三篇歸於成王,故其次在大誥、徴子之命后,胡氏既考康誥有「朕 其弟」、「乃寡兄」之語,定爲武王時書,而酒誥、梓材隨之,蓋三篇於書序中即同 序,而其文辭亦多相近故也;是以三篇同次在武成之後,洪範之前。

己、君奭、無逸

君奭之篇,書序云「召公爲保,周公爲師,相成王,爲左右,召公不悅,周公作君奭」,未言作於何時,然以其內容文辭察之,其曰「迪惟前人光,施於我冲子」,又以殷之諸帝有賢臣之助,文、武亦有大臣承弼,可見成王此時當已親掌政事矣,故孔傳本序於無逸之後。史記燕世家載此事在成王幼,周公立政,因踐祚之時,是在大誥、召誥、洛誥之前也。孔穎達則曰:「周公攝王政,不宜復列於臣位,是以召公不悅。」是以爲在還政之後,與書序原次相同。王安石則以爲習文武至治之後,則難爲繼,且成王非有過人之聰明,如是而任師保之位以輔弼者難矣,是其說雖不同於孔疏,而次亦在還政之後,并26。胡宏則以爲周公東征四國,將兵居外,而不虞朝廷生變者,蓋內有召公輔持故也,而君奭之篇,正周公用以堅召公奭之心者也,故其次序當在人誥之前也。而無逸篇以其內無冲孺幼小之稱,是成王已親政甚久且長也矣,故列於周公誥辭之最未。

庚、旅 獒

旅獎篇孔傳本書序次於洪範之後,金縢之前、蓋以爲武王時書也。胡氏大紀則次於金騰、君奭之後,大誥之前,而未有論之者。以意推之,武王勝殷殺紂、天卜初定,內治未修則遠方不來,朝貢不至;及武王崩,周公繼文武之治而益張皇之,內既得召公之留佐,在宗室又能安撫之,三監之流言斯時未出,大下太平,故宜遠方來獻也。胡氏於君奭之後引記曰:

註25) 見大紀卷十,頁6。

註26、參見註 19 程先生書,總頁 191 。

註 27、見大紀卷十四,頁4,

是其意以爲周公既攝政事而朝內外大治,故遠方西旅始來獻獒也。

辛、立 政

胡宏係立政于成 E四年而無說。金履祥通鑑前編述其意曰:「立政之書,前儒以 其誤次諸篇之後,謂是周公告君之絕筆,非也。此亦初年之書也,故其官名與今周 禮未盡合,蓋猶舊制也。至稱語爾戎兵,蓋其時東征未盡奠也,故胡氏大紀係立政 於四年。」 1註 28

壬、費 誓

孔傳本書序,列費誓於文侯之命後,秦誓之前;孔傳曰:「諸侯之事而連帝王, 孔子序書,以魯有治戎征討之備,秦有悔過自誓之戒,足爲世法,故錄以備王事, 猶詩錄商、魯之頌。」是以爲書序之次以義而非以時也。孔穎達正義曰:「魯侯伯禽 於成王即政元年始就封於魯,居曲阜之地,於時徐州之戎,淮浦之夷並起爲寇於魯, 東郊之門,不敢開闢,魯侯時爲方伯,率諸侯征之 註 291。」是其時則在成王即政 之元年或稍後也。考書序有成王政、將蒲姑二篇,序曰:「成王東伐淮夷,遂踐奄, 作成王政;成王既踐奄,將遷其君於蒲姑,周公告召公,作將蒲姑。」是成王嘗親 征淮夷,踐奄,則成王既已即政矣,故其次在洛誥、多士、無逸、君爽之後,多方 與孔疏之說此相合。蘇東坡亦以爲費誓與成王東征淮夷同時也「註 301。

胡宏大紀則次費誓於君陳之後、顧命、康 E 之誥之前者,其意或以爲若以時論, 則費誓之事在成王時,若以人論,則伯禽乃諸侯耳,不得屬列於天子事中,故列於 成 E 將末,新君未立之前,以見君臣之義,及史事之時也;此猶史遷立孔子世家而 列在諸世家之末也。

茲以胡宏皇 E 大紀所列尚書各篇之次與孔傳本之次序,列表如后:

註28. 見通鑑前編卷七、頁42 金履祥按語。

[、]紅29 見尚書正義卷二十,頁6。

[、]紅30 戊見東坡書傳卷二十,頁3。

f L	孔傳本 皇		上大紀			時	代			
			篇			朝	代	帝	君	備註
篇 欠	篇	名 	次	篇 往	名 f	[傳	大 紀	孔傳	大紀	110
1		典	1	堯	典			堯	堯	
2	舜	典	2	禹	貢	虞	唐	堯舜		人紀以時爲序,故禹賈置在堯時。
3	人禹	謨	3	舜	典	書				P
4	皐 陶	漠	4	大禹	謨		虞	舜	舜	大紀列有大禹謨、益稷二篇名,然 其中有分合釐析,混爲相連之文。
5	益	稷	5	益	稷					長中月万百厘州、此局相連之 关。
							虞			
6	禹	貢	6	阜 陶	謨			堯	舜	大紀皐陶謨入夏禹紀,然用以補記 禹即位前事,以見禹之謨之功。
7	甘	誓	7	11	誓	夏		啓	- 啓	
0	7. 2.	L of		T	. = 4	書	夏	太	太	
8	ħſκ	乙歌	8	五子之	歌	Ħ	<i>3</i> 4.	康	康	
				1				伸	仲	
9	胤	征	9	胤	征			康	康	
10		誓	10	楊	誓	1		楊	湯	
11	仲虺。	乙誥	11	仲虺之	譜					
12	楊	誥	12	傷	諧					
13	伊	割	13	伊	割.[
14	太甲	上	14	太甲	_			茶	太	
15	太甲	पीर	15	人甲	中	ľ				
16	太甲	下	16	人田	F	ste.				
17	咸有	德	17	咸有一	·德	商	商			
. გ	盤庚		18	盤庚	r.	中	[12]	盤	áЮ	
19	盤庚	中	19	盤度		-			盤	
20	盤庚	下	20	盤庚	F			庚	庚	
21	説 命	ŀ	21	高宗肜				高	高	
22	說命	中	22	說命	Ł			ied	IFU	
23	說命	F	23	說命	中			宗	示	
24	高宗朋	5日	24	說命	<u></u>					

25	西伯戡黎	25	西伯戡黎	商	商	絅	終	孔傳以西伯戡黎爲 ± E時・大紀則 以爲乃武 E也
26	微子	26	微子	書				
21	泰 誓 r.	27	泰警上					
28	泰警中	28	泰誓中					
29	泰警下	29	泰警下			成		
30	牧誓	30	牧誓			III.	Es.	
31	武 成	131	武 成			£	成	
32	洪 範	32	康 誥				F	
33	旅奏	33	酒 誥					大紀康誥、酒誥、梓材三篇入武王
34.	金 騰	34	梓 材			成王成五		時事一
35	大	35	供 範					
36	微子之命	36	金 縢				武王 成王	1
37	康	37	君 奭					大紀以爲君奭乃成 E初年之事。
38	酒 誥	38	旅整					大紀旅獒列在成王初年。
39	梓材	39	人 踏	周				
40	召 諮	40	微子之命					
41	洛 誥	41	立 政	1	周			
42	多口	42	多方	書		成		 大紀多方列在營洛之前・周公東征 之後。
43	無逸	43	召 浩			£	成	
44	君 爽	44	格 譜					
45	蔡仰之命	45	多上				-E	
46	多方	46	蔡仲之命					
47	立立政	47	周官					
48	周 官	48	無逸					大紀以爲無逸乃周公之未命也。
49	君 陳	49	君 陳					
50	顧命	50	費 誓					大紀以費誓爲成 E時·與孔傳同;
51	康王之誥	51	顧命			康		然以時則在成王,以人則在諸侯之 列,故次於成王舜之前以見義。
52	畢 命	52.	康王之誥			E	康	
53	君 牙	53	畢 命			穆	E	
54	冏 命	54	君 分			E E	穆	
55	呂 刑	55	冏 命			I	E	

56.	文侯之	命	56	呂	# j			平 <u>E</u>	穆 王	
57	費	誓	57	文侯。	之命	743	咼	成 E	4 E	孔傳以費督泰誓及諸侯之事,故欠 於末,大紀以時之。
58	秦	誓	58	 	哲	書		襄 王	襄 王	先後爲之・故次費誓於成 E時、

(三) 胡宏尚書說之新義

胡宏雖長於史,然其史本乎經義,嘗曰:「經所傳者義也,史所載者事也;事有可疑,則棄事而取義可也;義有可疑,則假事以證義可也;若取事而忘義,則雖無經史可也 註 31 。」故其皇王大紀之作,非徒爲史,亦欲經史事義兼備也。而胡氏師承楊時,學宗伊川,乃義理學之正傳,其論經論史,亦每因而發義理之見焉;故大紀論八十餘條中,於尚書事常發新議。

1、論胤征義和非賢忠之臣

孔傳解胤征,以爲乃仲康命胤侯征羲和,蓋羲和沈湎於酒,廢時亂日故也。至 蘇軾倡爲異說,以爲羲和乃忠於夏而背於羿,其湎酒廢時以自污者,乃示其不遵羿 命而俟可爲之機也,是胤征乃亂臣賊子之書,孔子於胤征當無取焉。張九成用蘇說。 胡宏則不盡以爲然。其論曰:

夏商之事,缺失最多,雖聖人去取之思不可盡見,如胤侯征義和,以 其事考之,廢之可爾,何至興師;疑其黨於羿,欲假說託於正仗兵威以恐 動天下也。人臣當此之時,或內受顧託,或外掌蕃宣,則宜辨之於早,小 心翼翼,廣求鄰援,雖勝負不可必,行法以立命,則忠臣矣。今義和雖不 黨於羿,乃沈湎于酒,廢時亂日,自取滅亡,鳥得爲忠、聖人載之者,所 以爲後世戒也 至 32. °

按胡氏雖用蘇說,以爲胤侯黨於羿,而以兵威亂天下,是軍命由羿出而非仲康矣; 然彼以爲羲和亦不足以言忠,蓋忠賢自處有道,非徒自汙以避人耳目。孔子曰:「邦 有道,危言危行,邦無道,危行言遜 計331。」今羲和雖遜而其行不危,處事無慮, 自速禍患,非可以忠臣稱之也。

[「]註31 見大紀卷七,頁14。

E 32 , 見大紀卷五·頁 12、13。

五33 見論語憲問篇第三章。

2、太甲繼成湯,乃立嫡之義

書序曰:「成場既沒,太甲元年,伊尹作伊訓。」孔傳云:「太丁未立而卒, 及楊沒而太甲立。」孔穎達疏與傳同。然史記殷本紀云:「湯崩,太子太丁未立而 卒,於是乃立太丁之弟外內,三年崩,別立外內之弟仲壬,四年崩,伊尹乃立太 丁之子太甲。」胡氏則以爲此乃成湯立嫡之義;其言曰:

二帝官天下,定於與賢,三家王天下,定於正嫡; 工嫡者,敬宗也; 敬宗者,尊祖者,所以親親也; 兄死弟及,不敬宗尊祖,本支亂而爭奪起 矣,豈親親之道哉!且成楊、伊尹,以元聖之德,戮力創王業,乃舍嫡孫 而五諸子,亂倫壞制,大開後嗣爭奪之端乎 3234)!

胡氏更以爲孔子乃殷後,其於先祖之事必明;且楊以下諸明君皆立子,惟盤庚立弟, 是立嫡爲常態也;仲丁以後立弟者多,殷是以亂,此立弟之不足取,而邵雍皇極經 世之書,亦無外丙、仲王之名;以此故胡氏不取史記之說也 註35 。

3、盤庚遷毫,非為水患,乃在新民

自來論盤庚之遷,皆以水患立論,涉河陟毫,蓋免於水患也。胡氏論之則不然。 其論曰:

盤庚之時,非有敵國外惠之虞,水火焚蕩之災也,其所以不安厥居, 而必遷者,自祖乙都取之後,三世有兄弟爭奪之禍,宗族群下,各有黨與, 蕩析雜居,罔有定極;盤庚欲上名而誅罰之,則傷親親召變亂,聽其所爲 而從之,則不可以爲國:故必遷于亳、理之以舊制,參之以新民,肖散黨 與,使定于一也。自是而後、子弟更立十世,無復爭奪之禍矣。賢者所爲, 盡善盡美如此哉 紅 16 !

按胡氏以太甲之嫡之義,伸引以說盤庚之遷也 盤庚之所以遷,非因水患,而在重整家族,團結親戚,以免各樹黨羽,相互對立爭奪而亂國也,此新民之意,動亡忍性之謂也。故胡氏論盤庚一遷而有八善曰:

盤庚三篇有六善焉:以常舊服,正法度,一也;圖任舊人,二也,無 敢或伏小人之攸箴,三也;以人情事理反覆訓諭,開導民心,使之過曉無 纖毫恃高憑威勢之意,四也;奠厥攸居,始以無戲怠爲戒,五也,敘欽有 德有謀之人,而不肩好貨,六也。一舉而六善主,弭禍亂之根,此孔子所

[、]註 34 見大紀卷七·頁 12、13。

註351 參見前註。

註36. 見太紀卷八,頁16、17。

以取之副後世也 註 37 。

胡氏據此明孔子取盤庚之意也。並以爲盤庚三篇,往往恃神鬼立說,此乃聖人神道 設教之義,非商人尙鬼神也,雖 38。。

4、論顧命君不崩于私親之手

胡宏論顧命,以爲可見成 E成德也。胡氏論曰:

人多以爲成王中材之主也、以愚觀其臨終處斷大事,不動聲色,過人 遠甚,然後知周公所以教之者至,而成王進德之勇也。……古者聖賢之君, 以死生爲常,故不與怛化,小人大命未終,妻子巳環而泣之者周也。以大 臣爲腹心,故公其子而不與之私,重輔弼也:以天下爲家,故必終於正寢, 公卿百官受顧命,而不沒於妻子之手也,至 30 。

胡宏發此論議者,蓋爲後世之可思而效也。後世人君多牽滯於兒女私情,不任大臣 而私其子,於是有母后臨朝之顚制,外戚擅權之大患,閹寺狐鼠之深禍,此皆不明 成王顧命之大義也。

四、胡宏尚書學之評價及影響

全祖望於武夷學案云:「南渡昌明洛學之功,文定幾侔於龜山,蓋晦翁、南軒、 東萊,皆其再傳也 註401。」胡宏承其父學,其影響所及,非止一家一說也。全氏 又於五峰學案曰:

中興諸儒所造,莫出五峰之上,其所作知言,東萊以爲過于正蒙,卒 開樹湘之學統 至41 。

夫胡氏以其經、史、義理之學,著書立說,所作皇王大紀,雖爲史體,然經義見焉。 胡氏既以史考經,多詳加勘定,故其於經,有疑有故,而以經爲史,則又必考其時; 是胡氏尚書之學,考徵之功多而訓說之義鮮;後之學 E凡有以考據研經者,則多取 於胡氏。

朱子嘗稱胡氏考證康諧非成王時,乃武王時爲得其實 🚉 42 ; 蔡沈書傳亦以爲 康誥三篇當在金縢之前 註 43 。 E柏書疑亦稱五峰胡先生定康誥爲武王之書,大綱

^{31 37} 見大紀卷八,頁17。

註xx 可前註。

至19 見大紀卷二十·頁10、11。

註40 見宋元學案光三十四武夷學案,總頁671。

註411 見前書卷四二,總頁776。

新 42 月 註 3 ·

II 43 參見蔡沈書集傳卷四,總頁 137。

方見倫次 計442。而胡氏影響之最深者,莫過於金履祥。蓋金氏通鑑前篇,亦以經爲史,釐析書篇以見各朝聖君賢臣之事也。金氏於通鑑的編後序,明言「從胡氏大紀之例」,而其前編中亦多引胡氏之說,而經文篇次之序,亦與胡氏最相似。若胡宏置禹貢於堯時;置立政篇繫於成王四年;置多方篇於多土之前;言戡黎者乃西伯武王;次君奭於大誥之前;置費誓在成王時,雖位次相異而其意相同;序無逸在君陳之前,以爲周公未命;凡此等皆因胡宏而來也、註451。

歷來學者,多視皇王大紀爲史,而未以經義之變體視之,故所評皆就史學立論,與其尚書學無關,茲不贅述。

[[]註44, 參見書疑卷六, 頁 [、2。

註45, 參見本論文金履祥之尚書學淵原一節第五點。又可參金履祥尚書學中所列孔傳本、王柏、胡宏、金履祥四家書篇次序比較表。

第二章 艮齋尚書學案

第 節 薛季官

一、生平事略

薛季宣,字上龍,字上隆,號艮齋,永嘉人。六歲父徽言卒,伯父弼收鞠之。從弼宦遊,及見渡江諸老,聞中興經理大略,復從老校退卒語,得岳韓諸將兵事甚悉。年十七,從荊南帥孫汝翼群書寫機宜文字,獲事袁溉;溉嘗從程頤學,盡以其學校之,季官既得溉學,於古封建,井田、鄉遂,司馬法之制,靡不研究,講畫皆可行。金兵趨江,江准任者聞之、皆預繫馬以備逃遁,獨季宣留家,與民共守,民亦因自奮不亂。縣多盜,季宣患之,會有伍民之會,乃行保伍法,因地形便合為總、勸民輸財蠲身,亦習射武,縣遂大治。由是盜輒兵退而民心不搖。樞密使王炎薦於朝,未至為書謝上炎,以爲當今朝廷之計,莫若以仁義紀綱爲本,至於用兵,請俟十年之後可也。後江湖大旱流民北渡江邊,亳相廣允文白遺季宣行准西,收民以實濟,季宣至,爲整治原隰,授屋頒生及田器,民安定,共收民戶六百餘,較其他收官爲多。後復上言孝宗,以爲朝廷之中,左右近侍,每託正而行邪,爲直以售佞,並陰擠正十而陽稱道之、乃咎根所在。帝稱善,恨得之太晚;進兩官,除大理正,自是凡奏諸論薦,皆報可。後出知湖州;時朝廷頒行經總制,民不勝苛賦乃取,季宣言於朝、遂收前令,改知常州。乾道九年七月,未上任而至、年四十,益文憲。

季宣蒞事甚謹,博學精研,六經之外,史、地、兵刑至於隱書小說,靡不搜研, 不以百家故廢之,惟漢儒章句,小知穿鑿異端之徒,一切屛棄。著述甚豐,有占文 周易,詩書性情說,書占文訓,春秋經解、指要、論語直解、論語小學約說、浪語 集等 計1 。

1、尚書學之著述與著錄

薛季宣尚書之專著,有書占文訓十八卷。古文尚書十三卷,見錄於晁公武郡齋讀書志,宋志亦有古文尚書二卷,蓋十三卷含孔傳,二卷本止有經文。季宣即據之以作訓義,成十六卷。書古文訓不見著錄於宋志、郡齋讀書志及直齋書錄解題,唯朱熹嘗謂「薛上龍書解,其學問多於地名上有功夫」 tāt 2. ,呂祖謙東萊書說禹貞圖論中,亦數引其說 tāt 3 ;黃度書說,即傳薛氏之學。宋史本傳稱季宣於詩、書、春秋、中庸、入學、論語皆有訓義,藏於家;浪語集後有其姪孫薛師旦跋,亦云季宣之書,坊間罕見,或因是而宋代書錄多未著錄也。

薛季宣與陳傅良書曰:「書訓得刊其誤,尤所望者。……反占說囊聞已有傳本,後竄改亦不多,稿紙不精,脫爛不可將出,春秋敬納,得與書訓俱付象先,語以著畢,蚤尋端便見還,毋令污敗爲祝(註4。」以此可推知上龍書訓,本未刊行,唯有手稿。今書占文訓之傳刊,或即其兄子薛叔似象先鈔錄刊行數!是故流傳不廣, 黃倫尚書精義及引東萊書說,而所引薛氏四條,均不見於書占文訓,蓋亦另有他薛姓者,非季宣之書也。

經義考著錄其書,云「十六卷,存」(註5.) 內庫全書亦著錄,云爲內府藏本,然以其書以占文筆畫改爲今體,奇形怪態,不可辨識,較諸篆書之本,尤爲駭俗,其義訊亦無甚發明,故雖宋人舊帙,亦無取焉,是以僅有存目(註6.) 今其書刊入納蘭容若之通志堂經解中,仍爲十六卷,其第十六卷爲書序,蓋季宣既以占文是訓,而復古文之舊,故合書序於一篇,置於書末。

此外, 浪語集中, 有河圖洛書辦、皇極解各一篇 註 71, 可見其論洪範之說, 有助書訊之明; 浪語集中, 更有季宣據尚書史事而作之琴曲歌詞, 又有模擬尚書文句語氣內容而作之銘頌, 亦足見薛士龍醉心於古學, 尤得力於尚書也。

註] 參見宋史卷四百三十四儒林傳本傳,宋元學案卷五十二艮齊學案,浪語集後附陳傳 艮撰行狀,呂祖謙撰墓誌銘,宋人傳記資料索引。

註 2 見朱子語類卷七八尚書綱領,總頁1989。

⁽註 3 參見增修東萊書說前之禹頁圖說中。

註 4) 見浪語集卷廿四,頁 12、考陳傅良師事薛季宣,在乾道四年,季宣卒於乾道九年, 想此書信必於季宣晚年,其書尚未刊行可知。

註 5, 見經義考卷入一, 頁 8。

註 61 參見四庫總日提要卷十二,頁1經部書類存目一。

[[] at 7. 河圖洛書辦見浪語集卷廿七,頁8,皇極解見卷廿七,頁1。

三、薛季宣之尚書學

薛季宣少師事袁溉,傳河南程氏之學,尤得力於伊川易傳;晚復與朱子、呂祖謙等相往來,多所商摧;然朱子喜談心性,而季宣則兼重事功,所見微異;其後陳傳良、葉適等遞相祖述,而永嘉之學,遂自別爲 派。薛氏之學極博洽,爲學兼有體用,心性義理,以至小學考證,皆拳拳不捨;呂祖謙謂其「斷章缺簡,研索不遺,過故墟廢瓏,必驗其迹」 註 81 ,陳傅良謂「大抵以古人小學,神而明之,大學之道,傳遠說離……高淪虛無而卑者滯物,卒不合,合歸於一,是爲得之。讀其書,知其爲博之約 註9];可見薛氏之學,於小學之考證訓話,大學之心性義理,皆執之以爲說。薛士龍曰:

古人以小學副習童蒙,皆大學之具也。大學之道,但神而明之爾。小學之廢久矣,爲大學者失其心之地, 流於異數,不過空寂之歸;開物成務之功,宜無望於賢者,但令艮心不泯,天理豈外于人耶!反而永之。莫若存其大者,積小以成其大,是又不可忽也 註.0 。

小學既爲大學之具,然則文字聲韻之學,豈能置之而勿論乎!薛氏又曰:

古學在求其正,不當論出之後先,如惟前出之從,則書之古文,不若 漢世今又者矣 ´註...]。

季宣於書古文訓序中亦云:

隸古定書最古,孔氏文義,多本伙生之說,唐明皇帝更以正隸改定, 而俗儒承詔,文多踳駁,古文是訓,不勞乎是正之也。

占學既在求其正,而尚書以隸占定本最古,隸占定本復有上占小學之遺意,緣此以 行,庶幾得書之正矣。是以薛季宣取「古文尚書」作訓,蓋亦與其學術觀念相一致 也。今述其尚書之學如后:

(一) 書占文訓本占文尚書之來歷

尚書有今文、古文之異,其來久矣,其遞變之迹亦雜矣。尚書上古朝廷典章謨 誥之文,其最早而可信者,當推周書諸誥誓,顧其初成,自當以周代文字寫就,猶 鐘鼎銘文是也,故心爲古文;第周室衰落,禮崩樂壞,文獻散落,而士大夫之族, 亦有漸淪於下者,朝廷文典,遂流傳民間;至孔子序書,選爲教材,上斷自堯,下 迄秦穆,以授生徒,其書之文字,或因時殊世異,非復如其初,然亦必書以篆籍;

[「]註X、見艮語集後附呂祖謙撰慕誌銘。

註 9 見前書陳傅良撰行狀。

註.0 見前書卷廿二,頁17答石應之書。

註.. 見前書卷廿四,頁32答何車霖書三。

| 迄於戰國,周室實し,列國各日爲政,文字演變,亦每每稍異,有所謂八體,逮秦 减六國,統一天下,書同文,屯同軌,命李斯整理異體,制作小篆;復以好文者易 亂法,逐頒行禁書之令;然學者稱竊藏其書,若伏生、孔騰者是也 #12 。 遵定, 伏牛求其書上得二十九篇,以教於齊魯之間;漢文帝徵能尚書者,閒伏生能治之。 欲召,是時伏住年九上餘,老不能行,於是詔太常使堂故鼂錯往受,以意屬續,寫 以漢時隸書之體,是爲今文尙書、註:: 。 又伏生所授如歐陽生、張生者,亦以尙書 教於當時,其書亦必以漢隸書寫,自亦爲「今文」之本。漢武帝時,魯恭王欲廣其 宫室,壞孔子宅,因得占文尙書及禮記、論語、孝經等凡數上篇,皆占文也。孔子 之後孔安國者、悉得其書、以今生讚之、因以起其家、其書以隸書之體寫古文之形, 故謂之隸占定本;其文字之體及文句與伏生所傳今文本異,謂之占文,然其篇目則 與伏生所傳今文同也 計14.。今文之學,於遵行於朝廷,方爲博士之學;占文之學, 則流傳於民間學士,迄東漢尤盛。東漢末三國之時,鄭玄、王肅淆用古今文之學, 然隸占定本猶存。及唐,學者猶多見之,若陸德明、顏師古者,每每引之 註 5 ; 唐玄宗天寶三載,詔改隸占之體爲唐代楷體,遂爲今字本尚書,而舊本則仍藏王書 府 註161,此人尚書字體之一變也。逮宋開寶中,以陸德明所釋爲隸古定尚書,與 唐玄宗所定本駁異、令陳鄂刪定其文 1117 ,隸古定尚書遂不復行於世矣。

雖然,隸古定本古文,亦未嘗絕也。考宋代郭忠恕、晁公武、賈昌朝、王應麟等,皆有及之 註 18 ,從可知矣。然所謂隸古定本尚書,其內容究爲如何?而郭忠恕汗簡所引古文尚書字與隸古定本,有何關係?陸德明釋文所據与文尚書本,又是何模樣?薛季宣所據之古文本,與前述三者有何傳承之關係?皆須先考明之,始足明薛氏古文之來歷及內容。

今考敦煌有唐代釋文殘本堯典、舜典二篇, 又有大禹謨、禹貢、甘誓、五子之 歌、胤征、盤庚中、下, 說命上、中、下, 高宗肜日, 微子、泰誓中、下, 牧誓、

[「]缸12 史記儒林博日 「伏生者,齊南人也。

^{··} 秦時焚書,伏生壁藏之。」孔騰乙說,見經典釋文敘錄王引家語。一說爲孔惠, 人一說爲孔鮒。

[[]註] 參見史記鼂錯傳,論衡正說篇。

註 14 參見漢書藝文志,史記及漢書之儒林傳。

EE 15 陸德明尚書釋又敦煌殘本堯與舜典二篇,所引甚多。顧師古漢書注及匡繆正俗中屢引 之。

¹年16、參見册府元龜唐天寶三載事。

[、]年17 參見宋崇天總日。

⁽註 18) 郭忠恕宋史儒林傳本傳及汗簡、晁公武見郡齊讀書志。賈昌朝見其所著群經音辨卷七, 頁5。王應麟見图學紀聞卷二,有言及,

武成、蔡仲之命,多方、立政,顧命等篇,雖或全或殘,可藉以考見唐天寶以前之尚書文字。唐玄宗詔改尚書字,而釋文未改,終唐之世,至宋開寶始改之,然則郭煌本釋文殘本,足資考察唐天寶以前之尚書文字。

陸德明註典釋文條例云:「尚書之字,本爲隸占,既是隸寫占文,則不全爲占字; 今宋、齊舊本及徐、李等音所有占字,蓋亦無幾。穿鑿之徒,務欲立異,依傍字部, 改變經文,疑惑後生,不可承用。今既依舊爲音,其字有別禮則見之音內,然亦兼 采說文字詁,以字同異者也。」可知陸氏所見宋齊舊本,隸占之字本亦不多,而其 所據以釋文者,亦即是本。今考敦煌釋文殘本,有經字爲占文,而釋文曰「占泉字」; 有經文字與今字同,而釋文曰:「古文作某」者,茲列數例如下:

經文為古字者 經文為			古字者 經文同今字者			經文同今字者	
經 字	釋文	經 字	釋文	經 字	釋文	經 字	釋文
衰	占表字	聚	古文興字	格 占作敬		巡	占作徇
畯	占俊字	孚	古人子学	睦 占文作裔		柴	方文作褚
息	片德字	Æ	古齊字	冬	占文作與也	FE.	古文作態
先	古既字	Ê.	古割字	旬 占文作旬		殄	与文作 さ
貞氵	占變字	1	占裁字	₽.F	占作冒	徴	与文作数
ĶΈ	占燠字	奡	占傲字	<u>泽</u>	占作灝	奏	古文作教教
矿	占朞字			АŪ	古文作单		

以此可見陸德明所據舊本,確非全爲古文,與今文字同者亦多有,其所同者非無古文也,蓋原舊本如是,無庸以所知見古文替換改易也。所引「古作某」、「古文作某」 者,其字多見於說文,是陸氏亦依己所見於說文作古文者,以爲尚書之字,古文有 作如是者,非謂其所見有如是之本也。

至於郭忠恕所著汗簡,所引稱古文尚書字者四百餘之數,其中陸本釋文所據經文本作古字者,搜羅幾盡;而於釋文所引「古作某」之字,亦多列入,或忠恕據所見未改釋文本尚書,以釋文所引之古文確爲尚書古文,故一併列入汗簡中,非必其所見本即如是。日汗簡有以爲尚書古文,而釋文殘本中未見者;若「以親九族」,親, 汗簡作「親」,此陸氏未列,又不見於說文者,然秦嶧山碑「親巡」即作「親則」; 汗簡作「舞」;又若「宵中」之宵,汗簡作「哨」;「三仓」之危,汁簡作「品」,此字見王篇。就此察之,汁簡引稱古文尚書者,其字或即據所見舊本隸古定文字,復

加掇拾其他古代遺文,湊合而成。蓋郭氏嘗定古文尚書并釋文,且彼精博於尚書及古文字學,欲復古文尚書之舊,故有是作。其汗簡之書體,皆古文體,非隸寫古文,則其所定古文尚書,或以古文體寫成,而非隸寫古文之體也。

薛季宣所據尚書占文之本,薛序未言其所來自。考 E應鱗困學紀聞云:「宋景文筆記云:楊備得古文尚書釋文,讀之大喜,書訊刺字皆用古文。……今有古文尚書,呂微仲得本於宋次道、E仲至家。」晁公武郡齋讀書志云:「明皇不喜古文,改從今文,由是古文遂絕:陸德明獨存其一二於釋文而已。皇朝呂大防得本於宋次道, E仲至家,小較陸氏釋文,雖小有異同,而大體相類。」晁氏文曰:「予抵少城,作石經考異之餘,因得此古文全編於學官,乃延士張夏做呂氏所鏤本,書丹刻諸石」」宋史藝文志亦載有古文尚書二卷,賈昌朝群經音辨,亦嘗引用古文尚書。可見宋代學者,每能見此書;且晁公武謂其本與陸氏釋文本相去不遠,則當時所見之本,當即同陸氏所釋本,其有無參以郭忠恕之所定,則不可知。今以薛氏所據古文本與敦煌尚書及釋文殘本、汗簡,說文所引古文相較;則汗簡所引向書古文四百餘,去其重複,餘幾全見於薛本,汗簡所無而見於說文者,亦皆收入;敦煌尚書、釋文殘本所有古文經字及釋文所引古文,亦無不入其書中。茲分列數例見其一二:

1、見於汗簡、說文、敦煌殘本尚書及釋文者:

胃雍 時字。說文日部置占文時,汗簡日部引尚書同,敦煌經文本亦同。

- 象界 傲字。說文介部奡,嫚也,从有从介,亦聲。虞書曰:若丹朱奡,讀若 傲。汗簡白部引尚書亦同。敦煌發本釋文經字亦然。
- 既**緣** 睦字。說文目部**緣**占又睦,汗簡囧部引尙書字同,敦煌釋文殘本注云「占文作奣」。

2、見於汗簡敦煌本釋文而不見於說文者:

截於上下格字。汗簡戈部引尚書作茲。敦煌本釋文注云:「古作茲。」

於於 變字。汗簡多部引尚書作於。釋文殘本經字作彰,云「占變字」。敦煌字 形蓋有譌變,其實當同。

驩吺 兜字。汗簡口部引尚書作吺。敦煌本釋文經字作吺。

3、見於說文敦煌本,而不見於汗簡者:

堣夷 嵎字。說文上部堣字下註云:「堣夷在冀州陽谷,……从上禺聲;尚書曰: 宅堣夷。」說文山部又有作嵎銕者。敦煌釋文經字作嵎,注文闕不可考。

中學 多字。說文**久**部內、古文多从日。敦煌釋文經字作多,經云: 「古文作稟也。」 影言 靜字。說文多部:「影,清飾也,从多青聲。」釋文殘本經字作影,注云: 「古靜字。」

食作官刑 鞭字。說文革部令古文鞭。釋文殘本作令同。

4、見於說文而不見於汗簡、釋文殘本者:

鎮三苗 **蠶字。說文宁部:「竅、塞也,从**宁馭聲。讀若虞書曰竅「苗之竅。」

可起 徒字。說文辵部本作起,从辵上聲。

朱虝 虎字。說文虎部勵,古文虎。

車舩 服字。說文舟部「舩、古文服从人」。

有 字而用 體者:

予翻 聞字。說文耳部略古文聞。 玉篇作翻,同字形稍變。

5、不見於汗簡、說文、及敦煌殘本者:

乃愈 命字。唯薛本有此字,未見其他書。

日易 永字。集韻永,占作易。

可學 乎字。漢書楊雄傳:「超既離虖皇波。」顏師占曰:「虖,占乎字。」

帶錫 師字。杆簡市部引義雲章師作「帶」,與此同,然未言為尚書之字。隸 續載左傳石經遺字作帶,與此同。

又有**稀**字,即舜典「肆類」之肆字。汗簡彖部「��」字下云:「說文以爲虞書肆類 于上帝之肆,今古文尚書無之。」而薛本載之。

據上所列諸項察之,薛氏之本,實集說文、汗簡、釋文舊本,復徵引諸字書所引載古代遺文,若秦、漢碑、石經,摭合補綴而成,顧其所來自非一源,故薛氏未言其本之來歷也。蓋薛氏早年醉心於文字小學,其敘古文老子曰:「得郭忠恕所上孝經古文(計191。」可見於書古文訓之所本,其啓自郭忠恕者亦甚早也。羅振玉亦嘗以敦煌殘本顧命與薛本相校,而曰:「其隸古文同者僅七字,其不同者則三十有七字,疑辞書乃釆集諸家字書所引,而蓋以說文解字中之古文以成之,非衛氏改定以前之舊本,故不言所自出。不知即宋志所錄、晁氏所刻與?抑薛氏自寫定也?金壇段氏

^{[3119} 見浪語集卷三十。

謂薛書不可信,洵然矣 計 201。 ,羅氏之謂薛本乃集合奏成,其言是也。其引段 E 裁言以爲薛本不可信,蓋不可信其爲古文尚書原本是也;然薛氏所引,亦多有來歷, 其摭輯之工夫,自不可盡棄,且亦足以示其一家一學也。

(二) 書古文訓中之古文說義

四庫全書提要云:「季官此本,又以古文筆劃改爲今體,奇形怪態,不可辨識,……其訓義亦無甚發明……故雖宋人舊帙,今亦無取焉、註21 」似言薛氏之古文,於字體,訓義皆無足取者;然考之書古文訓,七龍既據尚書古文爲訓,除字體之異於今體外,其說義亦有據所謂古文者,自與今文異。漢書志謂劉向以中古文校今文、酒誥、召誥有脫簡,而文字異者七白餘字;是古今文字本有不同,而義訓亦異。今薛氏既據其古文本作訓,其訓義自亦有別於今本孔傳,非徒文字形體不同而已。若舜典命夔典樂曰:「帝曰…夔、命汝典樂、教胄子。」孔傳曰:「胄,長也。謂元子已下,至卿大夫子弟,以歌詩蹈之舞之,教長國子中和祗庸學友。」薛本則作:「帝曰:夔,女令樂,教育孚。」薛氏訓曰:

教育國子,領於典樂者,樂以和行者也。舜之命變,先教而後樂者,

教樂之本也。夫道不可強有,必自得之,樂以和行,欲其自得之也。 \$\delta 22 薛氏本作「育子」,訓作「教育國子」,與孔傳作「胄子」,釋曰「元子」者不同。按 說文太部曰:「育,養子使作善也,从太內聲。虞書曰:教育子。」是知薛本作「育 子」,蓋出於說文所引,許慎序云及見占文,則此「育子」爲占文尚書。釋文殘本作 「胄子」。惠棟曰:

爾雅曰:育,長也。與孔、馬问。周禮大司樂云:凡有道者、有德者 使教馬。鄭注云 若舜命變典樂、教育子。今周禮注仍作胄,非也、見釋 文。是鄭本尚書與說文同。馬融書傳云:胄,長也。育亦訓長,見爾雅, 字異義同:鄭注尚書從馬本,知馬本亦當作育 至23 。

馬、鄭所據,皆占文尚書,今本有作「胄」者,後人所改,惠棟之說誠是。然則薛氏本作「教育子」,乃占文尚書說,與孔傳本異。又禹貢「雲上夢作义」,孔傳曰:「雲夢之澤,在江南,其中有平止丘,水去可爲耕作畎畝之治。」考孔傳之本,依其文義,經文本當作「雲夢上作义」,雲與夢爲一澤。今薛氏本作「云上,义」,其訓曰:

註20 見羅振玉隸古文尚書願命殘本補考頁7。

[「]註21 見同註6。

E 22 見書古又副卷一·頁 17°

註23 見李遇孫尚書隸古定釋又卷二,頁12引。

雲中土出而夢澤安冶矣、至24 "

按夢溪筆談云:「舊尚書禹貢云:雲夢上作乂。太宗皇帝時,得占本尚書,作雲上夢作乂,詔改禹貢從占本。 (註 251] 阮元校勘記謂:「至宋初監本始倒土夢二字。」史記夏本紀作「雲夢上」,而索隱及所引韋昭說,皆作「雲上夢」,是知史記本亦作「雲土夢」,今本乃後人所改。司馬遷從學於孔安國,其說蓋亦古文尚書也。唐石經原作「雲上夢」,可知孔傳本本作「雲夢上」,至宋初始據古本改之,然孔傳文義未變也。薛氏則據「雲上夢作乂」爲訓,云「雲中上出,夢澤安治」,即其據古文本之訓也。又金縢「王有疾,弗豫」,孔傳云:「伐紂明年,武王有疾不悅豫。薛氏古文本曰:「王广叛。蹇念。」訓曰:

念,古愈字;有疾而不時愈。 註261

考說文心部曰:「念,忘也,噂也。从心余聲,周易曰:有疾不念,念,喜也。」釋文云:「本又作忬。忬,念當爲一字,皆從心部,予,余古同音。說文作「念」,或即壁中書有如是者。汗簡心部引尚書字亦作「念」,薛氏遂據作「念」,而訓作「愈」,其義訓較順。又顧命「一人憂執銳」,孔傳曰:「銳,矛屬。」薛氏本作「鈗」,訓曰「矛屬」,與孔傳義同。考說文金部鈗字曰:「侍臣所執兵也,从金允聲。周書曰:一人憂執鈗,讀若允。」是薛氏據說文作「鈗」也。作「鈗」之說,蘇東坡書傳早有之,其論曰:「銳當作鈗。說文曰…… 毫 27.」宋退賓錄曰:「今禮部韻尹字下有鈗字,注云:侍臣所執,書一人冕執鈗,古文尚書亦作鈗,不知承誤作銳自何時始也、註 28.。」孫星衍尚書今古文注疏曰:「銳,譌字也,當从說文作鈗 註 29.。」並以說文鈗與鉈、鏦,錟等字相次,而後三者皆予屬,而謂鈗亦當爲矛屬;其說蓋是也。然則薛氏據說文作「鈗」,斯亦有得。而梓材篇「至于屬婦」,孔傳曰:「存如妾婦。」薛本則作「至于媰婦」薛氏曰:

媰讀如芻。崔子玉說·惠于媰孀。許叔童說:媰,孕婦。小爾雅:媰, 妾婦之賤者。上言敬寡,則上說誤矣。民無相戕,至於戲寡媰賤,皆獲其 安治之至也 (₤ 30)。

考說文女部:「孎,婦妊身也,从女獨聲。周書曰:至于孎婦。」 則薛氏之本,蓋取

註24 見書古文訓卷三,頁1。

EE 25. 見沈括夢溪筆談四·頁5。

[、]証26、見書古文訓卷八,頁18。

註27 見東坡書傳卷十七,頁8。

註28,見退賓錄卷一,頁11。

註29,見皇清經解卷七百六十六,頁7。

EE 30〕見書古又訓卷九,頁18。

自說文。汗簡不見此「媰」字,但女部有「斂」字,釋作「射」,疑即此媰字。孫星 衍謂:「屬與媰聲之緩急,假借字。此孔壁古文。」屬之與媰,其音義之關係或如孫 星衍所言,然亦不詳可考,要之古文作「媰」則是也。薛氏既作「媰」,遂解「媰婦」 爲「妾婦之賤者」,而上文「敬寡」則解作「鰥寡」,與「媰婦」相對;其說與孔傳 以「敬養寡弱,存即妾婦」釋「敬寡」「屬婦」不同,亦是足薛氏之古文說也。

薛氏不儀古文是訓·遵用古义之義,其於今文之說,亦有微辭。書序洪範曰:「武 王勝殷殺受,立武庚,以箕子歸,作洪範。」史記周本紀曰:「武王……遂入王紂死 所,武王自射之,三發而后下車,以輕劍擊之,以黃鉞斬紂頭。縣諸太白之旗。」 先此墨子明鬼篇,逸周書克殷解,皆有是說,蓋謂武王有殺紂之心也。薛氏云:

書序稱武王殺紂,而書無一語,第云攻後以北,則紂非武王之殺,其 死有由矣 觀……漢儒信尚書今文,謂紂自殺,武王親以黃鉞斬紂,懸之 大白之旗;其說太甚 至3. 。

其所謂漢儒今文,蓋指史公,又尸子,汲冢占文皆有是說,可見薛氏拳拳於占文,而於今文多有駁斥也。由此觀之,薛氏古文是訓,非徒取其文字之占,而義訓亦自成一說;四庫提要以爲「其訓義亦無甚發明」,非確論也。

(三) 薛氏治尚書之觀念與方法

薛士龍據尚書古文作訓,特出於其他儒者之外,自成一格,前儒多謂彼兼重事功,有體有用,則其治尚書亦自有其觀念與方法。其序云:

以書學書·書而已:遺書學書,非書矣。不以不遺,未足與於書之旨, 以而遺之,從之不可,或庶幾乎書之大義云爾、至32。

此所謂「以書學書」者,蓋即據書而句斟字酌,斤斤於章句訓詁之間者,漢儒章句之學是也;所謂「遺書學書」,即指斷章取義,附會異說者也。不以書爲據,則非書旨,自不足與言書,當以書爲據,考明其旨要,又能出以觀世情,是能入能出,不拘於章句,不流於虛鑿,斯方可言書。浪語集「又與朱編修書」云:

君子之道,無精粗小大;是故致廣大者必盡精微,極高明者必道中庸; 滯於一方,要爲徒法:徒法徒善,漢儒之陋,則有所謂章句家法;異端之 教,則有所謂不立文字、51.33,。

其意與前序所云相若,可知薛氏治尚書,其用占文是訓,是執守章句之眞旨,至於 發揮義理,議論史政,則是遺書學書也,斯即薛氏所言讀書之法也。今析論薛氏治

^{31 1.} 見前書卷七·頁 16、17 °

^{₫ 32} 見前書前附序又。

註 沒 見浪語集卷二三,頁Ⅰ个

尚書之觀念與方法如后:

1、治尚書必以孔子之言意為準

薛氏說尚書,以古文是訓,其意即以復孔子序書之舊,以冀得孔子之本意也。 其書古文訓序云:

> 走之於書,學焉不如子夏,觀焉何敢望回;世無孔子,則將何所取正 ax 14 。

孔子序書,上斷自唐虞,下迄於秦穆,其旨自在其中,其欲得孔子聖人之心,則捨經而莫由;而書序薛氏以爲乃孔子所作,其一話一言,甚有旨要,若春秋之筆削焉。 其論無逸「中宗、高宗、祖甲」之說,以「祖甲」爲高宗子,與史記、孔傳以太甲 爲祖甲異,其言曰:

邵康節作皇極經世書,以易數推祖甲繼祖庚之年 ……蓋與書合。學者不信周公、孔子,而傳記之信,亦大繆矣 註 35 °

無逸文中,周公既列祖甲於高宗武丁之後,而考之於史,祖甲亦後於武丁,孔子序書,未有剪裁,則其本即爲祖甲,而非太甲,當以經爲準。又書序云:「唐叔得禾, 異畝同穎,獻諸天子,王命唐叔歸周公下東,作歸禾。」薛氏論之曰:

伏生說成楊之時,有三苗貫葉而生,同爲一穗,其大盈車,長幾充箱、

民得而上諸成王:不謂唐叔。考之書序,其傳誕矣 註36、。

蓋書序既爲孔子所作,其云「命唐叔歸周公于東」,而伏生傳書,不及唐叔,準諸書序孔子之言,則知伏生之荒誕。故浪語集有言曰:

學經而他求於傳,不若專意於經,傳皆不同,則經學之文,不幾於惑 矣。 \$137

既以經爲正,則解經之時,每取經文互證,所謂以經解經者,實必然之歸趨;薛氏解經,即爲如此。若其訓五子之歌「民可近不可下」曰:

民可近不可下,故近之則情通,下之則勢遼,所謂可愛非君,可畏非 民也(新38)。

凡此之類,所在多有。雖然,若書序與經文相互抵觸,則如之何?曰:爲之調停而已。以泰誓言之。泰誓經文曰:「惟十有三年,大會於孟津。」書序則作「十一年」,

註 14. 问註 32。

註35 見書古文訓卷十一,頁3个

ほ36) 見前書卷十六,頁8。

註38 見書古文訓卷四,頁3。

二者互異・薛氏日:

書序作十一年、泰誓作十三年、二者必有一誤、₹ 39 。

又於書序之訓,則無言及,此不惜以疑經文或序文有誤,以平息調停之,甚至牽涉金縢篇。蓋金縢曰:「既克商二年。」若泰誓以為十一年為正,則金縢為十三年;若泰誓為十三年,則金縢必為十五年矣。故薛氏於金縢云:

克商後二年,武王之十三年或十五年也。 註40

又書序說周官之篇曰:「成 E既黜殷命, 滅淮夷,還歸, 在豐, 作周官。」而周官篇 云:「歸于宗周。」薛氏曰:

序言成王在豐,作周官;書稱歸于宋周,王歸而作周官之書,至豐乃 宣之耳 32 41 。

蓋薛氏或以宗周爲鎬,豐爲文王廟所在,土地不同,而序言在豐,周官經文日在宗 周,土者有異,故特爲調停之說。

2、不信陰陽災異之說

夫薛上龍之學,兼重事功,精於考證,凡有一說必求有徵以驗其是非,故於漢儒陰陽、五行災異之說多所駁斥,以其無徵以考覈也。尚書之中,其最易附會以陰陽、五行、災異、神怪之說者,莫若洪範,洪範以其說九疇之中,本有五行、庶徵、稽疑、福極之疇故也。且天錫洪範,先儒皆以爲神龜負文,雉雊鼎耳,多謂豐昵之應;而夢得傳說,金縢反風,言之鑿鑿,然無所考徵焉。薛季宣本無徵不信之義,其訓說尚書,於陰陽、災異之論,一概無取。其論洪範河圖洛書之說曰:

易繫:天垂象見吉凶、聖人象之,河出圖、洛出書,聖人則之。其言蓋有敘,觀之以理,無晦也。說者或謂河圖洛書,本皆無有,聖人爲此說者,以神道設教也。是非惟不知聖人,則不達不言而化之義,爲足與較是非理道哉!或者又以爲當伏犧之時,河嘗出龍馬負圖、自神農至於周公,洛水皆出龜書,此則似是而非,無所考徵;就神龜之說,成無驗之之,自漢儒啓之,百世宗之、徵引釋經,如出一口,而聖人之道隱,巫史之說行;末世闍君,泊夫亂臣賊子據之假符命,惑非彝,爲天下患害者,比比而是;聖人憂深慮遠,肯爲此妖僞殘賊哉。至42.!

河出圖,洛出書,其說既出於易繫,乃聖人之言,必不誣也,其事確有之。若以神

ы 39 見前書卷七,頁1。

at 40 見前書卷八,頁 18。

^{〒41} 見前書卷十六,頁9。

[、]ほ 42 見浪語集卷二七, 負 8、9。

道設教解之,則是聖人仵偽,其說必非;若以神龜負文說之,則流於巫史之說,且 無所徵驗,亦不可據;夫以「者之說解經,其害尤烈,聖人」言一行,垂法後昆, 必不如是。故薛氏說河圖洛書曰:

傳不云乎、依犧氏之作易也,仰以觀于天文、俯以觀于地理……始畫八卦:圖書之說,從可知矣。春秋命歷序,河圖帝王之階圖,載江河山川州界之分野,讖緯之說,雖無足深信,其有近正,不可棄也。信斯言也,則河圖洛書,迺山經之類,在夏爲禹貢,周爲職方氏所掌,今諸路閏年圖經,漢司空輿地圖、地理志之此也。按山海經所言,皆地之物產、鳥獸、蟲魚、草木之屬,其古史職方之意歟!仲尼之言,幾不外是。其曰河洛之所出,川師上之之名也。……昔周天子之立也,河圖與大訓並列,時九鼎亦寶干周室,皆務以辯物象而施地政,所謂據九鼎、按圖籍者也 註43]。

薛氏以河圖洛書爲由經地志、禹貢職方之類,乃在辦地物,分州界,其稱河稱洛, 乃河、洛川師所圖記而上之,故以河、洛名之,圖、書之別,在詳略之分耳。薛氏 以爲,河源遠在九州之外,不能詳盡,僅形其曲直原委之趨向,故略而謂之圖;洛 原在九州之內,經從之地,與其所列名物,人得而詳而謂之書,如此而已。其取人 治地理之說,以排神龜負文之誣,既能明河圖洛書之實有,又有陳巫史之弊說,而 於史又有所徵驗,在顧命有河圖與大訓並列者,足明徵也。此說與薛氏學術觀含精 神相諧協,誠足自完之論,成一家之言也。

薛氏不取陰陽災異之說,蓋以其說乃因典籍關殘,後人出於胸臆,附會之解, 不可信也。其「從孫元式假定本韓文」詩曰:

楊墨袞周亦既徽,仙曇妄欲斁倫彝,回爛豈直萬人敵,斷簡傳將百世 師。脱落聞亡鳥鰂墨,蠹殘寧免白魚辭… [# 44

按尚書大傳有「八百諸侯俱至孟律,白魚入舟」之說 _{註 45} ,白魚、赤鳥之事,乃 符命感應之說,其所以有是說,蓋因尚書經秦火蠹殘之故,後世遂附會之也。季宣 既不信災異之說,故其論洪範曰:

君子之言天道而一本諸人事,心,天君也,一正心而天道至矣……。 天道昭昭,其要在人而已。漢陰陽家以九疇五行配合天地之數,雖有稽於 易象九章之作,豈直數之陳子!牽合之文,自有不能通者 註 46 。

^{#41} 見前書券二七·頁]河蜀各書辯。

註44,見前書卷九,頁4。

註45 見陳壽祺尚書大傳輯錄券二、負1引。

註46 見書古文酬卷入,頁14。

其訓伊訓「作善降之百祥,作不善降之百殃」曰:

在天道則福善禍淫,作善而有百祥,不善而有百殃,一氣之感,無遠不屆,影響之應,有不期然而然者,然亦不可推也。說洪範者謂某事爲某事之應,其理或是,曾不足以言也:百祥百殃之至,其果可以理推乎?善 與不善之應而已 註 47 。

可見薛氏之言洪範,不取災異、徵應之說,蓋以理則不可推,以證則無可考,故必 取諸人事以爲說。其說高宗肜曰「雉雊鼎耳」之事曰:

形祭之日而有雊雉入廟,可以爲異,其說不可知也,……祖已因其見 災而懼,言先格王正事,詳於民政而戒豐昵之祀,天雖未可推以象類,要 亦人情而已。高宗於得說而雊雉應於祀之豐昵,天道不遠,而亦不可從也 、註 48 。

此亦本諸「子罕言天道」之義。君奭「我則鳴鳥不聞」,孔傳以「我周則鳴鳳不得聞」 解之,取太平之世則鳳鳥應之說,而薛氏則不然,其訓曰:

鳴鳥不聞,憂之至也。鳥聲喧矣而不入於聽,心不在聽也 # 49 。 此說一反孔氏而以人情說之,亦不取類應之義也。

3、群經可以互證

薛季宣說尚書,除以尚書經文互證之外,亦兼取他經以爲佐,蓋六經者皆聖人 所修,其義共通,挹此注彼,可相互發明。其序書古文訓曰:

不讀詩、書、易、春秋、則不知聖人之心,無以別堯之禪,楊武之伐 也。語之不切,見諸言外。斯言之辨,可以觀於虞夏商周之書矣[註 50]。 觀書之義,必先知聖人之心,聖人之心,於六經無所不在。薛氏於經籍之中,尤長於易,其「書古文周易後」曰:

他經雖玄妙難擬,要皆自易出也。夫禮樂、王政之紀綱;詩書春秋, 其已事也。凡名數聲音性命事物之理,非易無自見也。六經之道,易爲之 宗 \$1.5. 。

薛氏嘗謂喜易,讀之將數百過而弗知其際 註52 ,於易之說,尤宗程伊川易傳信記53 ,

^{&#}x27;at 47 見前書卷五·頁13·14。

at 48 見前書卷六,頁19。

註49、見前書卷十一、頁9。

at 50 見前書前附序又頁 2 。

ヨ51 見浪語集卷二七·頁14、15。

a 521 參見前書卷二五、頁 14 復張人傑學諭書 ·

at 53 參見前書卷九,頁2及卷二三,頁1。

兼取胡瑗之學。是以其制尚書古文,亦每引易作說。其制皋陶謨「思曰贊贊襄哉,曰: 思欲贊贊襄哉,不底於成不已也。在易乾之象曰,終日乾乾,反復道也,至54.6

其訓洛浩「亨多儀,儀不及物,惟曰不享,曰:

物者物則之物,儀、祀事之所用也。易曰:東鄰殺牛,不如西鄰之禴 祭,實受其福。儀不及物之謂也 zi 55 ′

几此者,皆比比而見諸古文訓之中,可見其精於易,重於易,亦每以易解書也。

(四)薛氏尚書訓義之淵源

薛氏既從學於袁穊·上承伊川之學·其說自應以伊,爲宗·於易則然·然於尚書之說,書占文記之中,僅引伊川之說一條曰:

古者征伐之主,必改制度以新民之視聽,若天道之一變,變置社稷, 其事之大者,故爲勝夏首政。夏社,亡國之社,猶周之亳社也。伊川說夏 社當選而不可毀,故屬屋而還之,亦戒於子孫諸侯,蓋亳社之始也 3156 。 弓伊川之說,唯此一見。伊川之說書,本上二典之說,其他見零碎無體統,故薛季 宣於書,鮮所引用。薛氏引書說之最多且明者,莫過於東坡書傳,蓋東坡書說,於 慶曆之後,能於三經新義之外,別闢蹊徑,一反孔傳之舊而不失於義理,且爲全書, 而解義大膽新穎,迥出千古之下,故其後儒者每多推崇引用。若朱熹爲程門嫡傳, 程門於蜀學頗有微辭,唯東坡書傳則每加推譽,亦可見東坡書傳之得矣。薛氏於東 坡爲人文章,本即心儀私淑之矣。其「讀東坡和靖節詩」曰:

我讀淵明詩,頗識詩外意,坡公繼逸響,箇中有佳思。取友百世上, 古來獨二士。陶固泉石人,蘇則廊廟器,····· 3157 。

薛氏不獨屬意古人,亦效其體而作詩,有「戲作贈別效東坡體次其韻」詩 註 58. · 不獨效其體而作詩,於東坡之詩,亦自言有獨到之見。其「東坡在齊安賦海棠詩, 為大卜絕唱,年來絕無此種,許仲蟠取之武昌,作詩奇示」下自汪云:

王彦材謂東坡以海棠比婦人,非是,此詩皆不言婦人 至 59 。 薛氏思慕東坡之情甚切也 有雜詩「東坡」曰:

紅54 見書古又副卷二、頁 15。

註55 見前書卷十,頁9。

[、]註56 見前書卷十八、頁4、

註 57 見浪語集卷六、頁 6。

狂 58 見前書卷八,頁1。

[、]狂59 見前書卷十一,頁7。

東坡、思古也。江之廣矣,一葉航斯:東坡遠矣,企而望斯。彼草蒙茸,翳于雪堂;……雪堂之圮矣,曷爲其止矣;人之匪矣,若其巳矣。…… a = 60

渴慕之極,至有顯諸夢中,與東坡神交,若孔子之夢問公者然。其「記夢」詩序曰: 二月八夜,夢侍東坡先生,論靖康後事。走謂宗澤不死,朝廷少假事權,究其施為,國家決不至是。先生未答。坐中或相話難。先生曰:是所謂彌拌然者。走問其說。先生曰:有詩人與樂工言樂,詩人取琴鼓之,其

以此見季宣心慕東坡其人,其書說訓義,多引東坡書傳之說者,蓋亦不難想見矣。 薛氏說舜典「六宗」曰:

聲咿嚶然;樂工之琴弸抨然也。遂寤,不詳何謂。作詩記之 註6 。

六宗古無定說。孔氏傳曰:四時也、寒暑也,日也,月也,星也,水 旱也。孔叢子以爲孔子之言。蘇氏按祭法星爲幽宗,水旱爲零宗,秦世猶 有所謂天宗,此六宗之名,於記猶有存者 £62.。

蘇氏反王氏之說, 王氏用晉張髦三昭三穆之說, 蘇東坡以爲孔傳之說, 必有所本, 並引祭法以證, 此薛氏之所採也。其說仲虺之誥曰:

是故無湯之賢,而又無桀之君,不以湯心爲心,乃以湯爲口實,行其不義,是亦矯誣上帝,布惡於下而己。蘇氏論仲虺忠愛,可謂至矣,楊之所慙口實之病,終不敢謂無也。君臣之分,放弒之名,雖臣予不能蓋,走固謂湯亦弗之蓋也 ## 63,。

蘇東坡謂雖仲虺善解湯慙德,然終亦不敢謂無,薛氏取之,固謂湯亦不能掩飾之也。 其他若論康誥「人有小罪非眚,乃惟終,自作不典式爾,有厥罪小,乃不可不殺」 一節,引東坡設甲乙之法以解之(註64)。其解呂刑「上刑適輕下服,下刑適重上服」, 引蘇軾設甲乙之狀以解之(註65)。凡此者皆明引東坡書傳之說。至於洪範五紀,解 歲爲歲星十二年一週天 註66 ;解大誥,以寧王爲武王 註67 ;解康誥「非汝封又 日劇則人」,不以爲倒錯,而以史官承上略去說之 註68 ;解「速由文王作罰,刑

st 60 見前書卷十一,頁 2]。按雪堂乃蘇軾謫居黃州時所營居室之號,後赤壁賦有迹及。

[·] et ol 見前書卷八,頁3、4。

註62 見書古又訓卷一,頁9、10。

紅63 見前書卷五,頁5、6。

至 641 參見前書卷九,頁4。

a 65 參見前書卷十五,頁8。

[、]註66 參見前書卷八,頁5。

^{¥ 67} 參見前書卷八·頁24。

註 68 參見前書卷九·頁 5。

茲無赦」,則以爲不可遽用文王之刑 註691;其解文侯之命,以見周德之衰、註70; 凡此皆本諸東坡書傳之意。據此可知,薛季宣書古文訓之義說,其淵源於東坡者, 蓋非虚語。

東坡之外,薛工龍所取於宋代前輩之說者,亦不在少數;其解伊訓「臣下不匡,其刑墨」,弓劉敞七經小傳之說、註 71 ;其說洪範五福六極之義,則用胡瑗之洪範口義 註 72 ;其說顧命諸重席,則引葉水心之說 註 731 ;其說泰誓武王十一年,即武王在位之十一年,非通文王九年而爲十一年,其說出於歐陽修泰誓論、註 74 ;而其不信河圖洛書,神龜負文之言,亦與歐陽修、廖偁同、註 75 。其論甘誓「五行三正」,弓陳鵬飛之說(註 76 ;其說西伯戡黎,以西伯爲武王,則出於胡宏皇于大紀、註 77 ;凡此皆足見解薛氏訓書,取精用宏,廣納眾善也。

(五) 薛氏書訓之新解

薛季宣古文是訓,除有採於前儒之說外,於書義訓解,亦多有自傳之處,蓋彼精究典籍,泛覽圖書,而長於考證,故每有出人意表之見者焉。其解河圖洛書,以爲,師所上...經地圖,禹貢職方之類,已見前述。其解大禹謨「六府」以爲即六官之府,非如孔傳謂「全土水火上穀」也。其說曰:

六府,六官也:六官以五行稼穑名府,六者冶而民得所養矣。……六府官不詳見。孟子稱禹冶水,益掌火,稷教稼,契作司徒,則水、火、穀、土之官可見。考之周制,伯夷、皋禹,殆木、全二府乎,設言輕重隨時, 六府之名號,象德之遺意爾[註78]。

此蓋薛氏長於典章制度,又主以書解書,故創爲此說,而不採左傳之言 11.79 。其 說甘誓「奴戮」之義,不用孔傳「辱身及子」之說,其言曰:

註69 參見前書卷九,頁6。

[[]註70, 參見竹書卷十五,頁12、13。

註7., 參見書古支函卷五,頁13。劉敞之說,見七經小傳卷上,頁7。

註 72 參見書古又副卷八,頁 14。胡瑗又說,見共範口義卷下,頁 29~34 有關五福六極之 說。

至73 參見書古文副卷十三·頁6·

^{¥74} 參見書古又訓卷七,頁2。

註7、歐陽修、廖偁之說、參見歐陽又忠公又集卷四三廖氏又集致 ^

註76 參見書古又記卷四,頁1

[[]註77 參見書古王訓卷六,負2。胡宏之說,見皇王大紀卷十,紂之二十四祀,周西伯發元 年,二十二年西伯發戡黎,此西伯為武王發。

[「]註78 見書古文訓卷二,頁3。

新 79] 其文原出於左傳文公七年晉郤缺之言,以釋九功者。左傳本合六府三事爲九功,其義 蓋猶洪範五行并稼穑而言,非指官府。

奴、囚奴也。男子入於罪隸。軍事主嚴、無五刑之屬、慘但二等耳 章 80.0 此蓋薛氏古文作「汝」而非「孥」,故不謂及子之說,此亦薛氏古文說之一例也。其 言軍中不以常刑論處,亦以制度爲說,考諸費誓「大刑」、「無餘刑,非殺」,其說或 亦有理,較之「孥戮」之說,更見聖王之德。又其說西伯戡黎曰:

書序:殷始各周,周人乘黎。蓋商人各周之不伐紂,故武王有乘之舉; 秦誓觀政之語,謂乘黎也、註81.。

孔傳以爲「乘,勝也,所以見惡」,其說於文意顚倒。薛氏謂「咎周」爲「咎周之 不伐紂」,其意謂商人之不耐紂之暴虐,望伐之而拯民於水火之中;其義蓋與湯誓 「時日曷喪,予及汝皆亡」,及仲虺之誥「傒予后,后來其蘇」之意同,蓋亦以書 解書之法也。其說於書序之文義爲順,咎周爲因,乘黎爲果,較諸孔傳倒果爲因, 顚倒其文作解,亦有見有得者也。其解酒誥「群飲,汝勿逸,盡執拘以歸于周, 予其殺」曰:

諸侯凡人有罪,自可專發,况於方伯之重,不當以歸天子,必東歸於 天子者,蓋無殺之之意,使係緣於道路,困頓於拘囚,悔恨自咎於心,則 自新可冀矣。曰予其殺,非果於殺之之辭,不使諸侯殺之,存心於養誨之 也(註82)。

其說義與康誥「速由文王作罰,刑茲無赦」相類。諸侯執群飲者歸于周,於法制言之,有異於常者,故必求之言外,即薛氏序所云「語之不切,見諸言外,斯言之辨,可以觀於虞夏商周之書」也。至於其論呂刑「五過之疵,惟官、惟反、惟內、惟貨,惟徠」,薛氏解之曰:

官如見厥君事戕敗人者。反如爲父母復讎者。内如夜入人家,登時殺之者。貨如捕盗見拒、傷殺之者。來如不得已應之者。五罪相若,惟審察 其本心,而後宥其瑕疵,無幸免之人矣 註83,。

其說與孔傳大異。孔傳以爲五過或以此五事而執法者有疵,若同官位,詐反囚辭, 內親用事,行貨受賄,或有舊交往來,皆足令執法者故縱宥當罪者,是五事皆就執 法者爲說。薛氏則反就訊囚立言,謂所犯事相類,而其情不同;若自衛殺人,與故 意謀殺,其殺人一也,其原因則有異,不可一概論之。爲此說者,必精於律令刑規, 方能爲之,薛氏正善爲之者也。然其解「惟貨」,以爲「捕盜見拒傷殺之」,則甚牽

註80、見書占文訂卷四、頁2。

註81) 見前書卷六,頁2。

缸82 見前書卷九,頁15。

註83) 見前書卷十五,頁6。

強・其意謂保護自家財貨而捕盗見拒・故傷之殺之歟?凡此者・皆醉氏之新見也。

至於字義訓詁,薛氏亦時出新義。若舜典「元日」,薛氏曰:「舜之元年正月朔也。……上日書元,蓋舜之元年也 註84.。」益稷「在冶忽」,則曰:「忽絲之微也。毫釐眇忽,十十相乘而成分者 [註85]。,伊訓「具訓于蒙土」,則以爲「矇古文省,周官矇掌弦歌諷誦 [註86]」。武成「血流漂杵」,則謂「漂,機也,濺血至於染杵 [註87.]。於洪範稽疑,則以「之卦」爲驛,「本卦」爲克 [註88]。皆字義訓誥之有異於前儒者也。

(六) 薛氏尚書學之義理基礎

薛季宣上承伊川之學,爲理學之支派,雖不若朱、陸之專言心、性,而兼重事功,詳於典章文物制度,此猶孔門四科之中,有政事、文學之科也。伊川之學,以論語、孟子、大學、中庸爲宗,薛氏之學亦以此爲基礎,蓋其學說一皆以孔子聖人之心是求,故九重於論語,彼嘗述及其學術之所資云:

仲尼之述者 / 經,今或亡而或存;易以盡神,春秋凝命,禮樂存誠, 詩書正性,孝經主其大本,魯語會其蹊逕;其次諸儒所說,亦彰彰而孔明;

中庸述於子思、易傳成於二商、春秋左氏之辭,公羊建於穀梁「註 89 。 所謂「魯語會其蹊徑」者、指論語也。論語皆孔門弟子記其師之言,是以可爲六藝之喉衿,五經之管轄也。薛氏解書訓義,一本諸論、孟、學、庸之義理立論,其取正於孔子之意也。若其解太禹謨「正德、利用、厚生、惟和,則曰:

三者不和,則不立;和者,中庸之至也[註90)。

此以中庸「發而皆中節謂之和」以解「惟和」也。其說大甲「虞機張」曰:

虞人張機,必先求已視矢之括,當弩之度,然後釋放,罔不中物。人君之道亦由此也。大學之道,在知止,在止於至善,人之有止,猶機之有度,於止知其所止,無往而不善矣 至 91 。

是引大學之理以解虞機之向度也。其訓畢命「樹之風聲」曰:

旌善別忒而使民之居里,各從其類;淑慝所處,用是以表明之:善者

⁽国84 見前書卷一,頁13。

⁽註85 見前書卷二,頁19。

[[]註86 見前書卷五,頁13。

⁽証87) 見前書卷七,頁15

[[]註88 見前書卷八,頁]。

[[]註89 見浪語集卷十四,頁7 七屆。

[[]註90] 見書古文訓卷二,頁3。

[·] 註 91 見前書卷五,頁 15。

章而惡者病,則相與人於善矣。風聲,教化也;孟子曰,仁言不如仁聲之 人人深也。修道之教,章善以瘅惡;不言之化,風行於百姓也 \$1 92 。 此引孟子之說爲依據,以明風聲之化深也。其論多方曰:

自武王之伐商,至周公之歸政,二監淮夷之亂,蓋再作矣。商人化於 紂之威虐不已深乎。周公寬以教之,優以柔之,不擊以威而勤於教,懷柔 其德性,蓋久而後服也。民遷善而遂誠服也。民遷善而遂誠服,迄致刑措 之美,聖人移風易俗,寧求一切之近功乎!孔子謂必世而後仁;又曰五誥 可以觀仁。至矣。至931。

此以孔子之言世而後仁,以見周公五誥之仁政也。此外,薛氏有皇極解一篇,其訓義之文,幾爲儒典之集合拼湊體,今舉一例,以見其概。皇極解說洪範「凡厥庶民, 無有淫朋,人無有比德·惟皇作極;凡厥庶民,有猷,有爲,有守,汝則念之。曰:

子言之,可與共學,未可與適道,可與適道,未可與工,可與立,未可與權。君子之於天下也,無適也,無莫也,義之與比。孟軻有言,所謂大人者,言不必信,行不必果,惟義所在。執中無權,猶執一也。是故識輕重之爲貴,識輕重見知權矣。君子之時中,時中爲權;君子所過者化,所存者神,上下與天地同流。大受者不可以小知也 紅94 。

此段文字,幾全引論語,孟子之言爲之,薛氏略無一語出之。然則可見薛氏之解書 訓義,其義理基礎之所在也。

(七) 薛氏尚書學之文學成就

薛季宣好古求真,而文章之古者,莫如尚書,韓退之謂「周誥殷盤,誥屈聲牙」, 足見其古樸之文風矣。薛氏於尚書,既古文是訓,其爲文也,亦每模擬尚書之風格, 或取尚書中之史事以資爲文。若周鼎銘者,言周九鼎之制及其來歷,而其文實仿尚 書風格而作,文曰:

惟七年成王使召公卜宅洛色。厥三月,公既得吉卜,周公至於新邑營, 以王命戒,定九鼎于郊鄢攸居。周公拜手稽首曰:孺子王矣,惟先王格天 新命,肆天王惟未命而承,我乃誕居大鼎于兹洛。予惟卜年七百载,惟三 十其世。王其丕承皇天休命,將茲大實,毋恁于敬,亦毋荒于卜。王拜手 稽首曰:皇天顯宅我周家,敷水命于公誠卜,我不知守器之說,公其誨我;

EF 92, 見前書卷十四, 頁3。

³³ 見前書巻ナー、頁20、21。

E 941 見良語集恭二七、頁2。

惟予冲子惕息,惟公安命其承。周公若曰 ……… 註 95;。

若此之文,其與尚書周書之語氣文辭皆極相似,較之僞古文諸篇,猶有過之,非深 於尚書者,其能爲之歟!又有嵞山頌,頌禹之事,蓋亦掇取大禹謨、堯典等虞書有 關禹之文言,敷陳而成、註 96 ,皆是之類。

薛氏又有琴曲一組,皆占上占政事而切於尚書者、註 97 ,若「神人暢」者,言 堯事天理人,堯民賡歌其聖。曰「南風歌」者,舜治天下也。曰「襄陵操」者,禹 治水作,其辭多出於尚書者,辭曰:

湯易澤水兮,懷山襄陵;浩浩滔天兮,昏蛰生靈;導之入于每兮,王 事有程;啓呱弗子兮,匪我忘情。

又有「適薄歌」, 言夏民去桀歸湯; 有「文 E操」, 頌商末鳳鳥集於周之祥; 有「克 商操」, 爲武 E作, 其辭曰:

天命文考,翦滅大商,發將天命,戈矛有光,非余武兮,獨夫自亡, 非余武兮,天啓先王。

此蓋取於泰督之辭意也。凡此者,皆有取於尚書。可見薛氏之深於尚書之學,而善 爲之發揮,以成其文學風骨也。

(八) 薛氏疑議尚書

薛季宣據尚書占文作訓,其文辭與孔傳本本少有異同;其本乃集前人言尚書占文而成,薛氏湊合改編,可謂之尚書改本。既編是本、然亦未以爲即尚書之完本、觀其詩曰「蠹殘寧免白魚辭」可知之矣。薛氏於序言隸占定最占、最爲可據,故其於尚書文字之間,鮮少言及疑改之事。若舜典「陟方乃死」,自韓愈以「陟方」爲「升遐」,本即死義,如康王之誥「新陟王」指成王新死是也。自後世言者多據之爲說,以「乃死」。字爲羼入衍文。薛氏於此引韓愈之說,而又曰「乃死,釋上文」,然未以爲衍文也(註 981 , 皋陶謨之末「思曰贊贊襄哉」,自王安石、蘇東坡以來,多以「思曰」爲「思日」,薛氏書說雖淵源於東坡甚深,於此亦不以爲錯字(註 99 。

總合觀之,薛氏書古文訓之疑經之處,止有「條,一爲疑泰誓經或序文,一爲 疑書篇順序有不倫者,茲列述之如下:

1、疑泰誓者

[[]註95 見浪語集卷三二,頁9。

[[]註96、參見前書卷二二,頁4、5、6。

a £ 97] 此一組琴曲,見浪語集卷十三。下述所引皆在焉。

a 198、參見書古文訓卷一,頁 19。

[「]註99 參見前書卷二,頁15

泰誓序云:「惟十有一年,武王伐殷」而泰誓經文則曰:「惟十有三年春,大會 于孟津。」尚書既爲孔子所定,而序又孔子所書,今二者顯有不合處,故薛氏云:

書序作十一年,泰誓作十三年,二者必有一誤 註 100 。

此以爲二說必有一誤,蓋亦程頤之說也。考薛氏於金縢「既克商二年」,云「武王之十三年或十五年」,觀其辭意或較偏取於十三年之經文。朱子語類云:「舊有人引洪範十有三祀訪于箕子,則十一年之誤可知矣、計101。」考董鼎書集傳輯錄纂註泰誓下引作程頤之說是也。

2、疑書篇順序不倫

薛氏論多上「惟三月,周公初于新邑洛」曰:「三月當爲營洛之明年,成王幸洛之春也。」因論召誥、洛誥、多士之順序曰:

書序成周既成,遷殷碩民;召誥成王俘來毖殷,而周公之祝辭有曰· 殷乃引考,王俘殷家承敘萬年。則遷民在幸洛前矣。周書自大誥後,多不 倫次,各以事類相從,史之法也 點 102)。

如薛氏之言,則多士當在召誥、洛誥之前矣。然薛氏以爲史官以類相從之法,雖有 疑議,然亦爲之調停也。

四、薛氏書占文訓之評價及影響

薛氏尚書占文、輯拾前人所載之占文、改編成篇、其字劃既有占體、又有隸占、 復有當代文字、駁雜怪異、且流傳不廣、學者多無評騭之辭、唯交遊所及若朱熹、 呂祖謙者、尚有一二言及耳。朱熹謂曰:

薛士龍書解,其學問多於地名上著功夫 至103 。

通考薛書,其於地名山川河岳之事,訓釋頗詳,至有言及地理之歷史沿革者,至於 洛書河圖,亦皆以川師輿圖職方說之,其用心於地理者,誠是也。呂祖謙書說有禹 貢圖說,其中引薛氏之論多條,亦足證朱熹之言非虛,蓋彼既長於考證,且博覽群 籍,又兼於事功典制故也。

四庫全書提要則以爲其書字體,奇形怪態,不可辨識,駭俗驚世,而其義訓又 無甚發明,故而不取 肆 104 。此亦過言矣。考其書之占文,字字皆有來歷,雖非即

[「]証 00 見前書卷七,頁1。

^{₩ 1011} 見朱子語類卷七九尚書二泰誓,總頁 239。

註.02 見書古文訓卷十,頁14。

註103 見朱子語類卷七八尚書一綱領,總頁1989。

註 (14) 參見同註 6。

古文尚書之舊,亦足以窺其一斑;其輯掇之功,不可沒也。其義訓雖無特異發明之處,要皆以孔子聖人之意爲準,則不失其爲正流。而其解書,於字義則取古文作訓, 出孔傳本之外,且解義每多新見,訓詁亦皆有據,雖偏於典章名物,然是成其一家 之學,於有宋諸儒尚書學說之中,自有其特殊之風格及價值。其後有黃度尚書說之作,即淵源薛氏之學(註 105),可見其尚書學亦未可止以地理山川之成就爲限也。

第二節 黄 度

一、生平事略

黃度,字文叔,號遂初,紹興新昌人。好學讀書;祕書郎張淵見其文,謂似曾 鞏、隆興元年進士,知嘉興縣、入監登聞鼓院、行國子監簿、疏請屯田復府衛、以 銷募兵,具本田府衛上六篇上之。遷監察御史。光宗以疾不過重華宮,上書切諫; 又與臺諫官劾陳源諸人,上不聽,遂出修門,上論使安職,問辭。寧宗即位,詔復 爲御史,改右正言,時韓侂胄驟竊國柄,度具旒論其姦,韓假御筆阳之,遂固辭; 詔以沖祐祿歸養。俄知婺州,自是紀綱一變・大權盡落韓侂胄之手・然韓素憚忌之・ 不敢加害於度。起知泉州,仍進寶文閣奉祠如故。侂胄誅,召除太常少卿,累遷江 准制置使;至全陵,罷科糴輸送之擾、活饑民無數;擊賊斬盜,招歸業者九萬家。 遷寶謨閣直學士。度以人物爲己任,推挽不休,爲禮部侍讀,入觀論藝祖垂萬世之 統,一日純用儒生,「日務惜民力。上納其言。謝病丐去,遂以煥章閣學上知隆聰 府歸越,提舉萬壽宮,嘉定六年十月卒,年七十六,諡官獻。先生志在經世,而以 學爲本,至老不倦,晚年制闢江淮,著述不輟,時得新意,往往晨夜叩書塾爲朋友 道之。作詩、書、周禮說。著史通,抑僭竊,存大分;別爲編年,不用前世史法, 至於天文地理并田兵法,即近騐遠、可以依據、無陋迂牽合之病、又有藝祖憲監、 仁皇從諫錄,屯田便宜,歷代邊防,行於世。又嘗作周易傳,書未訖簡而沒。嘗以 言忤當路者,故名列爲學黨 註,061。

1、尚書學之著述與著錄

黃度篤學窮經、至老不輟、有書說之作。宋志著錄黃度尚書說七卷,陳振孫書

註 105, 參見本文論黃度尚書學之淵源一節。

至 1061 參見宋史卷三百九十二列傳,頁 16 本傳,宋元學案卷五十二止齋學案,陳振務直 齋書錄解題卷二,頁 9,經義考卷八一、頁 7、8 引呂光泃亭,宋人傳記資料索引 册四,頁 2847,葉通水心集卷二十,頁 8~11 龍圖 罰學士黃公墓誌銘。

錄解題同 /註 1072; 葉水心作黃度墓誌,云有詩、書五十卷,周禮五卷;而黃文叔詩說序云:得其詩說三十卷,則其書說當係二十卷 註 .08 。經義考著錄與宋志同,云存,並錄呂光洵序曰:

洵得黄氏尚書說七卷於武部呂江峰氏,與太史唐荊川氏校其訛謬,以 授黃氏子孫,刻諸家塾(EL.09 。

是其書於宋世已刊行流傳, 迨九峰蔡氏書傳出, 諸家書說多潛沒不復行世, 其書漸絕, 雖黃氏子孫亦不能得。呂光洵得之, 與唐順之共校, 遂復刊行而存其說。四庫全書所著錄, 蓋據呂、唐所校刊之本也。其書亦收入通志堂經解中, 仍作七卷。

1、黄度之尚書學

明呂光洵序黃度尚書說曰:「宋禮部尚書宣獻公遂初黃先生,與紫陽朱子,止齋陳子,水心葉子相友善, ……幸而存者尚書說,其訓詁多取孔氏;而推論三代與衰治忽之端,與夫典謨訓誥微辭眇義 註110.,」四庫提要承呂氏之說,以爲黃度之時,吳棫書碑傳始出,宋爲世所深信,不知孔安國傳出於梅賾託名,故度作是編,其訓詁一以孔傳爲主註11.。是二說皆以爲黃度尚書之學,以傳統孔傳之說爲淵源。呂序及四庫提要又以爲黃度書說,於義理之說,若夫人心道心,精 執中,安上惟幾,綏猷協一,建中建極諸義,多所發明,以義理研經者,亦固足取焉 註112.。今論其尚書學如后:

(一)尚書學說與孔傳之關係

因光洵序以爲黃度尚書之說,其訓詁多取孔傳,今考諸其書,有不然者焉。蓋 其書本諸孔傳者,固已不少,其爲孔傳疏釋者,亦或有之,此爲尚書學者所必然, 其所異者,多寡之數而已。其書之訓詁與說義本諸孔傳者,若堯典序「將遜于位」, 訓曰「遜,循也 註 113 」,若經文「庶績咸熙」,訓曰「熙,廣也 註 114 」;皆是也; 至於義說,若舜典「六宗」,黃度曰;

孔氏曰:四時、寒暑、日、月、星、水旱,雖不見所據,而孔氏書出

駐 [07] 參見直齋書錄解題卷二,頁9。

[、]註1081 參見水心集卷二十,頁8及卷十二,頁8、9。

狂109) 見經義考卷八一,頁7引。

[「]紅1101 可前註。

註 1 參見四庫全書總目卷十一,頁15、16 提要。

註 112 同前書及註 107。

at 113, 見黃度書說卷一, 頁 1。

⁽A 4、見前書卷一,頁3。

於屋壁,本有傳,恐其說或有所自也。諸家皆後出臆斷,與不得已,寧從 孔氏、321.51。

又若洪範「夭乃錫禹洪範九疇」, 黄度曰:

古說神龜負書。或疑其迁怪難信,非也:伏羲畫八卦,伏羲之前,非無易也,禹敘九疇,禹之前非無書也。本有此理,聖人發其妙耳。龜馬,則其開先也。易繁日:河出圖,洛出書,聖人則之。又曰:伏羲氏仰則觀象於天,俯則觀法于地。……以類萬物之情,是則不獨觀法於圖也、至1.6。此所謂古說,實即孔傳所謂「洛出書,神龜負文而出,列於背,有數至于九. 者也。是其從孔氏訓詁說義者也。黃度亦時爲孔傳作疏釋,以圓其說;若禹貢「冶梁及岐」,禹貢梁山、岐山,皆入冀州,而孔傳以爲雍州山,黃氏爲之解曰:

遂治梁次第至岐、禹貢皆屬冀、孔氏曰:雍州山。據漢言也。周梁山屬并,今韓城縣。……韓奕曰 奕奕梁山,韓侯受命,是爲晉望。案禹貢冀界自龍門南逾河,而西自梁山,至岐山、虞夏皆都安邑,若但南薄河爲界,形勢迫險,豈所以爲帝都哉!逾河自梁及岐、包長安於其中,是爲漢三輔,帝都西界爲形勢爲可見矣 註117 。

其說以爲禹貢以梁、岐入冀州,孔傳以漢代之地理言在雍州,其地於虞時當在冀也, 蓋冀爲帝都所在,不應至河爲界爲迫隘,故心逾河至梁岐,始有帝都之形勢,猶漢 之包長安三輔也。又其解康誥篇「汝陳時臬司師」曰:

泉,射的也。孔氏訓爲法,法之爲泉者,言議法如射之有的,必求 其中:此因物立義也。泉、藏音近,漢以來稱藏獄,恐今人緣義而易敷 經118 !

按爾雅釋宮曰「在地者謂之梟」謂門壓也,說文「臬,射準的也,从不从自,,黃度 據說文之義,以疏孔氏之訓,以爲因物立義,其義相通。凡上述者,誠本諸孔傳而 爲說也。

然通考其書說,其中訓詁義說之異於孔傳者,亦不在少數,甚或有明批孔傳之 失,或評孔傳之非是者,若堯典「宅南交」,孔傳以爲「南交言夏與春交」,黃度以 爲非也。其說曰:

交,孔氏曰:夏與春交,非也。秋亦與夏交。先儒嘗難此義。或曰:

at 115 見前書卷一、頁 5。

[、]紅116 見前書卷四,頁9。

SE 117 見前書卷二,頁1个

L E 118, 見前書卷五, 頁 8。

南夷足趾交,名交趾,故稱南交。按漢初置交趾郡,後置交州。杜佑通典 曰:復禹舊號。是則本名交,其曰交趾者,後世增益之也 至119,0

其以爲孔傳之義爲非,蓋春與夏交,夏亦與秋交,何獨言春與夏交而遺其他乎,此義劉敵七經小傳嘗疑難之 [計 120 / 。故其取交爲本名作說,而不用孔傳也,又若冏命序「穆干命伯冏爲周太僕正」,孔傳曰:「太僕長,太御,中大夫。」而黃度則曰:

正,長。周禮太僕下大夫二人,猶當以一人爲長 註 121 。

一說皆據周禮,孔傳以爲太御,蓋太御名雖與太僕不同,然其下隸屬者甚夥,有正長之勢,故取太御爲之解;黃氏則取其同稱者,而以其一人爲長,故曰太僕正,與孔傳說異。訓詁名物之外,於解義亦每與孔傳不同,若呂刑「俾我一日,非終惟終,在人,孔傳曰:「一日所行,非爲天所終,惟爲天所終,在人所行。」其義謂天命我牧民,其命終與非終,惟視君之勤與不勤;終作斷絕解,終之者,天也,所終者,天命也。黃度解此,則不然。其言曰:

天之於民,均平齊矣,豈有賢愚之異哉!使我一日之力,非終爲不勤, 則流而墮於小人矣:惟終爲勤,則企而趨於君子矣。非終惟終,則皆在夫 人耳。非終或作或輟,不純一,猶曰不克終日也、註,22。

黃氏以爲此節乃指人修德而言,蓋性相近,天之俾人甚齊,其有賢愚之異者,蓋在終與非終,勤與不勤之別,能終且勤,可以企於君子,否則入於小人之域。然則黃氏以義理修德之說解之,與孔傳大異其趣。更有進者,於章句標照,亦多處與孔傳異。若立政篇「其在受德暋惟羞刑暴德之人,孔傳以受德爲紂之字,其以受德爲讀矣。黃度以爲非,其言曰:

古說受德紂宇,未可信,德暋絕句,德暋,凶德也,受之德厥強爲惡 至1.23°

黃度以「德醫」連辭,與孔說異。按其上文言夏桀,亦曰「桀德惟乃弗作往任,是惟暴德罔後」, 正與下文「紂德暋惟羞刑暴德之人」同義, 孔傳於「桀德」曰「桀之爲德」, 而訓「受德」爲紂字, 是前後不倫也; 若「受德」爲紂字, 則「桀德」爲桀字歟! 黃度之說甚是。

總上觀之,黃度書說,其有取於孔傳義訓,誠爲事實,然其非孔異孔者,所在

SE 1119 見前書卷一,頁2~

at 120 參見劉敞七經小傳卷上,頁1。

註.2 見黃度書說卷七,頁11。

SE .22 見前書卷七,頁 14。

^{「# 123} 見前書卷六·頁 16。

多有;前儒每謂王安石喜與孔傳異,然其釋「南交」亦與孔傳同,東坡亦好方異, 然六宗之說以孔傳爲有傳授而從之;劉敞七經小傳,其異孔傳者亦十數條而已;今 黃度書說中,訓義之異於孔者,批孔傳爲非者,不下數上條之夥,其可謂之「以孔 傳爲主乎」,考諸其書,其有取於宋代前儒者及自出機杼者亦多矣。

(二)尚書學說之淵源

黄氏書說,既有取於孔傳;然非以孔傳爲主;則其所取法者,究爲何家派?通 考其書說,亦有迹可尋焉。其書稱引宋代學者之說,其指名者,劉貢父 條 註 124 , 王安石 條 註 125 蘇東坡六條 [註 126],胡安國 條 註 127 ,范祖禹 條 註 128 , 薛季宣兩條 註 129 ;以蘇說爲最多。然比對諸家之說,黃度取蘇氏之說誠夥矣,然 引蘇氏說而加以批評者,亦有之 [註 130];而其雖不稱名,而實引薛宣之說者尤多, 且多取其說,鮮有非之評之者。其明引薛季宣之說者 [條,在禹貢「雲上夢作乂」, 取上龍「江波爲雲,竹澤爲夢」之說。在西伯戡黎,則引薛上龍之說,以西伯爲武 臣 註 131 。其不指名爲薛氏之說,而實爲薛氏說者,若禹貢「禹錫玄 長,告厥成功」, 孔傳以爲「堯賜玄 長以彰顯之」,臣安石以爲禹錫玄 長於堯,以告成功;林之奇則謂 禹以玄 長古成于天;而薛季宣則謂乃舜嘉禹治水之功,告之於天,受寶 長賜,定禪 禹之事也。黃氏於此,則曰:

玄,天色也。孔氏曰:錫玄圭,天功成是也。禪禹定於此矣「ஊ 132.。 按黃氏雖末言帝爲舜,然禪禹者舜也,不言可知,其以此論舜禹之禪定矣,是用薛氏之說也。黃氏於伊訓「具訓 F蒙士」下曰:

或曰·蒙·矇古字從省爲蒙。周官瞽矇掌弦歌諷誦,召武公稱矇誦, 衛武公亦曰矇不失誦;所謂工執藝事以諫者也。易作官刑具以訓瞽矇,使 歌誦之以儆邦君卿士 註 33,。

註 1241 見前書卷三,頁6。

[、]註 1251 見前書卷四,頁 10、11。

駐126 見前書卷二,頁4、14、15、卷三,頁4、卷バ,頁4、16。

[、]註 1271 見前書卷七,頁 18。

[、]註 (28 見前書卷六,頁16。

註 129, 見前書卷二,頁7,卷三,頁22。

註 130 若前書卷四,頁 16,洪範庶徵「曰王省惟歲」以下一節,蘇氏以爲乃五紀之之,脫 簡於此,黃氏以爲非,雖未指爲誰說而稱「或曰」、實東坡書傳之說、其他尚有數 條,不贅列。

赶131、同註129。

註 1.32 見黃度書說卷二,頁 17。

[「]註133、見前書卷三,頁6。

此「或曰」之說,實始見於薛氏古文訓也。又牧誓「庸、蜀、羌、髳、微、盧、彭、 濮人」, 黄氏曰:

擊、縱、盧、彭則難考矣。或曰唐姚州有微水蠻,戎州羈縻有微、擊 二州,今盧州古巴之國,又今雅州有盧山縣。彭今眉州彭山縣有彭祖冢及 祠。凡此名稱雖同,未必是,……已不可必也(zi 134 。

其引「或曰」之說,亦薛氏之說 「註 135 ,雖曰未可必,而取其說以補書傳之缺,猶 逾於無說,是亦有取於薛氏矣。又無逸篇祖甲之說,孔傳以爲太甲,黃度則曰:

案史記殷自有祖甲。高宗子祖甲淫亂,殷復衰。國語亦曰祖甲亂之, 七世而殞。邵康節皇極經世書,祖甲繼祖庚而立,歲在壬戌,廩辛主於乙 未,其歷年之世次皆與書合。鄭康成謂武丁欲舍祖庚而立祖甲,祖甲以立 弟不義,逃于民間,是蓋賢矣。其說當或有所受。國語、史記,容或誤數!

(š# .36

其說亦取於薛氏而文辭幾近抄錄,所引鄭康成及邵雍之證亦同、註 137 ,足見其取於 薛季官之說也。

黃度之多取於蘇說者,蓋薛士龍書占文訓之說,亦淵源於蘇東坡爲多 1 1381 ,故其祖薛氏而祧蘇氏也。其書說中,引蘇氏說亦多見於薛氏者,若東坡以「文侯之命」爲見周德之衰,薛氏用之,黃氏亦曰:「夫子錄文侯之命,著周之亡也 註 39 。」;其仲虺之誥引蘇文忠之說,謂仲虺誠忠矣,而湯之慙口實之病,仲虺終不敢謂無,放殺之名,雖其臣子不能蓋。薛氏亦引蘇氏此說,而續曰:「固謂湯亦弗之蓋也 註 1401 。」而黃度則曰:「夫惟湯武未嘗求蓋也。夫不蓋其名,是以爲仁義之盡;使有其實而欲蓋之,則私而已矣,何以湯武爲 1 1 1 1 是發揮薛氏之論,而以公私之義明之也。

再就冶尚書之觀念、方法及風格言之。亦足見黃度之說源自薛氏者黃度嘗謂: 大抵說經,當有據。詩書王制孟子左氏傳國語可據,史記已有不可據 者,其他傳記,苟不可致實,則必難據也 至 142 · 6

A 134 見前書卷四,頁5个

狂135 見書古文訓卷七・頁9、10。

旺.36 見黃度書說卷六,頁4。

年137、參見書古文訓卷十一,頁3。

註 138, 參見本工餘季宣部分論薛氏尚書學之淵源一節。

[「]訂.39) 見黄度書説卷七,頁 18。

註140 見書古文訓卷五,頁6。

註.4.1 見黃度書說卷三,負4。

註,42 見前書卷五,頁19○

又□:

故當畫廢諸說,而一之以經又。……故備改本末,指其誤謬,以伸經文,使學者無所惑為 [[] [] []

是其以經文爲準,並參以他經,以尚書互證經義,以易經之理訓解尚書,凡此皆黃 氏治尚書之觀念。右其解多士「天顯民祇」,則曰:

陟降厥士,日監在茲,天顯也。予臨兆民, 廩乎若朽索之御六馬,民 祇也 註,44 。

是以經解經之義也。若燕典「巽朕位」, 黃氏曰:

堯在位久,高而能降,顯而知晦,故欲以位巽四岳。易巽象曰,以木 巽火,火出而木冺也 at 45.。

此「巽象」者非、當爲「鼎象」。鼎卦彖辭曰:「以木巽火。亨、飪也。聖人亨以亨 上帝,而人亨以養聖賢。巽而耳目聰明、柔進而三行,得中而應乎剛、是以元亨。」 其說有取於「柔進而三行」「以養聖賢」,是進賢於上位;鼎卦彖曰:「君子以正位凝 命。」,是堯巽於四岳之義也。又「釐降二女於嬀內」,黃氏曰:

易二女同居爲睽、二女能執婦道于碩囂傲慢之間,堯於是以舜爲果可敬也 # 146 ·

是黄度取易義以解書義也。凡此者,亦皆薛氏治學之觀念與方法 註 147.。全於薛季宣依占文作訓,每有言古文云何者,黄度書說亦同。若禹貢梁州「岷嶓既藝」薛氏曰:「汶,古岷字。岷山亦曰蜀山,在茂小汶川縣 (註 148 。」黄度解之,全司薛氏之文 註 149 。又甘誓「孥戮」之文,黄氏則曰:「古書孥作奴 註 150 。」若酒詰「妹邦」,黄度曰:「妹、朱占字通 註 151 。」若梓材「懷爲夾」,黄氏曰:「夾音協,當作挾,古字省或脫 註 1521 。」若蔡仲之命「郭鄰」,黄度曰:「逸書作號處,號郭占字通 註 53 。」或據古文,或用薛氏之說,皆可證黃度之尚書說,與薛氏關係之密

[[]註143、見前書卷二,頁14,禹頁篇論二江。

[[]註 144 見前書卷六、頁 2。

[[]註 | 45 見前書卷一,頁40

^{1 1 1 1 4 6} 見前書卷一,負4。

[[]註 47 參見本 天論薛奉宣己尚書學中,有關其后尚書之觀念與万法部分。

[[]註148, 見書古又訂卷二·頁12。

[[]註149 見黃度書說卷二,頁8。

⁽註 50 見前書卷二,頁 18。薛氏書占支部作仗,奴也。

⁽sa.5. 見前書卷五·頁1。薛氏亦有是訊·見書古文訓卷九·頁1。

[[]註152、見黃度書說卷五,頁15

CH 153 見前書卷六,頁 9 o 薛氏亦可,見書古文訓卷十一,頁 12 o

切,其淵源於薛士龍之書占文訓,無疑也。

據此結論,則有可議論者焉。蓋今本宋元學案,到黃度於止齋學案,標爲止齋 陳傅良之學侶, E梓材曰:

案梨洲原表列先生於艮齋之門。而編考載籍,殊無明文。以與止齋一見如故,列爲止齋學侶可也 EL 154 。

按薛季宣長黃度六歲,薛氏卒年四十,而黃遂初三十四耳。依年齡而推,黃氏可以及薛艮齋之門。今以黃氏尚書說考之,其出於薛士龍之學,至爲明白;黃宗羲列黃度於艮齋之門,雖未見其所據,然就其學術觀念、方法、特徵,及其尚書說之淵源推之,梨洲之表,亦非妄列;王梓材未考及此,輒移黃度於上齋學案,雖非極誤,亦失之草率,而枉誣先輩也。

(三)尚書學中之義理

黃氏尚書之學既以薛士龍爲宗,而薛氏訓解尚書,一皆以聖人之言爲準,旨在明聖人之心,以彰聖王之事功。薛氏學受袁溉,上承伊川,固解義多據論孟學庸爲基礎,黃氏之學,既源薛艮黨,其以義理解尚書,自亦固然也。四庫提要謂「以義理談經者,固有取焉」。士龍之學兼重事功,談及心性者較少,黃度則稍加充廣,時就心、性、理作說也。其說堯典曰:

配曰:脩身則道立,尊賢則不惑。以親九族,齊家也;平章百姓,治國也;··皆能昭明其德。詩曰:商邑翼翼,四方之極。協和萬邦,平天下也,建萬國,親諸侯,合和之,無彼疆此界,而眾民皆化,於是大和,此大學本末先後之論也。凡典籍之言道德者,皆本此,故推以爲道路(32)55。

黃氏以大學之言說堯典首章,並指爲典籍言道德之本,其以道德解尚書也可見矣。 其說鯀「方命圮族」曰:

縣才高也;……咈戾、方命、方執不順理也。天命之性,物理具焉、 窮理盡性,以至於命;理、性、命同也。水失其性,而五行皆亂,藥倫由 是而斁。……夫有材而不知道,逆而施之,鮮不敗其類、至156。

按孔傳謂「方命」爲「好此方名、命而行之」,則所謂命者,乃君上之命令也。薛氏謂「方命,不循天道」,黃度本士龍之說,復衍其義,謂命乃天命之謂性之性,在天爲命,在人曰性,人之性有才、物之性有理,在能率性順理與否耳。箕子曰「鯀堙

註 .54 見宋元學案卷五十三上齋學案,總頁 975。

註155、見黃度書説卷一,頁1。

註156 見前書卷一,頁3。

洪水, 汩陳五行」, 則是內不能率其才性, 外不能順物之理, 故彝倫攸斁。其說大禹 謨「人心道心」曰:

人心應緣接物,與民同患者也、易流故色,典禮興行、人紀攸立、故 曰人心。道心冥漠虛寂,不可名象者也、無迹故微、卓乎獨正,道體斯在, 故曰道心。道心體也,人心用也;用之而危則害道,不用則偏體孤德、墮 於荒茫,不可以同……不墮於無,不沒於有,然則有無皆迹也,故謂之 兩端、取 157,。

彼以體用有無解道心人心,則道心、人心為二,有近理、氣二元之論。其論蓋有取 於道家之說。老子曰:「無,名天地之始;有,名萬物之母;故常無欲以觀其妙,常 有欲以觀其徼。」是體與用相成以見其功,形而上則爲道心,此心冥漠,道冲牝靜, 故爲微而難察;形而下之爲人心,人心接物,故必動而後見其用,猶氣之流轉而賦 成萬物,然接物而動,易隨物化,故其用也危;故人心必執道。以行云,始不危, 道心必依人心而在,始見其迹。其說益稷「安汝止」曰:

為人君止於仁、為人臣止於敬,為人子止於孝,為人父正於慈、與國人交止於信、莫不各有所當止也,而安之為難,不妥則易畔也 每158 。 孔傳解此曰:「當先安好舉所止。」以好惡人欲之所定執解之。薛上龍書古文前見口: 「安止即安安也。於止知其所止,則幾微之動,吉之先見者,皆得之矣 對159 。」 其以安其所安作解,而接之以吉康,是亦利而行之者也;黃度以五倫之所當行止於 五德解之,蓋據大學「止於至善」之說為 計 60 ,並訓「惟幾、惟康、弼直」曰 「幾當察,康當戒,弼直當親」,皆以進德修身爲宗極,是「仁者安仁」之義,安而 行之,任重道遠,斯其不易,然能之者亦不易畔棄矣。其說義較孔傳,薛氏爲長。 凡此者皆見黃度以道德,心性爲說,黃宗義列入學案之中,誠非孤妄也。

(四)尚書學中之新論

黃度說尚書,多宗薛季宣,亦有取於孔傳,然彼亦博學泛採之士,與薛氏類近,故母就尚書以發其新論。若其說皇陶謨「撫于五辰」曰:

五辰,緯星。凡星皆出辰沒戌,故五星爲五辰,十二舍經星亦爲十二 辰。歲星可肅典,致時雨、熒惑可哲典,致時燠,太白可义典,致時陽; 辰星可謀典,致時寒;填星可聖典,致時風。經星有常不變,緯星有伏有

缸157、見前書卷一、頁13。

註158, 見前書卷一, 頁17。

缸159, 見書古文訓卷二,頁18。

[[]註 160] 參大學傳三章,用朱子章句。

息,有進有退,與日相終始,變則不可準羅齊,惟聖人能安之,而以日星 爲紀,日成,月要,歲會,由是而出,故庶績凝焉 at 161 。

按孔傳曰:「撫順五行之時。」黃度以緯星出於辰時,五謂之五辰,五辰即五星也,則各有所司,並配以洪範五事之用,合以庶徵之驗,共成此說,此乃黃氏所爲新解也。其論高宗肜日篇曰:

秦漢以來,人主不求神仙,即興祕祀,大抵畏死耳。觀祖已非天天民之語,高宗疑若亦爲祈長年者;夏帝孔甲,好鬼神之事,大降龍二,三代以前常有此等事;周官致天神,致地祗,致人鬼物魁,秦漢寶雞神光皆是,然則雖維不足怪也。高宗固爲能知鬼神之情狀者,而獨不免以夭壽二其心,則害道,此祖己所爲作訓也。理性命一貫之學也。說命三篇窮理盡性,高宗之學精矣,至此始能通於命而其道備。至,62。

孔傳云:「祭祀有常,不當特豐於近廟。」而黃度解「昵」爲「褻黷」,謂不用常典則流於褻。歷來解此,皆以爲高宗祭祀,豐于近廟,故有雊雉之異,惟史浩以雉雊於廟,在高宗肜祭成湯之時,蓋成湯于高宗爲遠,祭祀甚薄,故雉雖懼人之鳥,猶能登鼎而雊,足見高宗之豐於近廟而薄於遠廟也 (註 163 。然此說猶不能脫離近廟之說。黃度既訓昵爲褻,遂以爲高宗之祭,爲祈長年,懼夭短而祭,是祭近於淫褻而入於迷信,棄性命理之學而求諸非道,足見高宗之於學,尚未臻極;然經祖己之導,高宗始戡破性命之阻而入於道。其說本經文「降年有永有不永,非天夭民,民中絕命,之意,於文義較相傳近廟之說爲順。

顧命之篇,有「三宿,三祭,三咤」之文,孔傳訓「咤」爲「奠爵」,黃度以爲 非;其訓說曰:

咤、噴聲、字亦作吒。項籍暗鳴叱吒、悲不敢哭、聲噴而止也 點 164 。 黃度用說文「吒」字之義,以吒、咤同、故訓咤為噴聲、而不取孔傳「奠爵」之義。 孔傳以禮儀釋經義,其說本諸王肅、鄭注謂「卻行曰咤」、亦據行禮之度作解;而此 字从口、自來解之者、皆與口中發聲有關、奠爵、卻行之義、不知從何而來,故黃 度本諸說文之義、謂「悲不敢哭」、蓋其時成王新殯、爲子之心哀痛可知、故雖受顧 命傳位、其心思之愈切、悲之愈急,有不能忍而強忍之、故發噴聲;此據人情而說 義也。禮記問喪篇曰:「親始死、雞斯徒跣拔上衽、交手哭、惻怛之心、痛疾之意。……

EI 161,見黃度書說卷一,頁 15°

LEE 162 見前書卷三,頁 22。

註 .63] 參見史告尚書講義卷十,頁 [3。

[·] at 164 見黃度書説卷七,頁6:

大悲哀在中,故形變於外也。……喪禮唯哀爲主矣 👔 .65 。」可見黃氏此解,於禮之心及人之情,自有其精義存焉。

黃度又嘗論書何以終於一誓。孔傳亦嘗論其義曰:「孔子序書,以魯有治戎征伐之備,秦有悔過自誓之戒,足爲世法,故錄以備上事,猶詩錄商魯之頌。」自來說書者多如是,黃度論之則不然。其言曰:

費響見周初牧民職業,秦誓春秋霸國爭雄盛衰之變也。秦自穆公敗 崎,終阨於晉,兵不復出函雍,事業若無足言,而身修行美,權尊分嚴, 教民耕戰,绥服西戒,子孫皆能奉其舊業;夫子知其終必得志於天下,推 其效則自穆公垂創之爲可繼,故錄其書使與費誓自爲後先,見周室盛衰之 節焉 且夫子何以知秦必得志於天下也,曰見其禮而知其政,聞其樂而知 其德,興亡之效,奏而不知也。……故夫子序書,以秦承周,以崤誓繼典 謹命,其旨微矣 蘇 106 。

納蘭容若撰新昌黃氏尚書說序,評黃氏此論曰:「竊以爲不然,周公、魯公,皆周卿 土,周公之誥,錄于書,魯公之誓,亦錄于書,無以異也。夏之書終以嗣征,周之 書終以秦誓,無以異也;而謂夫子序書以秦承周,以崤誓繼典謨命,其旨則微;毋 乃近于讖緯之說 註 67 。」黃度以夫子序秦誓而論秦之必得志於人下,是有近於巫 矣。然其說亦非獨創,蓋上承薛季宣之意。薛氏曰:

其論與黃度之說相去無幾,可見其學派淵源關係。納蘭容若不於書古文訓作評,而 於黃度書說評之,是亦不知其源本矣。況薛士龍之說,亦自有根源。考邵雍皇極經 世書云:

秦始盛于穆公,中于孝公,終于始皇。...所以仲尼序書,終于秦誓 一事,其言不亦遠乎?

又口:

秦穆公能改過自誓,伯之優者也。故序書上自典語,下及秦誓,聖人 猶取之而不廢,是亦不得中行而與之,必也狂狷乎之義也。王者不作,近

[[]註 165 見禮記卷五六,頁 14、15、16

[[] 註 166 見黃度書說卷七,頁21。

[[]EI 167 見通志堂經解黃度書說前附。

[[]註168 見書占又訂卷十五,頁17。

於王道者,雖一善必錄,聖人之心如此。然終于秦誓,則世之盛衰,道之 污隆可知之矣,穆公有此一善可稱,宜子國以盛強 註 169.。

薛季宣於邵雍之書頗好且精 [註 170] ,其說殆出於邵氏也。其他若歐陽修之正統論,亦有類似之言。

(五)疑議經、序

黃度之學源自薛季宣,其疑議經文、書序,亦相類似。今述其如下:

1、疑經字脫誤

黄度疑泰誓經文「十三年」與序文「十一年」二者不同,故疑經字誤而信書序。 其言曰:

序為十一年,書為十三年,史記作十一年與序同。案書序伊訓、泰誓書年皆有義,伊訓防疑,泰誓闕疑。書十三年當是傳寫至夫子時已誤,夫子以周史考之,實爲十一年,承書之誤不改,而自於序正之,蓋闕疑之類也,註171。

薛季宣亦嘗疑此,而不定經誤或序誤,黃度於此直定言經誤而不信有還師之說,較之薛氏爲堅決。此外,黃氏每言某字占文或脫或簡者;若益稷「作會」,黃度曰:

鄭又以會爲續,恐當是。字當作繪,恐脫或古字簡、註 1721。

又梓材篇「懷爲夾」,黃氏曰:

夾音協,字當作挾,古字省或脫,謂挾而有之 註173 。

又顧命「太保受同、祭、嚌、宅授宗人同」, 黄氏曰:

或曰:宅、咤宇脱其旁,亦謂一不敢哭也「紅174」。

除疑字形脫落,或古文簡體之外,又有據前人書義而置疑者;若泰誓中「播弁型老」, 黄氏曰:

正義:老人面凍梨色,則犁當作梨[註175]。

此文乃孔穎達止義引孫炎之言,孫炎既曰梨色,則其所本之經作「梨老」也,故有

註 169 見邵雍皇極經世書卷三,頁45、46。

註 170 薛氏書古文訓,據皇極經世推知無逸乙祖甲爲武丁子祖庚弟,而非易孫太甲。見其書卷十一,頁3。 很語集卷九,頁8,有「讀皇極經世書」詩,其又曰「大易誠知自書前,後天不識異先天; 工夫用盡還無事,巧曆勞推不盡年。」可以知之。

註 171〕 見黃度書說卷四,頁1。

E 172 見前書卷一,頁 18。

註173 見前書卷五,頁15。

[、]註 174, 見前書卷七, 頁 6。

註175〕見前書卷四,頁3。

是疑。

2、疑書序

薛季宣以書序出孔子手,故於書序無疑說,而黃度以爲書序雖出夫子之手,然 世代傳鈔,占今體變,魯魚豕亥,容或有之。故其於書序亦致疑焉。黃氏論牧誓序 曰:

孟子武王虎賁三千人,史記同:序之傳恐誤。武王曰:予有臣三千: 中堅當馳道者也, 註 176。

黃氏據史記,孟子之文疑書序,蓋孟子長於詩書,世又近古,史記史公曾從孔安國問故, 說相同,故以爲可信,是以疑序文「三百人」當爲「三千人」之誤。

蘇東坡嘗謂洪範庶徵「曰王省惟歲」以下一節,當屬五紀脫簡之文;黃度以爲 非也。其言曰:

五紀會歲月日星以起歷數而立天道,度徵序歲月日時以成歲功而驗休祥,事辭雖相涉,而其用不同 註 177 。

黃度雖學承薛氏, 而薛氏之說淵源於東坡, 然薛氏、黃氏於東坡改經之說, 均未加 採納, 僅有疑議之論耳。

四、黄氏尙書學之評價

呂光洵於黃度尚書說序中,稱黃氏之說,推論三代治忽興衰之端,與典謨訓誥 微辭眇義,皆明諸心,研諸慮,以其所契悟注而釋之,其辭約,其義精,粲然成 家之言 註 178 。蓋黃度之學雖本諸薛氏,然較之薛士龍,於義理之闡揚則有過之, 誠尚書著述中,於訓詁名物與夫義理微言兼具者也。納蘭容若通志堂經解黃氏尚書 說序云:

夫說書亦難矣。九峰之傳,程直方辨之,余芑舒疑之,袁仁砭之,明 太祖集諸儒更定之:公之說諸儒未有議之,由其義之純而辭之約也 註 179.。 納蘭氏之言,其稱舉黃氏者,以爲有過於蔡沈集傳,其意雖善而論有瑕疵,何則? 蓋樹大易招風,故蔡九峰之傳,議疑論評者特多也。雖然,儒者鮮議黃度之說,亦 不足以之論其說之無可觀者。然則黃度之書,其價值安在哉!曰:其可觀者有一。 其一、可見黃度尚書學一家之言。其一、足證黃度之學承白薛季宜,黃梨洲列之爲

註176 見前書卷四,頁5。

AI 177 見前書卷四,頁16。

註 178] 見同註 109。

[[]註179] 見同証167。

艮齋門人,於焉有據,而王梓材收列上齋學侶,失之誣妄,可明宋代學術傳承之迹。其一、若以薛氏書古文訓與黃度尚書說比而論之,可見當時學術之風氣: 天薛氏之書,於宋代目錄中均未著錄,而黃度之作,則見錄於陳振孫書錄解題及宋志,此不可謂陳氏及脫脫等均未見薛氏書古文訓,蓋或駭於其體式論說之怪誕,是以一如四庫全書之不取薛氏書也。黃度既源於士龍,然其體式平正,訓詁時據孔傳,雖亦多加非議,而未見怪於當時;且彼復加重義理性命之說,時有新奇之論,雖其中有出於薛氏者,時人亦不以怪異視之也。再者薛氏之古文訓,朱熹以爲多於地名上著功夫,時人若呂祖謙者,亦於禹貢圖說中引薛氏說而已,稍後薛氏之說,亦見引於傅寅禹貢集解,似若薛氏之書,其可取者惟地理耳,殊不知黃度之說,多取於薛氏,可見其學說亦未以地理爲限也。薛氏尚書之說,後世傳之者鮮有,陳傅良、葉水心、樓鑰等均授學於薛氏,陳傅良有書抄,今亦已逸 註 80 ,葉適、樓鑰,均無尚書之學可傳,微黃度書說,吾人不能見永嘉學派尚書說傳授蛻變之迹矣。

註 [80] 見經義考卷八一,頁7,云「未見」。

第三章 橫浦尚書學案

第一節 張九成

·、 生平事略

張九成,字子韶,自號橫浦居土,亦稱無垢居工。錢塘人也。八歲即能默誦六經,通大旨,嘗對客問曰:「精粗本末無一致,勿謂紙上語不足多,下學上達,某敢以聖賢爲法。」上歲善文,時儕稱雄 註 1 。及遊京師,從楊時學。性梗介剛直,不與權貴游。紹興 年,上將策進土,詔考官以直言者置高第,九成對策,謂金有心亡之勢,中國有心興之理;而中興之主,大抵以剛德爲尚,而忌逸樂消沉;且言閹宦不可以名聞,以十預政事。此策權置第一。楊時遺書曰:「自中興以來未之有,非剛人之氣,不爲得喪回屈,不能爲也。」愈判鎮東軍,與監司不合,投檄而歸,從學者日眾,出其門者多爲聞人。入爲太常博工,改著作郎,除宗止少卿,禮部侍郎,兼侍講經筵。上嘗命講春秋,固辭而易以論孟講之 註 2 。在經筵言西漢災異事,连時相秦檜,謫守邵州。丁父憂,既免喪,秦檜恐其議己,令司諫詹大方論其僧宗杲謗訕朝政,謫居南安軍。在安南十四年,執經趺至,庭磚成印,其力學若是之專且動。檜死,起知溫州,意不合,即丐祠歸,數月病卒,時紹興 十九年八月也。年六十八。著有尚書、大學、孝經、論語、孟子說,無垢錄,橫浦心傳考。四庫書目采錄孟子傳二十九卷,橫補集二十卷。

無垢星與徑山僧宗杲遊。宗杲善談禪理,九成日與往來,侵淫佛學,是以其學 逃儒而歸於釋。朱子作雜學辨駁下之,以爲九成之學,陽儒而陰釋,於孔門正學,

註 1 參見宋元學案卷四十橫浦學案,總頁 748。

^{# 2} 问题 1 °

有似是實非,易導人於歧途,以爲其患烈於洪水猛獸 註 3.。橫浦雖得力於宗門, 然清苦誠篤,所守不移,亦未嘗諱善其非禪 註 4 。且楊龜山弟子,以張九成風節 最光顯,其羽翼聖門之功,未可泯也 註 5.。

二、尚書著述及著錄

九成之學,初從楊時入,爲程門再傳,乃義理之正宗也。後從僧宗杲游,始習 禪機,亦時以佛義釋儒典。其心傳錄首載宗杲以天命之謂性爲清淨法身,率性之謂 道爲圓滿報身,修道之謂數爲千百億化身(註6;是其借禪機以詁儒理,殆爲事實。

九成尚書之著作,有尚書詳說五十卷、宋志有錄、而經義考則曰:「未見。一齋書目有之。」又書傳傳統論六卷,經義考云:「載橫浦集中,自堯典至秦誓,各爲論一篇(註)。」今書傳統論載於橫浦集自卷六至卷十一,一如朱彝尊之說。至於尚書詳說,今雖云未見,而黃倫尚書精義,多收宋人經說,其每條之首,幾皆列無垢之說,似即本九成尚書詳說而推廣之。精義一書,陳振孫頗疑其僞托,然九成詳說之目,僅見著錄,其書久經湮晦,即使精義果相沿襲,亦未嘗不可藉是書以探九成尚書學也。

精義所引無垢之說,亦非全本。蓋其書乃輯自永樂大典,故永樂大典原缺之篇章,則不可復識;而其書亦非每段皆引九成之說,間或引伊川、東坡、張氏而不及九成者,是又不可見九成之全說矣;且一章之中,引九成之論,亦嘗經篩節,故每有「又曰」之詞,是其論說非完璧也。今就橫浦集中書傳統論,並輯尚書精義引無垢之說,以論探張九成尚書學云。

二、張九成之尚書學

九成尚書著述,今所見在者,如前述,非完整之書,故僅能就其所見者而論之,其不見者則未必本無也。茲論其尚書學如次:

(一)尚書學說之淵源

張九成少誦六經,長從學於楊龜山時,於儒學經典多有論說,其尚書詳說有五 上卷之富,堪稱力作。宋代慶曆以前,說經者多遵二子章句訓話;慶曆以還,有劉

⁽at 3) 同前書,註引黃震之言。,總頁75。

註 4. 阿前書,註引全祖望之言。

[[]註 5, 張九成生平事略,參見宋史本傳宋元學案,四庫總目提要橫浦集下所述。

if 6. 同註3。

[「]註 7 見經義考卷八十,頁 8。

敞、王安石、蘇軾諸儒,大倡異說,一改前度,視漢唐章句訓詁如土梗;無垢身處 其風,論說諸經,每多異說,然其尚書學說,亦有淵源可考;茲分遠源與近源論之:

1、遠源於孟子

張九成從楊時游學,得伊洛正傳,而二程之學,出於孟子,嘗謂得孟子不傳之學,是故伊洛學者,皆長於孟子。而孟子書中,引尚書以論占帝王之事者獨多,故趙岐題辭以爲孟子尤長於詩書;是以二程學者說尚書,多依孟子立論,蓋其思想之所宗也。若林少穎之奇,亦爲龜山再傳,其尚書全解中,每引孟子之言爲據,即爲一明徵(註 8. 。而九成經學著作今見存者,唯孟子傳二十九卷,且嘗兼職經延,所說亦以論孟爲多,嘗謂:「看六經須先精求語、孟(註9)。」可見九成之學,與諸二程學者同長於孟子,亦淵源於孟子。

九成於尚書論說中,引孟子立言者不少。其書傳統論之論金縢篇也,以爲成王 出郊而天乃雨反風,是其心足以動天地,遂曰:

孟子深識此理,故曰:盡其心者知其性也,知其性則知天矣。存其心, 養其性,所以事天也 註10]。

可見其論成王出郊而天動以應,即孟子所謂盡心、知性、知天之義;心可動天之觀念,於此立焉。又其論舜典命契作司徒,「敬敷五教,在寬」曰:

契於是乃因其自然之性,乘閒暇時啓發其親遜之心,使之還其所固有,豈不美哉……儻惟督迫之,驅逐之,則斯民將驚苦無聊,方畫思夜夢 之不寧,何暇樂於從善乎!此孟子養氣所以有揠苗之喻,而契之敷教,所 以有在實之義也 至111。

此引孟子揠苗之說,以證契敷教在寬之義,是以孟子說尚書,非據尚書以言孟子也。 凡此之例所在多有,是見其思想根源於孟子。至於宋代以前諸先儒說尚書者,若鄭 玄、孔傳、孔疏,間亦引之,唯多在名物訓釋而已,如禹貢、顧命篇中即可見矣。

2、近根於蘇軾書傳

東坡之學,素與二程異趣,是故程門學者於坡翁多鄙之,唯東坡書傳之著,見 重於義理之家;朱熹嘗稱東坡之說,不可不觀而取參焉 註 121。考宋代尚書之學, 作者雖眾,北宋時能迥出先儒,阜爾成家者,唯王安石尚書新義及東坡書傳而已。

[[]註 8] 參見本論又林少穎之奇一節。

[「]註 9 宋元學案之橫浦學案,總頁 75 註引。

紅10] 見橫浦集卷九、頁6。

[[]註]... 黃倫尚書精義卷四,頁9引無垢曰。此書以下簡稱精義。

註12 參見本論又蘇軾一節,而四庫提要東坡書傳條亦有此說,可參。

王氏新義,多爲其新法作地,與義理之學多相乖舛;東坡之書傳,則與理學相近, 發揮聖賢王者之術,而與王氏新義相拮抗,是以見重於時儒。楊龜山當作三經義辨 以指王氏之謬 莊 ,其立場與東坡相似;而九成從學於龜山,傳義理之學,於有 宋尚書之說,當以東坡書傳爲近而可取;復且九成參染禪佛,而東坡亦談禪佛,思 想形態亦較近似;或以是之故,九成尚書說多取東坡之論以立言也。

九成書說,引用宋代學者之論,以東坡最多,無慮數十處,且明言為東坡之 說,而其他諸儒所論,惟程子、橫渠各一引之,而王安石,劉敞之說,則暗用而 末明示;以此可見九成尚書學,實近取於東坡書傳,其論禹貢兗州「厥田爲中下, 厥賦貞,曰:

使云厥田惟中下,厥贼惟中下,此成何等文乎?儻爲第九,則當云 厥賦惟下下,有何不可?而故變文爲貞乎?又州自爲第九,何與賦事?兗 州所載,無第九之文,今遽近舍厥田之正,而遠求州爲第九州之說,豈不 迂乎?余嘗疑之,未敢斷也。而東坡云:賦當隨田高下,此其正也;其不 相當者,蓋必有因。故如向所云相補除者,非其正也。此州田中下,賦亦 中下,皆第六等。然後余心斷然不疑 經1.4。

此論所疑者,謂孔傳也。孔傳云:「貞、正也;州第九,賦正與九相當。」九成疑孔傳而不敢斷,而據東坡之論爲斷而不復疑,其崇用東坡之書說,可謂篤矣。

東坡書傳,異於先儒者頗多,而九成多遵用不疑。若東坡說禹貢,有「味別」、「地脈」之論,無垢因之。其論荊州「潛沱既道」曰:

水從江漢出者,皆曰沱、潛,但地勢西高東下,雖於梁州合流,還從 荊州分出,猶濟水入河,還從河出。東坡謂禹雖賢聖,何由知荊州之水, 乃梁州之沱、潛也,以味別之耳。荊、梁相去數千里,非以味別,安知其 合而復出耶?然水脈相貫,理之自然 亞.5 。

此即用東坡「味別」以辨水合分之論也。又其論導山一段曰:

其言導山之事,自雍州始,岍山在扶風。東坡謂即吳岳也。岐在美陽縣西北。荊山有三條,岍爲北條 [wi 16 。

人口:

註 13、見經義考卷七九,頁七楊時書義辨疑下引晁公武曰。

E 14 見精義卷九,頁2引。

EE 151 見精義卷十,頁17引。

註16 見精義卷十一,頁17引。

信如東坡地脈之説,則禹之窮察地理,亦可謂神矣 紅17 。

九成說禹貢導山,用「三條四列」之說,即東坡地脈之論也。其他若論君爽「寧王」, 用東坡寧王指武王之說、註 181 ;論君陳,不用鄭玄以爲周公子,而王東坡謂非必周 公之子 註 19 ;皆是明證。而東坡書傳中,大異於先儒者有二:一謂胤征、顧命有 孔子該刪而未刪者;二謂穆王、平王之無志,以見周之不可復興。此大異之論說, 九成不獨用其說,更進而補充發揮,推廣其意以說尚書之義、

考東坡書傳論胤征曰:「太康失國之後,至少康祀夏之時,皆羿、浞專政僭位之年,胤征之事,蓋出於羿,非仲康所能專。羲和,淫湎之臣也,而貳於羿,蓋忠於夏也,註20。」而張九成之說胤征,則盛稱東坡曰:

東坡按史記及春秋傳晉魏絳,吳伍員所說,以見征義和出於界擅國政時,非仲康之意,其說詳明,信不誣矣。....讀書如東坡之見,可謂過人矣 至21.。

然東坡之論,以爲羲和虞沉湎之臣,故其論曰:「夫酒荒厥職之人,豈復有渠魁脅從之事,是僵國得眾者也。」九成則以爲羲和非虞淫湎之臣,乃佯狂避禍以何謀圖也。 其論曰:

然余考之,羿挾天子以令諸侯,羲和在朝,知必將篡位,稍出智慮, 必為有羿所圖,故一付於酒,如竹林諸子之處魏末晉初也,以智求免,將 有所待耳。明知日食而不告者,其意以謂吾夏臣也,乃盡職於羿朝,何為 乎?以酒自污,使羿不疑,一旦軒然歸國,知日蝕之禍,當有篡位之舉, 故胤兵起師,將以圖羿而復夏氏也。胤侯蓋羿心腹之臣,故遣往征之爾。 功之不成,天也.羲和之心,非東坡其誰與明哉!至其淫湎事,偶未深辨, 故余表而出之、莊22 。

由是觀之,東坡論郛與胤侯皆夏叛臣,挾君自擅,而未言羲和何以忠於夏,九成據 而補足,表而出之,實東坡之功臣。

至於康王之誥,東坡論曰:「成王崩,未葬,君臣皆冕服,禮歟?曰:非禮也。」 註23. 無垢則於康王之誥論曰:

註17 旬前書卷十一,頁2引。

[「]it 18 參見精義卷四十一,頁3弓。

⁽註19 參見精義卷四二,頁22引。

EE 201 見東坡書傳卷八,頁6。

a 21, 見橫浦集卷六, 頁 1 °

at 22 , 見前書卷六, 頁 10、11。

註23 見書傳東坡書傳十七,頁13。

康王報語, 邁乎其相孚也, 炳乎其相輝也, 累累乎端如貫珠之相聯也, 讀之使人見忠愛之實, 想輯睦之風。……若夫釋喪而冕服, 諒陰而有言, 則有東坡之論在, 學宜擇為 註 24.。

九成此論,似不全取東坡之說,考東坡書傳云:「然則孔子何取于此一書也?曰:至矣,其父子君臣之間,教戒深切著明者,猶足以爲後世法,孔子何爲不取哉!然其失禮,則不可以不論 註 25 。」可見東坡於康王之告,猶以爲有是取者,而失禮處,不可不論,九成之意,與東坡實無異也。

東坡書傳,論文侯之命,以爲知東周之不復興也,蓋宗周傾覆禍敗極矣,而其 書乃施施然與平康之世無異,是知平王之無志也 [計 26]。九成論文侯之命,其激烈 之辭,有過於東坡者,其論曰:

以史考之、是平王因申侯殺其父而得工也。嗚呼!尚忍言之耶……使平王知有父子,方且痛傷求死之不給,肯爲殺父者所主乎?使平王權以濟事,方且枕戈嘗膽以報父仇,肯命文侯而無一言以及幽王乎?今文侯之命,止有嗣造天丕愆,與夫侵戎我國家兩句而已,略無傷痛之辭,何也?豈大戎兇暴,申侯殘忍,初造國家未能勝之,故爲此畏懼,將以有待耶?而在位五十年,略無施設……是於申侯甚厚報其殺父立己之恩……是特不孝之子而已耳。然則此書何是存而孔子不刪去,何也?此蓋存之以著平王之罪,與胤征同也[1327]。

無垢此論,發揮東坡論平王之無志,進以指平王為見利忘親不孝之人,且與東坡論 胤征之見連類比觀,以爲皆孔子著不忠不孝者之罪也。

無垢尚書學說源於東坡,然非全盤接收,亦有用東坡意而別圖解義者。若東坡論君牙、冏命二篇,以爲知周德之衰;蓋昭王南征而不復,穆王不討弑君之賊,無憤恥之意,而乃欲以車轍馬跡,周行天下,君牙、冏命二篇,皆無哀痛惻怛之語,是見穆王之無道。計28。而張九成冏命論曰:

君牙乃在昭王時,區區無補之臣,而伯冏之爲太僕,乃見穆王馳聘天下,有車轍馬跡而不能正救者也;是二人不足以有爲也。穆王其父昭王溺 死於漢水,略無恢復之志,而馳鶩四方,與兩篇之言,大不相似,是有其

註241 見橫浦集卷 ↑, 負1。

註25 見同註23,頁14。

^{# 26} 見東坡書傳卷二十,頁2、3。

^{至27 見横浦集卷十一,頁6、7[↑]}

註2x 參見東坡書傳卷十八,頁6。

言而無其實者也。然而余三復兩篇,見其慇懃惻怛,有足以感動人者,何也?…夫二篇之命,亦必當時仁人君子憫穆王之無志,故修辭立誠以勸勵於臣下。……曰·安知非出於穆王之自爲耶?曰:使出於穆王,其慇懃惻怛如此,必當大有爲於天下。……余斷以謂非出於穆王而出於大臣之賢者也(註29)。

按九成之論呂刑也,云:「周道之衰,穆王實爲有罪,且以昭王之死不明,而略無痛悼之意 註30。」此與冏命論同,分明本諸東坡之說;雖然,九成之說與東坡相異者亦有二端;其一以爲君牙、冏命,有慇懃惻怛之辭,而東坡則否;其二以爲穆王之無志,除穆王非令主外,君牙、伯冏,亦非賢臣;此東坡未嘗論及。所以然者,九成以爲穆王無志,非表現於二篇,乃因馳聘馬跡而見焉、而穆王既非明君,則無由而得道有道之言如二篇者,是以另立代作之說以彌縫之,而代作者無一言及昭王,蓋爲穆王諱也。以此觀之,張九成書說雖本諸東坡,而發揮旁通,別立己見,卓爾不拘於東坡者,足見其尚書學識見論說之功深也。

九成尚書之學,於宋代諸儒,取於東坡書傳者獨多,其他諸儒之說,雖亦 · 引用,而未明言何人所說,今按考諸家之說,知所引為 E安石新義之論也。無垢君 奭論云:

此一篇之意,皆周公慰勉召公,同相成王,保守文武之基業。召公之意,以謂成王幼小,一惑流言,乃疑周公,其才止中人耳;而我與周公當師保之任,儻或成王不能保守,其罪者在於我,故每懷不悦,常有惟恐失墜之意而欲求去焉、註31。

考黄倫精義引 E安石之說曰:

成王可與爲善,可與爲惡者也。周公既復辟,成王既即位,蓋公懼王之不能終,而廢先王之業也,是以不悅焉。... 民之習治也久矣,成王以中才承其後,則其不得罪於天下之民,而無負於先王之烈也,不亦難乎!如此則責任之臣,不得不以爲憂也、証 32.。

可見九成以召公不悅,爲成 E中才也,此說實本諸介甫。又無垢論盤庚 < 篇曰: 上篇之意,大抵主在群臣,……此盤庚將遷,又恐民當道塗跋履,艱 難辛苦,將有怨咨吁歎之事,故先委曲開喻,使之忘其勤勞而曉其志意

旺30, 同前註頁6。

[「]註3] 見橫浦集卷十,頁3。

註 12 見精義卷四十,頁1引。

也。……此盤庚已在新都所作之篇也,專爲士大夫設。蓋未遷涉何時,則 并臣民而告之、欲其上下一心,以從我之號令也:今既在新都,民各安業 無他心也,所以圖天下之治者,正有賴於士大夫,不可少失其心焉、至 33 。 此以盤庚之篇,分別對群臣、庶民、工大夫爲言,此亦王荊公之論也。林之奇尚書 全解引荊公之言曰:

上篇告其群臣,中篇告其庶民,下篇告其百官族姓 註 4 。 可見此分別之論,亦本諸王氏新義也。張氏說舜典「禋于六宗」曰:

禋于六宗,以告祖宗……言六宗則文祖在其中矣。年35,

林少穎全解謂 E安石「三昭三穆爲六宗,從晉張髦之說」 註 361 ,東坡書傳嘗評 E 氏說曰:「惟晉張髦以爲三昭三穆,學者多從其說。」、註 37 是 E氏以六宗乃祖先 三昭三穆之廟也。九成云「以告祖宗」,即用 E氏之說。

蘇、王二家外,張九成尚參用劉敞之說。劉敞論泰誓曰:

觀兵孟津者,所以單紂也,欲其畏威海過,反善自修也。如紂遂能改者,武王亦北面事之而已 £ 18,0

而九成論西伯戡黎曰:

今天下既歸文王,至文王敢稱兵伐近王圻之國,亦可警畏而修省矣。 使紂修省,又王將率天下諸侯北面而就臣之位不疑也 註 39 。 九成雖用劉敞之說,而移泰誓爲西伯戡黎,改武王爲文王,亦取用而不必全同之義 也。

(二)尚書學中之理學思想

張九成爲程門再傳,龜山高第,故其解六經,多在心性義理之思想爲之說義; 或問無垢六經與人心所得如何?無垢曰:

六經之書,焚燒無餘,而出于人心者常在,則經非紙上語,乃人心中 理耳 至 40 。

其意謂六經文字、隨事義變、且經暴秦之禍、殘缺不全、由六經文字以求聖人之意、

[「]註33、見横浦集卷七、頁11、卷八、頁1、7。

[[]註 34. 見林之奇全解卷十八,頁5引。

註 35. 見精義卷二,頁1引。

[「]註 36、見林氏全解卷二,頁11号。

註 37] 見東坡書傳卷二,頁4。

[「]註 38 見劉敞七經小傳卷上,頁7。

E 39 見橫浦集卷八,頁 12。

註40 見宋元學案卷四十橫唐學案,總頁743

若緣木而求魚,終無所得,是欲求聖人之意,當求諸人心所常同之理,方識六經文字本旨,而知聖人之意矣。是故無垢之尚書學,每以理學爲之說也。換言之,據無垢之尚書論說,亦可見其義理之學。茲陳述之如左:

1、心、理、天

無垢之論金騰,以爲周公作冊書,禱於三王以代武王之死,其心至誠;而成王 啓冊,出郊反風,亦以誠心而至異;是可見心之所發,能動天地也。無垢曰:

惟學問之深者,人欲不行,驚憂之迫者,人欲暫散,故此心發見焉。此心既見,則天理在我耳。欲代武王,欲天反風,惟吾所造如何耳。...造化何在,吾心而已矣。吾人如此其太,而或者以人欲而狹之,殊可悲也。孟子深識此理,故曰:盡其心者知其性也,知其性則知天矣。存其心,養其性,所以事天也。夫知天在盡心,而事天在存心,則人之於心,其可不謹乎。註41?

九成之意,謂大人一心,本無彼此,心即天,心即理,能甚吾心之至誠,則與天地 鬼神合,亦足以造化天地,參合陰陽矣,唯眾人之心,每牽於人欲,而鞏礙不明, 則此心之能明見,當析其天理、人欲之別。無垢論大禹謨「人心道心」之言曰:

所謂天下四方萬里事物之本,何物也?曰:中而已矣 蓋天下此心也, 四方萬理,此心也;若事若物,此心也;此心即中也。中之難藏也久矣; 吾將即人心以求中乎?人心,人欲也,人欲無過而不危,何足以求中!之 將即道心以求中乎?道心,天理也,天理至徹而難見,何事而求中!曰: 天理雖徹而難見,惟精一者得之。精一者何也?曰.精則心專,入而不已: 一則心專致而不二,如此用心,則戒謹不睹,恐懼不聞,久而不變,天理 自明,中其見矣。既得此中,則天下在此也 註42,。

此論人心人欲,道心天理,本諸伊川之說;而此心即中之言,則爲楊龜山學說之要旨 註 43.。無垢釋此「中」義,見於洪範「皇極」,其論曰:

[:] 註4 , 見橫 甫集卷九·頁6。

[&]quot;註 421 見精義卷次,頁4。

[·]註43 參見經義考卷七九楊時書義辨疑引楊龜山自序之言曰·「五十有九篇,予竊以一言蔽之,曰中而已矣。」

[[]註44 見精義卷二九,頁11。

夫中既為天下之本,而人人本具此大中,如此精一以求此道心之中,去人欲之蔽, 則中其自見;大中見則天理在焉,而天下不外乎吾心而已。故張九成說益稷賡歌之事。曰:

天下之理,一處明則萬理皆明,一處暗則萬理皆暗,舜因禹夔之說, 乃悟萬事皆自己出 at 45 。

吾人即理,心外無事,即吾心則天下之理見矣。故就六經之紙以求理,心無所得; 以吾心而求六經,以令聖人之心,則萬世莫有其失,蓋千萬人之心,一人之心也, 聖人之心,與吾心無異也。 E應麟困學紀聞曰:

孝經引詩十,引書一。張子韶云:多與詩書意不相類,直取聖人之意 而用之,是六經與聖人合,非聖人合六經也。六經即聖人之心,隨其所用, 皆切事理 at 46 。

朱子語類嘗記朱子問弟子曾讀無垢文字否,並詢以觀後心得。語類云:

某說:如他說動心忍性,學者當警惕其心,抑遏其性。如說惟精惟一, 精者深入而不已,一者專致而不二。曰:深入之說,卻未是,深入從何處 去 註 481?

蓋朱子本其「性即理」之說, 以盡心知性, 然後知天, 天命之謂性, 本乎心性, 下學上達, 知天合天, 與「心即理」之說不同。朱、陸異同, 人皆知之。而九成之說, 既爲陸學之先, 朱子評之, 以爲深入無所事事, 可以概之矣。 天宋明理學, 有心學一派, 陸、 E是也。心學之說, 有取乎禪佛之義, 若萬法唯識之說, 菩提明鏡之喻是也。張子韶與宗杲游, 習染禪理, 故其學多取合於佛道; 黃震謂其多借儒以談禪, 陽儒而陰釋, 亦非無因。

2、天人相應

天下既不外乎吾心,則吾心之動靜,大下必有以應之,故無垢言天下相應,其 說甚夥;若金縢篇周公作冊,成王出郊,則武王瘳而天反風,此天人相應之例也。

at 45, 見精義卷八, 頁 13、14。

註 46 見宋元學案卷四十橫浦學案,總頁 75。

[[]註47, 見同前註,總頁74。

[「]註48, 見朱子語類卷七八尚書一大禹謨,總頁217。

又其言舜典「在璿璣玉衡, 以齊七政」曰:

天子者,乃日月五星之主也,使主非其人,其象丛變;足七政行人主而齊也。今察璣衡七政,皆齊,然後知洪水之災,以見堯大數已過,不得不退也;七政既齊,义以見舜歷數在躬,不得而辭也[註49]。

天人既相應,若影響然,則天有所象,人必應之,人爲差以,天亦示焉,由是災異之說出焉。無垢於大禹謨曰:

夫從逆即是凶,不必謂逆之外別有凶也。昔燕王旦謀反日深,變怪愈至,如大風折木,鼠舞端門,失火城樓,此怪非自外來也,即旦惡逆之心,凝結成象耳,豈自外來哉、此君子所以戒謹乎其所不睹,恐懼乎其所不聞,而不愧屋漏,不欺暗室,誠諸中形諸外,此理之自然者也。……謂使吉在道外,則福可邀,使凶在逆外,則禍可避,如此則異端得志而吾道衰矣 註50 。

災異既生,人當有以應之;蓋災異之所以生,在吾心有人欲蔽障,天理不明,追心 隱慝故也。故必有應以省其心,使吾心復其清明,行事無所差式,則天變災異,自 然而息矣。無垢論高宗肜日云:

高宗不聽傳說之戒而祀豐于昵,是耳不聰也;所以不聽者,以其明不 足以見理也。維以見不明之孽,鼎耳以見不聽之過 註5. 。

义曰:

以謂於形日有雊雉之異也。蓋野鳥人廟之變,非細事也,其變自王心而來,無此心則無此變,先格王心,則變自消矣 # 52 。

災異之來,既緣人心而生,故人主之施政,亦當求合於人亡天理,故無垢說堯典命 羲和敬天授民之事曰:

想見堯之心,深通造化之理也……出入一循乎天,此天人一致之理也。……大抵聖人之政,一循天理,天理自何而見乎,人情是也 至以 。 又曰:

欲知天之所在,即民可見也,故天之聰明,即民之聰明也。……同寅 協恭和衷,則知典禮之合於天:政事懋哉懋哉,則知賞凡之合於天,其應

註49、見精義卷二,頁9。

註50] 見精義卷五,頁7。

註5. 見精義卷二二,頁16。

註 52〕見精義卷二二、頁2。

註 53、見精義卷二,頁2。

如此。……蓋位有上下,理無上下,理之所在,雖匹夫可以動天;理之所點,雖天子謂之一夫 £ 54 。

以心是知之, 張子韶雖習於禪佛, 頗用玄理, 主心即天地之說, 然其終未入於空寂, 多主施政民情, 亦有助於生民, 有合先聖之宏模焉。

3、力學與造化

夫吾心即天下,而人之心有人心、道心之別,然則何以存吾天理而去除人欲,以見心即理之至高境界?曰:在於力學。無垢論皋陶謨「九德」之言曰:

夫自寬至禮,皆天與之性也,自栗至義,皆學問之力也。任性而行, 必至大過,以學問輔之,則成有用之德矣。……一任之天而不以學問輔 成之,終爲不才之人,無可法則之士矣,真可惜也,此所以寬必養之以 栗,至於彊必養之以義,然後可爲全材也。以學問輔之,則所謂允迪厥 德也 至55 。

天與之性,有上智、中人、下愚之異,然人心之本中則無不同,力學以養其性而存 吾心,誰曰不可哉。九成論成 E顧命曰:

成王特中材之主顧,周公大聖也而疑之,管蔡流言也而惑之,曾不若昭帝之於霍光、孫亮之辨鼠矢也,平時如此,死蓋可知。及夫周公爲師,召公爲保,太公在前,畢公在後,四子挾而維之,一日即位,天下廓如也。觀周官之敕戒,君陳之訓辭,森嚴尊大如天帝之臨北極也,此蓋學問之力也, # 56. 。

成王中才,猶能乃學以克終,太甲不惠於阿衡,亦可以密邇桐宮以變之,則學之爲用,於進德爲大爾。

學既於進德有大用矣,然則有中德於心者,當以學造化未學者,進而造化萬民 而輔相天地也。九成論伊尹之於太甲即是也。其言曰:

太甲心雖省悟,然心不勝飲,所以欲變而未能也。伊尹見其未能,非言語所能赦也,當造化以驅除其惡,使之一變而歸於道焉…… 使聖人無造化之術,則亦何貴於聖人哉!其造化之術如何?伊尹乘欲變未能之幾,乃使不近於弗順義理之人,以絕其爲惡之萌,放之桐宮以起其悲愴之 3,密 適先王其訓,以發其仁義之性、至 57 。

at 54、見精義卷七,頁10、11。

註55 見精義卷七,頁1、2

[、]註 561 見橫浦集卷十,頁 9。

和 57 見精義卷十七,頁10、11。

伊尹既以太甲不明,故造化以驅其惡;而周公與伊伊同,大語論周公以文, E大寶龜內体,眾人皆曰違卜,而周公當眾論疑貳之際,乃獨以義觀之,聖人之見,其造化之大乃如是 註 58 ,則周公所造化者,豈」成王一人哉!無垢論旅獒「不役耳目,百度惟貞」曰:

愚者以耳目爲我,聖人以心爲我;以耳目爲我,則姦聲亂色,足以赞 惑其心志,以心爲我,則耳目具任而不縱;天下萬事皆以心,造化之心正, 則耳目正矣。蓋心體本正,以心爲我,無往而不正;故百事之度皆得其正 取59。

夫學既可去人欲而明吾心,能明吾心,則能救治未明者,少見一人,大於萬民,廣 及百度,尊及天地,可以吾心造化也。然則復心大中之道,其至矣哉。

(三)尚書學中之政治觀念

知遠疏通,書教也,尚書者所以言政事也。故學尚書之用,在於知政而用於政也。無垢論堯典曰:

後世人主讀此書者,味此名者,換心自問曰 吾之德果如堯乎?吾之 用賢果如堯乎?司天如堯乎?知人識變如堯乎?……學之爲王者事其已 久矣。吾儕讀書,當學堯舜之德,堯之用賢,堯之同天,堯之知人,堯之 誠變,果何自而來哉?富亦知所主也:盍深思其所以然,他日以堯舜之道 輔吾聖君,則亦有所據矣 註60 。

讀尚書在手知政,而其極則從政以成上業之功,故上於國君,下在臣民,皆當有取 於尚書以助王道也。書所載既言政事,則凡爲政之常,書皆已言之矣,若知人,用 賢,去要,無逸,新民,愼刑,征伐等,皆研尚書者所必論者,茲不再贅言之矣, 唯舉張九成於尚書學中,關於政治之觀念而述之。

1、政權之轉移

天君者,何爲而立?曰:天命有德,所以牧民也。故禮記禮運篇云:「大道之行也,入下爲公,選賢舉能,講信修睦。……人道既隱,天下爲家,各親其親,各子其子,貨力爲己,大人世及以爲禮,城廓講池以爲固。是古者德宏,天下爲公,禪讓賢聖,相繼爲政;後世德衰,傳子而家天下,則王者大器,眾人所伺窺者也, 亂於是予生爲。故無垢讀書,於致權之轉移,嘗數致其悲歎之意。其言曰:

[、]註 581 見精義卷三二,頁 22。

註59、見精義卷二一,頁7。

紅 60, 見橫浦集卷六, 頁 2。

堯禪舜、舜禪禹,其俗成矣。大道之行,天下爲公,選舉與能,至禹 乃傳其子,雖曰天命,而德自此衰矣。是大道既隱,天下爲家,大人世及 以爲禮之時也,至61)。

是傳賢傳子之異,有以見世道之衰也。自夏禹傳啓以後,在位者以家視天下,天下 以我可取而代之視大位,則所謂擅權、篡奪、革命之事起,要約、盟誓之辭生。無 垢論湯誓曰:

余讀堯舜二典以還,初見甘誓,而悵然曰:去堯舜未遠而有此舉,堯舜之風,不復有矣;既而又讀胤征,則又異焉;去舜未遠,已有篡弒挾天子令諸侯之事。……今讀楊誓,乃公然以臣伐臣,取天下而有之,其驚駭耳目,震動心志,並又甚矣。……使啓知太康不肖,擇聖賢而援之,使堯舜之風相踵而不絕,安有胤征,湯誓之事乎?此余所以深悲也(致6)。

禹之傳位於啓,蓋固啓賢,天下歸之,而太康非賢,當另擇賢者以續禪讓之緒,然 傳子之制既定,而諸子非皆聖賢,傳子而擇其賢者,應可補於幾微;然君既非賢君, 必求諸人聖之臣之輔相之,以佐王權之不偏不縱。故無垢論太甲上云:

鳴呼!傳子之弊,乃至是哉。禹再傳而得太康,太康以畋遊失邦; 易一傳而得太甲,太甲以縱砍被放,使啓興楊復舉堯舜故事,擇天下大 聖賢而授之,安得有此危事哉!噫!太甲非伊尹,事其去矣。蓋君天下 自有君天下之安,如太康、太甲,其安乃如世祿之家不肖之子,豈有君 天下之器局乎?然傳子之法既行,雖伊尹亦無如之何,特恃聖賢於其閒 造化之耳 至63,。

君既非必賢,幸賴聖賢之臣輔之,以成王業而不墜;而臣亦未必皆聖賢,或有聖賢之臣,而人主不能信用之,則又陷天下於紛亂之地矣。商高宗肜日失禮,祖己諫而高宗納之,故商祚不墜; 紂昏暴虐,雖有祖伊,比于之諫,箕子、微子之賢相輔,猶怙終不悛,遂至亡祀;有周成王,雖有周、召左右,尚疑周公,而召公不悅,若非令滕之冊,郊天反風,成王不悟,周家其危殆矣。是故前王命嗣,必擇大臣輔弼,以冀王權得正,大下以寧;顧命之篇,其此意乎?無垢論顧命曰:

顧命之義,以謂成王將崩,顧祖宗基業,傳之後嗣,而有付託之命也。……孔子取之,益以詔天下後世人主勿自棄也、至64。

註61〕見橫浦集卷六,頁7、8。

[、]註62. 見橫浦集卷八·頁11。

至63〕見橫浦集卷七,頁2。

註64 見橫浦集卷十,頁7、8。

成 E既命召、畢輔康 E,康 E命畢公允釐東郊,遂至大治,幾於刑措,此顧命之功也。及昭 E南征不復,穆 E有馳騁馬跡天下之心,周德於是乎衰矣。無垢論問命曰:

君牙乃在昭王時,區區無補之臣,而伯冏之爲太僕,乃見穆王馳聘天下,有車轍馬跡而不能正教者也。是二人不足以有爲者也。穆王其父昭王弱死於漢水,略無恢復之志,而馳鶩四方 [註65]。

是上無明君,下無賢臣,國祚不衰者鮮矣。平王以下,周德益衰,終至滅亡。凡此 興亡治亂之事,皆生於政權轉移之不由其道也。無垢於此,數致意焉。

2、順性為治,治於無事

衛靈公籍書孔子稱舜曰:「無爲而治者,其舜也歟! 夫何爲哉,恭己南面而已矣。」 無垢既以天下在吾心,而天下之心,即一人之心,能盡量吾心以治天下,夫何爲哉! 顧萬物之性,以治萬物,何所事哉!無垢論禹貢「弱水既西」曰:

天下之水既東趨,惟弱水爲西下;是天下之水,其性東流,而弱水之性,獨西流也。禹行其所無事,不敢於水性之外,增損一毫也。故事河、導江、導漾,皆隨其性,使之東趨,而導弱水獨至於合黎,餘波入於流沙,此蓋隨其性而使西流也。置獨治水哉!聖人之治天下,無不行其所無事,此天下所以舋舋然日趨於治也。蓋廣谷大川異地,民生其間異俗,剛柔遲速輕重異和,器械異制,衣服異宜、修其教、不易其俗,齊其政不異其宜、是亦眾水性東而亦隨其東,弱水性西而亦隨其西之意 註662。

治天下者,若能順物之性,順民之性而爲之治,皆可無爲而治已,若順水性而導之 然。反之若以隄防激阻,出於勉強,至力到勢大,潰然決墜,則無所擋障,天下皆 亂矣。天天聰明自我民聰明,天明畏自我民明威,而吾心即天理,盡吾心則天理從 而民自安,不必強求之於吾心之外也。無垢論咸有一德云:

無心求於天而天佑之,與心求於民而民歸之;天非私我也,以天心在此,天雖欲外吾心,不可得也;我非求民也,以民心在此,民雖欲外吾心,亦不可得也。是一德者,是天與民歸之機也。或者於此心之外別,求天佑,於此心之外別,求民歸,是不知本者也。蓋此心即天心,非此心之外別有天也;此心即民心,非此心之外別有民也 至67 。

天如是,爲治者何爲於事哉?順性而行,反求吾心,斯則治於無事矣。

3、革命者不幸論

[「]缸 6.5、見橫浦集卷十一,頁 4。

[[]註66 見精義卷十一,頁1。

註67 見精義卷十八,頁16。

夫大道既隱,天下爲家,貨力爲己,大人世及以爲禮,故王者大器,天下眾人之所共窺而欲得,得天下者若得無窮之寶藏,由是上焉者云革命,下爲者則弑殺篡追,無所不至矣。無垢論革命者,當皆出於不得已也,是不幸之事,非有所獲益也。 其湯誥論曰:

其弗爾蔽、弗敢自赦,在予一人,無以爾萬方之語,皆慚德在心,不得不爲此悲芳之言也。讀之使人凄然。况當時諸侯有懷慚德者,其敢少肆乎?嗚呼!易亦可謂不幸矣。處危亂之時,行放君之事,人見其尊臨天下, 征居九五,而不知其憔悴無聊,與狴犴之人等也;其亦可謂不幸矣。彼瑜莽、申及瑜操、懿,偃然不慚,真天下凶人也,借易爲口實,是益重易之漸德爾 至68,。

革命之不幸者、豈獨湯哉!周之武王、亦有此不幸矣。無垢論泰誓下云:

君臣至此,亦天下之不幸矣。武王不幸值如此君,至於如此工誓,知 我罪我,其惟春秋,此所以有伯夷之非,而又有孟子是之也。……至讀湯 誓、太甲、泰誓,則如人狴犴中……使人憂愁無聊,無復生意,况易武當 此時乎!此余所以憐楊武之不幸也 証69 。

豐獨湯,武之為革命者爲不幸哉!至於謀其事者,雖事本不爲九五之位,然亦不幸之受害者也,伊尹是也。無垢論太甲上曰:

然則伊尹何其不幸歟!一出則放桀,再出而又將放太甲焉。此豈美事哉!人臣之大不幸者也,伊尹亦無如之何 註70 。

夫伊尹相湯伐桀,其事實伊尹爲之主謀,其所以行放桀之事,出於人臣所不當爲,然亦不可不爲,以昭蘇百姓,以報時曷喪之怨,事出於不得已;而相太甲,而太甲不明,商祚有將墜之危,故放諸桐宮,密邇先王一載,太甲改過思庸,然後就君位;是放太甲者,在造化太甲之性,以起其明智之心,非出於大器之篡謀私欲也。然以後世之人視之,以爲彼亦革命,我亦謂之革命,殊不知湯武之心,出於大公而不得已,後世篡位者,視天下爲大寶而私心欲奪之也; 者表同而心異,不可同日語也。此亦湯武之所以有慚德也。若天君權轉移有道,則如此不幸可預於無形。

4、反變法

E安石熙寧變法,大事更張,雷厲風行,並作三經新義以爲新法張本;而東坡 則因作書傳以反之,與新義大辯數上處。無垢書說,淵源於東坡,故其政治立場,

紅68 見橫浦集卷六,頁13。

廷69、見橫浦集卷八·頁16。

E 70 見精義巻十七・頁70

與東坡相近;且靖康之難,徽、欽被擴,入多以爲咎起於新法,宋李燾嘗曰:「當安 石萌芽,唯光軾能逆折之,見於所述文字,不一而足。軾著書傳,與安石辯者凡十 八、九條,尤爲切近深遠,其用功不存决洪水、闢揚墨下。使其言早聽用,寧有靖 康之禍 註刊 ?」無垢親罹此禍,或亦有同感焉。故其於變法之事,多持非之之意。 其論畢命曰:

占之聖賢,其用心若出乎一人,若同乎一心。後之有位者,見人之有功,則飾辭以毀之,見人之有作,則曲意以敗之。王濬平吳,幾於不免,

府兵成制,破壞無餘;聞君陳、畢公之風,使人抱經而數 № 72 ! 祖宗之制,前人之法,既行之有功,處事有成,後繼者當規隨之,不必毀棄前轍, 另立他途以擾民生事。故周公經營之,君陳祖述之,而畢公成就之, 后協心,同 底於道。無垢論舜典曰:

使不遇大變,則賢者亦安常守分,與眾人同耳,豈肯表表自將求異於 人哉!商鞅不知此義,盡變先王之去以求功:宇文融不知此義,盡括天下 之田以求功;此先王之世皆爲可誅也 # 731。

是法雖可變,然皆因不得已之大變而爲之,方有功,若生事要功,反得其咎。 E安 石嘗以盤庚自況,以爲新法張本,然無垢則以爲因變遷都,以新民俗,以化惡德, 此亦商家祖宗之法,遷都非新法,乃遵祖法也 (註 74 。

5、尚書說與當時政治環境之關係

靖康之禍,江右淪陷,宋室南渡,是朝廷經大變而苟延於世,有志有識者,當勠力王室,務求匡復;然南宋 偏而不復,當今有志有識者氣憤而不能平也。志不能伸,則或寄托於文字言語之間者有之。無垢親睹靖康之難,親見偏安之苟,或有感而托於尚書之說焉。無垢對策言中與之上宜用剛德治之,即其例證 計 5 。尚書之中,記有大變而復續嗣者,唯穆王與平王耳。穆王即位,無視於昭王南征而不復;平王東遷繼位,不報殺父弑君之仇,此與南宋偏安,不求報徽、欽之仇,不圖雪靖康之恥,有相似者焉。或以此故,無垢論穆王,以爲無志而有罪,周德以此而衰;而君牙、伯冏,亦無補之臣而已,不足以有爲也 (註 16 。至於論平王,則以爲不孝

[[]註71] 見愛日齋叢鈔卷二·頁13 載引李嘉之言。

註 12 見橫雨集卷十一,頁2。

[、]莊73 見精義卷四,頁8。

[、]註74. 見橫浦集卷七・頁1。

註75 參見宋史本傳。

[、]紅76 參見橫浦集卷十一,頁 4、5、6。

子而已,孔子存其書,乃在著平王之過也 1.77 。穆王、平王之論,先儒皆未嘗如此說之,至宋蘇氏軾始倡爲之,然東坡之論穆王無怛惻之心以悼昭王,而不及君牙伯冏;而論平王無志以見周德之衰,未及孔子著過之辭;無垢本東坡之說而廣之激之,蓋亦有所爲而爲之也。王應麟云:

張子韶書說,於君牙、冏命、文侯之命,其言峻厲激發,讀之使人憤 惋,其有感於靖康之變乎? 註78

其說乃有見者也。非特此也。世之爲政者說書,多重無逸、大禹謨、洪範,至於繪圖文,置諸座右屏間。而無垢說書,特重五子之歌,與立政,其意亦異矣。無垢論 方政曰:

周公作此一篇之書,所戒無非任人之事。. … 有此天下,非其人而使 共政,其喪亡也必矣,故歷陳夏商以爲戒;人主當書此置之座右[註79 。 無垢論五子之歌曰:

太康繼啓,一出畋獵,便至失國……雖大禹平生之功,不能蓋此畋獵之遇也。爲人君者,其可少肄乎!市意有天下者當善此歌,置之座右,以警放肆之心,其庶幾知免乎 註80 ?

夫無逸之戒,戒人君一人而已;而立政之戒,戒一朝也,無逸之戒,戒事之未然, 五子之歌,痛既淪亡之後。無垢皆以爲有天下者所特重,是或當時朝臣有用非其人, 而又感於靖康之難,而朝臣未克收復,是以特舉是二篇以爲諷激者哉!

(四)疑經改經

張九成說經,陳振孫以爲「援引詳博,文意瀾翻,似乎少簡嚴」「註 81. ,朱熹 論無垢說經曰:「橫說豎說,居之不疑 計 82.。」是橫浦之說經,務敷暢經文,發 揮經旨,而於可置疑之處,亦爲之尋理敷義,無所疑考,故無垢於尚書之可疑慮, 亦居之不疑;於前人以爲錯誤改正處,亦一一爲之通說。東坡書傳,於經文有疑借 簡者,若康誥首段四十八字疑爲洛誥之文;有疑衍文者,若舜典「夔擊石拊石」 節,疑益稷之衍文,如是者甚多;無垢尚書之說,雖淵源於東坡甚深,然於東坡疑 經改經處,則鮮取之。雖然,無垢尚書中,亦可見致疑之處二焉。

^{「# 77} 同前註頁 7

[[]註78 見經義考卷入十,頁8。

至79〕見橫浦集卷十,頁7。

⁽紅80 見橫浦集卷六,頁8。

註 81, 見經義考卷八十, 頁 8 引。又見文獻通考卷一百七十七「無垢尚書祥說五十卷」條 下引。

⁽ a 82 / 見朱子語類,總頁 3173。

1、改洪範之錯簡

無垢論洪範「次四日協用五紀」一段,黃倫尚書精義引其文,雖未明言爲錯簡, 然察其論,則已改置經文矣。其言曰:

政必有主之者,故歲月日星辰曆象生焉。五者不同,其用在和協而不亂也。人事不亂,則五紀和矣。王省惟歲,卿士惟月,師尹惟日,天下政事皆總於此。師尹總日要,卿士總月要,天子受歲會,天下之事,整整子不可亂矣。然庶民惟星,其好惡則天子卿士師尹所當察也。日月之行則有冬有夏,曆數自此生矣。皆以人事協和王事 註831。

其論五紀一段,則又曰:「E與庶民尊卑之敘也,天理如此,其可紊乎 tāt 84 !」而於八庶徵一章之後「E省惟歲」一段,黃倫精義未引無垢之說。可見無垢於此,以爲「E省惟歲」一段,其文當在五紀之下,因移而合解之,故於庶徵處無釋焉。而此改易經文之說,東坡書傳早有之矣,無垢取而用之耳。又考金履祥通鑑前編卷 六於「王省惟歲」一段曰:「東坡蘇氏、石林葉氏、無垢張氏。容齊洪氏,皆曰此五紀之傳,今從之。」足證上述朱熹之論實有差誤。

2、疑尚書篇第有誤

尚書篇目前後之序,孔傳自有其說,不可亂也;而無垢則以爲其先後之序列有 不合理者焉。其論洛誥曰:

余以召誥考之,周公以三月十二日乙卯至洛,二十一日甲子,以書命庶殷;二十五日戊辰,王在新邑。此書之作,大抵王以年幼,未能辦國事,未容周公之歸也。其書宜在命庶殷之後,而庶殷之丕作,宜在戊辰之後也;不如此說,則龃龉參差,其說不合。然則此書有往新邑任嚮即僚之語,疑若在豐而爲此書也。余以日月考之,周公三月二十一日,已在洛都,非與成王對談,安得拜手稽首誨言之辭乎?然則往新邑之往,宜與自今以任之往同,然後義理疏通,不相阻礙(註85)。

考召誥一文,可分兩段,自「惟二月既望庶殷丕作」,乃記召公、周公相宅卜宅之過程,自「太保乃以庶邦家君」至未一段,則記周公誥告庶殷之辭。今無垢以爲洛誥一書,當爲成 E、周公對面之辭,而其書作之必在周公既至洛之後,而成王遲至戊辰始至洛,則此洛誥之作必在成王既至洛之時,其時在三月二十五日戊辰之後,始爲可能,故無垢解往爲往後之往,非前往之往。而無垢又云「庶殷丕作宜在戊辰之

[.] a 83 見精義卷二八、頁 21。

註84 見精義卷二九,頁1。

註85, 見橫浦葉卷九,頁13。

後,則召誥「庭般不作」以下周公誥告庶殷之辭,其序當在洛誥「戊辰王在新邑…… 入太室裸」之後,然則無垢之意,是召誥 文所記之事,以時考之,有在洛誥之前 者,有在洛誥之後者。且召誥之主要文字在後段,然則召誥當列於洛誥之後矣。

按無垢說,可議者有二:其 ,不同於序言「使來告卜」而解作對面之辭, 是不遵書序之說矣。其二,記尚書者每就一事爲主,同一事而前後有相聯繫者, 則并記之,有如後世紀事本末之體也;尚書之中,金縢一篇,前記周公冊祝,禱 於三王,中記周公平三監,成王疑周公,後記大風折木,出郊反風;其事前後相 連,而以時言之,則是四、五年間之事矣。而大誥在金縢事之中段,今獨立而置 之金縢篇之後,誰曰不可。如是觀之,則無垢此說,有勉強生議之嫌。雖然,亦 橫浦之一說也。

(五)尚書義之新說

振無垢之尚書說,雖淵源於東坡書傳,說義前有所承,然亦非盡蕭規曹隨而已,蓋九成既宗承義理之學,旁習禪佛之機,復激于國難多蹇,是故其說尚書,每有異於先儒前輩者;茲述其大者如下:

1、君牙、冏命作者非穆王

無垢或激於靖康之難,故特寄意於君牙、冏命,以諷國難當前而不求復興報復者;此說雖取於東坡,然東坡以爲君牙、冏命無怛惻之辭,以見穆王無道,周德始衰。然九成則以爲二篇中殷懃惻怛,有足感人者;穆王既非令主,而此二篇有感人之辭,故九成爲之新說云:

德宗何人哉!有陸贄作奉天詔書,遂使山東父老爲之泣下:則夫二篇之命,亦必當時仁人君子,閥穆王之無志,故修辭立誠,以勸勵于臣下; 惟其誠實所寓,所以使人讀之,必至于感動也。...曰:安知非出於穆王 之自爲耶?曰:使出於穆王,其態懃則怛如此,必當大有爲於天下;蓋有 是言者,必有其誠,有其誠者必有其志,穆王無如此.....安得有此至誠之 言。故余斷以謂非出於穆王而出於大臣之賢者也 至 86)。

非特二篇非穆王之言,至於君牙、伯冏二臣,無垢亦以爲無補之臣,是亦有激之言也。

2、蔡仲之命乃周公之意

九成用 E 安石之說,以爲成 E 乃中才之 E,雖經周、召之造化,能克承大業而不墜,然命蔡仲之時,成 E 造化之功未深,其言意未必有如是深明也。故無垢以爲

註86、見橫浦集卷十一,頁5。

蔡仲之命, 出於周公之言, 其說曰:

天豈有親疏哉?惟德是輔耳。惠之所在,民心之所在也,無惠則民心 去矣。民亦豈有常心哉!此雖成王命蔡仲,實周公之言也。……此周公之 戒,所以反覆於終之之說數....此周公所以戒也、註87。

3、文侯之命在著平王之罪

周平 E因申侯殺幽 E,東遷而即位,不爲其父報仇,故東坡以爲平 E無志而周室不復興矣。無垢據東坡之說而推之,曰:

是於申侯甚厚,報其殺父工已之恩。嗚呼!尚忍言之耶,是特不孝之 子而已耳。然則此書何足存而孔子不刪去,何也?此蓋存之以箸平王之 罪,與胤征同也 註88 。

東坡書傳說胤征,乃羿挾天子以令諸侯,命胤侯征伐夏之忠臣羲和;孔子不刪, 以著叛臣之罪;而九成引此而用之於文侯之命,以是著承大變之君,無恢復之志 者之罪也。

4、書終費誓、秦誓之義

夫尚書者,皆記帝王大臣之言與事,而終繼之以費警、秦誓,或有不倫,先儒前輩,多有說義。孔傳止曰秦穆悔過而已。孔疏則云:

諸侯之事而連帝王,孔子序書,以魯有治戒征伐之備,秦有悔過自誓之戒,足以爲世法,故錄而備王事(註89.。

邵雍皇極經世書則曰:

仲尼序書,終於秦誓一事,其言不亦遠乎……是亦不得中行而與之, 必也狂狷乎之義也。王者不作,近于王道者,雖一善必錄。聖人之心如此, 然終于秦誓,則世之盛衰,道之隆污,可知之矣 註 90,。

而張九成之說,與孔疏不同,亦與邵雍之說不合。其言曰:

事至於此,王道絕矣。平王不勝其罪矣。故孔子之意,以謂使平王用 兵得如伯禽,申侯、尤戎庶可誅戮乎!使平王悔過得如穆公,聽言用賢, 周家其中興乎!今而亡焉。故痛憤而以伯禽、穆公繼其後也。以謂如此二 人,猶勝於平王也。惜乎此義未有發之者,余故表而出之 註91 。

紅87 見精義卷四十一,頁2、23、26。

[、]註88〕見橫浦集卷十一,頁7。

赶891 見尚書正義卷二十,頁6。

[[]註90] 見邵雍皇極經世書卷之三,頁46。

[、]紅91,見橫浦集卷十一,頁8。

孔疏以爲 [人可以爲後世法,無關諸侯帝王之異;邵雍以爲秦將繼周而起,故以秦誓殿之;而無垢則以 [篇皆孔子爲痛平王之無道而有意置之,以見猶勝平王,以顯平王之不如諸侯也。

四、張九成尙書學之評價

張子韶師承龜山,本可謂之義理正宗,然從宗杲遊,習於禪佛,遂爲程門學者 所斥,視爲異端;排之最力者,莫如朱熹,朱熹嘗作雜學辨以駁正之,又嘗謂九成 之說,其患烈於洪水夷狄猛獸。黃霞謂九成之學,多借儒談禪(註92)。

考張九成上承楊時,復合佛理,成心學一門,開陸學之先,故其論尚書,多以心即天理,天下惟在吾心說之;朱子嘗評九成說「惟精惟一」之理未是,此猶朱、陸之異同,不可強合之也。而無垢說經,自成一體,圓通無礙,義理發揮,可謂至矣。是以朱熹雖評九成說理之非,而猶稱其有「氣魄」,「說得一般道理,一切險而動」。計 931。而陳振孫則曰:

無垢錯經解,大抵援引詳博,文意瀾翻,似乎少簡嚴,而務欲開廣後 學之見聞,使之不墮於淺狹,故讀其書者,亦往往有得馬 ¾ 94 。 是無垢說書有氣魄,氣度寬大,有足以提振後學者也。而朱熹、黃震,皆謂九成入 禪而害儒,擾亂六經。四庫全書總目提要,於九成孟子傳下云:

故特發明義利經權之辨,著孟子尊王賤霸,有大功,撥亂反正有大用, 每一章爲解一篇,主於闡揚宏旨,不主於箋話文句,是以曲折縱橫,全如 論體。又辨治法者多,辨心法者少,故其言一切近事理,無由旁涉於空寂 經95。

今考九成尚書之說,雖非全貌,然其中義理,一如提要所云「辨治法者多,辨心法者少」,言事皆合於人情事理,並無涉及佛理空寂之思,是亦根基於純儒而發心學之義理也,斯亦不足以病之斥之,如朱熹之言也。全祖望嘗評張九成曰:

龜山弟子以風光顯著者,無如橫浦,而駁學亦以橫浦爲最。晦翁斥 其書,比之洪水猛獸之災,其可畏哉!然橫浦之羽翼聖門者,正未可冺 也 至 96 。

全氏之評,允爲中肯,橫浦復起亦不可易也。

至 92 , 見宋黃震所著黃氏日抄卷四十二,四庫本,子部,儒家類。

註93、見朱子語類卷一百三十二。

[、]ほ94、見註 81。

註 95 見四庫全書總月卷三十五。

註 96 見全祖望所補黃宗羲宗元學案卷四十橫浦學案序錄下全氏案語。

第二節 史 浩

-、生平事略

史浩字直翁・明州鄞縣人。紹興+四年登進土第・歷溫州教授・郡守張九成器 之。秩滿除國子博士。因轉對言擇立皇子,納之。紹興三十年,普安郡王皇子,進 封建王,除權建王府教授。一十一年,會金主亮犯邊,帝欲親征,建王抗疏請率師 前驅,史浩力言太子不可將兵,建王悟,俾浩草奏請虞蹕以供子職。三十二年,立 建 E 爲皇太子,浩除起居郎兼太子右庶子。孝宗受禪,浩以中書舍人遷翰林學士知 制誥。張浚宣撫江淮,將圖恢復,浩與之異議,以爲當先爲備禦,是爲良規,勿輕 進。御史王上朋論之,出知紹興。淳熙初,除少保觀文殿大學上兼侍讀・五年,復 爲右丞相。時有軍民相亂之事,朝廷欲各取其首讙呶者梟首以徇,史浩以爲不可, 蓋民不得平,言亦可畏。上怒以爲諷己比秦二世。浩徐進曰:自古民怨其上者多矣: 時日曷喪,予及汝皆亡,豈二世事!後上嘗批策,以爲國朝以來,過於忠厚,誤國 敗軍者未嘗誅戮,當懋賞立於前,誅戮設於後,始有成。浩因奏曰:唐虞之世,四 凶極惡,上於流竄,三考之法,不過黜陟,未嘗有誅戮之科,誅戮大臣,秦漢法也。 自經筵將告歸、乃薦江浙之士十五人:薛叔似,楊簡、陸九淵,石宗昭,陳謙・葉 適,袁燮,趙靜之、張子智等,後皆擢用,多至顯要。此皆南宋理學重鎮,因史浩 憊而起用也。淳熙上年,請老。光宗御極・進太師;紹熙五年卒,年八十九。賜謚 文惠,追封越王,配享孝宗廟庭。著有尚書講義二十二卷,周官講義十四卷,論語 口義二十卷,會稽先賢祠傳贊三卷,鄮峰眞隱漫錄五十卷 註 971 。

1、尚書之著述與著錄

史浩有尚書講義之作。中興書目云:「淳熙十六年,正月,太傅史浩進尚書講義 二十二卷,藏秘府 (註 98 。 是其書蓋當時經進之本。考史浩傳記其對上之言,每 引尚書以對,因息上怒,解上意者,是其精熟於是經也。宋史本傳有記史浩嘗講周 禮,故有周官講義十四卷;傳記雖未言其講尚書,推其事言之,則尚書講義或即經 筵所述,而更有所修補而成。孫應時燭湖集有上史越王書曰:

書傳多所發明帝王君臣精徽正大之蘊,剖決古今異同偏見,開悟後學 心目,使人沛然飽滿者,無應數十百條。….欲以疑義請教者,一一疏諸

[「]註 97 參見宋史卷三百九十六本傳及宋元學案卷四十橫浦學案,頁 756,宋人傳記資料索引 冊一,頁 475。

[[]註98, 見經義致卷八十, 頁8下引。

下方、狂99 。

以此觀之·其書或與孫應時商搉之也。其書名曰「講義」,而書內亦皆順文演繹,頗 近經幄講章之體,或用今言以說訓,或用比喻以明義,皆講說經幄之法也。

尚書講義宋志著錄「二十二卷」、經義攷云「未見」而一齋書目有之,是其書流傳不廣、藏書之家已久無傳本、故朱彝尊注曰未見也。今本史浩尚書講義,乃四庫全書自永樂大典各韻中輯成、並依經文考次排訂、釐爲二十卷、註 100. 。其書本來面目,不得而知矣。而四庫本中、亦有因永樂大典原缺而闕文者、若秦誓、梓材等篇皆是也。

三、史浩之尚書學

宋史史浩傅記浩對上而引湯誓「時日曷喪」及舜典「流、放、竄、殛」之言,是可見史浩精於尚書,俯仰掇拾其中,蓋亦深矣。其書奏進於淳熙十六年 註 10. ,在史氏卒前五年,告老之後六年,是所著講義,爲史浩老成之定論也。四庫提要曰:「其說大抵以注疏爲主,參攷諸儒,而以己意融貫之。」則其說自成體系,與其他家數別異,當有可觀者焉。故朱熹嘗稱「史丞相說書,亦有好處」也、註 102 。茲述其尚書學如次:

(一)與二孔、諸儒學說之關係

四庫提要謂史浩說書,以注疏爲 E,參攷諸儒之說,融以己見。今考其書,於 孔傳稱先儒,於孔疏則間有標以「正義曰」「唐孔氏」者,而於宋代諸家,除 E安石 之說曾明指其名,並引用爲說一條外,其他諸家之言,皆以「說者」、「或曰」出之; 未加標明爲何者之言。可見二孔及 E氏之說,亦見重於史氏矣,蓋彼三家皆曾立於 學官,爲朝廷科場取式者也。今就史浩尚書說所採擷於諸家而可考者,略述如下:

1、採二孔之說

自來說尚書者,雖若東坡、王安石之徒,說經每異於二孔,然亦不能離二孔以 談尚書也。史浩講義雖有評孔傳者甚多,要之亦基本於是者。若冏命序云「穆王命 伯冏爲周太僕正,孔疏本孔傳之說,以爲太僕正即周禮太御,以爲於群僕官中最長, 且最親昵於帝王者也,故穆王重其責而命之 & 103 。史浩於此,其說即明據二孔之

豆99, 見四庫提要卷十一經部書類,頁11、12。史店尚書講義前附。

[[]註 100] 參見註 99。

[「]至101) 見切註 98 引。

A 102 見朱子語類卷七八尚書 - 綱領,頁 1988。

和 1031 參見尚書正義卷十九,頁 13。

說曰:

或又曰兼周官太僕與五路之屬、大馭、戒僕,齊僕、道僕,田僕俱總之,故其責任不輕也。穆王所以加一正字,使正於群僕侍御之臣也。既責以發號施令,又責以繩惩糾謬,似非下大夫所掌之職,其曰今予命汝作大正,則知其責任異於周官之大僕也(註.04)。

其文所論,與孔疏所言相同,雖未直指大僕正即周禮之太御,而其推論實與孔疏同 也。

2、採史記之說

太史公史記,引用尚書之文極多,且史公親聞見於孔安國,故史記中尚書之說, 存漢儒書說甚眞甚夥,歷來說尚書者引用其說,自非偶然。史浩亦有用史記之說, 若堯典「胤子朱啓明」,孔傳以爲胤國子爵朱也。史公則以爲胤子朱即堯之子丹朱。 史浩於此,即用其說曰:

臣有效齊者,不恤丹朱之囂訟而以開明褒之,意堯之必予子也 THI 105 。 其說雖未明言出於史記,然其爲史記之說無疑。

3、採張景之說

振景有拱範論七篇,今三佚 計106 。其文散見於林之奇全解所引用者。張景論 洪範,以爲五福六極,自相配合;有一福對二極者,有二福對一極者,離析配對, 異於漢代之說 計107 。史浩則遵用其說曰:

蓋人之有生,不壽則短折矣,不富則貧矣;不康寧則憂矣、疾矣;不 好德則剛而爲惡,柔而爲弱矣,不考終則凶矣 註 108 。 其說與張景所云全回,不獨此也,於五福六極之義說,史浩亦有取於張晦之也 註 109 。

4、採胡瑗之說

胡瑗有洪範口義。其說洪範八政之「師」,以爲乃帥保之師,非如孔傳所云指兵 師之師也 註 110 。史浩講義,今本於洪範八政條闕文,然於舜典命皐陶作士一節下, 則曰:

[[]至104 見史浩尚書講義卷十九,頁15。

[.] 註 . 05 見前書卷一,頁1。

[[]註.06 參見邁鑑長編卷二百八,頁8及宋朝事實類苑卷五,頁47,並參經義考卷九五,頁 六長景修下。

^{[#107} 參見林乙奇尚書全解卷二五,頁31、32。

[[]註 108] 見尚書講義卷十二,頁33。

⁽註109 參見林之奇全解卷二五·頁3、31、32,尚書講義卷十二·頁31、32。

[[]註110 參見胡瑗洪範口義卷上,頁26、27。

皋陶明于五刑、墨、劓、剕、宫、大辟也,不得不并蠻夷寇贼而言也。 其實所以弼五教也。刑以威四夷,誥姦慝、誅暴亂,則蠻夷之殺伐,寇賊 之誅鋤,皆隸之士,師實未嘗用干戈以窮討也 ™1...1。

5、採劉敞之說

劉敞有七經小傳,其中尚書部份,頗興異論,王安石尚有取之;又每疑經文有脫簡,有缺文衍字,遂有改武成之事。史浩於劉氏之說,亦有取焉。若劉氏以爲堯典「宅南交」當本作「宅南曰交趾」,後人傳寫脫兩字(# 112 。史浩於堯典下,則云:

以方言之,則宅嵎夷曰暘谷,宅南曰交趾,宅西曰昧谷,宅朔方曰幽都[sī]。

是明用劉敞之說,雖不言而可知也。

6、採程頤之說

程伊川有二典解,其說尚書之義,每爲學者所宗遵,若伊川說「湯既勝夏,欲 遷其社,不可,作夏社、疑至、臣扈,伊川以爲湯乃聖人,無有妄作,若初欲遷而 後不可,則惟事不周而妄作也;故以爲欲遷者,眾人也,不可者,湯也,以存其社 以爲戒 註 114.。史浩於此,則曰:

昔者共工氏之子曰后上,能平九州,故祀以爲社:然而旱乾水溢, 尚有變置之法,孰謂平其國而不可遷其社乎。讀書者當以意逆之可也。 楊既勝夏,其欲遷社者,眾人之情也,其不可者,楊也。楊既以爲不可, 乃作夏社、疑至,臣扈之書。夏社者,意必存其祭祀,若周家微子之命 也。 証 115.。

其說義本乎程伊川、雖少有不同、然淵源之跡可見。

7、採王安石之說

E安石尚書新義,頒諸學官,爲科舉取上標準,歷六十餘年,學子奉讀,唯其 說是式者眾矣。南宋雖不專用 E氏之說,然 E氏說仍與先儒諸家並參用。而 E安石 之說,亦自有其可取之處,朱熹尚且謂有數處標點可正先儒之失,不可不看(註...6)。

註111 見尚書講義卷二,頁15。

註112 參見劉敞七經小傳卷上,頁。

^{≥ 3} 見尚書講義卷一、頁7。

註 .4 參見程氏全集遺書卷六,頁6、7。

^{□ 15,} 見尚書講義卷七、頁5。

[「]註1.6 參見朱子語類卷七八,頁6、7、9 諸條。

史浩講義中徵引前人之說,唯王安石明列名號,足見其取於王安石者亦不少矣。其 於洛誥曰:

……惟王安石以爲:復者、告也。明辟,君也。周公以定洛告成王, 非攝位而還之也。復者,若說命所謂說復於王、孟子所謂有復於王者是也。 若謂周公作是書而還位於成王,則召公爲保,周公爲師,相成王爲左右, 是成王自即位已爲君在上,不知周公昔何所受而今還之也。漢儒不達復字 之義,乃以爲還位,後世紛紛,遂有復辟之論。以事理考之,當以王説爲 然也[註].7;。

8、採李校書之說

李校書未知何許人,然林之奇全解中,頗引其說。林氏全解於堯典「田若稽古帝堯」引李校書曰:「李校書推本古文書以曰字爲胡越之越,與召誥越若來三月同.註.18)。」史浩講義於此則曰:

日當讀爲粵字,粵者始詢也。若稽占者,順考古帝。堯之德,猶今紀功德之文日謹按是也(註119,。

李校書以「越若」連言,爲發語之辭。古粵、越、曰同音通用,文選東都賦、魯靈 光殿賦,李善注引皆作「粵」字。爾雅以粵、越通。漢書律歷志引武成云「粵若來 三月」,金文小孟鼎有「雩若翌乙亥」之文 註 120 ,可見「粵若」、「越若」、「曰若」 本爲 辭,皆發語辭。李校書以「曰若」同「越若」,而史浩則以爲通「粵」,其實 同意,蓋史浩或從漢書、文選注、爾雅等得之作「粵」,然其發朝當出於李校書也。 唯史浩不以「粵若」連用,而尚以順訂若也。

9、採陳鵬飛之說

陳鵬飛有書解・上卷・當時號稱名家,其書今佚,然林之奇、夏僎書解中每多引之。尚書太甲上論「伊尹放太甲」之當否,夏僎詳解引陳少南之說,以爲伊尹放太甲,乃汗其身而善其君 計121 。史浩論伊尹放太甲曰:

想見當時之人,不知伊尹者,紛紛之言,必不少恕,伊尹忍之,以成 事業,此所以爲自任也。……是以強力堅忍,以身當天下之謗而不辭,卒

註117] 見尚書講義卷十五,頁11。

^{¥118} 見林之奇全解卷一,頁3。

^{¥119} 見尚書講義卷一·負3。

註 120 參屈萬里尚書集釋、尚書異文彙錄。

註 121 參夏僎尚書詳解卷十二、頁 1。

之太甲處仁遷義,而商家數百年之紀,自是而延 st 1221。 身受天下之謗,是丹其身也;使太甲處仁遷義,是善其吾也。可見其有承用於陳少 南之說也。

10、採蘇軾之說

蘇軾有書傳十三卷,專駁 E安石新義之說,李燾謂能與王介甫新說大辯十餘條者;朱熹亦甚稱之。東坡書傳,每標新說,異於二孔、 E氏,其明彰大著者,若謂胤 征羲和沈価,乃忠於夏而貳於羿,謂康 E諒闇古服繼位爲非禮,謂穆 E之君牙,冏命無悱惻之言,則其無志而周衰;謂平 E不問殺父之讎,可見平 E無志而周不復矣:皆東坡之名論。史浩講書,於文侯之命,即言平 E無志,是用東坡之說也。又若堯典「有鰥在下」,東坡以爲四岳舉舜,特言「鰥者,乃欲帝妻之 註 123)。史浩曰:

必曰有鰥在下者,言其無妻也。其意若曰舜雖可以嗣德,然側陋一介, 人未必服,堯乃以女妻之,天下必以堯之貴戚而不敢慢也,所以爲舜地者 至矣 EL 124 。

其說顯然出於東坡而益加發揮,以爲四岳之意,蓋喻堯以女貴舜,使能嗣位而見信 于天下也。史浩受知於張九成,張九成之尚書說,多本蘇軾而來,故史氏書說用蘇 氏之論,蓋必然者也。

11、採張九成之說

張九成有尚書詳說五十卷,書傳統論六卷,其說多淵源於東坡而更發揮論議。 夏僎詳解多取其說。史浩初入仕途,即見識於張九成,且甚器之,是史浩之說,與 九成自始即甚有淵源關係。若顧命篇,張九成即論成王之行,以爲生死之際,鮮有 不亂,成王乃中材之主耳,反鎮靜若素,顧祖宗之基業,傳之後嗣而有付託之命, 其告命明白若此,蓋皆以周、召師保,太公、畢公夾輔,遂使成王以中材上臻聖賢 之域,蓋學問之力,這125。史浩論之則曰:

觀成王疾病之際,上言祖考之德,下託元子之孤,所以保基業,貽似續者,皆以爲民,其言無一毫之私,氣定心平,了然不亂,非得道於周公,安能若是乎!……蓋其平生學力深固,不於是時發見,其將何時乎 at 126!

註122, 見尚書講義卷八, 頁2、3。

[、]計 123 參見東坡書傳卷一,頁8。

A.24 見尚書講義卷一,頁 12·

註,25 參見橫浦集卷十,頁8、9書傳統論乙說。

註 126, 見尚書講義卷十九, 頁 3、4。

史浩雖不以爲成王中材之上,然其論顧命之義,皆以爲成王力學所致, 二說若出, 轍,斯可見史浩取於九成者矣。

雖然,更浩博取於 孔以來迄有宋諸家之說以爲己用,然每加發揮推衍,非錙 錄墨守者,是融厲而貫通之,不專 說。於各家之說,亦多取於此而捨于彼,並時 加評說而指瑕,若二孔、王安石、蘇東坡、張九成等皆在批評之列,可見孫應時燭 湖集謂「剖決占今異同偏見」,其言非虚。

(二) 說解尚書重在義理

史浩見重於張九成、張氏則爲楊龜山高弟、直承伊,「之學、是史浩於理學傳承、 自有地位;其自經筵告歸、薦。正渐學者十五人,其中多南宋理學之巨擘,若陸九淵、 葉水心、楊簡、袁燮、呂祖謙等、皆受薦而入位,連茹而起、忠定之力,是有功於 義理之門也。蓋史浩本亦理學之徒、於理學上承九成、下開陸、楊、故其說經,多 主義理、本於孔孟之說。故黃宗羲列史浩於橫輔學案之下、全謝」。祖望譽爲有昌明 理學之功。註、27 ,豈誣也哉!

夫天地造化、皆本有自然之理存焉,人生而爲萬物之靈、皆得理之精微、又得氣之靈秀、是以能自修己,成仁而成物、由盡心而知性,進而知天。凡天地間事,得其正者即本自然之理而發顯者也、既知其理、循而行之,據以推之、則何事何物不得其正耶!史告尚書講義、即每言此「理」、云「皆自然之理」、若有賢當舉、有才當用、此即合於自然之理矣 註 28 。其說各誥「復子明辟」用王安石之說、蓋七氏之說、「以事理考之、當以王說爲然」 註 129 1;又若大禹謨載並戒舜曰:「儆戒無虞、罔失法度、……無怠無荒、四夷來王。」史浩以爲並事堯舜之君,於游豫田纖之逸,斷無有之事,何自而知之耶、蓋以理推也 註 130 。堯舜既聖,必無荒怠之事,益之所戒,舉其害德者以堅舜修德之心,愛君之道也。

史浩說講尚書既本諸理, 亦重在發明義理之蘊, 可以下列三端見之:

1、解經輕名物訓詁,重在明聖王之道

獨湖集謂史告書傳多所發明帝王君臣精微正大之蘊,史浩講說,亦曾自言輕名 物而重義理,其說顧命曰:

周公得是道於堯舜禹易又武,故兼三王而施四事,實其緒餘土苴,其 惟精惟一之學,則當世傳之成王,後世傳之孔子,蓋成王則見而知之,孔

註127 宋元學案卷四十橫浦學案史告條後全祖望按語。

^{¥128} 參見向書講義卷十二,頁17。

at 129 見前書卷十五,頁11。

[[]註130 見前書卷三,頁4。

子則聞而知之,是或一道也。觀成王疾病之際,上言祖考之德,下託元子之孤,所以保基業,貽似續者,皆以爲民;其言無一毫之私,氣定心平,了然不亂,非得道於周公,安能如是乎!……若夫仗衛之儀,執事之人,禮經具載,所謂籩豆之事,則有司存,此不必解,姑取其得道於堯舜禹湯文武周公者言之,蓋大節也(註131)。

以此可見史浩於名物數度,視若未節,有司小吏皆可明之,且禮儀之書多有載之, 人多識之,而道統大節,義理精微,且非有知道者闡揚指點,世人何得而知惟微惟 危者哉!史浩於顧命論之,則知後世言道統之傳,自周公之下,即直接孔子、孟子, 而不列成王,蓋亦失之於不見成王之修德而承道也。

2、不言災異,執理以推

尚書之中,言及怪異現象者不鮮,若舜典「烈風雷雨不迷」,金縢之「出郊反風」, 高宗肜日之「雉雊鼎耳」皆是也,說者多本災異之論;至於洪範,說者益多附以漢 儒災異之說矣。史浩則不然。其說舜典「烈風雷雨弗迷」,則曰「行深山大澤中,雖 烈風雷雨而不變,皇天格也、註132.1;於金縢「出郊反風」,則曰「唯出郊迎勞之際, 反風起禾,是爲殊異,蓋非此則無以顯天威,特爲周公動也,大抵人臣秉公正之操, 行其所學,不欺此心,俯仰無愧作者皆然,是故人雖可誣,天不可誣、註1331」。皆 以人修德上感而言,無災異之論;其論高宗肜曰「雉雊鼎耳」,益見其不循災異爲說 而執本於理,其言曰:

維、野禽也,不應反室,況乃升鼎而又鳴於鼎之耳乎!孔氏以爲耳不 聰之異,漢五行志劉歆以爲鼎三足,三公象也。蓋鼎爲重器,而以耳則能 行,野禽居鼎耳,小人將居公位,敗宗廟之祀也,天意若曰當用三公之謀 以爲政;此皆附會未必然者。今以經考之爲足可驗。觀其言典祀無豐於昵, 則知高宗之祭,厚於近而薄於遠矣;意者方其登降灌薦之間,而維入於室, 維畏人者也,使其有人在側,則維安能前,維之能前,則其人之寡少可知; 人之寡少則器用儀物之菲薄,又可知矣,此祖己因其祥而戒之也 註134 。

史浩不信漢儒、孔氏災異之說,而分析高宗肜日當時之景況,以合豐近薄遠之戒; 蓋雉乃畏人之鳥,若祭祀高宗時,豐厚隆盛,則人必多熙攘絡繹,雉無由而臨,據 此推論,雉既飛鳴鼎耳,則其時必人稀禮薄,否則此事何由而生。凡此皆就人情事

[、]註131 見前書卷十九,頁4。

[、]計132 參見前書卷二,頁3。

[「]註133 見前書卷十三,頁10、11。

[、]註134 見前書卷十,頁14。

理推測 言之,免蹈災異之迷,可見史浩之重在義理也。

3、說義多據學、庸、論、孟

史浩講義中,稱引論、孟者甚多,其稱孔子,每謂之「吾先聖人、註135」,足見彼尊崇孔孟之道極矣。其解尚書義,亦每比於大學、中庸以見其義。若乎論堯典「欽明文思,安安」,則以爲堯具是四德乃出於本性之自然,是天命之謂性也;安安者,率自然之性而行之,安其所安,無一毫作爲,推而至於光被四表,格于上下,即率性之謂道也(註136。而「克明俊德」一段,史告則以爲乃堯修道之教,蓋古之欲明明德於天下者,其本在於正心誠意,堯之德盛,出而應世未有不由其德而天下治者;故其解俊德不用孔傳「明俊德之人」,而一本大學「自明其明俊之德」解尚書,並爲之論曰:

堯之所以能致此者,大學之道也。孔子曰:修己以安百姓,堯舜其猶底諸,言其甚難也。孟子曰:天下之本在國,國之本在身,人人親其親,長其長,而天下平!此堯之道所以推之萬世而不可易,後聖有作,豈能越是道而行之耶!其曰修道之教也宜矣。韓愈謂堯以是傳之舜,舜以是傳之禹,禹以是傳之易,楊以是傳之文武周公,又武周公以是傳之孔子。夫數聖相距數百歲,何所見而相授受,直得大學之道而矣,此堯所以爲出冶之祖也 至137。

其意若謂一本尚書之道理,無出於大學之道者。故其論大禹謨,謂禹謨所敘,罔匪以德,至是帝堯大學之道,得所付矣,大學之道,在明明德,舜得是道,所言所行, 罔非明德 註 138)。其論皋陶謨,則謂「皋陶之學,大學之道也」,蓋「愼厥修身」, 修身也;「思永」,上心誠意也;「惇敘九族」,齊家也:「庶明勵翼,邇可遠在茲」者, 即治國平天下之義也 計 139 。史浩論虞書如是,論周書亦如是。其論多士,多方, 則曰:

自作不和,此心不靜也,爾當和之修其身也;爾室不睦,肯肉相怨也, 爾當和之,齊其家也;身修矣,家齊矣,爾邑克明,能克勤乃事,則國治矣。此成王、周公之誥命,不忘大學之道也(至140)。

足見史浩說書,其基本於人學之義理結構也。眞西山著大學衍義其中亦多引用尚書

註135 參見前書卷一,頁18、卷七,頁7。

註136 參見前書卷一,頁4。

缸137、見前書卷一,頁6。

註138 參見前書卷三,頁8。

a 139 參見前書卷四,頁3。

紅140) 見前書卷十七,頁21。

之文,蓋亦此意也。於中庸亦然。其說大禹謨「人心惟危,道心惟微,惟精惟, 允執厥中,上六字,則本中庸之義曰:

喜怒哀樂之未發謂之中,既曰未發,何時而見此道心也,豈不微乎,惟其發而中節,人始知其自中出也;不從中出,則喜怒哀樂四者之動,吉 凶悔吝生焉,此人心也,豈不危乎!……舜執其兩端而用中於民,以其得 一也;得一者心有所得,於喜怒哀樂未發之前,所謂心悟也。……惟一可 以見中,道生一故也。堯舜禹三聖相授以一道,中而巳矣 註1411。

史浩據中庸解上六字,前乎者蘇軾早已用之矣;然史浩推此「中。義,以說尚書洪 節之義曰:

…… 然則共範九疇,不畀龢而錫禹者,非天也,皆龢禹之所自致,所謂禍福無不自己求之也。子思著中庸,引於飛戾天,魚躍于淵,蓋言人能用中,故感格高深,鼓舞飛曆,天地之和,應之如此;至語其極,則曰上天載,無聲無臭。至矣,無聲無臭者,禍福惟其自召,天實無爲也。子思之中庸,與箕子乙洪範,寶相表裏 az .42 。

史浩既以爲中庸、洪範相互表裡,故其說九疇之序,皆執一「中」字爲之說曰:

天地得大中之道於混沌未判之前,故能用其中於覆載闔闢之間,其造化密移,周行不息,有中以主之也。而其實則見於五行。 ……若其用則待聖人而後行焉,至次二則中之降而在人,故須敬以用其中; ……次二則中之見於養人,故須農以用其中; ……次四則中之見於歷象,故須協以用其中; ……次五則中之工於正位,故須建以用其中; … 次六則中之確於有用,故須又以用其中; … 次七則中之見於決疑,故須明以用其中; … 次八則中之著於克應,故須念以用其中; 。 次九則中之顯於禍福,故須或嚮或威以用其中 。 。 。

其說凡九疇皆主於中而已,故五行得中,則其性可順,若潤下炎上,其用可成,若作鹹作苦是也 註 44); 五事得中則發而皆中節,以表中之用也 註 145 ;五紀得中,則大道備,可言皇極矣 註 146 ;至於皇極 疇,本即大中之義,無黨無偏,無有作

[、]紅141 見前書卷二,頁11、12。

[[]註]42 見前書卷十二,頁7。

L 3 143、見前書卷十二,頁7、8

[[]註144 見貳書卷十二,頁10、11。

L註 145 見前書卷十二,頁 12。

註146 見前書卷十二,頁14。

好,無有作惡,無反無惻,皆中也「註 1471; 六三德,正直、剛克、柔克,所謂沈潛剛克、高明柔克,即執其兩端而用中於民也 計 148 ; 稽疑之疇,內揆吾心,外質臣民,幽而龜筮,儻無不從,是皆協于中而天意之所屬 註 149 ; 庶徵之應,則中與和非二事,中節則皇極之道也,苟得中於五事,無不中節,則雨陽燠寒風,無不應時而至,不時則爲恒矣 (註 1501; 五福六極之疇,謂天之用中,民有中而不能自中,須聖君用中而感召之,敷錫之,民能得中嚮以五福,不得中則威以六極 (計 1512; 凡九疇皆不離中之說,可見史浩執中庸以說尚書之文義也。

史浩除執中庸之「中」作說之外,於尚書之中,亦取一「光」字以明大學之理; 所謂「光」者,即大學所謂「明明德」、「止於至善」、「平天下」之意。其言曰:

光者,光明也。惟兹光明悉本於性,天生蒸民,有物有則,人人皆具是光明,眾人迷焉,晦而窒之,一身不能用,聖人覺焉,擴而充之,所以能滿天下,是故讀書者能了此一光字,則百篇之內,凡所謂光,皆帝王心傳之妙,日用之本無餘蘊矣。至152。

其意即光乃本性之德·由明吾性之光,擴而光宅天下,光被四表,光天化日,亦即 大學明明德、新民、上於至善之說也。

總上述三點而觀之, 史浩說尚書, 本諸孔孟之道, 據大學, 中庸之說, 摒棄災 異, 不執訓詁, 專力於義理函蘊之發揚, 不失爲義理之尚書學者也。

(三)尚書說義與道家思想

史浩尚書講義與他家異者,在其中多片用老、莊道家之說以資講論,所以然者,或即其學與張九成近,九成之學承楊龜山,而又與釋門宗杲遊,故其學頗有禪學氣息,可謂開後來心學陸王之先聲(註153),史浩承其緒,捨佛而取道,佛道之間亦相近,且史浩所舉薦者,即爲楊簡,陸九淵,袁燮等心學之流,可見史浩之學,本即遠道問學之途,而入尊德性之域,其有取於道家之言,未足爲怪。若其說湯誥「爾萬方有罪,在予一人,予一人有罪,無以爾萬方,則日:

夫萬方皆自作之孽,而湯招之在己,至己有罪,則不以累萬方。傳曰:

Lat 147 見前書卷十二,頁17、18。

a 148〕見前書卷十二,頁19。

駐 [49] 見前書卷十二,頁 24。

[、]至150、見前書卷十二,頁25。

^{¥ 1511} 見前書卷十二, 頁 31、32。

at 152, 見前書卷一,頁2。

[、]註 157〕參見本論之張九成一節。

其引老子之言以解湯之所以招罪在己,蓋在能容,此王者所當能如此也。其解洪範 之名曰:

大本立於太極之先,是之謂正位;正位,虛位也:虛位者,天地之母, 而萬物之祖也。太極以虛而生天地,天地以虛生萬物。蓋天地之性,虛則 無物,故能順大中之道而運行焉。傳曰:天地之間,其猶橐籥乎?虛故也。 萬物受天地之中以生,亦以虛而能育,是故人之一身,自頂至踵,百體皆 實,而其中必有虛而無我者,心是也。故傳曰:惟道集虛。虛者心齋也。

向使天地不得大中之道於混沌未判之前,其能行二氣而不停乎 章 155 ! 史浩論洪範大法,本中庸所謂中者天下之大本之說,並論大本之本即虛位,虛能生物,虛室生白,並引老子五章作證,又引莊子心齋之說,其說有取擷於道家之學明矣。又其說顯命曰:

道之在天下,人之得之者,率能合死生爲一致,齊彭殤爲妄作;其於世間事業聲名,已不足爲,而況富貴貧賤壽天,又安能動其心乎!其感而後應,迫而後動,不得已而後起,蓋其適來適去,出於無心,初無繫累,是以人倫五者,天下萬事無所處而不當也[註,56,0

其說成 E臨終見其不亂,知成 E之德入於聖域,遂據莊子齊物論死生爲 及養生 E 時順之義,以見成 E之所以不亂,蓋有得於道,而此「道」用道家之言說之也。

(四) 疑經改經之說

宋代慶曆以前,學者多守章句訓詁,慶曆以後,有劉敞、E安石、蘇東坡、程 伊川等相繼言及疑經改經之說,若改正武成,即其明例。史浩承前輩之後,於尚書 有疑改之說,在所難免。然其所改者,率多枝節小處,若大段全篇,則未見之。其 論武成曰:

和於周廟,告于祖宗也、柴望大告,告于天地山川也、庶邦冢君暨百 工受命于周,告于鎬京,所會之諸侯群臣也。此史氏舉其凡自,而其辭則 載之于後,固非簡編之脱誤也(₹157)。

史浩以史官記事之體式言武成非脫誤,其中日月有差,蓋亦因記者之文先後穿插所 致耳。

[、]註、54〕見尚書講義卷七,頁18。

註 155 見前書卷十二,頁2、3。

註156 見前書卷十九,頁3。

註 1571 見前書卷十一,頁 19。

史浩疑經文者,若大禹謨「禹曰:惟德動天,……矧茲有苗」一段,其則疑有 斷簡失次。其言曰:

舜既已倦勤,禹有天下,遠人不服,禹當召六卿而恭行天討,若後世 所謂親征也,乃會群后奉辭而罰罪,豈禹自知不能服苗,尚仗舜之餘威乎? 抑口授之筆錄,屋壁之斷簡失其次乎?所不敢知也,註158。

此一疑者,宋代其他學者未之言也。又其疑書序「夏社、疑至、臣扈」 :篇,編序 失次。其言曰:

是三篇者當在夏師敗績之後,今附于此,所未可曉。豈此書既逸,編次者失其序乎?、至1591

蓋此三篇之序,今本在「夏師敗績,湯遂從之,遂伐三朡,俘厥寶玉,誼伯、仲伯作典寶」之下,史浩既以爲遷夏社,當在夏師敗績之後,則其序應在典寶之後也,故有是疑。然此疑不合於理,蓋序云「湯既勝夏」,其意即夏師已敗績矣;下篇典寶,時在伐三朡之後,序加「夏師敗績」者,乃補述其事之始末,而稍變其文耳。是史浩此疑,未能深體序文之意也。

其直改經文文字而爲之說者,如阜陶謨「思日贊贊襄哉」,史浩從王安石新義之 說改作「思日贊贊襄哉」註 1601 」;其於康誥「非汝封又曰劓刵人」,則從王安石新義, 直改作「又曰非汝封劓刵人 r註 1612 」,及堯典「宅南交」用劉敞說「宅南曰交趾,而已。

(五)尚書講義新說

朱子語類記朱熹嘗論史浩說書亦有好處,朱熹曰:

如命公後,眾說皆云命伯禽爲周公之後。史云成王既歸,命周公在後。 看公定予往矣一言,便見得是周公且在後之意 註 162 。

是朱子稱史浩此說爲有得,故蔡沈書集傳即用史浩之說。然史氏之論「命公後」不 遵孔氏說,其論證甚詳,其言曰:

命公後者,使公且住洛,緩其歸周之期也。……公順將其後,監我士師工者,居各以監觀刑獄百工之事。……說者以命公後爲主伯禽於魯,其說似非。占者諸侯入爲王卿士,未有即命其世子嗣仁者,周公身存而伯禽

⁽註.58) 見前書卷三,頁 [5。

[[]狂.59] 見前書卷七,頁5。

註 1601 參見書疑卷二,頁2引王氏之說。史氏說見尚書講義卷四,頁7。

¹ SE 161 E氏乙說見林之奇全解卷二八·頁 23。史氏說見尚書講義卷十四,頁 9。

[[]註 62, 見朱子語類卷七八尚書一綱領, 頁 1988。

自 互 , 可 乎 ? 解書者徒見建爾元子 , 俾侯于魯之詩 , 遂遷就而爲之説 ; 使成王果越舊章而爲之 , 周公亦豈肯受乎 ? ﷺ 163

又洛浩末「王入太室,裸。王命周公後」下曰:

其曰後者,不敢絕周公之歸,意姑留以鎮洛之辭也。說者乃謂王立周公之後於魯。夫使之居洛而立其子,是成王疑周公不用命,立其子以堅其心也,周公豈反側而跋扈者,何必爲此;使成王果有是心,周公方且恐懼之不暇,而敢受之乎? 註 64.

又於「亳姑」之序下曰:

周公歸老,成王俾居於豐,不忘叔父之恩,而使居京師也。周公有疾 將沒,欲歸葬成周者,不敢以凶事累君父,無家可歸,故欲歸舊治也。因 此知洛誥所謂命公後,乃告周公以少留于洛,非立伯禽明矣。使伯禽先在 魯,周公必欲葬千魯矣 至165。

史浩之說,以文義論之,「命公後」之前有「小子其退即辟于周」,是成王欲自洛歸鎬,遂命周公留洛後歸,若解作「命伯禽於魯」,則前後文義不相接,且下後有「迪將其後」,孔傳云「其今已後之政」,以時間言,文義亦不接,當指命周公留洛之因,乃在「監我上師工」,如是則文義暢順矣。於禮而言,諸侯入爲王卿士,其國與爵猶在,自無立子代之理;於情而言,身在而立子,非恩寵有過度即藉以定臣心,兩者皆非占事,周公成王之間,當不至如是。史浩之說,如朱熹所言,有其好處也。

然史浩講義之中,自立一說,異於他說者頗多,除上述一條之外,其大者若五子之歌曰「厥弟五人,御其母以從,徯于洛之汭,五子咸怨,孔傳以爲「怨其久畋失國」。史浩則不然,以爲五子之歌非所以爲怨也。其言曰:

五子之爲弟,内奉其母以徯其兄,初無忿戾之辭惡其兄而傷其母之 懷,乃上述先祖之戒,自怨自責,若己有過,以求媚于民,庶錢民之悔禍, 以歸其兄,使复之宗廟社稷,不淪胥于后羿之手也。… 孰謂五子之歌爲 怨詞也哉? № .661

於其三曰「惟彼陶唐,有此冀方」下云:

·····雖太康一時失道,然所以承襲者,其來久矣。后羿殊不念此,遽 有拒奪之心。今或以此而風,天下豈無仗順而起,爲吾君討賊者乎?然而

註 163 見尚書講義卷十五,頁18。

至164、見前書卷十五,頁22。

科 165、見前書卷十八,頁19。

註166 見前書卷六,頁2、3。

無有,此所以怨也。由是以論五子之怨,非怨其兄也,傷時無仗順者而停 其社稷邦邑之無所恃也(az 167)。

又於「今失厥道, 亂其紀綱, 乃底滅亡, 下云:

風、風也,所以風天下也。使其當時怨詈並興、聲后羿之罪,以啟天下之心;天下之心,未必能動,而其母子或中后羿之奇禍矣,故優柔其辭,使天下聞之而不忍叛,味之而不敢忘、註168。

又「關石和鈞」下云:

五子之於家國,思所以復其社稷宗祀者,蓋無所不用其至。彼其精誠 之所感格,上動於天而下結於民,宜乎子孫祀夏配天,赫然中興「註 .69. 。 總史浩之意,五子之歌非爲怨其兄也,乃怨天下無起義勤王之師,朝廷無大力輔弼 之臣,以救國難。五子作歌之意,在風諭天下,以激勵人心,使不忘夏后之德,不 叛夏后之政,欲使激起勤王之義師也。此說與孔傳怨艾之說大異其趣。

又其論西伯戡黎,以爲戡黎者非西伯文王,實周人而已,所以戡黎者,欲拯文 王出羑里也,與孔傳謂西伯實爲文王不同。其說曰:

西伯戡黎,何也?蓋當是時,約始囚文王於養里,故曰商始咎周也。 文王之民,唯恐紂之殺文王也,故乘黎以恐之,冀紂有所憚而不敢殺,故 曰周人乘黎也。祖伊……果恐而奔告,則周人之計得矣。其曰西伯者,祖 伊歸罪於文王之言也。此書祖伊作,不得不以西伯名,故書序改之曰周人

乘黎,明非西伯也。· · · · · 然則出文王於美里者,實周人乘黎之功也 章 170 。 史浩以序文與經文有「西伯」「周人」之異,遂作調停之言以爲經文作者乃祖伊,故稱西伯,序文則周史所記,故改爲周人;其說不然,若文王當時尙囚於羑里,周人乘黎,適足以激紂殺人之心,夫紂何懼之有,止恃天命,下制人臣,鬼侯、鄂侯,動輒酺醯,比于之親,猶忍殺之,若周人欲乘黎以救文王,紂必以爲有如林之旅,無可畏者,是乘黎之爲適足害之也。意周人必投鼠忌器而不敢妄動,遂有閎夭之徒,爭求美女奇器善馬以贖文王之舉,如是於情於理始通。史氏之說、蓋牽強成文耳。

史浩之論泰誓,與孔傳、E安石異。孔傳云:「大會以誓眾。」是解泰爲大。E 安石則以泰爲易經泰否之泰,謂傾紂之否而之泰也。考孟子滕文公下趙歧注引作「太 誓」,墨子非命上中下三篇,亦皆引作「太誓」,故史浩創爲新說曰:

E 167 見前書卷六,頁7、8。

[〔]註 168, 見前書卷六, 頁 8。

註169、見前書卷六、頁1。

經170、見前書卷十,頁15。

泰字當作太,意必太公所爲也。孟子引此篇,亦用太字是矣。左傳昭公兀年引太誓曰:民之所欲,天必從之。亦書太字,無可疑也。說者乃曰: 對之時,天地之不交而否,至是當泰矣,故曰泰誓。又曰:泰者大之極也,猶天子之子曰太子,天子之卿曰太宰。皆非是也。夫書有楊誓、秦誓,以人名也; 甘誓、費誓,以地名也,未有以義名者。今武王之戰曰太誓,太公所爲,豈非以人名乎! 曰牧誓戰於牧野,豈非以地名乎! 苛或知此,不必鑿其說也。昔楊爲順天應人之舉,以得伊尹,故湯誓之序曰伊尹相湯伐桀,明非湯之本心也。今武王太誓,豈非以爲吾不得太公,事不克濟,故以此名之乎! ……大明之詩曰:殷商之旅,其會如林。其卒曰:維師尚父,時維鷹楊,凉彼武王,肆伐大商,會朝清明。乃知武王非太公未必成事;則太誓之名,亦與書序伊尹相楊伐桀之意同也 在 771, 。

史浩此說,蓋因泰誓有作太誓者,而大明之詩先言尚父,且誓名有以人名,以地名, 未有以義名,是以遂生太公作太誓之說,並證以湯誓。其說新則新矣,然不免附會 穿鑿之失。考其失有二:其一、所引證據,不足支持其說;蓋大明之詩,明言「武 臣伐商而朝會」,未言太公誓眾,故縱作者爲太公,而誓者爲武臣必矣,觀誓中稱「予 一人」可知;若以人名之,則曰武誓方可,豈可謂之太誓哉;湯誓之證,適足反其 說,蓋湯之誓亦未以伊尹名「伊誓」,則太誓不可謂太公之誓也。其二泰誓,作太誓, 亦有作大誓者,禮記坊記、左傳成公二年傳、襄公二十一年傳、昭公元年傳、昭公 十四年傳、孟子滕文公下、墨子尚同下、天志中、國語周語下,所引皆作大誓(註 172 ,史浩似未有所知,故獨評作「泰」之非,並評上安石、顧彪之說,註 173 ,未 有一言評及作「大」者,是其說有欠周延也。

考載籍所引,有作「大」、「太」、「泰」上字。孔傳釋作「大會以示眾」、止義引 E肅云「武王以大道誓眾」、則其字於漢本作「大誓」; 王應麟因學紀聞云:「泰誓, 占文作大誓。……晁氏曰:開元間,衛包定今文,始作泰。」其說或是;然考廣州 越秀山出上西漢南越王墓有兩「太子」印章,其印文皆作「泰子」,可見「太」之作 「泰」,自西漢時已有之,不必至唐始改之也。墨子非命下引大誓,吳鈔本及道藏本 作「大明」,大明者,大盟也,盟、誓義同也 註 74 。今詩大雅大明之篇,其內容

EI 17 見前書卷十一,頁1、2。

[、]註,72 參見許師釵輝《先秦典籍引尚書考》上冊頁62、63。

註 173, 前引史浩之文中所引說者, 又曰二說, 前者即王安石之說, 後者爲願彪之說。顧彪於隋煬帝時爲祕書學士, 有古文尚書疏義之作; 其說見惠棟九經古義引。

EE.74 見问註76·頁66。

即敘述武王伐紂,會於牧野之事,其題曰「大明」,或亦即「大盟」也。大明之詩,有「會朝清明」一句,說者多以說「昧爽」,然考諸屈原天問,有曰「會鼂爭盟,何踐吾期」,「會鼂爭盟」一作「會鼂請盟」 註 175 」,可見大明即大盟,亦即大誓之意。復考近世出上侯馬盟書,盟字正作「明」字 註 176, 。總是所述,書經是篇本作「大誓」,後始有「太誓」,「泰誓」之名。由是言之,史浩獨見泰之作太,而不見太之作大,故有此聯想,遂爲之說,其失明矣。

史浩於康王之誥,承東坡之說而更推擴之,不獨吉服非禮, 誥命亦非禮, 立於 應門之內亦非禮。其言曰:

或者謂康王不當吉服以見諸侯·諸侯戴文武成王之德久矣,若在亮陰而使太保傳命,安有不聽乎?此非知時之言也。夫商民之碩,成王周公勤勤於此,凡幾歲幾書,而猶未服:今康王莳惸然在哀疚中,諸侯來弔者,不睹其面而去,安知商之士民不起三監武庚之念乎!其勉康王出見諸侯,所以冥消商人不執之心也。……於此可見當時綿蕝之禮,所以絕危疑顧望之心,皆出於從權也(註,77)。

不獨此也,其論王出立於畢門,諸侯朝於應門之左右,禮也;占者天子不下堂而見諸侯,康王出於應門之內,天子之失禮也。史浩以爲方其居廬,不敢御正衙以行朝覲之義,亦從權也 [註 178]。又論康王當三年不言之時,乃有是誥,亦非禮也,然當危疑之際,而無一言以慰諸侯之望,則臣下無所奉行也、亦從權之義 [註 179]。其說又與東坡異,蓋亦自得諸胸臆也。

凡此皆其新說之犖犖大者,其他義訓一二字而自作解者亦不鮮,茲不贅言。

(六)借講尚書以發揮議論

史浩尚書之著述,既曰「講義」,自是欲講明義理而論以後世今日之事,冀因研經以助修治也。此經筵講義之常態也。史氏講義每稱後世如何如何,蓋欲後世知經,而進德從政,有所法則也。其論二典即爲明例。其言曰:

凡讀二典,不可將作後世看。後世視此等事,多以爲緩而不切:唐虞 之時,茲事甚重,蓋四時不定,則庶功不成,利害非小:只看月令無一事

[、]註 175 參見段玉裁詩經小學。

[[]註、76, 參見里仁書局出版《馬盟書》中圖版宗盟類·其中多有。若一:二二作「·」即「趙孟之盟」。

註177 見尚書講義卷十九,頁4、5。

註 178) 見前書卷十九、頁 5、6。

[「]註179,見前書卷十九,頁7。

不順天時,聖人安得不以爲急乎 至180,!

史浩之意,謂後世不識堯「欽若昊天,敬授民時,及舜「在璇璣玉衡,以齊七政」 之大義,以爲緩而不切,其實一切施政皆由此而生而成,後世當法堯舜也。其論舜 典,則直以爲舜之一切,皆足爲後世作法。其言曰:

舜得其氣之大全,蓋欲使之爲天下後世作法,不得不生於側微。…… 夫既起於隱陋,則萬古耕稼陶漁者,皆得以取法。夫既父頑母嚚象傲,則 萬古處父子兄弟之間,皆得以取法。夫既百官事之,二女女爲,則萬古爲 朋友長幼夫婦者,皆得以取法。夫既齊七政,頒五瑞,巡狩以覲諸侯,協 時月正日,同律度量衡,舉賢去不肖,則萬古爲君者皆得以取法。向使舜 不生於飢微,則人倫五者,政化百爲可以法爾,耕稼陶漁何所法乎?…… 然則天固生舜於飢微之中,其意蓋爲天下後世作大模楷,欲使天下後世自 天子至於庶人,皆當法舜也 註 181

以此見其餘之論多若是者。其亦時據書義引而伸之,以明爲治之理。若彼論蔡仲之 命曰:

竊嘗謂周公住冢宰,凡所欲爲,無不如志,而善則稱君,過則稱己, 周公造次未嘗忘之。且誅管蔡者,成王也,非成王之命,周公安敢專罰, 而經之所載,直言周公位冢宰而爲之,可謂過則稱己矣;封蔡仲者,周公 也,非周公知之,成王何自而封,而經之所載,直言請命於王而封之蔡, 可謂善則稱君矣。彼後世負不賞之功,而招權以自用者,固周公之罪人也 、証 182 。

史浩論周公之爲臣之道,以誅管蔡證當有罪則稱己,封蔡仲證善則稱君,以明爲人臣者當法周公之行,此即引伸蔡仲之命之意而發揮之,以諷人臣之不如此者,其爲周公之罪人也;其諷喻之意甚明白也。

四、史浩尙書學之影響及評價

史浩受知於張九成,其學說與九成爲近,於尚書之說,亦多取東坡、無垢,而 旁涉道家之說以解經,皆緣張九成而來。其尚書講義,多順文敷演,頗類經幄講章 之體。朱熹稱其解洛誥「命公後」,不用孔傳「命伯禽爲周公之後」之說,而謂乃「成

[「]至180〕見前書卷一、頁9。

^{# 181} 見前書卷二,頁1、2。

E 182 見前書卷十七,頁12、13。

上既歸,命周公在後」。然考此說林之奇全解先已倡之 [註 183 ,朱子之譽史氏,或 失之不察也。

四庫提要評論史氏尚書講義曰:

其說大抵以注疏爲主,參考諸儒而以己意融貫之。當張浚用兵中原 時,浩方爲右僕射,獨持異論者,責其沮恢復之謀;今觀其解文侯之命一 篇,亦極美宣王之勤政復讎,而傷平王之無志恢復,則其意原不以用兵爲 非,殆以浚未能度力量時,故不欲僥倖嘗試耶!

按提要舉史氏文侯之命之說以論其爲政之心意,誠爲精闢,然史氏論文侯之命,其 說或亦本乎張九成、蘇軾之論也。而提要以爲史氏大抵以注疏爲主,而未論其說之 出於無垢張氏,且未詳察史氏尚書學說之特色也。

註183 參見本論文論林之奇之向書學。

第四章 少穎尚書學案

第一節 林之奇

-、生平事略

林之奇,字少穎,福州侯官人。紫微呂本中入閩,之奇從而學焉,以廣大爲心,以踐履爲實,稱高弟。紹興丙辰,將試禮部,行至衢州,以不得事親而反,益肆力於學,呂本中奇之。由是及門者嘗數百人,學者稱三山先生。中紹興二十一年已已進上,調補田簿,改長汀尉,薦除正字,遷校書郎。因進言謂「堯舜執中,不離仁義」,次言「宜革文弊,歸於忠實」,次言「無尚老莊之學」,高宗褒納之。會朝議欲令學者參用王氏上經義之說,之奇上言王氏上經,率爲新法地,晉人以上、何清談之罪,深於桀紂,而靖康禍亂,考其端倪,王氏實負王、何之責。或傳金人欲南侵,之奇作書上當路者,上能戰然後能和、能戰則必以得人才爲先。以痺疾乞外,由宗上承提舉閩舶參帥,議遂以祠祿家居,自稱拙齋。東萊呂祖謙嘗受學焉。淳熙三年卒,年六十有五。所著有尚書、春秋、周禮說,論、孟、揚子講義,又拙齋文集二十卷。今唯尚書及文集存、註1。

1、尚書之著述及著錄

林氏尚書之作,有「尚書全解」一書,宋史稱「書說」,朱子引稱,亦曰「書說」; 而其孫林畊序,則稱「書解」,鄧均序亦同、註2 ;經義考則謂之「尚書集解」、註3 ;

註 1. 參宋史卷四百三十三儒林傳本傳,及宋元學案卷三十六紫微學案。

[、]註 2 見通志通經解林之奇尚書全解前附林畊及鄧均之序,

註 3, 見經義者卷八十, 頁 2。

而建安余氏刊林氏之書,則作「上山林少穎先生尚書全解 註4 。今稱「尚書全解」, 蓋本諸余氏刊本,林少穎自始未稱「全解」也。考有宋一代尚書之作,除經義攷有 胡瑗「尚書全解」之名,然朱子以爲乃僞作 註,。尚書之訓解,有詳解,有精義, 然不可謂得聖人之「全」,故稱「全解」者,非謂「周全」之義,乃「完整無缺之解 本」也。蓋其書解嘗有不完之刊本者。

考是書宋志著錄五十八卷,今本僅標題四十卷,為其孫林畊所釐訂。林畊序云: 先拙齋書解傳於世者,自洛誥以後,皆訛,蓋是書初成,門人東萊呂 祖謙伯恭取其全本以歸,諸生傳錄,十無二三,書坊急於鍰梓,不復參訂, 訛以傳訛,非一日矣。

朱子嘗謂是書自洛誥以後,非林氏解者、註6,王應麟玉海亦云:「林少穎書說至洛 誥而終,呂成公書說自洛誥而始、註7。.蓋呂祖謙受學三二,欲終始其師說也。 是知是書嘗爲書坊僞續,以刊行之;宋志謂五十八卷者,蓋即書坊所刻麻沙本是也。 朱熹所見,亦爲是刊本耳。今林畊所釐爲四十卷之本,於洛誥以下至終篇,皆有解, 日謂嘗歷經諸多艱難始得其備。其序云:

友人陳元鳳儀叔攜書說拾遺集示余,蠹蝕其表,蠅頭細書,云得之字 文故家,蓋宇文之先曾從拙齋學,親傳之稿也,其集從康誥至君陳,此後 又無云。遂以鍰本參校康誥、酒誥、梓材、召誥皆同鍰本,自洛誥至君陳, 與鍰本異,其詳倍之,至是益信書坊之本誤矣。

其後又云得建安余氏所刊「尚書全解」, 而「尚書全解」除以字文家本相較外, 另有 一本可較證者, 其序云:

學錄葉君真,里之書儒,當從勉齋遊,其先世亦從拙齋學,與東菜同時,又出家藏寫本林、李二先生書解及詩說相示,校之首尾並同,蓋得此本而益有證驗矣。

就其序所云觀之,則東萊呂祖謙所得,蓋其書初成稿本,而林之奇嘗解洛誥至秦誓, 乃其後所續完者也。然亦有可疑者,呂祖謙號稱三山高弟,其所持去之本,即上於 洛誥,若其持去之時,即知林少穎尚有繼作,本非完書,則東萊無由持去,更無由 作東萊書說,起自洛誥以下,且云續之奇之書,則呂祖謙所得者,當爲完書;若東 萊得書去後,林之奇復繼作,則以東萊與少穎之師生之誼訂之,亦無不知之理,然

註 4 亦見林氏全解前附林畊序中。

註 5 見經義考卷七九。朱子說亦見經義考該條下引用。其說可信。

註 6 見朱子語類卷七八綱領。

註 7 見四庫提要卷十一東萊書說條下引述之。

則東萊當亦不為書說以續其師之說矣。且何 可夏傑作書解,引林氏語至洛誥而止; 朱熹亦云洛誥以卜,非林氏解,臣應麟亦以爲如是:諸公皆大儒者,博識兼通,於 尚書亦稱大家,皆不知林氏解洛誥以卜,此亦不合情理。且新安余氏雖號稱精於刊 行善本書籍,然其從何而得全本,亦難理解,蓋林畊序云其父勉齋嘗遍尋而不獲, 若其書爲林之奇最晚年作,則當爲家藏,傳諸其子孫,外人皆不知,則余氏何由而 得哉?而林畊所言「全解」所得備之經過,亦巧合過甚,近于神化,如曰余氏刊本, 刊成僅數月而書功火,板本不存,致使林書求之不得,若非神刀,即爲騙言無疑。 朱熹 生多在福建,與余氏新安爲近,且與東萊過從甚密,研討尚書,時有往還 註 。,且不得知,則余氏之本,實在可疑。是故四庫總目提要云:「毋乃畊又有所增 修,託之乃祖數?」以爲乃林畊託祖名之續作。

考今本「尚書全解」、洛誥以前與洛誥以後,就觀點評釋之間、相當一致、並無矛盾、所謂「合人心之所同然,以義爲主、無適無莫」是也 註 9 。然就其文言之,洛誥以前引他人之說、與洛誥以後者、稍有不同、如洪範嘗引「范內翰、云云、而顧命引則曰「范純夫內翰」;又洛誥以前、引蘇東坡書傳曰「蘇氏曰」、洛誥以後、則除「蘇氏曰」外,亦有用「蘇東坡」者;且立政篇於「三宅三俊」解,有「又一說」者,可見洛誥以後之解、與其前文少異、而「又一說」之文、亦知此非原有之完本也。四庫提要所言近之。蓋林少穎書解本上於洛誥、而其平時授生徒時、嘗及洛誥以後諸篇、而其生徒亦各有所記、故有字文氏、葉氏之本、及後林畊多方搜尋、集而彙理之、以續其後、較諸麻沙本、亦得其正解矣。 万畊序詳言集得之經過甚詳目功、或務取信於人者也。雖然、其續作亦當有所本、不失林少穎之初衷、廣幾等觀之可也。

四庫提要復立其書流傳既久,又恢其卷二十四多方一篇,通志堂刊九經解,竭力購之弗能補,乃從永樂大典錄而補之。今多方一篇之前,無書序之文,蓋補綴之時即無其文者也。

林之奇著述頗豐,而於尚書尤多注意,努力從事焉。其孫林畊序嘗謂:

先拙齋初著之時,每日誦正經,自首至尾一遍,雖有他務,不輟:貫 穿諸家,旁搜遠紹,會而粹之,該括詳盡,……自壯至耄,用心如此之勤, 用力如此之深,始克成書。

可見林之奇於尚書,積學万久,覃深研幾,遂有大成。鄧均序亦云:「拙齋著書多而

註 8. 見失予語類卷七八綱領曰:「呂伯恭解書自洛誥始。某問之曰,有解不去處否?曰. 也無。及數日後,謂某曰:書也是有難說處,今只是強解將去爾。要之,伯恭卻是 傷於巧。,其下更有他條言及此者。可見二者論書往還之事實也。

旺 9, 見林之奇序灭。

於尙書尤注意,即少穎先生書解是也。」今拙齋之作,存者唯尙書全解及文集而已, 可見林氏尙書之學,實即其平生學術之所聚,朱熹每稱其書解,亦非無因也。

三、林之奇之尚書學

林之奇之學,有宋理學之正傳也。蓋少穎嘗學於呂本中,號爲高弟,而呂本中 乃楊時嫡傳,受其學載道而南,遂開閩學一脈;龜山楊時則受學於二程,上繼之以 濂溪,故知少穎之學乃開義理一途、註100。宋代理學家之解尚書者,經義考有列胡 瑗「尚書全解」一書,然亦引朱子之說,以爲乃後世託名之僞作;而楊時之「三經 義辨」,乃針對王安石「三經新義」而作,非專就尚書以言尚書者,且未作全部解說。 北宋以理學解尚書者,唯張九成有全書之作,然今又逸失,未能睹其全貌,無垢張 氏以下,則數之奇矣。林氏尚書全解,世稱繁重,然亦以是見其用功之勤,所得之 深,洵爲宋代理學家尚書著述之見於今者之代表作。今紬繹尚書全解之文,以見其 尚書學之特色如次:

(一)以義理為宗

林之奇既爲理學正傳,其言經以義理爲宗,乃爲必然。故其於「尚書全解序」 中立:

義理之學既本於人心,則心性之論,乃義理所重者,凡有議論,乃窮根究本於人心之所同然,否則乃異論曲說爾。其解舜典「汝作司徒,敬敷五教,在寬」曰:

女作可徒者,言汝爲司徒之職,謹布五教於民,其有不率教者,又當 寬以待之也。詩云:天生承民,有物有則,民之秉彝,好是彝德。秉彝之 性,人之所问有也,其有至於喪其秉彝而亂人倫之性者,未必其中心之誠 然也,良由教化有所未明,習俗有所未成,則其固有之性,逐物而喪矣。 惟教化已明,習俗已成,將見復其固有之性矣(註1)。

敷五教之事,即在章明民之所以秉於天者,以去其習俗之染,以復其固有之性。而 人之秉之大者,自天子至於庶民,無有或異,是以人君治國,必本此以施政,始臻 大治。其論供範「皇建其有極」下云:

註10] 見宋元學案濂溪、伊川、龜山,紫微諸學案。

至11, 見林氏全解卷三, 頁8、9。

故彝倫之序,必先五行以盡性,五事以踐形,然後施於有政而建皇極馬,此蓋已正而物自正,非至於王物然後所以正己也。……故聖人建皇極以教民,而民之趨於皇極者,必有其序焉。惟皇上帝降衷于民,民之所以稟受於天者,莫不有皇極之道,惟其固物有遷,梏於蕞爾形體之微,故小己自私,至於偏頗反側,而失其所以固有之中,流於物欲而不能自反。人君既已建皇極於正,使民皆知太中之道,本於天性之固有,而去其所謂偏頗反側者,則太中之道,將卓爾而自存矣 註 21。

夫皇極之建,大中之道,本諸天性之固然,則君王者,去自私而棄偏側,則大中之 道自存。故有私心,則流於物逐,無私心,則合於公義,此施政者之所當戒哉。故 林氏之說蔡仲之命「率自中,無作聰明亂舊章。詳乃視聽,罔以側言改厥度」曰:

率自中與率性之謂道之率同。耳之德爲聰,而聰則用之以聽;目之德爲明,而明則用之以視;是聰明在己,而視聽用以應物也。故當循其所謂大本之中,順性命之理而行之,則其聰明出於自然,而無有私意小智撓乎其間,豈至於變亂舊章哉! 苟任一己之聰明,不能行其所無事,則其亂變前世乙舊也必矣 紅 3.。

義理乃人心所同,本夫天性之所固有,而有所率修,以爲施政之基;是以凡所作爲,皆本諸人情之理,始合於道。林氏解經,嘗以「本諸人情」爲準,此即基於義理而發者也。其論舜典「五流有宅,五宅三居」曰:

蓋教皋陶原情而定罪耳。夫欲刑者之服其罪,流者之安其居,則必權 人情之有宜輕者,有宜重者,有宜輕重之中者,其流罪有宜居近者,有宜 居遠者,有宜居遠近之中者,皆酌之以人情,而不背戾於法,此所貴於惟 明克允也(註.4 。

其論大禹謨「罔咈百姓以從己之欲」云:

夫盤庚之將遷都,民咨胥怨而不從,盤庚不強之以遷也,方且優游訓 語,若父兄之訓子弟,至於再,至於三,必使之知遷都之爲利,不遷之爲 害,然後率之以遷焉;何當咈之以從己欲哉?夫王者之安天下,必本於人 情,未有咈百姓而可以從先王之道也、莊15 。

宋代義理之家,素重大禹謨「危微精一」之論,自程予以來,諸儒歷有發明,敷陳

⁽註 12) 見前書卷二四·頁41、42。

[.] EE 13 見前書卷三三,頁29、3。

註 141 見前書卷三,頁11。

[.] 豆15 見前書卷四,頁1。

其義。孔傳於此,僅說「危」「徵」、「精一」、「中」之義,至程子始著「人心」、「道心」之別。程子嘗曰:「人心人欲,故危殆;道心大理,故精微;惟精以致之,惟一以守之,如此方能執中 計 .61。」天理、人欲之義,遂大顯於世,宋史有道學傳,蓋亦沿此而來。林之奇爲程學四傳。於「危微精一」之傳,特重其事以爲三聖發明道學之要,聖學相傳之淵源,俱盡在此;並以己見而爲之言曰:

中庸日·喜怒哀樂之未發謂之中,發而皆中節謂之和。苟於其既發而爲私欲所勝,則將發而不中節矣。夫所發者既危而不安,則未發者亦將微而難明,誠能惟精惟一,以安其危,則喜怒哀樂中節而和矣,所發者既和,則未發之中,亦將卓然而獨存矣,故能允執厥中,此蓋與中庸之言相表裡。自堯舜禹以至孔孟所以相傳者,舉不出此,學者不可以不深意而精思之也 註17.。

林之奇引中庸之言以解「危微精一」之說、蓋「允執其中」之「中」,與中庸之「中」,有相近之處,程門素重「中」義,故中庸之說極周到鞭擗,程門後學如張九成者,於此解亦重言「中」義 註 18、;而引中庸解此十六字者、前有蘇東坡 註 191。東坡以爲人心、道心不二,放之則一,精之則一,而林之奇以爲人心、道心判然有別,能精一,則人心可和而道心可獨存,是二者判然有別也。朱子解此十六字、言之多矣,亦主人心、道心爲二。其言曰:「人心者,是血氣和合做成,嗜欲之類、皆從此出、故危。道心是本來稟受得仁義禮智之心。聖人以此二者對待而言,止欲其察之精而守之一也;察之精,則兩箇界限分明,專一守著一個道心,不令人欲得以干犯,譬如一物、判作兩片,便知得一箇好、一箇思、堯舜所以授受之妙,不過如此「註 20 。」朱熹於中庸之與「危微一中」之說,亦曾申其相關之義曰:「書傳所載多是說無過不及之中,只如中庸之中,亦只說無過,不及,但喜怒哀樂之末發謂之中一處,卻說得重也 註 21.。可見林之奇持中庸以說尚書,以發揮其道心道學之說,實得理學之正統,上承程子,而下接朱熹也。

(二) 徵諸先聖之說

林之奇序嘗云:「學者之於經,苟不知義之與比,先立適莫於胸中,或以甲之說

ax 6 見朱子語類卷七八、總頁 214 °

EE 17 見林氏尚書全解卷四,頁27。

註 18 見黃倫尚書精義卷六,頁41 引無垢之說。

註19 見蘇軾書傳卷三,負7。

a 20 見朱子語類卷七八,總頁 218。

缸21 同前註。

爲可從,以乙之說爲不可從,以乙之說爲可從,以甲之說爲不可從,如此則私議蜂 起,好惡關然,將不勝其惑矣,安能合人心之所同然哉。」經之用既爲傳聖道,而 言經者紛紜,何者爲是,何者爲非,誠難定論;然聖人之道,傳者聖人也,傳之者 亦聖人也,聖聖相傳,蓋得其眞旨無疑矣。林氏嘗曰:

盖聖人發明其心術之秘,以相授受,故其言淵深,人必有聖人復起, 默而識之,自得於言意之表,非詁訓章句之學可得而知也(至22 。

此亦孟子所言「以意逆志」之義也。然所逆者與逆之者,非聖不能,而聖人眾人,其本質實未嘗不同,苟能去私見而無適莫,則得人心之所同,斯亦可以逆聖人之志矣。尚書之義,傳諸堯舜禹湯,經孔子編次之,而其道太明,是以欲識聖王之道,必先識孔孟之言,以孔孟之言上逆堯舜禹湯之志,斯得正傳眞旨矣。程子嘗答「窮經旨當何所先」曰:「於語、孟 書,知其要約所在,則可以觀五經矣。讀語、孟而不知道,所謂雖多亦奚以爲 註 231 ?」夫論語者,孔子之記言,乃五經之管轄,六藝之喉衿;而孟子一書,引書尤多,可見其長於書者,故據一聖之言以言書經,則鮮有所失。林氏書解,其引孟子、論語之言,不計其數,蓋即本諸聖人言經之義也。試舉數例以明之。其解堯典「放勳」云:

鄭玄云 放猶至也,謂堯有大功也。孔子曰·大哉!堯之爲君也,蕩 蕩乎民無能名焉,是勳之謂也 註 241。

此據論語孔子之言堯事而解「放勳」之義也。其於立政篇「三名三俊,嚴惟丕式」 解云:

蓋既曰用有三宅,克即宅,曰三有俊,克即俊,以見其好賢樂善之誠心,有加而無已也。……子曰:無為而治者,其舜也歟!夫何為哉,恭己南面而已。嚴者恭己之謂也,協于厥邑,丕式見德,則無為而治矣,正251。此引孔子言舜之爲治,以言理國之在任賢,則可無爲而治之矣,近以恭己,無爲以解書義,即取上逆孔子之志以言經義也。又其解伊訓「立愛惟親, 乙敬惟長,始於邦家,終於四海」曰:

王者之冶天下,將欲仁覆天下,复必人人而愛之,人人而敬之哉!惟 盡吾孝悌之心,親其親,長其長,舉斯心而加諧彼,而天下平矣。….或 問孔子曰:子奚不爲政?子曰:書云:孝乎惟孝,友于兄弟,施於有政,

[[]註22] 見林氏尚書全解卷四,頁26。

[「]註23, 見二程遺書粹言一, 頁25。

[、]狂24〕見林氏尚書全解卷一,頁3。

註 25 見前書卷二五,頁11。

是亦爲政,奚其爲爲政。蓋愛於親、敬於長,政之所出,必本於此:窮而 在下爲匹夫,則施之於家,不爲有餘;達而在上爲天子,則施之四海,而 不爲不足。此實治天下國家之至德要道,言近而旨遠、註 26,。

此則以孔子論尚書之言,以明爲治之法,在親其親,敬其長而已,推而廣之,可及 四海。其解大禹謨「克勤于邦,克儉于家」曰:

既有是功,而又勤於邦,儉于家,不自滿假,此人情之所尤難也。孔子曰:禹,吾無聞然矣。菲飲食而致孝乎鬼神,惡衣服而致美乎黻冕,卑宫室而盡力乎溝洫。此克勤于邦,克儉于家之實也、註27,。

此則引孔子稱禹之言,以證禹勤儉邦家之事。又解立政篇曰:

抑嘗觀周、召之告成王,未嘗不以禹、湯之所以得,桀、紂之所以失, 反覆而陳之:蓋詩曰:殷鑒不遠,在夏后之世。殷鑒在夏,則周鑒在殷矣。 能以行事爲戒,豈遠乎哉!周、召欲成王克紹文武之大業,必言其不可如 桀紂廢墜禹湯之遺緒也,不獨戒成王爲然,其戒殷之多士,多方之諸侯, 亦莫不然。孔子曰 周監於二代。蓋謂是也, 註 281。

此則據孔子之言,以明周、召之言義,在取監戒於前代,以免蹈覆轍之危;周之所以能郁郁乎文者,端在此也。

論語中,孔子之言及尚書者凡九條,其他言堯、舜、禹、及商周之事者亦不少,林氏多引之以說尚書,此其徵於孔子之意至明,亦當然之事。而有進於是者焉。林氏解書,亦嘗據孔子之意以訓解書文義理者,茲亦舉數例以見之。其說洪範「五事」曰:

孔子曰:君子有九思:視思明,聽思聰,色思溫、貌思恭,言思忠, 事思敬,疑思問,忿思難,見得思義。言君子之治己,有此九者之殊, 而此九者莫不各有所思,視之於明,聽之於聰以下,皆是理之自然不可 易,各正其所,無以復加也;自五事以下,各言用,而隨其所用各繁一 字,亦猶九思之各有所主;蓋其理之所當然也。五事者,聖人之所由以 盡性,充之以踐形者也。視聽言貌思,其用不同,而蔽之以一言,則曰 修己以敬而已。修己以敬,則五事各得其正,而無狂僭豫急蒙之失,故 於五事曰敬用、紅29。

[[]註26, 見前書卷十五,頁25。

[[]註27, 見前書卷四,頁25。

[[]註28 見前書卷三八,頁12。

[[]註29 見前書卷二四,頁16。

此以孔子之「九思」與洪範「五事」比觀,因言五事之下所謂「恭、從、明、聰、睿」,乃五事之所主,而爲理之當然,據此以反駁五行五事相配,以言災異讖緯之說,如孔疏、王安石、蘇東坡等。林氏以爲五事自貌、言、視、聽、思,必皆敬用者,此蓋踐形之學也,自恭、從、明、聰、睿者,蓋學所以踐形也;而肅、乂、哲、謀、聖,則可以踐其形矣,此聖人之事業;孟子曰:「惟聖人然後可以踐形「註 30」。」可見林氏根源於孔子之意,以明修身之道,以期立天下之大本也。又林氏解費誓曰:

夫刑非聖人之所忍言也。今伯禽之誓,既言常刑,又言大刑,又言無餘刑非殺,可謂忍於言用刑矣,而夫子乃錄其書於帝王之次者,蓋平居無事之時,人主不可以用刑也,至於用兵,則不厭夫三令五申之,所以全民命而重戒事也。孔子曰:不教而殺謂之虐,不戒視成謂之暴,慢令致期謂之賊。將爲戰守攻築之備,苟不先爲之誓戒,及陷於罪,遂從而刑之,自民言之,則爲虐之、暴之、賊之,自國而言,則失戰守攻築之大計,民之叛服,國之安危係焉。故甘誓、湯誓、泰誓、費誓之言用刑,夫子皆不以爲過者,以其爲誓師而言也、至311。

按費誓與孔子之言,本無相關之處,然林氏引孔子此語,敷陳其義,以明誓師言刑之當然,乃在爲國爲民,安之教之,遂以孔子不以爲過爲準。凡此皆衍孔子言義以解書也,林氏全解此例極多,不勝枚舉矣。

至於林氏解引孟子言尚書諸事,一如其引論語然。史記孟筍列傳曰:孟軻乃述唐虞三代之德,是以所如者不合,退而與萬章之徒,序詩、書,述仲尼之意,作孟子七篇。」趙岐孟子題辭曰:「孟子之意,以謂帝王之盛,惟有堯、舜,堯舜之道,仁義爲尚。」蓋孟子素重先王堯舜之道,故其書言及尚書者尤多,共計二十五條,可謂長於書者也(註 32)。林之奇於孟子,亦有述作曰孟子講義,今佚,其序則云:「孟子、論語,皆先聖之法言,學者之要道也,然孟子之書,大抵推明論語之意,故學論語者必自孟子始(註 33)。」以孟子長於書,其書又多言及尚書之事,故林氏引孟子言尚書諸事以解經者,比之論語尤夥。如林氏解仲虺之語「葛伯仇餉」一段曰:

湯之征伐,蓋始於葛,其略見於仲虺之言,其詳見於孟子。孟子曰: 楊居亳,與葛爲鄰,葛伯放而不祀。湯使人問之曰:何爲不祀?曰:無以

[[]註30] 見前書卷二四,頁25。

[[]狂31] 見前書卷四十,頁15。

[[]註 32 , 見許師錢輝所著「先秦典籍引尚書考」第九章「孟子引書考。

[[]註 33] 見經義考卷二百三十四,頁 3 引。

供犧牲也。楊使遺之牛羊。葛伯食之,又不以祀。楊又使人問之曰:何爲不祀?曰。無以供粢盛。楊使毫眾往爲之耕,老弱饋食。葛伯帥其民要其有酒食黍稻者,奪之,不授者殺之,有童子以黍肉鉤,殺而奪之。書曰葛伯仇鉤。此之謂也。爲其殺是童子而征之,四海之內,皆曰非富天下也,爲匹夫匹婦復讎也。楊始征自葛載,十一征而無敵于天下,東面而征西夷怨,南面而征北狄怨,曰、奚我后,我民之望之,若大旱之望雨也,歸市者弗止,芸者不變,誅其君,弔其民,如時雨降,民大悦。書曰:徯我后,后來無罰。孟子之時,去古未遠,必其載籍之所傳者如此,是可以明仲虺之意。蓋楊之於萬,其始也未嘗有伐之之意,其祀也則遺之以牛羊,既不祀也,則使毫眾往爲之耕,及其殺饋鉤之量子,然後不得已而伐之,其伐之也,非以快一時之私,爲匹夫匹婦之雠也。其34。

按孔傳於此曰:「葛伯遊行,見農民之餉於田者,殺其人,奪其餉,故謂之仇餉。仇,怨也。湯爲是以不祀之罪伐之。」而孟子以爲湯之伐葛伯,乃因其殺遺餉之童子,爲童子復讎也。夫不遺餉而殺奪之,此尚有下情,而既遺餉而殺之,則無可忍之道矣。孟子以爲湯伐葛伯者以此,與孔傳所說不同。林氏於此取孟子之言以爲正,以爲孟子去古未遠,載籍師傳,或有其說,而其言娓娓甚詳,是有逾於孔傳者矣。又林氏解武成「有道曾孫周王發」云:

言已憑我文祖之有道,將往大征商紂,以大正其罪也。當是時,始興 兵往伐商,未知克與不克,而紂猶在上爲天子,遽稱周王發,此殆是史官 增加潤色之辭,非必其禱神之言本如此也。孟子因咸兵蒙問舜南面而正, 堯率諸侯北面而朝之之說,嘗舉孔子之言曰:天無二日,民無二王。舜既 爲天子矣,乂率天下諸侯以爲堯三年喪,是二天子矣。天下之不可以有二 王也。苟以武王稱周王發而繼之以今商王無道,則是二王矣。孟子於武成 取二三策,則其所不取者,必此類也(註35)。

此據孟子之說不取武成,推而申之,以言武成有不合義理,顯言 E之事,進而言 武成之文非其本來面目,乃史官潤色之辭,故孟子有所不取。而林氏於「血流漂杵」 下云:

孟子則以謂盡信書,則不如無書,吾於武成,取二三策而已,以至仁 伐不仁,何其血之流杵也。審如孟子之說,則是血流漂杵之言,蓋深疑之 也。予嘗深原孟子之意,蓋恐學者傳之失真,以謂武王牧野之戰,其殺人

a 34 見林氏尚書全解卷十四,頁 22。

註35 見前書卷二三,頁20、21、

誠如是之多,故其後世嗜殺人之主,必將指武王以爲口實,故爲此拔本塞 源之論,此孟子所以有功於武王也,至36。

此不但引孟子之言解經,更爲孟子辯護,以明武成血流漂杵之事,非無其事,乃孟子解書義耳。又其解泰誓下「獨夫受,洪惟作威,乃汝世讎」曰:

言約作威而殺戮無辜,以與一世之人爲雠,則斯民無有戴之爲君矣。 是獨夫耳;獨夫者,失其所恃之勢,與匹夫無異;與匹夫無異、而且與一世之人爲雠,是自取滅亡之禍也。齊宣王問於孟子曰:湯放桀,武王伐紂, 有諸?孟子對曰.於傳有之。曰:臣弒其君,可乎?曰:賊人者謂之賊, 賊義者謂之殘,殘賊之人,謂之一夫,聞誅一夫紂矣,未聞弒其君也。其 言蓋出於此。苟不能撫民而虐之,則是讎也,非后也。舉天下之人而讎一 獨夫,豈爲弑君哉! 註37

此引孟子以解稱紂爲獨夫之意;所謂獨夫,與天下之民爲讎,殘賊百姓,故民視之如仇,如是則君非其君矣,何以謂弑君哉,所殺者乃一賊殘之人耳,故謂之獨夫。凡皆引孟子之言及尚書之事以解書者。其他據孟子之論以說書義者,無處無之。至若解召誥之「節性」,即引孟子性善之論以說義理。其言曰:

欲服殷御事,無他,節性而已。孟子曰:性無有不善,水無有不下。殷之御事當成王之世,天下之所謂惡人也,周之御事,天下之所謂善人也,雖有美惡之異,然原夫殷御事所稟於天之性,未喪之前,與周之御事有以異哉?惟上之人有以唱之,遂陷溺其良心,而不義之習,遂與性成,寖淫日久,牢不可遏,必有以節之而後可也。節之者非強其所無也,以其所固有之性,還以治之,去其不善而反之善也[至38]。

考占無性善之說,詩烝民所云「天生烝民,有物有則,民之秉舜,好是彞德」,其彝德猶外在於人,而須秉而好之,孔子論性,尚云「性相近也,習相遠也」,未明言性善,至孟子始揭性善之義。召誥之時,其所謂「性」,當與孔子之言性相近,無所謂善惡,而林之奇持孟子之善性說以解書,即見其徵持之意。其解大禹謨「六府三事」之義曰:

夫水、火、金、木、土、穀,惟修,謂之六府,此天地之養萬物者也。…… 正德、利用、厚生,謂之三事,此則聖人體天地化育之德以養萬民者也。 孟子論王道之始曰:不違農時,穀不可勝食也:數罟不入汙池,魚鳖不可

註36 見前書卷二二,頁25。

註 37. 見前書卷二二,頁 31。

[、]註 38 見前書卷二十,頁 25。

勝食也,斧斤以時入山林,材木不可勝用也:穀與魚鱉不可勝食,材木不可勝用,是使民養生喪死無感也。養生喪死無憾,王道之始也。五畝之宅,樹之以桑,五十者可以衣帛矣;雞豚狗彘之畜,無失其時,七十者可以食肉矣:百畝之田,勿奪其時,數口之家,可以無飢矣;謹庠序之教,申之以孝悌之義,頒白者不負戴於道路矣;七十者衣帛食肉,黎民不飢不寒,然而不王者,未之有也。謹庠序之教,申之以孝悌之義,此所謂正德也;穀與魚鱉不可勝食,材木不可勝用,養生喪死無憾,此所謂利用也;五畝之宅,樹之以桑,雞豚狗彘之畜,無失其時,百畝之田,勿奪其時,此所謂厚生也 31391。

夫孟子之言本非爲尚書而說,其義本因孔子「富之、教之」之理,而林氏引以說尚書一事,雖義亦相通,然孟子教以孝悌之義,列於末,而林之奇則引而說正德,在 一事之首,此其小異耳。然以此足見其徵用孟子之義,斑斑彰明焉。

雖然,林少穎亦有不以孟子之說爲是者。如論禹貢冀州之賦,以爲歲有豐凶水 型之不同,不可必取於每歲之常賦,當視其歲而有增損不同。因引孟子而論之曰:

孟子曰:治地莫善於助,莫不善於貢。貢者校數歲之中以爲常。樂歲 粒米很戾,多取而不爲虐,則寡取之,凶年糞其田而不是,則必取盈焉。 爲民父母使民盻盻然將終歲勤勤不得養其父母,又稱貸而益之,使老稚轉 乎溝壑,烏在其爲民父母也。孟子此言謂其有激而云,將以敕戰國暴虐之 弊政則可,若謂禹貢之法爲不善,則不可。蓋九州之賦,既有每歲之常數, 而又有雜出於他等之時,則是其於凶年無取盈之理。觀禹貢一篇,然後知 禹之貢法,未嘗有不善也(紅40)。

孟子以貢法之不善,在於不能調適於豐因水旱之間,而林之奇則據禹貢有「錯」之法,以爲貢法亦有可上可下之制,非如孟子所言,故以孟子之說偏頗而不用。又其 論禹貢揚州貢道,亦以爲孟子誤會書義。其言曰:

孟子曰 禹疏九河,瀹濟、漯而注之海,決汝、漢,排准、泗而注之 江。此蓋誤指吳王夫差所通之水以爲禹迹,其實非也。使禹時江已與淮通, 則何須自江而入海,自海而入准,爲是之迂回也裁 註41 !

此則據禹貢以見江與淮未通,繞行入貢,以證孟子之言有誤。又林氏於微子篇論紂 與微子之親族關係曰:

[■] ほ39 見前書卷四・頁11、12。

^{△40、}見前書卷七、頁 14。

as 41 見前書卷八·頁2。

史記宋世家曰:微子者,殷帝乙之首子,紂之庶兄。此說與呂氏春秋 同。孟子則以爲紂爲兄之子,且以爲君,而有微子啓,王子比干。紂爲兄 之子,則是微子者,紂之叔父也。此二說不同。案泰誓曰,劍喪元良。微 子之命云,殷王元子,使微子果是紂之叔父也,則不當以元良、元子言之 也。故當從呂氏春秋、史記宋世家之言,微子者,紂之母兄也 註42 。

此據尚書微子之命、泰誓以定微子啓乃帝乙元子,紂之庶兄,以爲孟子之說有誤,然微子之命與泰誓之篇,皆僞古文,據之以證孟子之非,未允。此外,林氏以牧誓 虎賁 :百人,孟子史記皆曰 :千爲非 (註43 。林氏全解之非孟子之說者,僅此四條,其餘則每徵引以爲說解經義之據。總之,論語、孟子之言凡與經義相關者,引以證 經,與經義可通者,引以說經,此林氏徵於聖人之言者也。

林氏此意,亦前有所承者,遠則如趙岐之說,近則本程伊川之論,而其師呂本中亦有言曰:「學問當以孝經、論語、中庸、大學、孟子爲本,熟味詳究,然後通求之詩、書、易、春秋,必有得也,既自做得主張,則諸子百家長處,皆爲吾用、計44.。」 林氏承義理之學,本諸聖人之言,乃必然耳。

(三) 取捨於先儒前輩之說

困學紀聞云:「自漢儒至於慶曆間,談經者守訓故而不鑿,七經小傳出,而稍尚新奇矣;至三經義行,視漢儒之學若上梗(註45 。」是自劉敞、歐陽修、E安石、蘇東坡等,競爲新說,先儒訓詁章句之學,時人多鄙之。而林氏解經,於先儒前輩之說,則多方比較分析,取捨之間,唯視義理之合否。其序曰:

苟欲合人心之所同然,以義爲主,無適無莫,平心定氣,博採諸儒之 説而去取之;苟合於義,雖近世學者之說,亦在所取: 苟不合於義,雖先 儒之說。如此則將卓然不牽於好惡,而聖人之經旨,將煥然而明矣。

林氏所取者,除五經論孟之外,於漢則史記、鄭玄、孔傳,於唐則孔疏,偶及韓、柳之說,至於宋代諸儒前輩,搜羅極富,故卷帙浩繁,朱子以爲傷於繁,亦良有以也。

林氏於孔傳,是非參半。若林氏引孔傳釋舜典「時月正日」曰:「漢孔氏曰:合 四時之氣節,月之大小,日之甲乙,使齊一也,此說爲備。」是用孔傳之說,然其 非孔傳亦不鮮。若舜典「納於大麓」,林氏論曰:

孔氏曰:麓,錄也,納舜使大錄萬機之政。此說不然。周官曰 唐虞

II 421 見前書卷二一,頁 13、14。

註43] 參前書卷二三,頁1。

^{(5}至 44) 見宋元學案卷三十六「紫微學案」,總頁 75。

註45, 見困學紀聞卷八經說。

稽古,建官惟百;内有百揆四岳。則是當堯之時,官無尊於百揆者,大錄 萬機之政,非百揆而何,既已納于百揆矣,入納于大麓,必無此理 [註 46]。 又於堯典「以親九族」曰:

九族當從夏侯、歐陽氏以謂父族四、母族三、妻族二。孔氏謂高祖玄孫之親,非也。蓋高祖非己所得而逮事,玄孫非己所得而及見,若必謂非高祖玄孫之親,但據其族係出於高祖者,則但本宗族亦何以爲九族哉!其既睦之九族若只本宗之一宗,則其睦也,亦不廣矣。若以謂父族四、母族三、妻族二,則旁及他族而本族亦在其中,則其所睦者,豈不廣哉 紅47 !凡此皆以孔傳不合經義,或取他經以證其非,或用其他學者之論,以義爲進。

至於史記之言及尙書者,林氏引用,亦有取有捨。若其論伊訓之序「成湯既沒,太甲元年」,以爲孔傳之說爲非,而史記之說爲是,其論曰:

太史公曰:湯崩,太子太丁未立而卒,乃正太子之弟外丙;外丙即位二年崩,立外丙之弟仲壬;仲壬即位四年而崩,伊尹乃立太丁之子太甲。則是湯之後,工外丙、仲壬二世而後太甲立。然考序文,則類夫太甲承湯之後,無外丙、仲壬之二世者;故漢孔氏以謂太甲太丁子湯孫也。太丁未立而卒,及湯崩而太甲立,稱元年。此亦無所依據,得順序文而爲此說耳〔至48。

此則林之奇不用孔傳而用史記之說也。孟子亦以爲湯之後有外丙、仲壬,史記與孟子同,且較詳,故用史記之說也。然史記亦有不合其說義者。若舜典序「虞舜側微」,林氏論之曰:

孟子曰:舜居深山之中,與木石居,與鹿豕遊,其所以異於深山之野人者幾希。又曰:舜之飯糗茹草,若將終身焉。以是觀之,則知舜之其居側,其人微,一匹夫耳。而史記案世本帝系,以爲堯與舜同出於黃帝。…… 轎牛生瞽瞍,瞽瞍生舜,如此則舜者,黃帝之八代孫,蓋帝之族姓也,豈 有帝之族姓而謂之側微者哉!左氏傳載史趙之言曰 … ·則是自瞽瞍而 上,皆有國邑以相傳襲,九不可謂之側微也。故當以孟子及書序之言爲證 至49,。

林氏以書序與孟子之言合,而與史記之說有所不合,故不取史記之說。又其論文侯

註46〕 見林氏尚書全解卷二,頁4。

[、]註 471 見前書卷一, 頁 7。

af 48. 見前書卷十五, 頁 15、16,

[[]註49 見前書卷二,頁1、2。

之命,史記以爲乃襄王賜晉文公重耳之誥命,而林氏則本之左傳以證史公之非,史 記確誤解左傳之文,林氏非之,自有其見地。

至於唐孔穎達疏,蓋多爲孔傳張義,故其用捨之間多與孔傳同,茲不必贅論矣。 至於有宋以來諸儒之說,其引用而評論者,以下安石之三經新義,蘇東坡之書傳爲 最,蓋二書爲北宋解說同書之大作,影響深遠,故多引論析計。王安石之說,林之 奇每加譏評,偶有取之而已;而蘇氏之說,則是非各年,較之王說,取者爲多。至 於其他學者,若程伊川有河南經說,解堯典、舜典,並改武成,故林之奇於堯、舜 二典中多所引用以說義,況程氏即其學之淵源乎!其論堯典「乃命義和」云:

程氏曰:前既言堯之克明俊德,始於敦睦九族,以至於協和萬邦,黎 民於變時雍,此义言互政紀綱,分正百官之職,以熙庶績,而事之最大最 先者,未有不本於此,蓋人君之治天下,惟此二端而已.....作典者論堯之

德·畫在於此矣,自希日疇咨以下,著其事以見堯之聖。此說甚善 \$150 。 林氏之於程說,於「典之中非之者有」:其一、舜典「烈風雷雨弗迷」,程氏曰:無 烈風雷雨之迷錯。」林氏以爲其辭亦不順 註5.2。其二「六宗」之說,程氏用晉張 髦「一昭三穆」之說,林氏以爲不可從 註52 。於禹貢篇,林之奇多用曾旼之說, 朱子嘗謂:「曾彥和、豐熙後人,解禹貢,林少穎,吳才老甚取之 註52。」林之 奇於禹貢解說中,亦嘗謂曰:

曾氏論禹貢山川地理,援引書傳,考究源流,其說皆有依據,此諸儒之說爲最詳,學者能取信於先儒之說,則思過半矣 和 54 。 5 於此節篇,則名蘇海、翰蟄·、黎勒中、群暑之論,此四之些有洪節之東落。而

至於洪範篇,則多蘇洵、曾鞏、劉執中、張景之論,此四者皆有洪範之專著。而胡 瑗、張橫渠亦偶引之,可見其理學淵源。其許 E安石之論,每引楊時三經義辨爲說, 蓋亦師承相關,且義理之有相侔者也。

(四)解尚書之原則與方法

林氏解書,既求合於人心之所可然,又冀同徵於先聖之大義,復採擷先儒、近學之說,上下徵引,旁搜遠紹,多方索求,而諸說紛陳,時使人無所適從;故欲定其是非,明於取捨,必先有定則於胸臆,復持之有法,乃克成事而不迷於眾言。林氏於解經之際,亦有其所持之原則及方法。茲分陳於后:

[「]註50 見前書卷一,頁9。

註5 參前書卷二、頁5。

缸52 參前書卷二,頁11。

註53 見朱子語類卷七八綱領。

註54 見林氏尚書全解卷七,頁1。

1、解經之原則

(1) 持之有證

尚書占遠,其義湮汩,後世或有多說,甚至有怪異之論;然凡有其說,必求其證,無證可求,雖其說有足採之者,未以爲必也。林氏解經說義,求證之意甚切。 其解顧命「狄設黼房綴衣,牖間南饗……西序東饗……東序西嚮…西夾南嚮…」云:

先儒以西序東向之坐爲旦夕聽事之坐,東序西向之坐爲養國老、享群臣之坐;此二者不若牖間南向之坐爲有所經見。鄭康成、王肅之說亦然,蓋亦是相傳爲說也 至55,。

其言「牖間南嚮」爲有所經見,蓋見於周禮司几筵及明堂位也。周禮云:「凡大朝覲, E位設黼依,依前南鄉,設筦筵紛純,加繅席畫純,加次席黼純,左右玉几」,而明 堂位則曰…「天子負斧依,南面而立。」皆此坐也。而東序西序之坐,其用未見載 於典籍,先儒、鄭、王之說,皆各以意說者也。又其解「赤刀」云:

赤刀、寶刀也。漢孔氏爲赤刀削。鄭氏則曰,曲刃刀,皆以意言。鄭 氏又謂武王誅紂時刀,赤爲飾。亦不知何所據而言 至 56 。 可見林氏解經,務求言之不虛妄,有證有據,始持之以言,否則皆臆說,不可取信。 其解君牙云:

穆王以大司徒之職所當爲者而命君牙,且先之以鑽乃舊服,無黍祖考,以洪敷五典,爲君牙祖考之舊服,則君牙之祖考,蓋皆典是職矣。累世司徒之官,蓋若鄭桓公、武公父子繼爲周司徒也歟!成王之將崩,康王初立,芮伯爲司徒,而君牙在穆王之世爲之,則君牙者,竊意是芮伯之子孫,世襲父職。雖以經文前後參較,知其若此,然經無明文,不敢必以爲然也, 至57。

林少穎欲求君牙之身世,參攷經文,求諸史事,皆有理可推,然經無明文,亦不敢以爲必然,此其力求有證以說義,非獨以此要諸眾說,亦以之履於己論也。

(2) 以書為正

凡義有數說,皆有明文,見諸典籍者,則其取捨之間,亦有難者矣。夫如此者, 林氏則以尚書之說爲止。其論問命曰:

後世之論穆王者多過其實。左氏傳曰:穆王欲肆其心,周行天下,將 皆必有車轍馬迹。又有得八駿以造父爲御,西巡守,會西王母於瑤池。蘇

註 55、見前書卷三七,頁 14、15。

註56 見前書卷三七,頁17。

a 57) 見前書卷三八,頁18。

氏因之,遂以穆王之書爲周德之衰。今觀此篇,其言純正明白,切於冶體, 彼其於僕御之臣,丁寧反覆如此,至謂慎簡乃僚,無以便嬖側媚,則其僕 御豈有敢導王爲非者,而王之言既然,則亦豈肯爲無方之遊哉。以是知世 之論穆王者,皆好事者爲之也:當以書爲證、至58)。

按穆王之事,見於左傳,亦見於尚書,而二者所論事有相矛盾者,則捨左傳而用尚書,蓋林氏以爲左傳亦後人追述之辭,而尚書則當事者之眞言,二者自有輕重之異。 又其論呂刑「王享國百年」曰:

漢孔氏曰:穆王即位,年過四十矣。史記周本紀:穆王即位,春秋已五十矣,立五十五年崩。說者因以穆王年百四歲。案無逸言商三宗及周文王享國之年數,皆以其在位之久;曰王享國百年者,皆其在位之年也,史記以爲立五十五年。當以書爲正(az sq 。

夫左傳之說,林氏猶且不取,而以尚書爲正,然則孔傳、史記之說,等而下之者, 既有悖於尚書正經,其所不取,乃必然之事也。

(3) 不務鑿說, 多所闕如

林氏既力求說之有理, 言之有證, 則凡理有所不通, 證有所不足者, 不必勉強 爲之解說, 大肆守鑿, 闕如可也。其論舜典「予擊石拊石, 百獸率舞」下云:

薛氏、劉氏,皆以爲益稷脫簡重出。蓋方命變典樂,而變遽言其擊石 树石,致百獸率舞之效,非事辭之序也。而益稷篇又有此文,故二公疑其 差誤。以理觀之,義或然也。然筆礼聖人之經以就己意,此風亦不可長。 孔子曰:多聞關疑,愼言其餘則寡九。此實治經之法也 註60 。

林氏經解,率多如此。至於舜典「夔曰,於 ……」句是否衍文,已於前劉敞學案中相關論題之下詳加分析說明,請參看。林氏解禹貢「華陽黑水爲梁州」曰:

前州其川江漢。據江漢之水發源于梁州,由荊而東,以入於揚州,然 後入於海。今以江漢爲前州之川,則禹貢之梁州,其無合於職方氏之荊州 于?然而未敢以爲必然。姑闕之以俟後學(±61 ○

其解「蔡蒙旅平」,亦以爲鄭玄之言蔡山在漢嘉縣,不知其所據而當闕之 [計 62 ; 其論「訖于四海」,則以爲東、南、北,皆海,而西獨云「流沙」,有所不通,其

[&]quot;註58, 見前書卷二八,頁31。

註 59〕見前書卷三九,頁3。

[↑]紅60) 見前書卷三,頁2。

[[]紅61 見前書卷九,頁7。

[[]紅62 見前書卷九,頁9。

ਜੁੱ⊟:

此實某之所深考而未知其說也。大禹之功,萬世永賴,與天地同垂於 不朽,其書之傳,所以爲法於萬世,則其制度不容如是之差,意其必有所 乘除相補以爲疆理天下之定制。某淺陋,未足以知此,請關之(註63)。 無證之說,關之,無理不通之說,亦關之。至於字辭有不可解者,亦關之可也。若 其解盤庚中「暫遇姦亢」曰:

其曰·暫遇姦宛者,大抵肆爲浮言之人。暫遇二字,類不通,始且闕之 at 64 /

又若湯誥「賁若草木」, 林氏曰:

王氏不解賁字之義。薛氏增廣其說,謂賁若者,方興而未就也。蘇氏曰: 貪、飾也,其理甚明,炳若丹青。此二說皆鑿。某嘗思此二句,其言若草木,兆民允殖,則文義足矣,雖不加賁字,亦無害也。加賁字則其説穿鑿而難通。賁字當讀爲譬字,譬若草木也。然變易經文以就己意,某當九之矣,尤而效之,不敢爲也。當闕之、訓65、。

凡此皆文辭有不通者,不求強解穿鑿而付諸闕如也。林氏解經,嘗屢評王安石之好鑿,然王氏有所闕之者,林氏亦每加稱許以爲得之。其論大誥「敷賁、敷前人受命」曰:

孔氏以實爲大,則讀爲扶云反··蘇氏、林子晦則皆以爲飾,讀爲被義反……其與孔氏雖音訓不同,而其義之不明白,則一也。惟王氏疑其有脱誤而不可知者,宜闕之,此爲得體。醉博士增廣王氏之說,尤爲詳備曰:數實數前人受命,茲不忘大功;殷小腆,誕敢紀其敘,天降威;若兄考,乃有友伐厥子,民養其勸弗殺;越天棐忱,爾時罔敢易法,矧今天降戾於周邦·凡此皆書義疑有脱誤不可知者,學者闕焉。王氏解經,每不合於義者,不旁引曲取以爲之說,至闕之,此王氏之所長也 至66 。

以此觀之、林少穎之解經、實寧闕而勿濫、此正經解之正途,亦合孔子「於其所不知,蓋闕如」之義也。

(4)注意經文語辭之性質及結構

夫經文占奧、而記者非 ,或當事者之言,或史官所記之辭;有同義而異字者,

E 63 見前書卷十 - , 頁 19。

[「]紅64 見前書卷十九,頁17

[「]証 65 見前書卷十五,頁9。

証66) 見前書卷二十七,頁7、8。

有變文而敘事者;有錯綜以成文,有爲後事張本者,凡此皆使解經者誤入歧途,易 陷穿鑿。故爲經解者當先知其文辭章法,然後能得經意之實也。少穎解書,特重此 意。其論堯典「欽明文思安安」曰:

此言與序大抵相问,然序則言聰明文思,此則言欽明文思,蓋史官便 於文體而序迹也。前言聰明者,言堯能分明邪正,得虞舜於側微,卒授以 天下,故言聰明,欲與下文讓于虞舜文勢相接;此言欽明文思者,意與下 文允恭克讓相應。皆隨宜立文,非有深旨於其間也 至 67 。

又於「乃命羲和」「分命羲仲··」「申命羲叔」下云:「前言乃命,後言分命、申命,皆是錯綜其文以成義也。」是「聰明」與「欽明」,乃因上下文相關不同而隨文用之,非有別義深旨;乃命、分命、申命,亦敘述之辭,無義可說,苟以用辭不同而必強生分別,則是穿鑿附會也。經文之中,時有前有所述而後無所繼之句,林氏則以爲乃文章結構照應之法。若其解堯典「九載績用弗成」曰:

靜言庸違,象恭滔天:與夫九載績用弗成之下,文無所總者,爲舜典 張本也 \$11.68 。

經文之中,有當事者之言,有史官之辭,當加以辨別,若論語中有夫子之言,有弟子之言,亦有記者之言,若不加離析,則使 E中合瑕,義或曲違矣。林氏解經,亦嘗分辨離析。其解堯典「有鰥在卜曰慮舜」曰:

薛氏曰:舉舜而言其鰥者,欲帝妻之也。此説雖可喜,然據下文女于時,魏厥刑於二女,即是妻舜之事,出於堯之意,將試舜以所甚難者。若以有鰥在下爲言,則是以女妻舜者出於四岳之請,非堯意也。夫岳舉舜於便微之中,未知堯之用否,而先請以女妻之,非人情也。竊謂此史臣增加潤色之辭,因堯以女妻舜,遂加有鰥在下於上,以見其未娶爾;正如湯誓稱予一人,當桀纣在上,楊武齊否時未可知,豈宜遽稱予一人也哉?竊謂皆是史官增加潤色之辭,學者以意逆志可也 至69 。

夫既能明乎經文之性質,用途,主體,及文章之結構,則解經之時,可免於張冠李戴,扭曲經義,亦可減穿鑿阿會之說;欲求經旨者,不可不勉力於是焉。

2、解經之方法

林之奇解經,以義理爲宗,以聖人之言爲徵,而復以經典所載爲證,旁求遠紹, 號稱繁博;而就方法而言,亦依其原則宗旨,加以衍伸。分述如下:

話 67 見前書卷一,頁4、5c

註68、見前書卷一、頁29。

註69 見前書卷一,頁31。

(1) 以經解經

夫經文之中,有用字相同者,有用法相同者,有內容相近者,有對此而見其異者,如此之類,皆足相互發明,以此證彼,所謂「以書爲正」,「有所經見」,即此法之基原也。其解梓材之稱「王」曰:

王氏曰·成王自言,必稱王者;以覲禮考之,天子以正遇諸侯則稱王。 此誥王教康叔以諸侯之事故也。其意以王爲成王之自稱,故爲此說。然考 之於書,王自稱有曰予一人,有曰台小子,有曰予小子,未有自稱王者; 以王爲成王之自稱,非人情也 至701。

此通觀全書,求其通則,以見王之自稱,無自稱王者,可知王者之說有悖於經義。 又其論酒誥「御事」曰:

御事,謂凡治事之臣也。王氏以爲相,唐孔氏以爲公卿,其意蓋以上 言畏相而下言御事厥棐有恭,此君臣報施之義,故以爲相與公卿也。書之 稱御事多矣,牧誓之言御事,則在邦冢君之下,司徒之上,大誥之言御事, 則在庶士之士;顧命之言御事,則在百尹之下,以是知御事者,蓋總言也, 非指定其人而稱之也(註7)。

此則通考書文,以得「御事」一辭之正解也。夫經文之中有文義俱相似者,可會而 觀之,其義自曉。林氏解說命中「惟天聰明,惟聖時憲」曰:

電陶謨曰:天聰明自我民聰明。泰誓曰:天視自我民視,天聽自我民 聽。言天之聰明,即民之聰明,君能公其心以憲天聰明,而率其臣以欽若, 則自合乎民心矣。民之從义,蓋得天下之所同然,非勉強而從之也 程72 。 此會合書言「天聰明」之文,以見天聰明之義。而經文之中,有義同而詳略互異者, 林氏每取以互補,其解大禹謨「禹曰朕德罔克」以下云:

自狀德罔克以下,正如舜典所謂舜讓于德弗,弗嗣也。典謨所載,其 文簡,其事備,蓋其爲體,或詳於此,而略於彼,或略於此而詳於彼,以 互相發明。如舜受終於文祖,而下則言在璿璣玉衡,以齊七政,至告祭於 上帝百神,觀諸侯,巡狩方岳之事,無所不載:而禹受終于神宗之下,則 惟記一言曰 率百官,若帝之初。觀此則在璿璣玉衡以下,不言而可見也。 尚書之中,有事回而言略異者,則可相此以見義。若太甲之與成臣,皆繼體之君, 受大臣之輔,故林氏皆以爲「中才之臣」。又盤庚之與多七,皆是遷民之事,故可此

註70〕見前書卷二九,頁39。

[、]紅71) 見前書卷二九,頁15。

註72 見前書卷二十,頁15。

而觀之,其義尤詳。林氏曰論多士曰:

此篇與盤庚,皆是告以遷居之意,故其辭意多相類。非我一人奉德不 康寧、即盤庚所謂予迓續乃命于天,予豈汝威也;時惟天命無違,即所謂 天其永我命于茲新邑也;無我怨即所謂爾無共怒,協此讒言予一人也;大 抵皆飲。蓋古之聖人,惟不忍鄙其民而欺之,故其諄諄告諭之言,開其爲 此而禁彼,不約而回也 點731。

凡上述者,皆據經中文義之相同、相似、相關性,以相互比較,探索,以冀得經義之正解也。本經如是,至於本經無可互見者,或見諸他經,則同理可互觀互補,故 林氏解經,亦上詩書易禮互通之法也。

(2) 以史讚經

尚書所載,皆上古言事,其事或不他見載諸文字者,則其事若無可據論;然林 氏既本諸人心所同然以見經旨,則上下古今,人心人情皆可相通,是以上古之事, 其所以成事之情理,與後世之事,必有相通之道,故以後世史事以證上古事理,無 悖於人心同然也。林氏論皋陶謨「彰厥有常」曰:

必其德之有常者,然後可以爲德,一作一輟,未足以爲德也。且以一德之常以明云:如霍光可謂有濟亂之才耳,而其爲人,在漢武帝左右,小心謹德,未嘗有遇,是其能亂而敬,而其出入殿門,進止有常處,即僕射竊識視之,不失尺寸者二十餘年,此其亂而敬之有常者哉!武帝以是知其可用,故其未年托以遺孤,卒能擴昭立宣,不負社稷之寄,彼於允德之一,能守有常,武帝彰而用之,其成效已如此(註74)。

此引霍光之才性以證人有九德之一,且能持之有恆,尙且有如霍光之事功者,其吉也無疑矣;况九德咸事,俊乂在官哉;此正人心之所同然也。其解大禹謨「禹拜稽首固辭」曰:

蓋言禹又不敢受帝之住也。於是再拜稽自而固讓焉。古之人於賓主授受之際,猶以三辭三讓然後成禮,况於受天下之重,輒敢易而爲之哉,故 必辭讓至於再三;再三辭者,皆出於其中心之誠然也,非勉強而爲之:如 漢文帝三自代邸,東嚮讓天下者三,南嚮讓天下者再,此亦知夫天下大器, 不敢輕受,文帝所以致刑措之治,其端蓋本諸此 註75 。

以人心可以如此,以事理可以如此,而典章制度,亦有百世損益之效應,林解

註73 見前書卷三二,頁14。

註 74 見前書卷五,頁9,

缸75 見前書卷四,負3。

於舜典「鞭作官刑,扑作教刑」下曰:

唐刑法志曰·唐用刑有五,一曰笞。笞,取也,罪之小者則加鞭撻以 恥之。此舜典所謂朴作教刑是也。二曰杖。杖,持也,可持以擊之,此舜 典所謂鞭作官刑是也。要之,此二者皆鞭撻之刑,有輕重之不同、註 76,。 此引唐刑法以明舜典之刑,是據後世史事以明前世經義也。

(3) 以詁訓解經

林之奇之學,以義理爲宗,傳程門之學,於詁訓之事章句之學,本不甚重視, 林氏嘗曰:「蓋聖人發明其心術之祕,以相授受,故其言淵深,又必有聖人復起,默 而識之,自得於言意之表,非詁訓章句之學可得而知也 計 77 。」至於名物數度之 解釋,亦林氏之所鄙。林少穎曾云:「要之學者之於經,其義理之是非,眞僞有以惑 也者,則雖毫釐錙銖之差,不可不辨。至於物之名數,古人假借以爲別異,此則不 必辨也 計 78 。」雖然,訓詁之學,林氏方每用之,且不乏獨到之處。

甲、引古文尚書以校經

所謂古文尚書,指隸古定本及古書所引古文家之尚書說。考唐玄宗不喜古文, 命衛包改以今書,而古文本尚存書府。五代宋初,郭忠恕猶見此書,並作釋文,今 其古文尚散見於所著汗簡之中。此書後不見其傳,而薛季宣作書古文訓,尚見其書, 然則古文尚書,於林氏時當可及見。林氏解書,數引古文尚書,尤以解禹貢所引爲 夥。其解禹貢「濟河惟兗州」下云:

濟字,今文書作從水從齊,而古文書周禮職方氏,班孟堅地理志皆從水從布。案說又從水從布字注云: 冰、流也,東入海也。而從水從齊字注云: 濟水出常山厝子縣贊皇山東至變陶人唇。由此二字音同,故後世遂以從水從齊字為兗州之濟,其實字訛也。今當從古又書作從水從布者為證 ¥79。

此所引爲漢書引周官文,非僞古文周官篇,乃漢人所見古文尚書也。又「榮波既豬」 卜曰:

據古文書波自作從山從番,與嶓冢之嶓同,意者鄭氏所從本訛以波爲播,故其說如此。夫既職方作其浸波溠,而今文書又作榮波,則是以爲波

註76、見前書卷二,頁27。

註71 見前書卷四,頁26。

註78, 見前書卷七, 頁21。

[、]註79、見前書卷七,頁2。

字無疑也,安得以爲播邪 註80 ?

又「導菏澤」下云:

徐州浮于准泗,達于河。案古文作菏字,而説文亚與之同意。蓋謂浮於准泗,達于此澤也。然禹貢九州之末,皆載達于河之道,不應於徐州獨菏澤,此當以今又書爲證(紅81,。

此:例皆以爲古文非今文是。其解舜典「簫韶九成」曰:

案古文尚書蕭字從竹從削,箭、舞者所執之物;蕭與箭音雖同而義實異。說文於管蕭之蕭注云:參差管;而從竹從削之箭,注云 舜樂名。箭韶,延陵季礼觀周樂,見舞箭韶者,其字從竹從削之箭,以是知箭韶二字,蓋舜樂之總名也。今又作管蕭之蕭,故諸儒皆以爲細管之備,而說者又謂編管爲之,其聲肅然如鳳凰聲,此皆曲爲之說,非古書之本意也。今當從古文書以簫韶者爲舜樂之總名,則得之矣 註82.。

此例則以古文爲是,其考證訓說精詳而合理,並有古文爲證,復根據說文推之,其考據之功夫,雖後世考據學者亦不過如是。

乙、以音韻之學訓經

尚書大禹謨曰:「降水儆予。」林氏解此則曰:

降水當從孟子作洪水字,其說曰:降水者洪水也。蓋謂降水者,洪水之異名,而說又降字洪字,皆音胡公反,以是知此二者不惟義同,字亦通用 至83。

孔傳以「降水」爲誕降嘉種之降同,日水性流下故云下水。林氏以音同通假為說,雖本之孟子,然其說理有進之者矣。古音之學,始於宋代,迄清而大盛,宋儒據音韻之學以訓詁經義者鮮,林氏此例,實發機栝也。

丙、引說文以說經

林氏雖不重物之名數,然有能說之者,亦不煩費辭,禹貢、顧命之篇,多名物制度,故亦多引說文作訓。其解顧命「天球」曰:

天球,玉可以爲磬者,益稷曰:戛擊鳴球是也。說文亦曰:球,玉磬、\$至84,。

EE 80 見前書卷九·頁 7。

⁽註81) 見前書卷九,頁4。

註82、見前書卷六·頁31。

sz 83) 見前書卷四,頁23、24。

赶84、見前書卷三四,頁18。

又「執銳」解云:

說文曰,戈,平頭戟也,鉞,斧也,幾,兵也,惠、劉、瞿無文。至 於鋭則以爲銳,曰侍臣所執兵也,從金允聲,周書曰,一人冕執鈗,則知 漢時作鈗。……又案今文尚書一人冕執鋭,孔安國傳曰:鋭、矛屬也,疑 孔安國之時,舊是鈗字,後傳作鋭字。說文鋭,芒也,亦與矛不類 至85 。 此引說文之義以訓經字,又以說文證經文之訛誤,實可見林氏訓詁之學,功力甚篤 厚,雖宗於義理,然亦不偏廢於詁訓也。

(五)疑改經傳

林之奇解經,必與尚書爲正,故其信書經之文,鮮言經文之誤,況疑之乎!然 疑改經傳,自先秦兩漢即有其事,唐孔穎達號稱經傳忠臣,尚有置疑於武成者,劉 知幾疑尚書十事 註 861,即其皎皎者;至宋慶曆風起,疑經更盛,寖至南渡,雖有 擁護經傳者,亦難免存疑經傳於 1。林氏篤信經文,嘗屢評學者輕於變易經文, 其言曰:

君子於其所不知,蓋闕如也。若欲以己意而增損聖人之經,此近世學者之大惠,不可爲也, # 87 。

故其於尚書解中,屢言不可以己意變易經文,並以此嚴責自身,是以全解一書,於 前輩常置疑改之處,每云「不可變易經文」。若舜典「變曰:於,予擊石拊石,百獸 率舞」、劉敞、蘇軾,皆以爲益稷脫簡重出,且言之有理矣,求之有證矣,然林氏則 以爲:

故二公疑其差誤,以理觀之,義或然也。然筆削聖人之經,以就已意,此風亦不可長。孔子曰·多聞闕疑,慎言其餘則寡尤。此實治經之 法也「註88 。

唐誥「惟三月」至「乃洪大誥治」,蘇東坡以爲乃洛誥之文,簡編脫誤,至有移易, 然林氏則曰:

某嘗謂蘇氏之說經多失之易,易則己意之有所未安者,必改易經文以 就之,如此則經之本文,其存者幾希,非慎言關疑之義也 程89.。 而 E安石以爲「非汝封刑人殺人,無或刑人殺人,非汝封又曰劓則人,無或劓則人」,

[[]註85] 見前書卷三七,頁22。

註86, 見史通通釋卷十二外篇疑古第三。

[[]註87] 見林氏尚書全解卷一,頁25。

至88 見前書卷三,頁2。

[、]註 89、見前書卷二八、頁 4、5。

當作「又曰非汝封劓刵人,無或劓耴人」,林氏以爲:

此則改易經文,以就己意,非關疑之義、至90.0

可見林氏於經文中之可疑者,例皆不輕言疑改,而每以闕疑處之,其重於闕如而輕 於疑改可知也。雖然,林氏於尚書經傳序之文,亦嘗置疑焉。今陳其說如下:

1、疑孔傳

林氏於孔傳之說,或取或捨,未以爲必然,然其於孔傳之文,研習亦異常仔細, 故有疑衍疑脫之說。其解牧誓序「戎車三百兩,虎賁三百人」云:

漢孔氏曰·車步卒七十二人,凡二萬一千人。據其數當有二萬一千六百人,不言六百者,蓋古者記載之辭,惟總其數而略其小,猶詩三百五篇,但言詩三百也。據舉全數而云二萬一千人者,此蓋出於漢孔氏之意,從古文而云爾,而今文孔氏注於二萬一千人之下,乃加舉全數三字,此蓋出於後世儒者之所箋注,以發明孔氏之意,非其本文也,而後世傳寫者誤以相屬,遂以爲先儒之語,何不思之甚邪?夫孔氏省六百字而乃加舉全數三字以釋其義,此必無是理也,至91.。

此以爲孔傳有後人箋注,誤羼入注文而成衍文者,其說於文於理甚充分,當以爲然。 又洪範七稽疑「卜五占用二,衍忒」,林氏曰:

衍忒之義,說者不同,漢孔氏無說,疑有脫漏(註92 。 此以孔傳無說而疑其脫漏,是亦觀察入微之功有以致之者也。

2、疑書序

夫書序之作者,先秦典籍之中,未見記載,至史記始以爲孔子所序。史記孔子 世家云:

序書傳,上紀唐虞之際,下至秦繆,編次其事。

嗣後漢書亦承其說,漢志云:

書之起遠矣,至孔子纂馬,上斷於堯,下訖于秦,凡百篇,而爲之序, 言其作意。

自是蹶後,言書小序者皆以為孔子序書言其作意。而林之奇則以為非。其言曰: 某竊嘗以謂書序者,乃歷代史官轉相傳授以爲書之總目者。蓋求之五 十八篇之序,有言其作意者,如堯典序曰:昔在帝堯,聰明文思,光宅天 下,將遜於位,讓于虞舜,作堯典。欲略一篇之旨,斷以數言,若此之類。

[[]註90 見前書卷二八,頁23。

⁽註91.見前書卷二二,頁2。

⁽註92) 見前書卷二五,頁1。

謂之孔子作序,言其作意可也,如此篇序曰、湯歸自夏,至于大坰,上一句言其作誥之時,下一句言其所誥之地,而湯之慙德與夫仲虺之所以廣湯之意者,初無一言及之,若此之類,其爲史官記載之辭也審矣 紅93,。

又曰:

書序本自爲一篇、蓋是歷代史官相傳以爲書之總目,吾夫子因而討論是正之,以與五十八篇共重於不朽,其文多因史官之舊,故其篇次亦有相爲有尾者,不必敘其本篇之意。……凡此皆是史官序事之體,而說者乃以若此之類者,皆聖人之深旨,至欲以春秋褒貶之義而求之,皆過論也(註94)。

林少穎以爲書序之作者,乃歷代史官相傳爲書總目而作,孔子於書序,乃因而討論 正之而已,今之書序中,尚有部份文句爲史官首尾相因之辭,孔子未加改正而仍其 舊。書序之作,亦非一人,林氏依其體例內容爲之說曰:

蓋書序之作,類非一人之所爲,故有一篇之義包括數句之間者,如太 甲乙序,亦有姑撮其事之始而略載之者,如康誥、酒誥、梓材三篇之 作。..... 註 95

又其解咸有一德序云:

嘗謂書序之作,非出於一人之手,蓋歷代史官相傳以爲書之總目,既 非出於一人之手,故自有詳略不同 # 96 。

其論無逸序則謂「書之序有直言其所作之人而不言其所作之事者」,林氏以此觀書序,有言其事,有言其人,又有詳有略,體例非一,必非一人之乎,則如之何可云皆出夫子之手!且孔子序書,亦必前有所承,林氏於君奭序曰:

世皆以序出於孔子之手。如此等序,使其無所傳記,孔子生於數百載之下,何由逆知其故乎!故某以爲必是歷代史官遞相傳授以爲書之總目, 孔子因而次第之也 至 97.。

以此推之, 書序之作, 乃雜出眾手, 非夫子, 人之所為也。林氏既以書序乃其時史官所記, 而序文與經文有不合者, 為後人所改纂。其論伊訓序曰:

篇内曰元祀,而序曰元年者,殷曰祀,周曰年,此序疑出於周世之所

E 93 見前書卷十四,頁1。

^{、31.94、}見前書卷十四,頁1。

註95 見前書卷三一,頁2。

註 96〕 見前書卷十七, 頁 2。

註 97 見前書卷三三,頁6。

纂定,故以年稱之[註98 。

由是林之奇以爲序之成,亦因後世所纂定,未必如其本來之舊,或纂定者即在周世 史官也。

3、疑經文

林氏於經,本極 上不輕疑易,然書經之中,實有相互矛盾,不可調停之者,或 有力證以見其誤者,林氏亦上疑誤之說。林氏疑經文,端有數事:

(1) 疑經文非其原貌

林氏於書解序中,嘗論尚書經文有艱深與易曉之別,凡今文者皆艱深,而壁中之書多易明,以此知書之文句,非本來面目,當有後人編纂潤色之文屬於其中,故 其以爲「凡書之所難曉者,未必帝王之書本如是,傳者和之矣」。其論泰誓中篇,復 有更進之說曰:

書本百篇、遭秦火不存。至漢稍稍復出。伏生以口傳二十八篇,孔壁 續出二十五篇。某嘗疑此二者、必有所增損潤色於其間。何以知之?以孟 子知之。孟子之舉康諮曰:殺越人于貨,愍不畏死,凡民罔不憨。孟子之 舉泰誓曰:無畏寧廟也,非敵百姓也,若崩厥角稽首。而今之泰誓曰:罔 或無畏,寧執非敵,百姓慄懍,若崩厥角。其字大抵相同,而其文勢意旨, 則大有不同者。康誥,伏生所傳之書也,泰誓,孔壁續出之書也,故某以 是二者異同之故而致疑焉。蓋伏生齊人也,齊人語多與額川異,晁錯受書 之時,伏生老不能正言,使其女傳言教晁錯,晁錯所不知者十二三僅以其 意屬讀而已、壁中科斗文字,孔氏得之,其時科斗書廢已久,時人無能 者,姑以隸體定其可知者爾,則是此二者必有已之不能曉者,而以其意等 合,麤令成文耳。學者生於千載之下,當夫簡編訛脱之餘,固不必以今之 書爲信然,而亦當信其可信者、而闕其可疑者,不可以爲漢儒所傳之書爲 出于帝王之手,而不敢略置疑於其間也。孟子生於戰國之時,去帝王之世 猶未遠,而六經猶在,尚且以爲盡信書不如無書。蓋药理之所不安,則莫 可信也。况又燼於秦火,爛於孔壁,而增潤色於漢儒之手乎、說 991?

林少穎以孟子所引占本泰誓、康誥與今本泰誓、康誥,文字有異,解義亦不同,按 孟子萬章下引康誥曰:「殺越人子貨,閔不畏死,凡民罔不譈。」孔傳本則作「凡民 自得罪,殺越人子貨,暋不畏死,罔弗憝」,是「凡民」「字在上文。考說文心部引

至98. 見前書卷十五,頁17 ↑

註99, 見前書卷二二・頁26。

周書曰:「凡民罔不憝。」與孟子所引同,蓋知孟子所引,即占文之原本面目,占文書經原作「凡民自得罪,殺越人于貨,醫不畏死,凡民罔不譈」,而今本嫌其重出而刪去也。刪去者林氏以爲蓋爲漢伏生、鼂錯之徒;此一比較所得,實乃高明之見。至於泰誓,林氏以爲乃因科斗文之不明,遂使孔安國等誤爲句讀,並以意屬讀,故成今本之貌;其疑泰誓非占本來面目,誠爲有見,惜乎未能更進而悟今本泰誓爲僞,以揭僞孔千占之謎,是失之交臂也。

(2) 疑經文誤字及衍文

林氏於經文之有疑誤及衍文處,每加闕如,然亦有數處定爲誤字者,若泰誓「惟 七上年春」,林解曰:

序云:惟十有一年。而篇首曰十有三年者,何也?案洪範篇首曰:惟 十有三祀,王訪于箕子。而史記又謂武王克商二年,問箕子以天道,則是 洪範之作,蓋克商二年之後。洪範既爲十有三祀而作,則伐商爲十有一年 也審矣。世儒徒以此篇首十有一年爲洪範十有三所汩,故傳者亦誤作十有 三年矣,其實一字誤作三字也(註,00)。

按林氏以爲序言十一年不誤,而經文十三年乃汩於洪範而誤,且據史記以知訪箕子在伐殷之後二年,可知伐殷在十一年,經文誤作十二年也。林氏不信觀兵之說,故其間必無兩年之退待。考朱子語類於泰誓云:「舊有人引洪範十有三祀訪于箕子,則十一年之誤可知矣。」今按引洪範爲證以言之者,乃程伊川也,董鼎書集傳輯錄纂註泰誓篇下嘗引述之。林氏乃繼程學,而其說則相反,可見林氏此說,乃一己之見也。

又呂刑「今爾罔不由慰日勤」, 林氏解之曰:

口勤,先儒解以曰爲子曰之曰,釋文一晉人實反,只當作日字讀,言 今爾當無不由朕之言相慰勉,而日愈勤 a 101. 。

按今本尚書正作「日勤」,釋文曰:「日,人實反,一音曰」則陸德明所本作日,而他本有作曰者。考孔傳謂「今汝無不用安自居,日當勤之」此「日」字解作日或曰,均可通。唐孔疏解此曰:「今爾等諸侯無不用安道以自居,曰我當勤之哉!」此字則不可能作「日」解,是孔穎達所本作「日」。林之奇所謂先儒,以全解考之,多批孔傳,是林氏所見孔傳本作「日」字,而林之奇以爲作「日」爲非,作日爲是,是林氏疑此有誤字也。

註100 見前書卷二二,頁5。

E 101 見前書卷三九,頁17。

又舜典「夔曰:於,予擊石拊石,百獸率舞」,林氏以爲薛氏、劉氏主張此乃益 稷經文重出,誤置於此成衍文,林氏曰「以理觀之,義或然也,然林氏於此後取闕 疑之義,亦其解經之一貫原則。

(3) 疑改武成

自孟子曰:「盡信書,不如無書,吾於武成,取二三策而已。」厥後經秦火,孔 壁占文等事,復有僞孔占文之出現,歷來研習尚書者,於武成一篇,疑之最深,辨 之最力,考之最多,遂至改之者亦最眾;甚至唐孔穎達據孔傳本作正義,極力迴護 孔傳之說,然於武成一篇,亦疑其經文序次不當,篇簡或有脫漏,然未加釐訂;逮 乎有宋,更有進而改之者,林氏之前,有劉原甫敞、王介甫安石、程伊川頤、孫元 忠朴 (註102),皆就孔疏之意,發揮改易,而每有不同。林氏篤信孟子,又繼程、楊 之學,雖堅守經文,不敢輕易,然孟子有言在先,程子倡之在後,林少穎雖云「某 今於此,不敢輕有去取」,然亦不免有疑改之論。其論曰:

某所見當是武王既歸於豐,偃武修文,歸馬放牛,示天下弗服矣,則 既生魄,庶邦冢君暨百工受命於周,至若曰:嗚呼群后以下,皆繋於此; 既告群后以后稷、公劉、太王、王季、文王之德,然後率之以祀于周廟, 以至於柴望,大告武成,於理爲稱。然此篇見存者止於如此,其間文勢, 或有脫逸不全者,亦未可知;雖疑其先後之次如此,亦未敢以爲必然之論 也、至103、。

又曰:

丁未祀于周廟,至大告武成,此文當屬於予小子其承厥志之下。蓋武 王既歸馬放牛,示天下不服乘,則其王業於是乎成矣。…·武王既克殷有 天下,於是庶邦冢君及内之百執,咸來受新命于周……既諸侯群臣來受新 命於周,於是武王爲之述其先王積德累功之艱難,故己得以成此王業,蓋 將帥之以祀于周廟,則先爲言祖考之所以致此者……承厥志,蓋爲將祀周 廟而言也、至(04)。

又其後曰:

⁽ EE 102 孫朴宇亢忠,孫固之子,生平見宋元學案卷八涑水學案下。其疑改武成之說,未見 其他載錄,經義考亦無載,僅見林少額之言,故不可考。

EI 103: 見林氏尚書全解卷二三,頁13、14。

a 104 見前書卷二二,頁 15。

皆是武王未歸周以前事,簡篇差舛,乃以屬於予小子其承厥志之後,而 武王所以禱於天地山川之言,遂與上文之稱述后稷以來積德累功者相聯 3至1051°

今就林氏之意,調整武成編次如下:

惟一月壬辰旁死魄··于征伐商底商之罪、告于皇天后土……大實于 四海而萬姓悦服厥四月哉生明,王來自商,至于豐……示天下弗服既生 魄,庶邦冢君暨百工受命於周……予小子其承厥志丁未、祀於周廟……柴 望,大告武成列爵惟五……垂拱而天下治。

林之奇除重序經文之次外,復有疑經文文辭有被改易者,有脫簡者,有疑其誤者。 其論曰:

惟有道曾孫周王發,將有大正于商,言己憑我文祖之有道,將往大征 商紂,以大正其罪也。當是時,始興兵往伐商,未知克與不克,而紂猶在 上爲天子,遽稱周王發,此殆是史官增加潤色之辭,非必其禱神之言本如 此也 註.06 。

林氏既以「底商之罪」以下至「萬姓悅服」,乃武王伐商之時事,故不當自稱「周王發」,且林氏嘗於梓材篇曰:「考之於書,王自稱有曰予一人,有曰台小子,有曰予小子,未有自稱王者「亂」071。」故此文稱「周王發」者,當非武王禱神時之本文,乃史官潤色之辭。林氏嘗謂今本尚書非本來面目,多經漢儒所屬讀潤色,而此又指爲史官之潤辭也。按若就其原文,以爲乃武王在周受命之時語,追述前事之辭則其既爲王矣,亦不當以「周王發」自稱,林氏之說,實有卓識,是見今本武成之謬不合書經文體例,唯林氏以史官潤辭解之,而不考其乃出於墨子兼愛中引傳曰,乃書之逸文,亦有差之毫釐之歎爾。

林氏亦以爲武成有脫簡之處。林氏全解曰:

竊謂神羞之下,更合有言,簡編脱落,經失其本,所以辭不次耳、至 1081。 林氏此疑,孔穎達此先言之,然孔氏以爲禱神之辭,爲武王對庶邦冢君百 [誦之,而林氏則以爲乃追王先王之辭。唐孔氏、宋劉敞皆於「承厥志」以下,疑有脫簡,林氏則以爲此蓋得天下,將欲率諸侯祀于周廟,追王其先世,故其說如此,而無所謂脫簡者。

[、]註105) 見前書卷二三,頁18、

a 1061 見前書卷二三,頁 20、21。

註 107 見前書卷二九,頁39。

註 108 見前書卷二二,頁19。

又武成「既戊午,師渡孟津,癸亥,陳於商郊」,林氏於此,則以爲有誤,其論 曰:

漢孔氏曰·自河至朝歌,出四百里,五日而至,赴敵宜遠。此說甚不然。……然自河至朝歌,五日而至,經實有明文,意其所載時日,必有誤也。109。

按劉敞於此亦嘗否漢孔氏之說,然其說乃以帝王世紀救膠屬之說爲之解 at Lo.,而 林氏進以爲經文紀時日有誤,是亦勇於疑經者也。

(六)解經新說

四庫總目提要於林氏全解下,以爲之奇之書,頗多異說,並舉二例曰:

如以陽島爲地名,三俊爲常伯、常任,隼人,皆未嘗依傍前人、紅川。。 今考禹貢於揚州「陽鳥攸居」,孔傳曰「隨陽之鳥,鴻雁之屬」,曾旼、陸佃,其說 小同,而林氏以爲非曰:

竊有疑於此。觀此篇所序治水之詳,見於九州之下,或山或澤,或川或陵,或平陸或原隰,莫非地名,此州上既言彭蠡既豬,下言三二既入,震澤底定,皆是地名,而獨於此三句之間,言陽鳥攸居,非惟文勢之不相稱,然考之九州,亦無此例也。夫雁之南翔,乃其天性,有不得不然,豈其洪水未平,遂不南翔子 和...2 ?

且云古地名取鳥獸之名者多矣。以此考之,陽鳥非鴻雁之屬而當爲地名;其說通賞 禹貢之例,實有逾於先儒者,誠所謂「未嘗依傍前人」矣。然立政「王俊」之說, 則有可議者,林氏於立政「三宅王俊」之下云;

三者,事也、牧也、準也,此三者,皆以俊才宅之,故曰三俊。…. 蓋三宅當從先儒,而三俊當從 E氏、sa 1131。

是林氏「三俊」之說,以爲乃常伯,常任,準人,乃根據王安石之說,此有所承, 非其獨見也,提要失之不察焉。

綜考林氏尚書之說,「異說」頗多,茲舉數例以見一班。其解禹貢翼! 下曰: 蓋禹之治水,其始也公决其懷襄之水,然後導川澤之流,而其所爲先 後之序,具載於九州之後,導研及岐以下是也。此之所載,但記夫九州之

[「]紅 1091 見前書卷二二, 頁 24。

⁽紅..0) 其說參見尚書正義卷十一,頁24 公市王世紀。

註111 見四庫全書總月提要為十一,頁7經部書類一林氏尚書全解下。

[[]EE 1121 見林氏尚書全解卷八,頁13。

[、]註113] 見前書卷三五,頁8。

經界,與其田賦貢篚之詳,若夫治水之先後,不在於此也 証1141。 按孔疏以爲九州之次,以地爲先後,以水性下流、當從下而泄、故治水皆從下爲始、 而冀州乃帝都所在,故首從冀起,而東南次兗,而東南次青,而南次徐,而南揚, 從揚而西次荊,從荊而北次豫,從豫而西次梁,從梁而北次雍,蓋雍地最高,故殿 之也 (註))5 。 王安石解新義,亦從孔說。蘇東坡書解則謂堯之時,河水之患最急, 次江,淮又次之,而河之行水,冀、竞最廣,而徐其下流,被害最甚,故治水先其 急者,而堯都冀,治水行始於冀(計116 。諸儒之說,皆以禹貢前九州先後之序,解 作治水先後之序。而林少穎以爲前九州惟說經界及一州內地理狀況,非治水之先後 次序也。蓋治水必視地勢之高下,水勢之大小,順其地而導之 (註 1171),自上而導下, 自下而決之於海、故前九州之序、乃自下而逆上、非治水之理也。故其主治水之序、 必在導出一段,蓋自導研及岐以至又東北人子河,其首尾本末各有條理,且順山勢 白高而下水在山旁,導山即導水也,正合治水自高而下,順水性就下之理,且治水 不可限於經界,故作爲此說也。二孔於導山之文下曰:「上文每州說其治水登山,從 下而上,州境隔絕,未得徑涌,今更從上而下,條說所治之山,本以通水,舉其止 相連屬,言此山之傍所有水害皆治也、註 118.。」以爲以統理而更說,以見首尾耳。 而蘇軾則以地脈三條之說解之 計191・亦本諸孔疏引舊說。王安石則以爲「方治九 州之時,姑從其急者,未暇及此;及九州之水大體已去,然後專導水之源,故十二 導者,列于九州治水之後 註 1201 J,則以爲禹之治水,有 ,先治其急,後導其源, 是則以爲導山一段,亦治水之事,非徒更說統理而矣。

按禹貢九州之序,自北而東而南而西,而復返於北,周而復始,其間於水而言,在河則自上而下,在江則自下而上,然則其於治水之理,或云自下,或說自上,均有所礙;而治水誠不能局於一州,夫水之患,其因或起於上源,或阻於下委,或本諸其地,故治水必相其因而治之,不必必自上或必自下也。復考九州所載之文,均言「既」,是其所載,在既治水之後,非治水之時,則所載不必順其先後之序也。且九州文之末,皆言入河之道,是貢篚輸賦之路,然則九州之文,上於貢賦,如禹貢之名義矣,非爲治水而次序之也。以此觀之,林氏之論,不拘前說,獨出諸儒之表,

註114 見前書卷七,頁6。

註 1151 參見尚書正義卷六,頁2。

註16 參見東坡書傳卷五,頁1。

註117. 參見林氏尚書全解卷七,頁6。

涯118 見尚書正義卷六,頁22。

註1.9 參見東坡書傳卷五,頁22。

註.20 黃倫尚書精義卷十一,頁16引。

合於禹貢文義,誠卓識也。然彼以爲治水乃在導山一段,則仍稍拘而未能盡脫舊說。 夫禹若如此治水,則必先巡行天下一周,然後始能爲之治,則水患久矣,民生疲矣, 不如孔疏所謂「更從上理說所治山川首尾所在,總解下導山水之意」,是記禹貢者, 總記天下山川大勢,水或自止而下,依山勢而行,而山勢則自西而東,始高終卑, 是工工導山水之文,亦非治水先後之序也,乃謂山水之脈理條支者,則可矣。

林氏書解洪範,於其序「武王勝殷殺受,立武庚」,於武王殺紂之說,有其獨見。 其解曰:

武王之於紂,則殺之者,荀子曰:武王伐衍,遂選馬而進,厭旦於牧之野,鼓之,而紆卒易鄉,遂乘殷人而進誅紂。蓋殺者非周人,固殷人也。 紂之見殺,蓋以殷人如林之眾,倒戈相攻,併攻於紂;武王至殷,赦紂而不誅,如湯之放桀之志已無及也。於是立武庚,代殷後,以終致其不乃之意,如楊放桀之意也、至121,。

林之奇據前子之言推之,以爲書序云「武王勝殷殺受」,殺紂者非武王,乃殷眾前徒倒支攻於後使然。按吏記謂武王至紂死所,武王自射之,一發而后下車,以輕劍擊之,以黃鉞斬紂頭,懸於太白之旗、莊 22. :是司馬遷以爲縱非武王予刃,武王亦有殺之之意也,觀斬頭懸旗之說可知。孔傳曰:「不放而殺,紂自焚也。」孔傳以爲武王于紂,不放諸野如湯之放桀者,乃紂既兵敗自焚,既死矣,無由而放遂殺之。其說與史記同意。林氏以爲武王之與紂、君臣之分皎然明白,寧忍爲此,是武王無殺紂之意,紂之見殺,徒以兵亂故也。林氏此解,乃欲存君臣之義,君雖暴虐,放之則可矣,殺之則是以暴易暴也。林解此說,以爲武王無殺紂之心,觀乎牧誓曰「弗迓克奔,以役西土」,是武王伐殷,不在殺也。且孟子不取「血流漂柏」之文,是孟子亦以武王伐紂不在殺也。故林氏作爲此解,以明武王不殺紂之意。按舉予明鬼下云:「武王折紂而擊之赤環,載之白旗。」逸周書克殷篇與史記之說同,或史記襲其說也。漢賈誼新書連語篇嘗云武王以唯護約之屍,而紂乃身關而死於寢廟之上,是即紂乃自死,非武王殺之,武王亦無殺之之意也。王充論衡恢國篇,亦辨其事。然則林氏之說,蓋在乎維護名教,遵用孟子之說故也。

周書格語「王曰:公,予小子其退,即辟于周。命公後,」孔傳以爲「命立公後,公當留佐我」,唐孔疏以「立公之世子爲國君,公當留輔我」解之,歷來眾說解之,多從二孔之說。而林之奇則以爲非,其論曰:

諸家說者,亦皆以命公後爲對伯禽於魯。夫周公之歸政,而成王之留

⁽註121) 見林氏尚書全解卷二四,頁3、4。

⁽註122 參見史記周本紀。

公、蓋在洛邑,其曰退即辟于周者、蓋我將退而即明辟之政于宗周,則命公留居于洛也。其曰命公後者,若近世留守、留後之類。詳考此篇之意,蓋周公留成周以遷殷禛民,使密邇王室、式化厭訓,成王祀於新邑、將歸鎬京、留周公于洛以鎮撫殷民,故成王之言曰:其退即辟于周、命公後、又曰:公定,予往已。皆言成王征而周公留也。王往,周公留,故以周公之留爲命公後 註 123 。

考乎二孔及諸儒之說,以爲命公後爲封伯禽之於魯,而留周公輔相,於經文前後,實不聯屬;且伯禽封國與太公望同時,左傳謂封於少皞之虛,是命伯禽之魯,在周初,非在洛邑既成之後也。而曰周公必待封伯禽而後方肯留輔成王,亦是淺隘者要君射利之爲也,必非周公所當有。故其說「命公後」,以爲乃命周公留守洛邑也。按四庫提要於史誥尚書講義二十卷下云:

朱子語類嘗稱史丞相說書亦有好處,如命公後,眾說皆云命伯禽爲周公之後,史云:成王既歸,周公在後,看公定予往矣一言,便見得周公且在後之意云云:其後命蔡沈訂正書傳,實從浩說 至 124。

然考之史實,林之奇卒於南宋孝宗淳熙三年,而史浩之講義,據宋館閣書目云:「淳熙十六年正月,太傅史浩進尚書講義,十二卷,詔藏祕府(# .25)。」是林三山之說,較史浩講義爲早出,然則「命周公留守」之說,非創于史浩,乃林之奇之創見,朱熹此言,或一時之不察,或欲突顯史浩之講義;然不可以此掩林氏之功也。

林氏解經,務求不鑿,言之有據,是以其於尚書每篇之名,皆以爲「篇名無義」 可說,蓋篇名者,乃史官命以爲篇顯耳,非有大義存焉。其言曰:

孔氏曰:告康叔以爲政之道,亦如梓人之治材。此非也,此篇引喻以告康叔者有三,稽田也,作室家也,作梓材也。苟其名篇之義有取於此,不應舍其二而其一也。史記衞世家曰.爲梓材示君子可法則,故謂之梓材以命之;雖其以梓材取譬之意不與孔氏同,而謂名篇之義,有取於梓材,其失一也。……則書之名篇,不應其破碎穿鑿至於此甚也。予嘗因梓材之名篇,然後知書之篇名,徒以志簡編之別,非有他義也 註 126,。

又其於洛誥序云:

案此二篇皆是營洛邑之事,然召誥則以召公誥王之故,而以召之一字

at 123 見林氏尚書全解卷三一·頁19·200

正124 見四庫提要卷十一經部書類,頁11。

JE 125 瓦前註。

註 126、 見林氏尚書全解卷二九,頁 29

繫之,以諧而命篇,此篇是周公與王問答而特以洛名篇,正猶康誥、酒誥,雖皆所以告康叔,酒誥則以毖酒之故,而以酒名篇,康誥則特以康权之故,即以康命篇,皆其史官一時之意旨也 #127 。

林氏以篇名不存義,特史官取其一一字以爲篇別而已,而後世說者皆據篇名說義,是穿鑿之言也。考之於詩一百,篇題皆取首章首句一一字爲之,並無大義存焉,復考諸論語一十篇之名,一如詩經,至荀子始有以篇名示義者,詩書之時代相若,其篇名之來,當亦相似,且許師欽輝於所著「先秦典籍引尚書考」中,明見先秦尚書篇名,未有定稱。註128 ;既未有定稱,何來說義,林氏之說實得而不鑿也。

(七)評宋儒書解

林氏全解,徵引極繁,自先秦至宋代,無不收集;其序五「博採諸儒之說,苟 合於義,雖近世學者之說,亦在所取;苟不合於義,雖先儒之說,亦所不取。」宋 代以前解書者寡,而亦多遵傳注,鮮有新見;宋代以來,解經者蠭起,黃震嘗曰「本 朝書解最多 計132 ,而成申之有四百家尚書集解 計134 ,可見一斑。宋慶曆以來, 解書經者,以王安石新義,東坡書傳最有名,影響亦最大最深;林解書資引此二書 者亦最夥,或用或評,無適無莫。茲析論林氏評此二書之況如下:

1、評于安石新義

林氏全解,引用前儒之見,或用或評,而宋儒諸書之中,以王安石新經尚書義 爲最,幾乎每條皆有,據程元敏先生之統計,凡佚文二百十四條,而佚文之後,每 加評論,評論者共一百四十一條 註 (35),今日待睹王安石新義於 斑者,林氏亦大

計1271 見前書卷三一,頁4

註 29 見林氏尚書全解卷二三,頁18。

註130 参見前書卷三一、頁7及卷三二、頁3。

註131 參見前書卷二五,頁29。

註 1321 參見自書卷二二,頁9、

註 133 參見黃震讀書日鈔。

[、]旺134、見經義考卷八四、頁1引宋志五十八卷、

註 135 見程元敏先生「二經漸義輯考彙評 一 尚書」下篇「諧家評論及載引佚工按書分條考計」一文中,頁 257~262~

功臣也。

林氏取資於新義,每加責難,而用之者甚鮮;林氏之議 E氏新義者,大要有 1:

(1)穿鑿

林氏解經, 力求有證, 不空言說經, 故於無根之言, 大加撻伐。其評王氏新義「君藥」曰:

王氏曰 此語或曰君藥,或曰保藥,或曰君者,主王而言則曰君藥, 主公事而言則曰君而已,主保事而言則曰保藥也。王氏喜爲鑿說,一至於此、₹136)。

又其評 E氏舜典「月正元日」新義曰:

二典所載,皆史官變其文以成經緯,苟得其大意足矣,如必較量輕重 而爲之說,則將不勝其鑿,如舜典言舜受終則曰正月,格于之祖則曰月正, 必欲從而爲之說,此王氏之所以有即是月而後有政之論也(註.37)。

林氏書解之評王安石鑿說,不勝枚舉,此其一也。

(2) 為新法立本

林氏評王安石新義,穿鑿之外,尚以爲多爲新法立本之論,蓋王安石 〔經新義之作,多闡揚其新法之義,新義即新法之所託也。新法欲附會經籍,故必穿鑿強說而後可也。其許王氏新義湯誥「慄危懼,若將隕于深淵」曰:

易始伐桀,商人皆咎湯不恤我眾,然湯升自陑,告以必往,至於拏戮誓眾,無所疑難也。……蓋有爲之初,眾人危疑,則果斷以齊功,無事之後,眾人豫怠,徹戒所以居業。……王氏此說,徒以其爲新法之地而已,學者遂信之,以成湯之意果如是,豈不誤數(註138.。

林氏以爲 E氏之所以爲此說者,蓋爲果於行新法立本之,夫新法之行,是有爲之初, 必果斷以齊功,不必盡恤人言也。又於髂庚上「無或敢伏小人之攸箴」評曰:

當時王介甫變更祖宗之制度,工青苗、免役等法,而當朝公卿,下 而小民皆以爲不便,而介甫決意行之,其事與盤庚遷都相類,故介甫以 此籍口,謂臣民之言皆不足恤。然所以處之則與盤庚異者,盤庚數于民, 由乃在位,以常舊服,正法度,而介甫一以新法從事;盤庚言無或敢伏 小人之攸箴,而介甫則峻刑罰以繩天下之人言新法不便者。故雖以盤庚 自解,而天下之人終不以盤庚許之者,以其迹雖同而其心則異也。非特

註 1361 見林氏尚書全解卷三三,頁 21。

証137 見前書卷三,頁10

註138 見前書卷十五,頁11。

天下之人不許以盤庚之事,而介甫亦自知其叛於盤庚之說,其解盤庚又從而爲之辭,以爲其新法之地,……觀王氏此言,其與誦六經以文奸言者,何以異哉(註139 !

E氏新義,確爲新法作地,宋儒亦多同意。林氏於「上陳樞密論行三經事」云: 王氏三經義,雖其言以孔孟爲宗,然尋其定,索其旨,大抵爲新法之 地者十六七,至140。

既爲新法立本,則必有所附會而悖於經文原旨,甚或與經背道而馳;林氏既以義理 人心爲宗,以聖人義法爲徵,致於王氏之學,每加評議,以爲穿鑿附會也。

2、評蘇軾書傳

林氏信經甚篤,故凡經之所云者,皆儘量取而用之,訓而釋之,故其疑改經文之處,較他家爲少,亦屢評擅疑改經文者,蘇氏書傳之說是也。其評蘇氏書傳曰:

某書謂蘇氏解經,失於易,多欲改易經文以就已意若此之類是也(181141)。 此所評者,乃蘇軾以洪範「王省惟歲」一段,以爲五紀之文,簡編脫誤於此,其文當在五曰歷數之後。林之奇則以此爲申講上文「曰時」之義,而反蘇東坡以爲脫誤之說。林於於康誥前一段,亦評蘇氏失之易,其言曰:

某會調蘇氏之說經多失之易,易則己意之有所未安者,必改易經文以 就之,如此則經之本文其存者幾希,非慎言關疑之義也 註.421。 此段經文,蘇軾以爲乃洛浩錯簡於此,當移易以復其文,林之奇則反對如此改易, 並引王博士之說以解之,以爲封康权在於八洛之前,而誥康叔在於營洛之際,而王 者將欲孚大命於諸侯,必於臣民所會之時而誥之,故誥康叔在營洛臣民會聚之時也。

林之奇於解臯陶謨「允迪厥德,謨明弼諧」下,嘗評「薛氏」,謂曰:

薛氏之於經、遇其說之不通,則多欲變易經之而就己意 至 [41]。 並舉「薛氏」以洪範「主省惟歲」一段,屬五紀歷數之下,於康誥則以「洪大誥治」 前一段,屬諸洛誥;凡此所舉之仍皆蘇東坡書解之特見,前所未有;又舜典「予擊 石拊石,百獸率舞」一節、註 [44],亦引「薛氏、劉氏」之說,以爲脫簡重出,此劉 氏者,劉敞也,說見七經小傳,而所謂薛氏,既非薛季宣,而其說亦見於東坡書傳, 林氏亦評以爲「筆削聖人之經以就己意」,在在皆可見乃蘇氏軾之論,疑所言「薛氏」

註139 見前書卷十八,頁10、11。

[[]註 140] 見拙齋又集卷六,頁2。

註 141 見林氏尚書全解卷二五,頁23、24。

註 142 見前書卷二八,頁4、5个

缸143 見前書卷五,頁2。

註 144 見前書卷三,頁2。

者,乃「蘇氏」之誤。然徧察林氏全解中所引薛氏之言,有見於蘇氏書傳,爲蘇東坡之特見者,亦有不見於東坡書傳,亦不見於薛季宣書古文部,則此薛氏未知究爲何人。抑薛氏則蘇氏,而今本蘇氏書傳本非全本;或薛氏另有其人,而時與東坡之說混淆,亦不可知,然上述數例所稱「薛氏」,當爲蘇軾無疑。

林二山除以蘇軾輕於改易之外,於蘇氏之獨見,亦多不取,若顧命康王居喪吉服成禮,蘇氏以爲非禮,林氏之以爲乃禮之權變;東坡論穆王之書,乃知周德之衰,林氏則以爲穆王一時有志於中興之言,其言純正明白,有功於治體 註 145 。於文侯之命,蘇氏以此知平王無志爲,林氏則以爲平土慕文武之勤慎,閔國家之凋瘁,其褒之無溢辭,其賜之無虛器,又勉之以勤政愛民,以謹其終,其志亦不小矣。蘇氏嘗曰…「書固有聖人之所以不取而猶存者。」林氏以爲不然曰:

夫春秋之爲經,爲褒貶而作也,故有非聖人之所取而存之,以示刺者,至於書,則紀載帝王乙實迹,錄其典謨訓誥誓命之文,以爲萬世法,豈容有所不取而猶存者哉!使亂征之事,果是挾天子以令諸僕,而夫子存之於書,略不見其所以譏之之意,其不思後世之亂臣賊子,將以是爲口實也哉!蘇氏此言,传乎君臣上下之大分,不可以不辨 註 146 。

是林之奇反對蘇氏以羲和曠職爲貳於潛而忠於夏之說。然四庫提要則謂林之奇於此 宗蘇氏之說 註 44 ,是夫之不詳察也。

四、林氏尚書學之評價

林尚書全解,爲宋代理學家說尚書者之巨擘,上承周、程,下啓朱、蔡,其論書原乎義理人心,徵於先聖前賢,宗於經典之文,考諸歷代史實,條實評騭,不失規矩,篤信經文,然亦非株守之徒;固執義理,而不失於考證詁訓之法;評析紛紜,而不自亂條理;雖朱子以爲傷於繁,然亦以爲不可不取資者。其書實義理學之尚書大作也。

第二節 夏 僎

、生平事略

夏僎,字元肅、號柯山,孫江龍游人。少即修尚書之業。妙年擷其英以掇巍第;

a 145 參見前書卷二八·頁 24。

母146、見前書卷十二,頁5。

註147 四庫提要卷十一,頁6經部書類東坡書傳下有此說。

平日精研電思而爲之釋,著尚書詳解。夏僎父一友曾出資修和渠虹橋,並請蔡元定作記。蔡元定作和渠虹橋記,記中云「元肅嘗從余講論尚書」,可見尚書 經,乃夏氏之所專攻。後與周升、繆景仁爲師友,皆以明經教授,並先後舉進士,時號一俊。立身清廉,不阿權貴,時陳賈專政,因議論不合,遂謝職歸養。與周升、繆景仁相興建雞鳴書院,召鄉里子弟講論經典。卒後,友生私諡文教先生 註148 。

二、尚書之著述與著錄

夏僎尚書之作,唯存尚書詳解一書。其書有呂祖謙高弟時襴作序,而時欄嘗增修其師尚書說,乃以尚書專門名家者,其序推崇夏僎之作曰:

其議論淵源,辭氣超邁,唐虞三代之深意奧旨,皆有以發其機,而啓 其秘于千載之下;不謂先生居今世,而言論風旨,藹子唐虞三代之氣象。

≨£ 149

由是可知夏書之見重於當時也。其書於淳熙間有麻沙劉智明鋟刻於書坊;陳振孫書 錄解題及宋志均有著錄,皆云「十六卷」。其坊刻本書,世久不傳;清輯集四庫全書 時,其書惟存鈔帙,脫誤孔多,又有關佚。四庫提要云:

今惟存鈔帙,脱誤孔多; 斯江採進之本,虞書堯典至大禹謨全闕,周書闕泰誓中、泰誓下、牧誓三篇,又嗣泰誓之末簡。謹以永樂大典參校,惟泰誓水樂大典亦闕,無從校補外,其餘所載,尚並有全文,各據以補輯,復成完帙。書中文句,則以水樂大典及浙江本互校,擇所長而說之。原本分十六卷, ···重加釐訂,勒爲二十六卷[註150]。

然則今本夏僎詳解,雖卷帙數與原書不同,而內容大致無甚出入也。

1、夏僎之尚書學

夏僎尚書著作,唯有尚書詳解,時瀾謂其少即業是經,亦以尚書擢進十第,是 夏氏沈潛於此,蓋多歷年所矣。時瀾序推譽之,謂可與蘇、上、陳、林、張諸家參 前顧後。至明洪武問定科舉條式,習尚書者並用夏僎詳解及蔡沈書傳,至永樂時書 經大全出,其書始浸微。可見夏僎詳解,見重於當時及後世也;茲論其尚書學如后:

註 148) 參考四庫提要,尚書詳解前附時關序及經義考卷八一,頁4 5 陳振孫與兩斯名賢錄。 並參見王梓材、馮雲濠《宋元學案補遺》 台北:世界書局,卷三六,頁 34 下 以 及余紹宋纂修《龍碎將志》 台北:成文出版社,中國方志叢書本卷四 ,頁2下へ 3 上。

狂149 見夏僎尚書詳解前附時順序又。夏僎尚書詳解,以下一律簡稱夏解。

缸150 見夏解前附四庫提要。

(一)尚書學說之淵源

陳振孫謂夏僎之詳解,乃集二孔、王安石、蘇東坡、陳鵬飛、林之奇、程伊川、 張九成及諸儒之說而成,似乎博雜而無歸。時瀾序中亦云:

書說之行於世,自二孔而下,無慮數十家,而其中顯著者,不過河南程氏,眉山蘇山,與夫陳氏少南,林氏少穎、張氏子韶而已。程氏溫而邃,蘇氏奇而當,陳氏簡而明,林氏博而膽、張氏該而華,皆近世學者之所酷嗜,今先生繼此而釋是書,觀其議論,參於前則有光,而顧於後則絕配[1211]。

是時欄亦以爲其書集合名家之說而取捨其間,未足見其淵源所自。唯四庫提要云: 然僎雖博採諸家,而取於林之奇者,實什之六、七,蓋其淵源在是矣

按提要所論,誠有所見而言者也,然其說亦未精確。考林之奇尚書全解之作,未成而爲其徒呂祖謙取去,後即刊行於坊間,其書自洛誥而止,洛誥以下,非林氏所解;故呂祖謙作書說,自洛誥始,冀以補續其師之作使爲全壁也。今本林氏全解,乃其孫林畊蒐集而成,其成書去淳熙十三年丙午時瀾作序之時,已有六十四載之久,而夏僎成書又在作序之前,則夏僎所見林之奇書解,自洛誥以後,乃坊間湊集狗尾之作。計1531。夏僎長於甸書,當能分辨眞贋,故夏氏詳解自洛誥以後,引林氏全解文及其尙書之說者,止九條次,與洛誥以前諸篇所引之夥,相去天壤。四庫提要於林氏全解下嘗云:「夏僎作尙書解時,亦未見;故所引之奇之說,亦至洛誥止也(計154。)其所言大致可信。故而若不計洛誥以下諸篇,夏氏書解所引林之奇之說,可謂十之八、九、註155,,則其淵源所自,炯然明白無疑。

抑又有疑者焉,洛誥以前,既本諸林之奇,洛誥以後當有所本,若然,則所本 之者果爲誰邪?此前儒之所未察而論之者也。今考諸其書,洛誥以下,可分二類而 說之:自多工至顧命九篇,以二孔傳疏爲主,並參蘇軾書傳爲多;自康王之誥至秦 誓,則用張九成之說爲主,康王之誥以前,未引無垢之說。按張九成之說亦多源於

[、]註 151 同註 149。

註 152 同註 150。

註 153〕 參見林氏全解前附林畊序,於林氏全解之著述及刊印,以至集輯修補之過程,有詳細之說明,亦請參看本論文林之奇部份。

[[]註154 見四庫全書總目提要卷十一經部書類一,頁7。

証.55)四庫提要所云十之六七,乃指其所引用少類之說「林少類云」、「林少穎謂」者,然細較二書,其不在「林少額」名下之文,亦多有鈔綴自林氏全解,所引諸家之說,亦每變林氏之又,或有損益而已。詳參本文「夏解與林氏全解之關係」一節。

蘇軾而更發揮,是洛誥以後諸篇書說,以蘇、張爲骨幹。復按林之奇之學,出於紫 微呂本中,而呂氏之學出於龜山楊時;而張九成之學,直從楊時出而別近於禪; 1 者皆宋代理學之嫡傳,遠承伊川程頤(註 156);而蘇東坡則與程伊川角抗不合 註 157 ;以是觀之,夏僎之學不近於蘇,而爲理學之支派,黃宗羲宋元學案未列夏僎,亦一失也(註 158)。

夏僎詳解,洛誥以前,多引用林少穎之說,四庫提要以爲有十之六、七,其實不止此數。以林氏全解與夏解相較,其可論者厥有四端:

1、學說之相因

林之奇尚書全解,異於傳統二孔之說頗多 (註 159 : 若林氏以爲尚書篇名,無義可究,且以爲書序原亦非孔子所作,夏僎於篇名之下,則每曰:「舊竹簡所標之題也 註 160.。」而其於洪範序下論之曰:

書之名篇,非出於一人之手,蓋歷代史官各以其意標識其所傳之簡冊,以爲別異耳,故典謨訓誥誓命之外,又有征貢歌範之名者,皆一時傳錄之際,取其篇之大意以名之也。……不特名篇之意如此,以至序書之言,亦是一時隨其旨意,各自立言,非有深義于其間;而說者往往以書序盡出夫子之手,而欲以春秋褒貶之義求之……初非有深義于其間也 註.61]。

是亦以爲書篇名不可深求其義,而書序亦非盡出於孔子之手也。又禹貢篇,林氏以爲九州之次,非治水之順序,其治水先後之序,具載於九州之後,導岍及岐以下是也「註 162 ;夏解於禹貢篇,直引林氏說爲據。林氏於胤征,不用蘇氏論羲和忠於夏而貳於羿之說,而以爲征伐之令自仲康出 註 1631 ,夏氏說胤征亦本之。林氏說泰誓十一年觀兵,十三年伐紂爲非(註 164 ,夏氏仍之;林氏論「武王殺紂」,以爲紂非武王所殺,乃商旅前徒倒戈攻於後,因而殺之(註 1651 ;而夏氏亦於洪範序下論其是非,而引林說爲斷。林氏論洪範,反對以五行災異相配之說,夏僎之說亦然。林氏論康誥前四十八字,不信東坡錯簡之說,而以爲非康叔封初命之文,乃誥其治殷餘

訂 156) 參見宋元學案之伊川、龜山、紫微諸學案中。

⁽註157) 參見東坡書傳前附四庫提要之言。

⁽註158,宋元學案補遺則補引之於卷三六紫微學案中。

⁽EIS9 參見四庫總目提要卷十一經部書類一,頁6、7林氏全解之言。

[[]註 160] 參見夏僎各篇篇題下,其在洛誥以下九明顯。

[[]註 161] 見夏僎卷十七,頁16。

[[]註162,參見林氏全解卷七,頁6。

[[]至163 參見前書卷十三,頁3~7。

[&]quot;註164, 參見前書卷二二, 頁 3、4、5。

[[]五165] 參見前書卷二四,頁3、4。

民之法,故其時在營洛既成之後「計 166 ,夏僎亦 E之。凡此諸端,夏僎皆遵用林氏之說,是學說之相因也。

2、文辭之相襲

夏僎詳解,其不止學說本諸林氏,其解書之文,亦多轉鈔自全解而來,其中間 有順序之調整,引文之詳略而已,而夏僎所引諸家言論,亦多爲林氏全解所已引用 者,換言之,夏僎詳解,其文有襲用林氏全解之嫌,唯時加按語而已。若益稷篇「十 章,一段,夏氏引孔、鄭二說比較,而評孔氏之失曰:

若夫孔氏之說,則有二失矣。以日月星辰山龍華蟲作會宗彝爲一句,謂以五采成服,雖宗廟彝尊亦以山龍華蟲爲飾,據此經云予欲觀古人之象,而以五采彰施于五色,作服,汝明,結之于後,則是此言蓋謂作服而云爾,豈于中雜入宗廟之彝尊者哉,其失一也。又以締爲葛之精者,葛非可鏞之物,自古未聞有以爲裳者,今孔氏知其説不通,乃附會爲說曰:暑月則染締爲之。夫締鏞所以爲祭服,豈暑月則染葛爲服,而冬月則去耶,其失二也。而又以粉米爲二物,其説與制度皆齟齬而不通,故不若鄭氏之說爲善也。 取167

以林之奇全解之文校之 註 1681 ,不僅觀點完全一致,而文字用辭,除少數無足輕重者外,餘全部相同,而夏僎並未明言此段說明之出處,實有剽竊之嫌疑。如此之類,於夏僎詳解中,俯拾即是。

3、卷帙之減省

林之奇全解,原本卷帙,不可得知,宋志之五十八卷,乃坊間書商刊印本之卷數,而其孫林畊輯成有四十卷,時欄譽之爲博而贈 註 169 ,朱熹則以爲「傷於繁」 註 170 。林書若自洛語以前計算今本亦有三十一卷;而夏僎詳解,宋志止十六卷。以今本計算,亦正三十六卷,若自洛誥以前算起,則有三十卷。以卷帙相較,夏僎少林氏全解約三分之一,其所省去者,考之二書,厥有兩端:一爲夏解撮截林解,去其繁重;二爲林解於每段論議中,多引史事爲證,或發揮議論,或加以論證,而夏僎則多省去。今錄二書一段此較,以見一斑。盤庚上序下,全解與詳解比較如下:林氏全解曰:

E 166 參見前書卷二八·頁 4、5、6。

註 .67 見夏解卷五,頁13。

[「]証.68」 參林氏全解卷六・頁 13。

租169 參見夏解前時瀾序。

河寶甲子祖乙立,復自相遷耿,既遷于耿,則其地水泉濕,爲求所圮,欲改遷於他所,而重勞民,故遂留于取;自祖乙以來,凡歷五世,竟不克遷。及盤庚即位,而民之被於墊溺已甚,遂謀遷于毫殷,此其遷徙之始末,見於書之序者然也。是以子張平東都賦曰: ……蓋自契至成湯八遷,而自湯至祖乙又五遷也。盤庚既承祖乙圯于耿之後,將欲遷於殷之舊都,故治亳般而將居焉。

夏氏詳解則曰:

林少穎謂祖乙自相遷耿,其地泉濕,爲水所圮,欲遷仔所而重勞民,遂留于耿;及盤庚即位,而民之破墊溺爲甚,謀遂遷于亳殷,故序所以言 盤庚五遷,將治亳殷;亳即湯所都之邑也。

林氏繼之曰:

毫、地名,般、毫之別稱也。周希聖曰:商人稱殷目盤庚始。此言是也。蓋自此以前,惟稱商而已,自盤庚即都毫之後,於是殷商兼稱,或單稱殷也。毫殷說者不同:鄭氏云。皇甫謐云....。唐孔氏 ...。某竊以謂 引而論之者約五百字 。

夏氏肌云:

般,毫之別名。周希聖謂商人稱般始。此以前惟稱商而已。自盤庚既 都毫,于是商殷兼稱,或單稱殷也。

林氏又曰:

而某竊以謂王肅之說爲當。耿地乃漢皮氏縣之耿鄉,其地沃饒近鹽,祖乙不審于利害之實而徙居之,其居之久也,爲水所圮而不可居。蓋其地 沃饒而寒障,故富家巨室,總于貨寶,傲上從康而不可教訓,其閱閱之民, 則苦於蕩析離居,而罔有定極:盤庚於是謀居于亳,蓋擇其高燥之地,而 將使居之;是舉也,是小民之所利而富家之所不欲,而唱爲浮言以搖動小 民之情,斯民不悟盤庚所以遷之之意,而爲浮言之所搖動,故自歎而怨, 亦皆不欲遷也。

夏氏則云:

盤庚遷般,而民皆咨嗟相怨者,蓋耿地乃漢皮氏縣之耿鄉,其地沃饒而障塞,易以致富、富家巨室、居之既久、皆總于貨實、今雖爲水所圮,而皆傲上從康,不可教訓,至于闆閩之民,則皆告于蕩析離居,而罔有定極:盤庚于是謀居于亳,蓋擇高地而居之也。是舉也,是小民之利而富室之所不欲,故唱爲浮言以搖動小民之情,乃咨嗟相怨而不欲遷。

林氏續口:

盤庚乃登進庶民,告之以所以遷都之意,且戒群臣無扇浮言以搖惑斯 民之視聽,使群臣不敢肆爲過逸之言,而民皆樂從以遷。此三篇之所由以 作也。

夏氏則云:

盤庚于是登進厥民,告之所以遷都之意,且戒群臣無扇浮言以搖惑斯 民之視聽,使群臣不敢肆爲過犯之言,而民皆樂從以遷,此盤庚三篇所由 以作也。

林氏 又曰:

哀十二年左氏傳舉此篇以爲盤庚之語,則此三篇皆語辭也。然不曰語 者,意其後世失之,或者以其篇名既有上中下字,爲其簡編之別,遂從省 文,雖不加語字,實語之體也。王肅曰 取其徙而立功,但以盤庚各篇, 此則失之矣。此書三篇皆是語其臣民之言,而其語之者自有先後,故分爲 三篇,而以上中下爲之別。

夏氏則曰:

以三篇皆是告臣民之言,而告之之日,有先後,故分爲三篇,而以上 中下別之。

林氏又曰:

唐孔氏曰:此三篇皆以民不樂遷,開釋民意, 誥以不遷之害, 還都之善也。上中二篇, 未遷時言, 下篇既遷後事。而上篇人皆怨上, 初啓民心,故其辭爲切, 中篇民已稍悟,故辭稍緩, 下篇民既從遷,故辭復益緩。此說是也。王氏曰 上篇告其群臣, 中篇告其庶民, 下篇告百官族姓。強生分別, 考之於經而不合, 不可從也。

夏氏則日:

唐孔氏謂此三篇,以民不樂遷,開釋民意,告以不遷之害,與遷之善。 上中二篇,未遷時言,下篇已遷後事。上篇人皆怨上,初啓人心,故其辭 爲切:中篇民已稍悟,故其辭略緩;下篇民既從遷,故其辭益緩。此說是 也。彼王氏乃謂上篇告群臣,殊不知盤庚數于民,則未嘗不告民也;中篇 告庶民,殊不知予念我先神后之勞爾先,則未嘗不告臣也;下篇告百官族 姓,皆強生分別,考之于經無所合,未可從也 誕 71)。

EE 171 参見二書解之洪範篇下。同一内容者,林氏在前,夏氏居後,以便比較。

較此一段,可見夏僎之文,皆撮截林氏全解而成,且省去繁重之論證,若鄭玄、皇 甫謐、王肅、張衡、唐孔氏等,而於評王介甫則反加例證。總而計之,約省五分之 二。其他可以想見矣。

又若益稷篇末,論「帝拜曰:俞,往欽哉」,夏僎截林氏全解`文一段曰:

禮曰:君于臣則不答拜。蓋至尊之勢,不可屈也。然太甲于伊尹,成 王于周公,皆有拜手稽首之義,所以尊師重道,皋陶之歌,帝拜而受,豈 非以師傳之禮待皋陶數 [註172]!

林之奇全解則曰:

禮曰:君於臣則無答拜。蓋至尊之勢無所屈也。然太甲之於伊尹,成王之於周公,皆有拜手稽首之義,所以尊師重道也。皋陶之賡歌,舜拜而受之,豈亦以師傅之禮而待皋陶與!案大禹、皋陶、益稷三篇,當時君臣相與都俞告戒之辭,史官取其深切著明者,以爲三篇,垂於後世;然堯舜行事,其本末既載於二典,必爲此三篇者,蓋以君臣之盛德,尤在于此故也。嘗觀唐太宗之爲人,父子兄弟之間,閨門衽席之上,蓋有不可言者,然其所以致正觀之治,至於斗米三錢,外戶不閉,行旅不齎糧,取給於道者,由貴藝好賢,屈己以從諫而已,然太宗克屬矯揉,自力於善故也,太宗豈真能好從諫者哉,勉強而行之,未必出於至誠,而其所成就,猶且如是,故當時史官迹其聽諫之事,以爲正觀政要之書,以示後世子孫,亦以其能成正觀之治者,有在於此故也。知太宗之所以能成正觀之治,則知舜之所以爲大。舍此大禹謨、益稷、皋陶謨三篇,亦無以見之矣、武、73、。

可見林之奇全解,於末尾原有借唐太宗之史事,以論證君臣諫議戒慎都俞之大用,而夏僎則省略而不取焉。故而夏僎尚書詳解,較之林氏全解少三分之一左右。當然夏氏亦每補,之林氏之所未引用者,不過多寥寥數語耳。

4、對林氏意見之修正與批評

夏僎尚書之學,雖多用少穎之說,然偶亦有以爲不當而捨之者。若舜典「肇十 有二州,封十有二山,濬川」一節,林少穎以爲唐孔氏謂禹治水通鯀爲十三載,則 舜攝位元年,治水功畢,二年之後,分十二州之說,去占已遠,時月不可考,而後 復論曰:

洪範曰 · 鯀則殛死,禹乃嗣與。左傳云:舜之罪也,殛鯀,其舉也,

[、]註172 見夏解卷五,頁37。

[、]註 173, 見林氏全解卷六,頁 37、38、39。

興禹。又曰 鯀殛而禹興。祭法曰:鯀障洪水而殛死。顧此數說,則是 縣殛死于羽山。已死然後舉禹而治水也。益稷曰:予創若時,娶于金山, 辛壬癸甲,啓呱呱而泣,予弗子。則是鯀既死之後,禹終三年之喪,既 娶而後治水也。則舜攝之元年,安得洪水之功畢乎?觀此則治水功畢, 當在舜居攝位之後數年也。然舜之居攝次年,則巡守朝諸侯,考制度, 使洪水未平,則此禮亦不可得而講也。觀此則知治水功畢,又當居攝之 前;而孟子又謂禹八年於外,三過其門而不入。凡此數說求之皆齟齬, 學者當關之 註 74,。

夏僎引其文而以爲林氏既有此說,而自信不篤、遂有此疑而不定之說。夏氏曰:

少穎以爲齟齬不合,學者當缺而不論。余謂少類前說極當,後說乃考之未深,論之未熟耳。何以知之?蓋典謨所載堯舜之事,雖因其事之先後次第載之,然實非一時事,或近在一日,或遠間數十載,作史者因其先後而次第錄之以成文理,正不可聯爲一時之事。若堯典既載命義和,即及若時登庸,即及若予采,即及蘇治水,命舜禪位,豈可聯爲一時事,謂堯既命義和即行下數事哉?今舜典前既載舜居攝之事,次即載舜二月東巡守之文,竊意舜之居攝,既輯瑞爲諸侯正始矣,數歲之後,洪水既平,于其中間,以歲之二月、五月、八月、十一月巡守四岳、又豈可聯爲一時之事,謂舜既居攝即次年巡守,遂以此疑治水功畢于舜居攝之前乎?學者當精思也 33 75 。

是林之奇以爲有矛盾,不可定論,而夏僎爲之修正疏解,以定其說之可用。又禹貢兗州、「厥草惟繇,厥木惟條」,林之奇以爲孔疏謂此兗、徐、揚三州偏宜草木,故經文特言之,此說不然。林氏謂西北多山,東南多水,多山則草木多,卑濕則樹藝不宜,草木失其性,是經所言或繇或條,或天或漸包,皆謂水退而草木遂其性而已,非謂三州宜草木。 註 1761 。夏僎評之曰:

余謂少賴此說雖可喜,然以揚州考之,揚州亦言草木也,而其頁乃有 羽革齒毛,惟木:木尚預頁,則宜草木可知矣。以此較彼,則孔氏之說, 又似可取,未敢以少穎爲然也 註 177 。

是夏僎以爲孔疏之說,於經有據,故評騭林說,以爲不然也。故就此而占,夏僎雖

[、]旺174〕見林氏全解卷二,頁25、

註.75 見夏解卷二,頁24。

註,76 參見林氏全解卷七,頁24、25。

註177 見夏解卷八,頁24

於說義、又辭等皆以林氏全解爲主、然亦非無所簡擇而用之也。

(1)夏解與無垢書說之關係

如前述,夏氏詳解日康王之誥起,引用無垢之論,顯然大增,其前卻無一弓之者,可見夏僎實以九成之說以接林之奇之說也。考康王之誥以後共八篇,皆特殊而有爭議之篇章:康王之誥,有蘇軾爭喪諒誾,吉服非禮之說;君牙、冏命、呂刑,合稱穆王一書,東坡亦以穆王無悲憂怛感之言,以爲穆王無志;而文侯之命,東坡亦以平王東遷,無報復父仇之志,以見周室之衰;費誓、秦誓,以諸侯之文誥繼入子之典命,論者更夥。凡此異說,多由東坡而起。而張九成之尚書說,為源於東坡甚深 莊1781,故其論從東坡之說而益加發揮,至謂穆王一書,所以誌穆王之罪過;文侯之命,亦是見平王之不孝大罪;而魯、秦一誓,是孔子以爲二誓之言,位雖諸侯,猶勝天子。所以然者,或無垢身親罹靖康之難,目睹國家朝政之衰,而半壁朝廷,猶暮氣漫漫,未見有恢復之志,遂有感而發者也。無垢如此,陳鵬飛說尚書亦然。夏僎於此諸篇,多用張無垢之說,其豈亦有所感者歟!今無垢書說已佚,僅存書經統論及黃倫精義所節引者,不能一一相校矣;夏僎引無垢之說,其稱九成之語亦每有異於常者,或曰「此言深得周家所以待頑民之意」,或曰「此論極有淵源」,或曰「此皆過人之論」,是夏僎之於九成,稱道有加,非比尋常也。

夏撰遵用九成之說,其人者,於康子之誥,取其論太保暨芮伯進言「張皇八師」, 以見召公深謀遠慮,體物度情之策也 註 179 。於畢命,取其論周公營洛以遷殷頑民, 使密邇王室,式化厥訂,以仁德變其不服之心,而君陳分正有術,至畢公則旌別淑 戀,表厥宅里,是贊動之術,以明周家待頑民之道 註 180 。於君牙、冏命,則取其 論君牙、伯冏之非賢臣,穆王之非明君,故以爲二篇出於代言之賢者(註 181);於呂 刑,則取其論穆王之世,衰弊貪瀆之風 註 182 ;於文侯之命,取其論平王無志,不 能報殺父之仇,而孔子不刪去,蓋存之以著平王之罪,與胤征同 註 1831;於費誓, 取其論伯禽之治重甚嚴,有防微之漸,見三代之用兵 註 184 ;於秦誓,則取其論孔 子取費誓、秦誓之意,以平于無害而于道不可望,如有伯禽之用兵,及穆公之悔過,

[[]註178 參見本論又有關張九成部份。

註、79 參見夏解卷二二,頁35、36。

[[]註 KO, 參見复解卷二四, 頁 1、2 c

[、]註 181 參見夏解卷二四, 貞 27、32个

[.] 註 . 82 參見夏解卷二五,頁 12、13。

[[]註 83 參見夏解卷二十六,頁1。

[[]註184 參見夏解卷二十六,頁10。

則於王道庶幾矣(註185);凡此皆九成尚書說之大義,夏僎用之,可謂網羅殆盡矣。

(三)註解尚書之特色

夏僎解尚書,廣徵先儒前輩之論,合而論之,指其是非,評其得失,明其優劣, 示其違從,然取捨之間,亦自有其原則與方法,茲析而言之:

1、準於「理」

所謂「理」者,有應然之義理,有實然之事理,有思維之推理,其層次範疇雖有異,然其爲理而合於義則同。夏僎解書,其有所取捨之時,每標「理」字爲準,合理者取之,無理者去之。若其解益稷「臣作朕股肱耳日,予欲左右有民」,以爲舊說皆以爲人君欲右左有民,臣則輔君以爲之,此說不通,蓋下文言汝爲、汝明、汝聽三事,皆責臣自任,未嘗有輔佐之意、註、86〕。故其論曰:

予謂此左右有民,蓋謂君欲輔翼其民,以成其性,君不能自爲,汝臣

當輔翼之也。此說正合孟子所謂輔之翼之之意也。故其理尤長 ﷺ 187 。 此所謂理者,乃謂合於孟子所言之義理,亦合於前後文理也。其論甘誓「用命賞于祖,不用命戮於社」曰:

先儒謂左祖右社,左陽右陰,故賞戮之行,亦異所告,理或然也[並188]。 此則以推理以爲或然而用其說也。其論禹貢甸、侯、綏、要、荒五服,以爲舜五服 共方五千里,每服一面五百里也;而職方有九服,以面五百里計之,則其地方萬里, 倍於舜時疆域,於理不合,而唐孔氏知其說之不可通,乃謂堯與周、漢,其地一也, 尙書所言,據空虛鳥道方直計之,漢書所言,乃據著地之跡,屈回而量之,所以其 數不同。夏僎則引林之奇之言曰:

孔氏此說,謂堯與周漢其地一也,此誠確論,若謂虚空鳥路方直而計里,則古無此理、註.891。

此所謂理,則是事實之理也。占無此事,當無此理也。

2、二說並存

夏僎解書既準乎理,則凡於理有可通者,皆有足取。而理非一揆,或此亦有理,彼亦有理,當兩存之,不必定標一目以爲終的也。故夏氏書解,於二說皆有理而不相悖者多存之。其論禹貢「岷山導江,東別爲沱,又東至于澧」曰:

至185 參見夏解卷二十六,頁21。

[「]註.86、參見夏解卷五,頁10。

註 187 同前註。

註188 參見夏解卷九,頁5、6。

[[]註.89 見夏解卷八,頁32。

漢孔氏謂禮,水名。按水經澧水出武陵充縣西,至長沙下傷縣西北入 于江。而楚辭亦有翟予佩兮澧浦之句,則澧是水名也明矣。然鄭氏乃謂此 經自導弱水以下,言過言會者,皆是水, 言至者,或山或睪, 非水名,故 以此澧爲陵名,即今長沙澧陵。曾氏亦依其說,其詳見前導河解中。其說 亦自有理,故兩存之、至 190)。

曾氏之說,謂經敘導水有先言山者,有先言水者,先言山者,蓋有是山而後有是水出焉,故經之辭先言山也;先言水者,蓋先有是水而後至于是山,故經之辭先言水百計19.2。以此論之,曾氏從鄭氏說「至于澧」,是澧爲山名,與孔傳說異,然二說皆有據有理,不知孰是孰非,故兩存之。又若太甲上,論者有「放太甲」與「訓太甲」之爭,夏僎則引林之奇之說曰:

林少穎引孟子曰:教亦多術矣。予不屑之教誨也者,是亦教誨之而已矣。蓋君子教人,有如時雨化之者,有成德者,有達財者,有答問者,有私椒艾者;謂之私淑艾,道之弗達,君子猶不忍棄而私以善治之,使之憤悱啓發,入于義而不知,此不屑之教誨也。伊尹于太甲,誨之諄諄,聽之藐藐,度其不可教,則營桐宮以居之,以感動其哀戚之情,此非不屑之教而何。然以不屑之教而名曰放者. …蓋示以將廢而不得主,彼必憤非而反于善,此放之乃所以教之也 紅192,。

夏僎以爲林少穎此說簡而當且盡,然胡益之論伊尹放君,說又與之少異,夏僎引胡 益之之言曰:

先儒皆謂太甲不明,伊尹廢之,自攝商政,太甲悔過,乃復命之;豈有此理。蓋天下不可一日無君,若伊尹廢太甲而己自爲政,則一日不可安,況三年乎。此所謂放于桐者,大抵人君既行三年之喪,亮陰不言,百官總己以聽冢宰,此禮之常也。太甲不從伊尹之訓,伊尹凶其居憂未省政事,故遷居桐宮。而序書者以效言之,實未嘗放也、至191。

伊尹於太甲, 「者皆不以爲「放逐」之「放」,然曾氏以爲居憂亮陰,遂因遷居以變 其情;林氏以爲乃不屑之教;是移居桐宮一事也,而其方法及動機則異,然二者之 結果或目的則一致,是大同而少異,互不相悖,故夏氏以爲「要之于理皆通,故當 存之。」不僅此也,夏僎復引陳鵬飛之說曰:

[、]Ex 190] 見夏解卷八·頁 23。

註 191 參見夏解卷八,頁 13 所引曾氏之說。

註192 見夏解卷十二,頁10、11。

[、]註1931 見夏解卷十二・頁3。

陳少南又謂伊尹放太甲·使太甲終不明,伊尹終棄之數!抑知其有思庸之資而姑放之數!考書序不言太甲不明,而言太甲既立不明,是伊尹既授天下,狃于富貴,故狎于不順爾,然則伊尹舉是以汙其身而善其君乎!此說與少穎雖異,然亦通,故存之[註194'。

考陳鵬飛之說,是以爲伊尹確有放太甲之事,然所以然者,蓋伊尹知太甲非天性頑劣,乃狎于富貴,不以暝眩之藥,其病不癒,故放之于桐宮,是汙己之行而成君之德也。其說與少穎異,其義則與之同,故夏氏亦以爲於理亦通而存之。凡此之類,於夏解中甚夥,亦其解書之一特色也。

3、絕少疑改經文

宋代自慶曆以後,好爲新奇,於經傳每有疑議者,自是厥後,說尚書者無不或多或少疑改經文者,若林之奇者,即每反對疑改經文之事,故其每評東坡之說,以爲「失之易」 註 1981,謂動輒以疑經改經以就己說也。然林之奇說書,於經文猶有疑改者,若泰誓十三年伐紂,林氏疑當爲十一年之誤 (註 196),又呂刑「今爾罔不由慰曰勤」,林氏以爲當作日讀 註 1971,又有改武成之說 註 1982。夏氏說尚書,於全書中,除泰誓十三年似爲當作十一年,用林之奇之說外,其餘皆所不取,其篡守經文,斯爲之極矣,若多上篇「王曰又曰時予,乃或言,爾攸居」,夏僎以爲:

說者多以此王曰下無文,即加以又曰,疑其有缺文。然說經不當持闕 文之見。詳考此又曰,乃重言下文一語,王謂是我乃有言,爾之所居,非 我愛汝等,則遷與不遷,自有威刑以裁之,誰復言之。史官省其文,而加 之以又曰,謂此一言,王既言之而又言之也「註 199 。

考經文之狀,若不以闕文說之,實難通解,而夏僎執信既篤,猶不欲疑改之,遂出「言之又言之」之說,可謂執之固矣。又呂刑「罔不由慰曰勤」,夏氏曰:

無垢則謂今爾諸侯當無不用我慰安之言,而日勤其職事,無或相訓戒 以槃樂而不募其職事。少穎則謂典獄之官,因當日勤其事,而無相戒以不 勤。此二説,少穎與無垢之意,大率相似:但經文本是曰字,不當作日字 解 至 200 。

新194 问註45°

註 19x 參見本論文林之奇部份。

註196 參見林氏全解卷二二,頁5。

at 197 參見前書卷三九,頁 17。

[「]EL .98 參見前書卷二三·頁 13、14、15、18。

註199 見夏解卷二十,頁38。

[「]註200] 見夏解卷二五,頁16。

少額、無垢之說,皆夏僎所崇所本,至於改疑經傳之處,則多否而不取,則見其用 志之堅也。至於皋陶謨之未,有「思曰贊贊襄哉」一句,說者多以爲「曰」字當爲 「日」字。夏僎論之曰:

皋陶具又謂我行之言,至于成功,實由于禹,我未有所知,但思一一 贊襄以助成汝功而已。……孔氏曰:我未有所知,未能思致於善,徒亦贊 奏上古行事而言之。信如孔氏之說,則曰之一字,遂爲衍文。張橫渠、薛 氏皆以曰當作日字,與下文予思日孜孜相類,此說比先儒爲優「註201 。 考夏僎以爲橫渠、薛氏以曰當作日字爲優,亦非以爲必然,蓋乃相對於孔氏疑衍文 之說而論之耳,故其釋經文之義,亦未以「日」字解,而止曰:「思一一贊襄以助成」。 是夏氏雖覺橫渠、薛氏勝於孔傳,然亦不持改字之說也。按夏僎此說,亦出於林之 奇之文,彼於孔氏,其叩之未深,故有是言。蓋孔氏「徒亦赞奏上古行事而言之」 一句,是以「贊」訓爲「贊奏」,即進奏之意;以「襄」爲「上古行事」之意蓋「襄」 者上也,堯典「襄陵」之訓即用此義訓,此引伸而曰上古行事;以「言之」訓「曰」 字;是無所謂「衍文」之說。若夏僎利明乎此,則必以孔氏爲優矣。

(四)夏氏尚書解義之新說

夏氏解書,雖前據林之奇全解,後本張子韶之書說,文辭學說,多有淵源來歷; 然前儒所說,其先得我心者,固當用之無違,其不合我意者,亦不必株 守繩墨。夏 氏浸淫沉潛於尚書亦有年矣,故於尚書之文辭、說義,甚至標點斷章,亦往往自出 機杼,創爲新說。茲分述如后:

1、有關虞、夏、商、周書分段之說

尚書有虞、夏、商、周之書,然其分期之準則爲何?何者該爲何書,歷來頗有異說。蓋先秦典籍引者,所稱曰「某書曰」,又往往與今本尚書不同,若大禹謨、益稷、皋陶謨、左傳引之曰「夏書」,今本在「虞書」,若供範左傳引之曰「商書」,今則在「周書」,是以論之者多矣;或以爲以記錄之史官作準,或以爲以書篇內容爲準,莫衷一是。孔穎達正義曰:「堯典雖曰唐事,以其虞史所錄,末言舜登庸由堯,故追堯作典。非唐史所錄,故謂之虞書。」鄭玄云:「舜之美事,在於堯時。」林之奇曰:「蓋二典皆虞書也。虞書紀舜之事,而推本其所得天下於堯,故序其事於堯典,實爲舜典張本。」一者說辭有異,而大旨相去不遠,皆謂堯典事以舜爲主,故入虞書。然則堯典當入唐或入虞,而大禹、皋綯、益稷何以不入夏書而入虞書,夏僎飢爲新說曰:

註201、見夏解卷四,頁18。

堯與雖虞史所錄,其實題爲唐;舜與雖夏史所錄,其實題爲虞;禹謨雖後乎禹者所錄,其實題爲夏。然今書特舜與自題爲虞,而堯與、禹謨不題爲唐書夏書,乃與舜與同稱爲虞書者,非史之舊,乃孔子定書之後序正也。何以知之,蓋禹謨所言,左傳引之,大抵云夏書 ……是莊、襄之時,孔子未序正之前,既謂之夏書。禹謨于孔子未序正之前,既謂之夏書,則堯與于孔子未序正之前,亦謂之唐書也。……雖然,孔子于三聖之書,不仍舊貫而必爲之序正,爲加序正而又不俱謂之唐,不俱謂之夏,而必謂之廣者,抑又何意也?蓋堯授舜,舜授禹,三聖相授,實守一道,……故孔子序書,欲後世知三聖人其時雖異,其道則一統而無有間斷,故序正其書,句其題號者,蓋書同則道同也。其不俱題爲唐者,堯授舜而已,授禹者非堯也,謂之唐則可以該舜而不可以該禹,不俱題爲夏書者,禹承舜而已,承堯者非禹也,謂之夏則可以該舜而不可以該堯;惟舜上承于堯,下授于禹,以虞名書,則上可以該堯,下可以該禹,三聖之道,觀此則混然一流,略無閒斷。夫子之意,顧不深數(註202)!

是夏氏以爲書分唐、虞、夏、商、周,本皆各就其時代內容而分,而孔子斷書自唐堯,而爲之序正,以見三聖一道之義。至皋陶、益稷之爲虞書,蓋其事在舜未死之時,以備舜之始末,故亦爲虞書,左傳引作夏書,亦孔子未定以前傳寫之誤 (註 203 。而禹貢之所以引夏書之首者,夏僎論之曰:

禹貢之書,雖曰治水之後,任土作貢,在舜授受之時,然禹之所以有 天下,實本乎此,故孔子所以因其舊,而特冠于夏書之首,所以見禹之有 天下本于有是功也(註2041。

其持論與虞書之說相同,皆以爲夫子之意也。至於洪範、左傳引作商書,今本則入 周書者,夏氏引林少穎之說而復自爲之說曰:

林少穎謂傳記引此篇,皆亦爲商書,則此篇之作,蓋箕子爲武王陳之, 退而自錄其答問之辭以爲書,故以祀言。然今文不以爲商書而曰周書,雖 箕子所錄,周史啓而藏之也。余謂此說雖通,然史官于人君言動、無不書, 豈有武王訪箕子,其事如此之大,史乃不錄,而箕子自錄之理;則此篇必 是周史所錄,其言祀者,乃史官不欲違箕子之志,故以祀言,見其不用周

註 202〕見夏解卷一, 頁 3、4。

[[]註203] 參見夏解卷三,頁1。

at 204 見夏解卷六·頁1。

正,有不臣之意 至205,。

是夏僎於此,不用孔子序正之說,變而以錄者言之。其前後相異,未能一體說之者,或以林少穎之說在焉故也。其實若以孔子序正之說言之,亦可自圓其說。彼可謂供範之身作商書者,蓋箕子乃商朝遺臣,又有不臣周之志,故亦可謂之商書,至孔子序正,以爲以時 《則商既滅而入周矣,以錄者言周史所錄也,以事言則此乃因周武臣之間而生者,若無武臣求治之心,往訪箕子,箕子其有是言乎。故孔子序正以見武臣之志,不在得天下,乃在求救民於水火,去天下之大惡,欲天下之平治也;因有是問是答,武王傳之周公,而成、康、周家基業益成其大也,其謂之周書,不亦宜乎。若如此說之,於理於情,亦無不可。雖然,夏僎於虞書之說,以爲孔子示三聖一道之說,亦一新說也。

2、有關君奭召公所以不悅

君奭篇序有召公不悅之說。史記燕世家以爲成王幼、周公立政踐祚,召公疑之, 乃作君奭。孔穎達曰:「周公攝王政,不宜復列於臣位,是以召公不悅。」王安石以 爲成王乃中才之主,繼文武之後,難任大業,召公任太保,其事難爲,是以不悅、註 2061。蘇東坡則以爲召公不悅,以周公復政而不知進退。眾說紛紛,莫知所從。而 夏僎於此亦自爲獨門之說,爲之疏解曰:

召公既承王成王命、乃謂周公有經濟之才、自是以輔相成王,而肇久 大之業,吾不必更居保任,以苟爵禄,故承爵命則有所不悦於心。此不悦 者,非不喜风成王之命也,正如顏子於夫子所謂於吾言無所不悅,乃無所 不曉,則此不悅者,乃是召公於成王之命,心有所不曉。蓋不曉成王所以 尊己之意也。周公則以謂成王即政之初,召公尚相與同心夾輔,今既即政 之後,豈可專責於己而自欲去哉!故此篇皆留召公之辭(註207)。

按此論實未之他見也。夏僎就「不悅」一辭起異義,以爲「不明曉」如「無所不悅」者,其說新誠新矣,然於義不合,彼當以召公爲聖賢,今成王命爲太保,其意在以 老成人相輔之意甚明白,以召公之聖賢,焉有不曉之理。考之論語「悅」之義,當 作「悅順而納服之」,非不明曉也。是夏氏此論,徒眩人耳目耳。

3、關於字、辭之新解

夏僎解尚書,於字詞之間,亦每以前人之說未安,而另作新解者,若前述「不 悅」之例是也。其他若堯典之「典」,孔傳云「言常道」,是以典訓常也;伊川則謂

^{[1 205} 見夏解卷十七、頁 17、18。

註 2061 參見黃倫尚書精義卷四十·頁 10 引。

E 207 見夏解卷二一, 負 1。

典者則也,即綱紀法則。夏撰則以爲所謂典,當訓典籍之典,蓋謂以堯事載之典籍, 故謂之堯典(註 208);此用說文「几上冊籍」之義,其說視諸說爲平實。

又康誥·多方有「要囚」一詞,孔氏之說,於康誥則謂之獄囚要辭,於多方則 謂之要察囚情。夏氏曰:

所謂要囚者,乃謂要勤而拘囚之。康誥所謂要囚服念五六日,乃謂凡要勤拘囚罪人,必當服念之,至五六日,然後丕蔽其所囚者。此所謂要囚殄戮多罪者,乃謂或要勤拘囚其多罪,或殄絕殺戮其多罪者,而民亦勉於善也。所謂戰要囚者,乃謂恐懼之以要勤居囚之威也 至209。

則此「要」乃「嚴加執行」之意,「囚」乃「禁閉」之意,皆作動詞用,與先儒不同。 又君奭篇「多歷年所」,孔傳謂「享國長久,多歷年所」,無所釋義;孔疏則云「多歷年之次所」,亦不得其說,惟知其義指享國長久而已。夏僎於此曰:

年猶歲也。歲星一歲,歷一辰,十二歲一周天;是年所者,乃歲星所歷之次;多歷年所是其享國之水,多歷歲星之次含也 \$2101。

註208 參見夏解卷一,頁1、2。

E 209, 見夏解卷二一, 頁 38、39。

at 2101 見夏解卷二一,頁9。

註211 參見于氏尚書新證卷二,頁6。

註 212 見于《殷周金文迨纂》中第九器銘文。

[、]註 2131 見于《三代吉金文存》 克鼎見卷四,頁30,頌殷見卷九,頁39。

st 214. 見《般周金又俭纂》中第三器銘文。

SE 215 見前書第六十二器摹文。

順諧協矣。雖然,夏僎之說、於宋代言之、亦是存其一格矣。

四、夏僎尚書詳解之影響及價值

夏僎尚書詳解,見稱於時瀾,元朝王若虛(1174~1243)滹南遺老集云: 宋人解書者,惟林少類眼目最高,既不若先儒之電,又不爲近代鑿, 當爲古今第一。而邇來學者但知有夏僕,蓋未見林氏本故耳。夏解妙處, 大抵皆出於少類,其以新意勝之者,有數也 註 2.6)

而明洪武年間,詔科舉尚書從夏氏、蔡氏兩傳 註2.11,是必有足取者焉。

(一) 平易明白, 詳而不繁

夏僎尚書詳解、號曰「詳解」;然宋志止曰「十六卷」,較諸其學說所本者、若林之奇全解五十八卷、張九成詳說五十卷,僅約三分之一;而視蘇東坡、王安石之作「十三卷」,又加詳、並多舉諸說相較,時加按語,其非上 家之言也。朱子評林之奇傷於繁,評王安石傷於鑿,評東坡書傳傷於簡 註 218 ,則夏氏詳解,視林之奇則不繁、且多本少類之說;視王安石則不鑿,且多遵用 孔者;視東坡之論則不簡、且資料豐富,非如東坡之專對王安石之說而駁之也。且夏氏解經,逐字逐句,順文作訓,條理清晰,既有字訓,又有義解,誠足資研讀書經者所執持以誦習,可謂習尚書者入門之指南也。陳振孫評其價值曰:「便於舉子」,誠亦有見,然此言亦未盡 個夏氏書解之功效;當云舉子持之足以應其場屋之業,學子誦之, 方可作研經入門 之良礎矣。是以明初取工,尚用夏解,蓋以此故也。

(二)足資與林之奇全解對校

夏氏書解多引林之奇之說,故以之與林氏全解相校,亦足是正其中錯誤。若林之奇全解中,每引「薛氏」之說,如大禹謨「念茲在茲」一段,林之奇引「薛氏」一大段,中云「禹既以是稱皐陶之德,因以是教舜也 [計219] 」,而夏解引則曰:

蘇氏則謂禹既稱皋陶之德,因以是教舜,使舜念德 \$220 。 再校諸東坡書傳,夏僎所引爲確。又益稷篇「格則承之用之」,林氏引「薛氏」一段 曰:「論語曰有取且格,格,故過也;承者薦也,春秋傳曰:奉承齊犧。古者奉丰幣

註216、北京中華書局,1985年叢書集成,初編卷三一,總頁194。

註 2171 參見經義考卷八一夏僕條下引楊慎曰:「伏讀高皇帝科舉之詔·書從夏氏、蔡氏兩傳。」 又四庫提要亦有是說。

⁽至218 引至170。

註219. 參見林氏全解卷四,頁17。

註220 見夏解卷三,頁17

而薦之曰承。格則承之庸之、蓋謂其改過者則薦而用之。 計 221 」夏解於此引曰: 蘇氏云:承、薦也。春秋傳曰奉承栥犧。古者奉主幣而薦之,謂之承。

承之庸之,謂薦而用之也 註 2221 。

考諸東坡書傳,夏僎引之爲是。然則今本林之奇全解之中,其引「薛氏」之言,或即蘇東坡之言,而非薛季宣之說。余嘗考之,若舜典「予擊石拊石,百獸率舞」一節有以爲衍者,林之奇引作薛氏、劉氏之說 註 2231。劉氏爲劉敞,薛氏則當爲蘇軾之說,考之東坡書傳亦然。以此推知,則知林之奇所引「薛氏」,乃蘇氏之誤,非指薛季宣也;林氏亦未及引上龍之書也。茲舉一例以明其效。

程元敏先生嘗輯 E安石 三經尚書新義佚文,成「三經新義輯考彙評(一,尚書」一書,於下編「諸家評論及載引佚文按書分條考計」,有關「薛氏」 書曰:

此全解所引薛氏 (蓋季宣,著書古文訓,今存;惟未見此文。 評一 〇四壹條 (亦見彼書下,,蓋亦師安石爲說者 註 224 。

程先生於其書輯佚文第 ·○四條下〔評〕加案語曰:

諸家多與安石同、謂曰作日:東坡書傳、薛氏 全解卷五頁十八引 張九成…… ^{紅 225},

考全解引薛氏,與張橫渠同時引用,而夏僎引用,亦「横渠」、「薛氏」同引,夏解亦作「薛氏」。然同條林之奇又引「薛氏」之言曰:

薛氏曰:日夜進進不已,知進而不知退,知上而不知下也 註 226,。 考東坡書傳曰:

皋陶之意曰:吾不知其他也,思日夜進益而已。知進而不知退,知上 而不知下也 註227.。

其文於黃倫精義引之亦同。以此觀之,全解所引兩次「薛氏」之言,皆與東坡同, 其爲東坡之文明矣,非薛士龍季宣之文也。如是可知薛季宣未師法 E安石之說,亦 未論 E氏之言。

總之,由夏僎詳解與林氏全解相校,得知薛氏爲蘇氏之誤,復由蘇氏書傳校林氏全解,益證此論不誣,由此論而得薛季宣書占文訓未師法論議王氏新義,此不可

註 2221 見夏解卷五,頁17。

[「]註223,參林氏全解卷三、頁20。

^{₩ 224)} 見程先生書,頁 257。

註 225] 見前書,頁38。

[、]缸 226, 見林之奇全解卷五, 頁 18。

班 227〕見東坡書傳卷四,頁し。

謂非夏僎詳解之價值,有補於學術之研究。

(三)保存宋人尚書之說

夏僎詳解,旁徵博引,雖多本諸少穎全解,然亦每引少穎所不稱名引者,若王龍舒、胡益之、徐須江、吳蘊古、沈光朝等皆是也。此五者,除胡益之外,餘四者不見於宋人傳記資料,遑論知其於尚書有說矣。胡益之傳記資料有則有之,益之其字也,名有開,淳熙進士,然史皆未言其於尚書有說(註228),知之者惟以夏僎詳解見之。

又張九成尚書詳說五十卷,今已佚,惟見黃倫精義引之甚夥,然亦不全。夏解於康王之誥以下引之約四十條次,有見於書傳續論者,然亦多不見於張氏統論及黃倫精義引用者,亦彌足寶愛。

程元敏先生輯王安石尚書新義之文,於夏僎書解中,亦輯得佚文六十五條,評論二十九條;其中佚文所引與林之奇所引相重複者五十一條,評論亦多相近,足見夏書之因襲林氏全解之迹,則夏僎亦增引王氏新義十四條,其中九條,夏僎亦以己意評之、註229,。雖占光片羽,亦足寶之。

缸228, 參見宋人傳記資料索引册二,總頁1593°

註229 參見程先生著三經新義輯考彙評---尚書,總頁269頁。

第五章 東萊尚書學案

第一節 呂祖謙

~、生平事略

呂祖謙,字伯恭,其先河東人,曾祖東萊郡侯呂好問始居婺州。少時性極褊急, 偶因病中譜綸語,至躬自厚而薄膏于人,遂省悟,由是終身無暴怒。祖謙家學,有 中原文獻之傳,長從林之奇、汪應辰、胡憲游,既又友于張栻、朱熹,講索益精。 以祖蔭補入官,後舉興隆元年進士第,又中博學宏詞科。歷太學博士兼史職。輪對 効孝宗留意聖學,日言恢復大事。祖謙爲文特典美,嘗讀陸九淵文,喜之而未識其 人,考試禮部得一卷,曰此之江西小陸之文。揭示果然,人服其精鑑。李燾薦之重 修徽宗實錄,書成進秩,而對論時政之當革,以爲政當上下體統,不相侵奪,而時 大臣親行有司之事,外監率上侵下權,唯當得端方不倚之人處分之,自無專恣之慮; 且朝廷之政文治可觀而武績未振,亦當補其未備。遷著作郎,以未疾請歸。先是書 肆有書曰聖宋文海,孝宗命臨安府校正刊行,學上周必大進言委館職詮擇以爲一代 之書。孝宗命祖謙,遂斷自中興以前崇雅黜浮,類爲百五十卷。上之。賜名皇朝文 鑑。特破格除直祕閣。淳熙八年七月,以著作郎兼國史疏編修官卒,年四十五,謚 日成。祖謙上承家學,得中原文獻之傳,以關、洛爲宗,復博洽四方師友所講,其 學無所偏;與朱、陸並時,自成一格;心平氣和,不立崖異,一時卓鎣之土皆歸之。 晚年會友講學之地、日麗澤書院。生平嘗修讀詩記、大事記、皆未成書、考定古周 易,書說、關範,官箴辨志錄、歐陽公本末,當時皆行於世。今四庫錄有占周易 : 卷、書說三十五卷,呂氏家塾讀詩記三十二卷,春秋左氏傳說二十卷,續說十二卷, 詳注東萊左氏博議二十五卷、大事記十二卷,通譯三卷,解題十二卷,又有東萊集 四十卷 註.。

1、尚書之著述及著錄

呂東萊書說,據歷來相關之資料觀之,皆謂非東萊手著,乃口授諸生,其徒筆記以成者也。大愚叟 計2. 於書後云:

伯史太史己亥之冬,口授諸生而筆之册者也。 · · · 然聽之有淺深,記之有工拙,傳習既廣而漫不可收拾,伯氏蓋深病之。 · · · · · 於是取尚書置几間,而爲之說,先之秦誓、費誓 · · · · · 訖洛誥而遂絕筆。 · · · · · 書及三禮皆未及次第考論,而書則猶口授而非傳聞 註3 。

時瀾於增修東萊書說序,亦云:

東萊夫子講道於金華,首據是書是蘊,門人寶之,片言隻字,退而識錄。……瀾執經左右,面承修定之旨 註4 。

可見呂東萊之於尚書,嘗爲之說,而由弟子識錄者也,其文或經祖謙過目修飾,亦 未可知。

其書宋志著錄二十五卷、通考云十卷,趙希弁讀書附志云「六卷」 計 5 ,陳 振孫書錄解題云:

東萊書說十卷。……其始爲之也。慮不克終篇,故自秦誓以上逆,爲之說,然亦僅能至洛誥而止,世有別本全書者,其門人續成之,非東萊本書也 至6 。王應麟玉海亦云呂成公書說自洛誥始,是呂祖謙所口授門人者,非尚書全書,乃自洛誥始而終以秦誓,今三十五卷之書說,乃時瀾增修而成,蓋呂氏原書,本未經編次,傳鈔者隨意分卷,故有六卷、十卷之殊、四庫提要云:瀾始刪潤其文成二十二卷,又編定原書爲十三卷。是呂氏原書又有十三卷之冊。至於增修東萊書說,宋志三十五卷,而經義考於呂氏祖謙書說之外,別立時氏瀾增修東萊書說三十卷,并注曰存。四庫編輯之時,猶未之見,未知朱彝尊所據爲何 至7.。

註 11 參見宋史卷四百三十四儒林傳之四本傳,及宋元學案卷五十一東萊學案。

註 21 大愚叟即占祖謙之弟祖儉,有大愚集。

註 3 見經義考卷八一,頁 5、6 引大愚叟之言。又見馬端臨文獻通考卷一百七十七 「東 菜書說十卷,條下引。

[「]註 4, 見通志堂經解時瀾增修東萊書說前附。

註 5 參見經義考卷八一東萊書說條下。

註 6, 見陳振孫直齋書錄解題卷二,負7。

註 7 參見四庫全書總目卷十一,頁15經部書類提要。

呂氏書說,乃口授筆錄而成,而其錢板刊行,亦屢經變易;據時瀾序云,東萊授書說以前,早有說書文錄,門人記其片言隻字,見者恐後,亟以板行,家藏人誦,不可禁禦(註8.,是呂成公說書說之前其尙書之論說,已有錄而刊行者矣;呂氏以其辭俚義隱,遂專意爲尙書作說義,面授生徒,此呂東萊書說之所由述也。其書由南康史曾侯取而刊之學官,止洛誥至秦誓,卷數不詳 註,。其後坊間復以門人所雜記之說補足之,別爲刊行;至時瀾以西邸文學人三山監丞,應全州鄭肇之之邀,修訂門人識錄之陋,並補以舊所聞之於師者,遂成今本增修東萊書說三十五卷 註10 。以是觀之,今增修東萊書說,其成書皆非呂氏親爲,洛誥之前與後,唯直述與雜記之殊;要之皆爲東萊之學說,內容無甚差別,唯文辭語氣,洛誥以前較俚俗而不甚連綴耳。茲舉一例以見之。呂氏書說於費營云:

禹之家學見於甘誓,周公之家學見於費誓。啓初嗣位而驟當有扈之變,伯禽初就封而驟當徐夷之變,……一旦誓師,左右攻伐之節,戈矛馬牛之利病,曲折纖悉,若老於行陣者、孰謂其長於深宮之中,而豢於膏粱之養邪。是以知大禹、周公之家學,蓋本末具舉而無所遺也。 註11. 而增修之甘雲下,亦有相同之論曰:

深以見啓自警省敬畏之意。所謂啓賢能敬承繼禹者此也。夫承堯舜禹 重熙累洽之後,未嘗接行陣之事,一旦誓師,戒勅戎陣如素講者,蓋禹之 家學,文武兩備,體用兼全,本末具舉,不分精粗,於此可見 図12)。

呂氏以啓、伯禽皆承家學,故有講習熟練之精明表現,此說雖本出於東坡、註 B., 呂氏因而擴之,自伯禽及於夏啓,而甘誓之說與費誓之言不殊,可見洛誥以前諸篇,雖非東萊專授之說,而由門人平日雜記者,其論本亦不殊,況時瀾乃呂門高弟,親爲修訂增補,全遵其師之說,未敢出以私意;然則呂氏書說洛誥前後,庶乎可一視同仁矣。

再者,呂氏書說之終始,其說有二:有以爲始於秦誓,終於洛誥者;大愚叟、 時瀾、陳振孫,朱熹皆主之,註14);有以爲始自洛誥,終於秦誓者,王應麟、朱熹,

[[]註 8 同註 4 0

狂 9. 同註30

[.] 註10 问註40

[[]EI]]見增修東萊書說卷三五,頁4。以下簡稱東萊書說。

[、]註12,見前書卷六,頁3。

II 13 參見東坡書傳卷二十,頁6。其曰「知周公不私其子,伯禽生而富貴安佚,始侯于 魯,遇難而能濟,達于政,鍊于兵,皆見于費誓,見周公教教子之有方也。」

[、]註 14 大愚叟之說,見周註 3。時願之說見同註 4。陳振孫之說見同註 6。朱熹之說見語類 卷七八尚書 - 綱領,總頁 1988。

朱彝傳、四庫提要等有說 註 15)。 二說不同,其因亦異。 主前說者,時瀾序云: 周室既東,王迹幾熄,流風善政,猶有存者,於橫汽肆行之中,有閒 見錯出之理,辨純於疵,識真於異,此其門耶; 仲尼定書,歷代之變具焉。 由是而人,可以觀禹湯文武之大全矣。自堂徂奧,以造帝者,派而求之於 秦誓始,於洛誥而工夫之不繼,該 16,。

時瀾謂此書說修定之旨,乃親承於東萊。東萊書說於文侯之命下,亦云:「風氣之推移,治治道之開塞,必於其會而觀之。此篇作於東遷之初,由此而上,則爲成康,爲文武,由此而下,則爲春秋,爲戰國,乃消長陞降之交會也 計170。」其說與時瀾序相似,是東萊有是說也。此乃所以起自秦誓之因,至於迄於洛誥,則是東萊早卒,正夫不繼使然也。唯陳振孫以爲「慮不克終篇,故自秦誓上逆」,其說純就時間而言,與學說無關,蓋呂氏晚年有疾甚重,其說亦似有據,然人之壽命修短,本未可逆料,自上而下,或自下而上,若中道而不繼,其義無差,是故必有他因使然也。又大愚叟書後云:「訖於洛誥而遂以絕筆者,以夫精義無窮,今姑欲以是而廢,……未再歲,伯氏下世。」其說則以爲呂氏上於洛誥,非絕命之時,乃有意絕筆於此也。至於後說以洛誥始,終秦誓,則以王應麟爲代表。其於玉海曰:「林少穎書說至洛誥而終,呂成公書說自洛誥而始。」蓋林之奇受學於紫微呂本中,而祖謙又受學於林之奇。林氏尚書全解,迄於洛誥,即爲呂祖謙所攜去,此事見載於林之奇之孫畊於全解序中,當爲不假;然則呂祖謙有繼其師之說,爲述作以補之,亦非無可能;且林氏全解止於洛誥,而呂氏之述,恰足補之,若非有意爲之,豈有如是巧合之理。凡此二說,皆各有據,未能遽定。

考朱熹與東萊,過從甚密,學問時有往還切磋之功,今朱子語類云:「呂伯恭解書自洛誥始。」又曰:「向在鵝湖,見伯恭欲解書,云:且自後面解起,今解至洛誥註 R 。」據此則可證呂祖謙解尚書,一如時瀾等所言,自後解起。然其止於洛誥,若以爲卒而 [夫不繼,則其非有續師作之意;若自秦誓起而有意上於洛誥,則其可能有補師說之意存焉。按朱熹之說,鵝湖 會,其時呂伯恭即已解至洛誥。考鵝湖一會,在孝宗淳熙 [年乙未,呂東萊訪朱熹於寒泉精舍,同編近思錄,及東萊歸,因送行遂同遊信州鵝湖寺,與陸子壽、子靜兄弟相會,互相辨質,是爲鵝湖之會 註

至 [5] 王應麟之說見同註7列之。朱熹之說見同前註,乃另有一說。朱彝尊之說見同註5條 後案語。四庫提要之說見问註7。

註16 同註4。

註17 見東萊書說卷三五,頁1。

註 .8 見朱子語類卷七 \ ,總頁 1988。

每 多 是錢穆先生朱子新學案第五卷 411~42 朱子年譜要略。

19 。其時去呂祖謙卒尚有八年之久,可見呂氏解尚書上於格誥,非因工夫不繼,乃 有意止於洛誥也 註 20 。其意或則爲補其師林少穎全解之闕,以足成一門之學者也。

綜上所考·呂氏作書說之順序·確自秦誓起而訖于洛浩;而其動機爲補足師門之闕,成一家之學也。

三、呂祖謙之尚書學

呂祖謙尚書之說,門人寶愛之,學者爭睹之,致使其書刊行再三,修補增訂亦屬矣。朱熹嘗語門人曰:「伯恭直是說得書好 計 21.。」羅大經鶴林玉露稱東來解尚書,以爲論最好,眞讀書之法 [計 22 ;章如愚山堂考索於君道門、臣道門中,引東萊之說者,所在多有之。可見東萊書說見重於學者士子之間也。今析論其尚書之學如后:

(一)尚書學說之淵源

1、源於林之奇尚書全解

一如前一節所述,呂氏爲尚書講說,蓋有續補其師林少穎全解之闕,以成師門 講學之意,可見呂氏說尚書之義,與林少穎全解之說,頗有淵源。清納蘭容若通志 堂經解序云:「學者取林氏之書暨先生講論,與瀾所增修,合而觀之,匪獨見今占文 正攝義蘊之全,而麗澤書院師友之淵源,亦可覩矣 註 23 。」今取林氏全解與東萊 書說及增修東萊書說此而觀之,仍可見呂氏書說與林氏之淵源。

若堯典載堯巽位于四岳,林之奇引或說云:「以堯有予聞之言,意欲禪舜、故以禮讓四岳,四岳不受,而乃授於舜 註 24 。」林氏以爲堯之遜於四岳,非有意欲四岳必讓而薦舜,否則堯即於此用陰謀技巧,而四岳亦爲遜位之阻礙矣。林氏以爲「古之聖作事,直已而行,無事曲折,使其果欲禪舜,則直禪舜矣,又何必以禮讓四岳,而爲此不情之事乎 註 25 1。呂東萊則曰:

[、]註20] 失予於書東萊書記後曰「後數年,再會於衢,伯恭始謂食曰·書之文誠有不可解者, 其海前日之不能闕疑也一予惟伯恭所以告予者,其徒亦未心知,因其論之。」考朱、 呂會於衢、婺時,在伯恭卒年前不久,而朱子云呂氏門人未心知,今呂氏書說確無 嗣疑之語,則是自鵝胡一會之後,祖謙雖或有晦悟於解書者,然亦未之或改:可見 呂氏書說,自鵝胡之後,已成定本,未有續增之篇章也。則其上於洛治,蓋亦有意 如此無疑矣。

註2. 見葉紹翁四朝聞見錄,見董鼎書集傳輯託纂疏綱領,頁7个

註22 參見該書卷五甲編,總頁89。

at 23 見通志堂經解刊, 增修東菜書訊前門。

驻24、見林乙奇全解卷一,頁32。

註25) 見同前註。

或言堯已知舜, 姑遜于四岳而聽其自推, 此後世之機心耳。帝者之道, 直以大, 事之次序, 各有當然, 且堯欲遜位, 必先於本朝擇賢, 亦其理也。 堯之遜, 非虛遜, 四岳之辭, 非虛辭也 註26)。

林之奇所引「或說」,蓋為東坡之說,呂氏之說與評,與林說無大異,可見二者相承之迹矣。又于胤征「威克厥愛,允濟;愛克厥威,允罔功」,林之奇評蘇氏、E氏二說,以為二說皆以威爲刑罰之威,愛爲仁愛之愛,故有此說;林氏以爲威乃果斷,愛乃姑息之愛,以果斷之威,勝姑息之愛,則有濟,反之則無功 註 27. 。東萊於此則曰:

說者多以愛爲仁愛,威爲威虐,乃類申韓之言,不知愛與威者也。愛 者私愛姑息之謂,威者振勵奮發之謂、註281。

此說與林三山之論同,足證二者之淵源。此外,若「胤子朱」之以堯子丹朱解之, 用史記之說;太甲,成王皆中材之主,用王安石之說;王城、成周爲二地,同在洛 邑;舜典變「擊石拊石,百獸率舞」,皆不以爲脫簡重出;凡此者,林、呂二氏說皆 相同,其淵源大概,誠可見矣。雖然,呂氏書說,亦非因襲,有取有捨,乃必然之 事,茲亦不必贅言之矣。

2、博採眾說

呂氏說尚書,除淵源自三山林氏之外,亦酌取先輩諸家之論,若其論文侯之命,用東坡以平王無志,周室道衰之說「註 291;而洛誥之「復子明辟」爲復命告卜,用王安石之解 註 30.;而西伯戡黎,以西伯爲武王,則上承胡宏、吳棫之說「註 31,。至於全書之中,稱名引用前儒大家之說者,唯伊川與龜山二人而已。唯獨於禹貢圖說中,稱名引用曾取、東坡、林之奇、薛季宣、陳少南諸家之說,亦可謂之取博而擇精矣。

(二)解說尚書之觀念與方法

史記謂孔子序書,斷自唐堯,是尚書之爲經,有聖人之大義存焉。呂氏說書, 甚重聖人之大義,其論書序,以爲有春秋筆法, 字褒貶,故當以志逆之,以心求 之,冀發先聖之微旨大義爲。茲論析其觀念及方法以明之。

1、欲明書義,先求吾心

EE 261 見東萊書說卷一,頁 12。

at 27 參見林乙奇全解卷十三,頁 19。

註28. 見東萊書說卷上,頁13。

註29] 參見前書卷二五,頁1、4。

註30,參見前書卷二三,頁2。

註31,參見書卷十八,頁11。

孟子謂舜何人也,予何人也,有爲者亦若是;蓋聖人者,先知先覺者也;彼既知覺矣,垂道立教,以覺後知後覺,遂成經典;故欲由經明道,必先求吾心之本然, 上契先聖之心,方能有得。呂氏傳說尚書之旨于時瀾曰:

唐虞三代之氣象,不著於吾心,何以接典謨訓誥之精微;生乎百世之下,陶于風氣之餘,而讀是書,無怪乎白頭而如新也 # 32 。

觀書者不求其心之所在,何以見書之精微; 做求古人之心,必先盡吾心: 讀是書之綱領也 [註 33, 。

眾人之所以異乎聖賢者,在心之盡不盡耳。先聖能盡心知性,進而知天,其德與天 地鬼神合其幽明,心胸廣闊,志包萬物,若吾人觀經書,無先聖之心胸,難乎其謂 有得矣。

2、觀書之要,在觀氣象

VH:

所謂氣象,即聖人之氣度心胸也。程頤嘗曰:「尚書難讀,蓋無許大心胸 (註 34 。) 聖人之所之爲聖,亦在此耳。故讀書之要,務在觀聖賢氣象,借彼注此,以擴吾心, 以開吾目,斯讀書之大要也。是以呂氏書說,每重言觀古聖賢之氣象,若其說堯典 「師錫帝曰:有 在下,曰虞舜」之義曰:

夫舉朝皆知有舜、堯亦自知有舜、必待明明揚側陋而後言,此深見唐 虞廣大氣象。後世固有名震京師,聲動天下者,舉世之間,一賢所居,頭 角即露,眾自共指,况如虞舜之聖,居之俱微,豈不張皇;惟堯時比屋可 封,雖聖如舜,天下不以爲異;譬如大山巨麓,眾木森森,雖有出林之木, 不見其表表;若培塿之下,卒然有之,必以爲奇;學者當知四岳舉舜之時, 氣象不同。故曰:惟天爲大,惟堯則之 #351。

蓋後世風氣繞薄,人心狹隘,器度不張,若困乎末代餘風,是不能識先聖之廣人氣象矣,故必先去吾心之狹隘小器,潛心省察,體會氣象,方能有得。舜之大聖,在 今則以爲異,在占則以爲常,此氣象之異,世代之變也。

呂氏欲讀何書者觀唐虞氣象,故其說聖王氣象,皆多在虞書五篇,商周以降, 道愈衰,氣象不如,然亦有相似之迹存焉。其論武成「惇信明義,崇德報功,垂拱 而天下治」之義曰:

[[]註32 周註40

[[]註33, 見東萊書訊卷一,頁[。

[[]註34. 見朱子語類卷七八,總頁1982引

⁽註 35 見東萊書說卷一,頁 13 ·

王者之治,不遇教養而已,武王至此,夫何爲哉!有信者則惇之,有 義者則明之,有德者則崇之,有功者則報之;使萬物各得其所,垂拱而天 下自治,可以見武王能遷唐虞風俗於千載之下。夫相去既數百年,氣象不 同矣,而終篇一語,堯舜無爲之治,乃恍然而若存耶 証 36'!

蓋武王之垂拱,與堯舜南面無爲相恍忽,是武王得唐虞之氣象矣。若武王以下,雖不若唐虞之風,然自有氣象可體可親。若其論微子之命曰:

今觀惟休一辭,緩而不迫,如在春風和氣中者,大抵人心之工夫,不可迫切,微子以恪謹克恭之素;成王既戒之以謹乃服命,又戒之以欽哉,義已森嚴,若不使之培養深厚,則必失於迫急,故告之惟休,從容涵養之意也。雖然,成王黜殷命,殺武庚,非小變也,王室震動,宗社幾危,以周公東征,尚必二年而後罪人斯得,其爲禍甚至,其成功甚艱矣。今觀微子一篇,曾無一語及此,怡然氣象和平如常時,見君子所過者化。封微子,賢者封之耳;殺武庚,叛者殺之耳;周何心哉。至37

於此可見周公、成 E封微子,賞善罰罪,其心至公,不以商紂之惡,武庚之叛,移 怨於微子,且慇勤培養,嚴正警戒,使之用命成德,怡然如春風和氣者,其氣象去 堯舜亦不遠矣;後世讀尚書者,自當體之親之而毋忽焉。

3、觀尚書當觀其有,亦當觀其無

呂東萊長於史,猶精於春秋,是以春秋褒貶,書常書異,皆有其義;呂氏於尙書,以爲孔子所序,自當有與春秋同義者,故嘗曰:「聖人序書,蓋有深意 品 38 。」以是之故,呂氏說書,每云不獨觀其有,亦當觀其無有,始足深悟聖人之旨。若其論大禹謨「愼乃在位,敬修其可願,四海困窮,天祿永終」之義曰:

堯之命舜,亦不外此,於論語可見。書不載堯之命舜,因後以見前:如率百官,若帝之初,皆史之要體:古文作史,不獨書之者有意,其不書者亦有意,以是知唐虞史官,皆有道之士也、註 39,。

大禹謨載舜命禹之辭,而書不見堯命舜之辭,以見史官筆法,於不書之處,亦見其 道相承之迹。呂氏以此一觀念,嘗論西伯戡黎曰:

商臣於周,所謂不共戴天之雠,何祖伊之辭,無一言及於文武;謂祖 伊方責之君,不可以責人,而反曰之際,亦無咎周之辭,何也?周將勝商,

[、]紅36 見前書卷十六,頁11。

註37 見前書卷十九,頁16。

¹ 註 38) 見前書卷二,頁1。

[「]狂39 見前書卷三,頁16

而商人無答周之言,周之至德與所以由乎大公之理者,可想而知(並40 。 此由祖伊反曰之時,無一辭咎周,以見周本無可咎之事,蓋其德之至,其心之公使 然也,此乃即其無而爲之說義也。若順其意言之,乃足以見祖伊亦有德之君子,於 天理、人事、公私之間,克能分明者也,紂有數賢而不能用,其亡國可指日而見之 矣。凡此者,乃呂祖謙就尚書發揮義理之要旨也。

4、探文辭以說義

呂祖謙之學、義理之外,兼通文藻,蓋承家學中原文獻之緒使然,亦彼入資之 高阜也。宋史本傳嘗載其素喜陸九淵之文而不識其人,見一文卷讀之,即斷以爲小 陸所作,揭之果然,可見其於文章翰藻之間,精敏卓見,抉頤探微之功深。又承孝 宗詔,修皇朝文鑑,成一代之文典,尤可識其文采 註4.。朱熹嘗謂呂氏書說有尖 巧之病 註42.,蓋亦指此。呂氏說書,每喜即文辭以探求其寓義者,若其說舜典「有 能奮庸熙帝之載」中「奮庸」二字曰!

奮庸二字,不可不深求,有能奮庸起事功以熙我之事者,則使之宅百揆。夫奮勵激昂之人,興廢補弊之時,用之可也;舜之時,天下已治矣,復奮其用,不幾於生事乎!天下之理,不追則退,中間無可立之理,常存奮起之心,所以爲生生不窮,日新之道:一止則退,雖極治之時,此意常不可少,推之學者亦然(註43)。

按「奮庸」「字,孔傳正云「奮、起;庸、功」而已,東萊卻能按辭演義,以明不進則退之理,不獨運之於道窮之時,於平治之世,亦不可或缺。呂氏孜孜於探文求義者,蓋一字之差,其義相去可千里之遙。故呂氏時設相近之辭典尚書文辭對較,以論其異義者。若立政篇「惟有司之牧夫,是訓用違庶獄所愼,文王罔敢知于茲」下,呂氏曰:

不曰罔知于茲,而曰問敢知于茲者,徒言罔知,則是老莊之無爲也, 惟言罔敢知,然後見文王之敬忌,思不出任之意,毫釐之辨,學者宜精察 之 註44 。

天「敢」字之有無,其義相去甚鉅,無則入於老莊,有則見克敬之心,蓋有「敢」, 則有可知之理,可知而不敢知,於是有滅敬之意在;若正云「罔,則是無知,意無

[[]紅40 見前書卷十三,頁 14。

[[]註4] 參見本章呂氏生尸事略。

[[]註42 參見註 21。

[[]註43. 見東萊書説卷二,頁12。

[[]註44 見前書卷二九,頁11。

著實之處,入於空虛,非老莊而何。

·辭如此, ·字亦然。若洪範序云:「武王勝殷殺受,立武庚,以箕子歸」,呂氏論之曰:

以箕子歸,以之一字,不可以不深求也。箕子與微子、比干,言人自 獻于先王,我不顧行避,是無歸周之意矣,書以箕子歸,見箕子之心不歸 周,以箕子歸者,武王也(註45)。

呂氏據一「以」字,即發質子不歸周之義,可謂善就文而立義矣。故呂氏書說,時類對策應題之文,雖千迴百轉,終歸義理之說,起承轉合之功亦巧矣。

5、舉史以證經義

呂氏長於春秋,亦曾修徽宗實錄,作大事紀,是不獨精於文藻,亦博於史學。 四庫提要於呂著大事紀下云:「當時講學之家,惟祖謙博通史傳,不專言性命。」祖 謙既博通史學,知空談不可以說經,是以說經之義,每引史事爲證,以見義之有著 而非虛。舉史事以證經義,前乎呂祖謙者,若蘇東坡書傳,林之奇全解,均已從事 於斯,尤以林氏全解爲詳博;東萊此法,除本諸彼學之所長外,或亦酌取於乃師數! 其於五子之歌「有窮后羿,因民弗忍,距于河」下曰:

姦雄何世無之,雖堯舜之時,亦有凶人,在我之理既堅既正,則彼無自而人,苟有間隙,彼必投之,此后羿之距太康,所以因民弗忍也。…… 大康惟逸豫,百姓離心,羿所以乘間而起。…… 使秦始皇不築長城,不起阿房,陳勝、吳廣將何所因;隋煬帝不伐遼東,不治宮室,李密、王世充亦何所因 [32 46]。

此引秦皇、隋煬之史例,以證太康失邦之必然,蓋皆由逸豫而人因之者也。又於文侯之命,論平王之失曰:

平王之失,大抵所求於人者重,而不思自反以彊進君德。燕昭王小國之君也,既然有復雠之心,而士爭趨燕;樂毅自魏往,劇辛自趙往。燕始未嘗有一士也,苟有是心,則千里之外應之,平王豈可以罔或耆壽俊在嚴服而但已哉 [32 47.!

燕昭王有志於復讎,尚且能以區區小國,召賢納能,遂其破齊之功,平王以天子之 尊,而不能報犬戎殺父之讎,僅以誥命命晉文侯,而止於云罔或耆壽俊乂之上,足 見其無志於復讎,而安於現狀也。

[[]註45 見前書卷十七,頁]。

[[]註46 見前書卷六,頁4。

[[]註47] 見前書卷三五,頁3。

6、尚書、周易相互印證

尚書與周易,除洪範篇學者多與易相互爲說外,其他篇章本與易經無甚相關, 然呂祖謙說尚書之義,引周易之事以相印證者,有二十餘條次,而他經則無如此之 甚,此亦呂氏說書義之一法:蓋道理者,一致而百慮,同歸而殊塗也。且呂祖謙於 周易,亦有精研,嘗爲古周易一卷,朱子據以作易本義,可見其於周易,亦嘗有得 也;是以講說尚書,每引周易相印證。或引十翼,或引卦義,或引爻辭。若說堯舜 二典,呂東萊曰:

堯舜二典,與它篇不同,它篇或說一事,二典畢備,如易之乾坤,寬大簡易,即之可見 至48)。

於易卦言之, 乾、坤爲易之門, 以此論之, 二典即尚書之門歟!故觀氣象之大, 必 言堯舜; 孟子亞聖, 言必稱堯舜者, 其亦因乎此歟!又其論畢命「旌別淑慝, 表厥 宅里, 彰善癉惡, 樹之風聲」曰:

所以科擇不率訓典之徒,而殊其井彊者,豈真欲絕之,而置於人類之外哉!乃欲使其能畏慕,卒歸於善而已,是則旌別淑慝之本心也。五陽一陰,然後可以夬決揚庭,不知時義而錯疮之,或以召亂:康王之後,要必論其世也 註49 。

此引夬卦五陽一陰,示君子多而小人寡,然後可以緝省善惡,抉剔分明,揚於王庭;若殷民惡德未化,惡智猶存者多,於是嚴簡厲別,易以生亂。故殷之頑民,歷周公、君陳,畢公三聖賢,時歷三紀,至畢公時,殷民惡習漸化,始可以言「旌別」,此所以引夬卦以言其意義也。又其說洪範皇極之疇「以近天子之光,曰天子作民父母以爲天下王」一段曰:

不言近皇極而言近天子之光者,天子既建極,則天子即皇極也。復初九:不遠復;二即言以下仁也。蓋克已復禮爲仁,初既能復禮,即仁矣(註50 。

按易經復卦初九曰:「不遠復,无祗悔,元吉。」象曰:「不遠之復,以修身也。」 八二曰:「休復, 吉。」象曰:「休復之吉,以下仁也。」呂氏引復卦初、二爻辭及 其象辭,以說書義。蓋庶民於皇極之敷言,是訓是行,則能克己復禮,修身達德,終必可進六二之仁, 猶書云「近天子之光」也。是呂氏引二爻變化之義,以證「極之敷言,是訓是行,以近天子之光」之理也。

[、]註 48 見前書卷 - , 頁 16。

註49〕見前書卷三十二,頁9。

註50 見前書卷十七,頁1。

(三) 呂氏尚書說中之義理

全祖望同谷一先生書院記曰:「宋乾、淳以後、學派分而爲三:朱學也,呂學也,陸學也; 「家同時,皆不甚合。朱學格物致知,陸學以明心,呂學則兼取其長,而復以中原文獻之統潤色之; 門庭徑路雖別,要其歸宿於聖人則一也,甚至11。」可見呂祖謙之學,以聖人義理爲宗,而能與朱、陸並列爲一。且呂東萊師承「山林少穎,上接呂本中,楊時,程伊川,亦爲義理之嫡系,故彼就經籍以發聖賢義理,乃當然之事,亦爲至要之工夫。東萊嘗謂「人情、法意、經旨,本是一理(註至)」。是故其說經,每重義理而略於詁訓。就尚書而言,若禹貢之山川地理、水道源隰之訓釋,則每引用前儒、諸家之說爲說,鮮有異義,若曾旼、林之奇、蘇東坡、鄭玄、醉季宣等,而於禹貢之中,上言「凡禹貢名物地理,皆考于圖,此特言其大意耳。註53)」。又於顧命儀仗禮文服席陳寶之名物,則多沿用孔傳,或云「未知」(註54)。又於堯典「希革、毛毯、氄毛」下曰:「各從訓詁。註55」;於大禹謨「儆戒無虞」一段下云:「訓詁已明。註56。」;於五子之歌「其五日」 段下曰:「此章不必以訓詁讀之,自使人愧然。註57。」皆可見呂氏書說之不重訓詁,唯明義理也。

呂氏說經,以發揚聖賢義理爲務,故引用孔、孟之言以說經,論、孟、學、庸, 於說義中每加延用。若其說無逸之商一君「中宗、高宗、祖甲」曰:

中宗嚴恭寅畏,不言所因,則幾於生而知之者也;高宗舊勞于外, 由經履歷步而後成德,則學而知之者也;祖甲舊爲不義,則因而知之者 也 註 58.。

此引論語、中庸生知、學知、困學之說作論,至爲明顯;甚至孔門師生之氣象,亦 引以比說於尚書者,若說命上,高宗以一夢立傳說爲相,與堯歷試舜典諸艱難,詳 略相去泰甚。呂東萊則舉孔門師生以爲說曰:

此兩事當以孔門二子觀之。孔子曰:參乎,吾道一以貫之。曾子曰. 唯。顏淵問仁;孔子曰:克己復禮爲仁;顏淵復請問其目。曾子以一唯悟 道,如高宗之以一夢信說:顏淵以問目求仁,如堯之以歷試舉舜;二者本

租51 見宋元學案五十一東萊學案,總頁936全祖望補。

^{# 521} 内前註頁 945 c

at 531 見東萊書說卷五·頁8。

a 54 見前書卷二一,頁 12、14。

SE \$5, 見前書卷一, 頁7。

缸56 見前書卷二,頁7。

a 57 見前書卷六,頁8。

紅581 見前書卷二五,頁5。

無二體。……堯之舉舜,顏之問目,可謂詳審;曾子之唯,高宗之夢,可謂直捷;蓋舜四岳所舉,說高宗自得之;顏子問仁,曾子則夫子自告之, 其理不可不深思也。註59。

孟子言必稱堯、舜,宋代說尚書者,無不加以徵引而爲據。呂氏不僅引其文,至引 孟子生平行事以說書者。若堯典載四岳薦縣治水,堯知其弗成,四岳又薦,然後用 之;若堯不知鯀而用之,是不明也;既知其不可用而用之,是不斷也;二者必有一 失。呂祖謙爲之說解曰:

當以孟子去齊之事觀之。方孟子之見齊王也,不遇故去。夫孟子之至 於去,則灼知齊王之不足用矣。方且三宿而後出畫,此心猶庶幾而不捨: 孟子之不速去,所以誨齊王而使之動也。觀往欽哉之命,見鮮非無治水之 材,所以方命圮族,本於忽視天下,以理爲不足循,以類爲不足比,惟欽 之一字可以治鯀之病。……一念之欽,聖賢事業,爲而領往欽之意,安知 其不可用子!堯之所以復用鯀者,猶孟子之庶幾齊王足用爲善也 並60.。 由是觀之,全謝望謂呂祖謙以聖人爲歸,言誠是也。呂氏就尚書所言之義理,尤重 於辨明道心之公與人心之私。其於大禹謨「人心、道心」一段下云:

人君以正心為本,故先之人心,私心也,私則膠膠擾擾,自不能安; 道心,善心也,乃本然之心,微妙而難見也,此乃心之定體 32611。 所謂本然之心,即中庸「天命之謂性」也,是本諸天地之若理,無有不善;若人不能率之,困於物欲人情,則爲人心之私,易流而爲思;故必去私而歸公,克已以復禮,私心一去,公道自顯,若水本澄清,炒泥混之,沙泥澄而水自清,蓋公道之心,本然之性也。是以呂氏說尚書,每秉此義,明辨公私之間;若其論甘誓啓伐有屬曰:

方有扈棄侮之時,天已絕其命,至是而恭行天罰而已,非有私意於其 間也[HE62]。

尚書中言誓師征伐,皆言「大計」「天罰」,即不出於私欲之謂,若有一毫之私,則 計罰爲殺戮,不可謂之除暴罰惡。其論胤征「以爾有眾,奉將天罰」下曰:

王者但知奉天討,上下相承,不敢稍出私意,認為己權。則人君安敢輕兵,人臣安敢專命,士卒亦安敢犯命哉 = £ 631!

[、]狂59 見前書卷十二,頁3、4。

[、]缸 601 見前書卷一,頁11。

[[]註6] 見前書卷三,頁14。

註 62] 見前書卷八,頁2。

[■] 註 63、見前書卷六,頁 12。

其論商紂之所以爲惡,原其所本,亦在於不能去私入公而已。其言曰:

紂之惡,此心不過於私而已,惟其私,故但知七尺之軀,外此皆壅蔽 隔塞,所惡者極其惡,及其族而後已,所愛有極其愛,及其世而後已。.... 大抵公則有節,私則何節,紂全用私心,故喜怒皆到極處 註64 。

爲人苟有私存於心,則其德衰;爲政者苟有私存於心,則其政必有入於紂之地者。 呂氏云:「大抵公與私,天理之與人欲,不外於當爲與不當爲之間 註 651。. 人若 盡以私意出之則玩心起,玩物喪志,玩人喪德 (註 66);爲政者以公心出之,則以盛 德受天命,以寬大撫天下,則功加於時,垂裕後昆;否則出於私智,機巧之術,不 終身而敗;此王霸之辨在此 (註 67)。至於其說洪範稽疑,之所以龜、筮協從,而於 爾心,卿士、庶人三者得其一,則皆吉,蓋亦在有私無私耳。呂氏之言曰:

然於三從之中,必龜筮皆從,乃可,蓋龜筮無心之物,既已皆從,它 雖有逆,卿士、庶民或者別有私心未可知也 # 68.。

龜筮無心,謂其無私心而至公,非若吾心、卿士、庶民之或有私而不從。此足見呂 祖謙所論之義理,重在公私之辨,止自天子立政,下及庶民修德,無不出於此。能 公無私,孰能禦之。至於去私入公之工夫,呂氏多隨書文而言之、或曰「欽」,或曰 「格」,或曰「克」,蓋克已復禮之意也。

(四) 呂氏尚書學說中之卓見

呂氏說尚書,既多就文以求義,舉史以證義,又以周易之理相爲勘比,以觀乎 古聖賢之氣象,從而有得於心,下學上達;故其解書義,自亦有其獨特之解釋體系, 因之而生焉。茲舉其大者,析論如后:

1、孔子序書,寓有春秋筆法

東萊長於春秋,左氏博議,即其名著。孔子作春秋,有微言大義存乎其間,筆 削褒貶,爲說春秋者所重。呂氏以爲書之序,乃孔子所序正(註 69),亦必有大義筆 削存焉。且呂氏喜就文以說義,亦就有事無事以發明其中深意,此與春秋書異,常 事不書之理相近也。其說泰誓序曰:

孔子序書,深寓春秋之法也。春秋十二公,惟定公無正,蓋以昭公之

⁽註64 見前書卷十四,頁9。

[[]紅65 見前書卷十四,頁12。

[「]註66 參見前書卷十八,頁4。

[「]註 67, 參見前書卷十九, 頁 14。

[[]註 68 見前書巻十七・頁 13 0

註69 參見前書卷一,頁1。

喪未歸,定公未立,舊君之天命已終,新君之正朔未告,故不書。此書一 月者,亦謂當時般之正朔已絕,周之正朔未頒,故只云一月。又見孔子於 君臣之分,毫釐有所必計,以正天地之大義。[註70]。

子, 子序書, 既有春秋之法, 故呂氏每爲之大加發揚論說之。若其論五子之歌序「太康失邦」曰:

孔子序書,直言太康失邦,見太康之惡,雖711。 其論太甲之序「太甲既立不明」曰:

孔子序書,斷以不明,原太甲之過也 \$2.72 。 全於大誥之序,呂氏以爲序上言「武王崩、三監及淮夷叛,周公相成王,將黜殷」,

未言武庚者,彼曰:
不言武庚,乃言三監及淮夷叛者,蓋武庚之叛,生於三監之謀,欲聞
周公。孔子灼見其情,春秋一字之貶也(註73)。

而於多上篇序稱「殷頑民」,經文則云「商王士」,呂氏爲之說曰:

序言殷頑民, 賤之也, 所以指其實: 史言商王士, 貴之也。所以開其善, 序蓋孔子之公筆, 史則周公之恩意也(註74)。

至於文侯之命,呂氏以序言乃「貶之而且傷之」、註75 ,於秦誓,則以爲序文有「發 其謀」、「誅其心」之義(註76)。不獨言、字褒貶也,甚有據序文以說「尊王」者。 呂氏於微子之命序下云:

成王黜殷命,戮武庚,封微子,皆周公攝政東征二年所爲之事也,時成王幼、未與政事,孔子敘書,歸之成王,而周公雖東征,雖攝政,其未嘗有一毫之私,小心翼翼,皆奉王命以行天討,當時天下危疑,有無王之心,孔子序書,所以發尊王之意,欲後世知征伐自天子出,此經世之大法,周公之本心也,[3477]。

以此數例合觀之,呂祖謙以春秋褒貶大義之說,幾全盤移置而用以說尚書;如此解 說尚書者,東萊尙屬首例。

⁽紅70) 見前書卷十四,頁8。

[[]註7]] 見前書卷六,頁3。

[;] 註 72, 見前書卷八, 頁 7 °

[[]註 731 見前書卷十九,頁[。

[[]註74,見前書卷二四,頁1。

⁽註75) 見前書卷三五、頁1。

[[]註76, 見前書卷三五,頁8。

紅77 見前書卷十九,頁]]。

2、疑經改經

東萊擅于探求文義,爲之敷理,故於經文之難通處,靡不直解將去。朱熹嘗云:「周誥中有解說不通處,只須闕疑,某亦不敢強解,伯恭卻一向解去,故微有尖巧之病也。」「註 78 既能一向解去爲之完說,故鮮有以爲可疑者;其師林之奇亦每評東坡之屢疑改於經文,或亦有以啓之。然尚書之中,實有難通之處,是以呂氏說尚書,亦尚且不免於疑改。於諸儒疑改之處,若劉敞、王安石、程頤之改武成;蘇東坡謂舜典「夔擊石可拊石」一句爲衍文,康誥前四十八字爲洛誥錯簡,皋陶謨「思日贊寶襄哉」之「日」字爲「日」字之形誤等:皆以爲不當疑改。總考呂氏於尚書之疑改者上三處而已。

(1) 疑經有關文

呂氏以爲尚書有關之者二。 阜陶謨「明謨弼諧」之下,即繼之以「禹曰:俞,如何」者,或有關文。蓋呂氏言「允迪厥徳、明謨弼諧」二句,乃史官所以斷章阜陶爲人之言,非皐陶所出之語,夫前既無問語,則禹何由而命,故呂氏曰:

或言上有關文,未可知。皋陶必先有所言,禹始發問,如大禹謨先載 禹言之類 at 79 。

义多上篇末「 E日乂曰時序乃或言爾攸居」下,亦有闕文。其言曰:

多士、多方篇末,皆有又曰:蓋殷勤以續前語。然多士王曰之下闕文 失其前語,故又曰之辭不可盡通 [註 80]。

按多方篇末亦有「EII、又曰」之例,然「EII」之下有文,故呂氏謂乃誥教已終,復呼而語之,以見周公惓惓斯民之意、註 81 ;而多士於「EII」「又曰」之間無字,以多方較之,是顯然有闕,故呂氏以爲經書有闕文。

(2) 改經字

呂氏改經字,唯有一處,即呂刑「今爾罔不由慰曰勤」「曰」字當作「日」。其 言曰:

所以安行而自慰,止在乎無日不勤也。……天齊于民,俾我一日,非經惟終,在人者,申告之以不可不日勤也 #82 ^

3、尚書說義之新解

[「]註 78 見董鼎書集傳輯注纂疏綱領,頁7引葉紹翁四朝聞見錄云。

缸79) 見東萊書說卷四,頁1。

註80 見前書卷二四,頁11。

註8.1 參見前書卷二八,頁16。

E 82 見前書卷三四,頁9。

呂伯恭善爲辭說,故於訓詁之事,多仍孔傳之解,亦足能據之以說義理。是以 異說新解甚少。茲就所見,例舉一二焉。呂氏解太甲序「伊尹放諸桐」,以爲伊尹大 公之心,必無放君之事,故此一「放」字,必非放逐之義。其論曰:

然則放云者,非放其身也;放其縱欲之心也、\$283。 因氏以爲書序有孔子之微言大義,此「放」字既不可以說作「放逐其君」,而「放」字又不可另作他解,是以易「放其身」而以「放君心之非」解之。此說或可免於「放君」之嫌,然於文義言之,既不倫,亦不順。蓋縱欲之心,非放而可除,當如孟子所謂「格」,力至而後習改也;而序文下有「三年復歸于亳,思庸」,「放」與「歸」乃相對而言者,若前所放者爲「縱欲之心」而非其人,則「歸」何以說之哉!是此說於義理不倫,於文句亦不通也。

說命下有「惟數學生」一句,孔傳云:「教然後知所困,是學之生。」其意教者即學者,由教而知學也。呂氏解此句,則曰:

大抵教人與受教者,其功各半。師舉一隅,學者當以三隅白反,師告諸往,學者當以來者自悟。聖人之教人,引而不發,上一半固賴提指之助,下一半自用工可也。自古聖賢著書垂謨,載之方冊,其教止及於半,其工夫之半,學者必自加講求之功。 \$1 84;

此說以爲教者師也,學者生也,教之功半,學之功半,始足有悟而自得於中。此說朱熹嘗論及之。朱子語類記云:「或舉葛氏解云:傅說與王說,我教你者,只是一学事,那一半要你自去行取。……曰:某舊爲同安簿時,學中一七子作書義如此說,某見它說得新巧,大喜之。後見俞子才跋某人說命解後,亦引此說。」又曰:「近見俞子才跋說命云:教只數得一半,學只學得一半,那一半教人自理會。伯恭亦如此說 註 85 。」以朱子之精博,此說猶新見之,不知起自何人,雖未必出於呂氏,然其爲新說則然。今葛氏解,俞子才跋皆不見,而呂祖謙之書獨存,歸之伯恭外,亦別無他著矣。朱子以爲此解有類禪語而不取 註 86, 。朱說有理,從之。

4、尚書說中之議論

呂伯恭既探文辭以求說義理,復喜據其義以發揮議論,評後世政治之得失。蓋 尚書者,本即前代善政嘉謨之文獻記錄,其中舉措施政,堪足爲後世典範。後之視 今,亦猶今之視昔,有不逮者,能不心慚顏汗,仰鑽追步乎!呂氏於史甚精博,是

[[]註87 見前書卷八,頁8。

[[]註84 見前書卷十二,頁5。

[「]註85 見朱子語類卷七九尚書一說命,總頁231。

[「]註861 同前註頁 232。

以每據尙書義理,針砭後世爲政之良寙枉直,論議臧否者甚多,條述如下:

(1) 論仲虺之誥,其用兵與後世者異

論仲虺之誥,湯初征自葛始,東征西怨,家室相慶,皆溪湯之來,所以然者與 後世用兵者異,其言曰:

自此以往,東西交怨,室家相廣,民之戴商,豈一朝一夕之故哉!當是之時,君臣易位,雖天下之大變,然觀其征伐之時,唐虞都俞揖遜謳歌朝覲之氣象,依然若存。……湯之心猶堯舜之心,不幸當天下之變,大不得已而不可避也。後世用兵,師之所至,荊棘生焉,民莫不驚潰奔竄。湯師所至,民皆欣然有喜,何也?蓋弔民伐罪,布其寬仁,所至則蘇,故其氣象不可與後世同日論也 經87 。

據湯之征伐與後世用兵者相比,見後世用兵,皆爲私家產業而起,爾爭我奪,遂使 生靈塗炭,庶民恐悚猶不及,何望之有,其失自見,與湯之用兵之本心異故也。

(2) 論微子之命,以見易世至公之意

呂祖謙論微子之命,於世代交替之氣象,尤致意爲;其論曰:

聖人開一代之治,各有一代之典禮;……本數末度,隨世而新...周既新命,商之禮物不可用矣,而禮物之舊,復修於微子,承而不滅,...統緒之並立而耳目之不變也,可以觀三代易世至公之意、後世廢與之際,誅戮絕滅,惟恐影響之存,而人心之或不一,果何謂哉!……聖人尊先代之後,不敢以臣禮待之,如舜以堯後爲賓,與國咸休者:後世滅人之國,芟夷蘊崇,惟恐苗裔之存,爲子孫害。成王之命微子,撫助愛養,與之俱生,傳之無窮,公平廣大之象,於此可見矣(註88)。

以成王命微子奉殷祀,作王賓,足見後世易代之政,其氣象褊狹,私心自用,又不能稽考前代,取鑑往古,則施政如何能漸臻善域哉!此後世施政之失也。

(3) 據君奭之篇,以見輔弼重臣相處為國之道

廟堂之上,大臣之間當如何哉?呂氏據君奭以論之曰:

召公不疑周公,前輩辦之悉矣。於盛滿而欲去,周公反覆留之,不遺餘力。後世權位相軋之際,排之使去,則多有之,挽之使留,蓋亦鮮矣。 周公固不可以後世論也,然大臣之秉心公,則深恐無助,私則惟恐不專,

³E K7 見東萊書說卷七,頁7。

SE 88 見前書卷十九,頁12、13。

公私之間,世主所當深察也[註 89]。

後世大臣,奏必求納,權必求專,造黨營私,故互相排戛之不暇,何如周、召之氣度;前後之間,其相去遠矣,亦可見後世之失,世主之察乎此,能不深省乎!

四、呂氏尚書學之評價與影響

呂祖謙之學,全祖望謂兼取朱學之格致,陸學之明心,加之以中原文獻之統, 此呂學之長也。是故呂氏書說,雖以明心性,辨公私爲主,然亦非空言心性,每舉 史以爲證,復發揮議論,臧否得失,冀能攝取前代以有補於後世,是體用兼備矣; 此呂氏書說之可取者也。

東萊之學,原自伊川;自伊川以降,義理之家而於尚書有所論述者,不爲不多矣,然其中有全書而詳備者,唯無垢張氏耳,然張九成之學,頗取於釋,其視儒門則有所偏;林之奇全解,號稱詳博,然自洛誥以下,亦非完貌;呂氏書自洛誥以下補足成書,成一家之言;故欲明少賴、東萊之學,東萊書說,不可忽也。

東萊說書,朱子嘗論其矢曰:「傷於巧 # 90 。」朱子與祖謙嘗相偕至鵝湖,朱子聞祖謙作書解,問書有難通處否,祖謙云無甚難;數日後,復問,答云果有難通處,今只是強解將去耳 # 91 。朱子於書東萊書說後中云:

後數年再會於衢,伯恭始謂余日:書之文,藏有不可解者,甚悔前日 之不能關所疑也 至 921 。

然則所謂「巧」者,即於其不可解者強解之,巧爲辭說,未必得其本旨,此不能闕 疑之弊也。是以朱喜曰:

(看書 且看易曉處,其他不可曉者,不要強説,縱說得出,恐未必 是當時本意。近時解書者甚眾,往往皆穿鑿,如呂伯恭亦未免此也(註93)。

呂祖謙文藻高妙,史學精博,天資卓越,故不肯闕疑,強爲之解,此其弊也。然朱子亦稱其說得書好 (註 94 ,蓋精於文辭者,就文解義,亦往往有得,且說義清晰,指辨精確,而終歸聖人之道,非「說得書好」而何。朱子於祖謙大事記,亦謂有纖巧處,而稱其指公孫宏、張湯姦狡處,說得羞愧殺人之云 (註 95);然則朱子所謂「巧」

[[]註89] 見前書卷二十八,頁1。

[、]运 90 見朱文公續集卷三,頁 11 答蔡仲默書。而書集傳輯註纂疏綱領,頁7亦引之。

EL9 參見朱子說類卷七八尚書一綱領,總頁 1988。

註 92, 董鼎書集傳輯註纂疏綱領, 頁7引。

[、]註93 同註90

註94. 參見同註78。

註 95] 參見四庫提要呂氏春秋氏傳說下之之論所引。

者,尚有一義曰指其筆鋒穎利,凡所指摘,皆刻露不留餘地,非盡指巧於馳辯,顚倒是非之謂也。朱熹嘗曰:「伯恭是寬厚底人,不知如何做得文字,卻似輕儇底人。 計 96 」亦此意也。今觀東萊書說,其指平王之無志曰:

嗚呼,周之所以終於東周者,蓋於此章見之。平王東遷之初,大讎末執,王略未復,正君臣坐薪嘗膽之時;奔亡之餘,僅得苟安,乃君臣釋然,遽自以爲是。曰父義和,其歸視顧師,寧爾邦,兵已罷矣.曰用實秬鬯一卣,形弓一,形矢百,盧弓一,盧矢百,馬四匹,功已報矣;曰父往哉,柔遠能邇,惠康小民,無荒寧,教之以平世之政,軍旅不復講矣;曰簡恤 爾都,用成顧顯德,勉之以本邦之治,王治無復事矣。嗚呼,周之君臣如此,周其終於東乎[至97]!

祖謙此論,雖本諸東坡,然東坡僅云:「今其書乃施施焉與平康之世無異。……讀文侯之篇,知平王之無志也 tā 98.。」,如是而已,復觀祖謙之說,鈎沉剔隱,針針見血,層層剝落,平王無志之心,原形畢露;使平王千古以上讀之,不知如之何藏其首尾矣;豈非所謂筆鋒犀利,摘指刻露不留餘地之「巧」乎!總之,呂祖謙尙書之學,惟此一「巧」字,可以一言以蔽之矣。

呂東萊書說既能巧於說義,是以後之學者,既不滿孔傳之淺,又憚於考究眞僞之難,復多言義理之說,故於尚書取於呂祖謙之說爲多。若胡士行詳解即據呂氏書說而爲之,傅寅嘗講禹貢於麗澤,亦稱呂氏曰「東萊先生; 山陳經或爲象山之徒,而其尚書詳解多用呂說;蔡沈書集傳於師說之外,取於呂氏者獨多;魏了翁私淑晦翁而書說則偏用呂氏之論;凡此皆可見呂氏書說之重大影響 註991。

第二節 傅 寅

·、生平事略

傳寅,字同叔,義烏人。學者稱爲否溪先生。少神俊,經史百家,悉能成誦。 比長,益求博覽異書;唐仲友講學,寅從而質疑問難,皆有援據可反復。仲友喜曰: 吾益友也。及聞升陑、分陝之說、語門人曰:職方、輿地盡在同叔腹中矣。寅於天 文地理,封建井田,學校郊廟,律歷軍制之類,廢不研究根穴,訂其訛謬;每事各

註 96) 參見四庫提要東萊集下引。

至 971 見東萊書說三十五,頁4。

註98 見東坡書傳卷二十,頁3。

註 99] 上述呂氏乙影響,分別見於東萊尚書學案以下諸家學案之中。

爲一圖,號臼群書百考。呂祖儉見其禹員圖曰:是書可謂集先儒之大成矣。嘗延引,之麗澤書院中,列坐諸生,揭其圖,使申言之,寅亦樂爲之盡言。自經制事功之學起,說者病其疏于踐履;然其教人,以爲下學上達,各有次第,先授以小學曲禮、內則,使日用之間,與義理相發明也。其後館爲家塾師。隱居不住,不屑治生;時益貧,太守捐俸以倡,諸好義者爲買田築屋於東陽之泉村。黨禍既作,遂杜門不出。嘉定八年卒,年六十八。註100〕。所著群書百考,有禹貢之說,日禹貢說斷(註101)。

二、尚書之著述與著錄

傅寅之學,獨好天文地理,典章制度之考證,故於尚書中,每考其山川地理典制,而於禹貢最得力馬,故傳於今者,唯禹貢有說。宋喬行簡序其書曰:

能取占書天官地志,律歷權度,井田兵制,分寸零整,乘除秒忽之說, 究觀篤考,窮日夜不惕。……遂取書事爲之圖,條列諸説,而斷以已意, 名曰群書百考,禹貢說蓋其一也。……百考又多,欲錄之板,未辦,始摭 其禹貢說出之、紅102.。

按喬序之言,則其書本「群書百考」中之一章,以全書過鉅,是以僅刊其中「禹貢 說」也。

是書經義考著錄,作「禹貢集解」卷];納蘭容若刊之於通志堂經解中。四庫全 書自永樂大典輯其文,其題名則稱「禹貢說斷」,編爲四卷,視通志堂經解本爲多。 四庫提要云:

水樂大典載其書則題曰禹貢説斷,並無詳解之名。又經解所刊本,稱 原闕四十餘簡:今檢永樂大典所載,不獨闕文成在,且其五服稱三千餘言, 九州辨千數百言,較原汪闕簡多至數倍。··今取經解刊本,謹依永樂大 典,詳加校定,訛者正之,闕者補之,析爲四卷,仍題說斷舊名 3至 103 。 按是書蓋有三名,一曰「禹貢集解」,二曰「禹貢說斷」,二曰「禹貢說」也。又程 元敏先生曰:

據傅氏里人喬行簡序此書,謂寅條列諸說,而斷以己意,名曰群書百

[、]註 100、傳寅之生卒年,諸書均不載、唯見載於黃盾「黃又獻集」卷七,頁 89 杏溪祠堂記中。

註 101, 傅寅生平,宋史無傳,參見前註、杏溪祠堂記,·喬行簡、杏溪先生禹貢集解序)· 宋史翼卷二四、頁 2、3、宋元學案卷六十說齋學案,總頁 118 傅寅條,明王懋德修 金華府志卷十六,頁 11、12。經義者卷九十四,頁 1、2。

註102] 見禹貢說斷前附。

⁽註103 周前註。

考禹貢說。是說斷、集解,皆非其書本名、至104。

按原序曰:「名曰群書百考禹貢說蓋其一也。」其意本當謂傅寅之書名曰「群書百考」,而「禹貢說」乃其中之一章也 (共 105 。程先生之說未允。

考胡玉縉四庫提要補正,於禹貢說斷四卷下云:

瞿氏目錄有宋刊本杏溪傳氏禹貢集解二卷,云:東陽喬行簡序,首列山川總會及九河、三江、九江四圖,序首行題曰:杏溪傳氏禹貢集解;圖後又題曰:尚書諸家説斷:次行曰:禹貢第一。故永樂大典本曰禹貢説斷,而通志堂經解本曰禹貢集解,名遂兩歧也。……今所傳經解本,即據之以刻者。……惟尚書諸家説斷六字,亦改作杏溪傳氏禹貢集解爲失眞耳 註106,。

按胡氏之說固是也,而於論定是非,則又失之不精矣。考瞿氏目錄既有宋刊本爲據,則其所見之書,原名曰「杏溪傅氏禹貢集解」無疑。考其書前有喬行簡序,序首行題曰「杏溪傳氏禹貢集解」,序後有四圖,圖後則又別題曰「尚書諸家說斷」,次行曰「禹貢第一」,然後繼以內正文以說解經義也。通志堂經解本所用之名,蓋即此宋刊本原名,其誤而失眞者,一如胡玉縉所言也;然其本名不誤。四庫全書輯永樂大典,成四卷本,以永樂大典題其書名曰「禹貢說斷」,遂因之;並謂永樂大典無「集解」之名,意以爲經解本誤也。考永樂大典引傳寅此書,錄取其文,據宋刊本知其文前有子目曰「尚書諸家說斷」,而正文之中,所說者唯有禹貢一篇故大典之編者,遂據其意而易名曰「禹貢說斷」,而不用「集解」之名。四庫本既得睹經解之本,本諸其書而補入多得於大典者,仍名之曰「禹貢說斷」,則亦失考矣。編永樂大典時,既有其完書,而不用其原刊名;或者「集解」之名,過於泛濫,故別取書中題名而命之歟!或因其書本分兩部份,前者爲圖,後者爲說斷,故引用文字之時,因用其子目名稱而命之歟!要之,此書刊行之時,原名當爲「杏溪傳氏禹貢集解」也。

夫「禹貢集解」之刊行,乃喬行簡所爲。喬序言此書本爲「群書百考」中之一章,則此一章本無獨立之書名,或有之者亦爲章節子題標目爾,故「杏溪傅氏禹貢集解」之名,當爲喬氏據此書之內容體例而爲之題名。考此書之體例,喬序云:

註 104 見程先生《二經新義輯考彙評 一 尚書》下編, 諸家評論及載引, 佚又按書分條考計, / 總頁 268。

註.05、其證有二:喬行簡序後半復言「百考文多、欲錄之板,未辦,姑撫其禹貢說出之」, 其意甚明;而〈杏溪祠堂記,云·「事爲一圖,累至於百,號曰群書百考。大愚召公 ·。」是群書百考與禹貢說非連言之專名也。

註.06 見四庫本禹貢記斷後附。所引瞿氏目錄,即瞿氏鐵琴銅劍樓藏書目錄也。胡氏之說 幾全引目錄之言。

遂取其書,事爲之圖,條列諸説而斷以己意,名曰群書百考。禹貢說 蓋其一也、註 1071。

此乃全書之體例,亦「禹貢說」之體例。「條列諸說」者,「集解」也;「斷以己意」者,「說斷」也。然通考其書,於經文每節之下,皆集引諸家之說而條列之;至於斷以己意之說,則非每段皆有;是集解之文多而說斷之文寡,或以此之故,喬行簡遂命之曰「禹貢集解」也。

然考察乎傅寅之書,其以爲得意之處者,不在「集解」,乃在「說斷」。若其論 九州貢賦,評林之奇說下曰:

竊嘗屏去諸家訓傳,獨取經文,端坐熟復,意其錯之爲言,非雜也, 差也。九州之賦,有一州之內而可均齊者,則無差等之例;如其不可均齊, 則大概既何而或升或降,亦任土隨宜可也。故冀州大概則上上,而差等之 例,則有降而爲上中;揚州大概則下上,而差等之處則有升而爲中下;皆 其當時之則例如此,要不可以指定言耳。若如此說,則庶乎經文前後可以 通費,考古者更爲我評 至108 。

其自任之慨, 溢於文字之間。又其說「褒斜漢沔」曰:

學者試以予說思之,當亦見學經之不可苟,而有以發明先儒之未能言者,顧豈好辯也乎 az 001!

其言自信滿滿、有捨我其誰之勢、是「說斷」者、蓋其意之所在也。

若以瞿氏目錄所記宋刊本版面之言考論,其圖後題曰「尚書諸家說斷」,次行曰「禹貢第一」;此一子題目以「尚書」,而又曰「禹貢第一」,則其原本於「群書百考」中,本就尙書全本俱作「說斷」,特「禹貢」列於首,故云「第一」,有一則有二也。尙書一經,宜爲圖者甚多,若堯典之四中星,舜典之璿璣玉衡,七政五辰,五刑四罪,五名三居,乃至洪範九疇,及顧命器物之類皆是也。今其子曰總尙書全經而立題,而喬行簡命名上曰「禹貞集解」,是二者有不相配者矣;可見喬氏刊行之時,於群經百考尚書部份,截取禹貢之說爲之,上題其名,復序其首,而於內文部份則仍其舊貫,不加更易,故子目總尙書全經而又有「禹貢第一」之詞;可知此「尙書諸家說斷」一題,當爲「群書百考」之原來標目;此則傅氏之本意也。復考通志堂經解本正文之首,猶題曰「禹貢……夏書」,則既有夏書,當別有商、周之書也,此猶「禹頁第一」之

^{# 107} 內註 102 ·

註108. 見四庫本禹貢說斷卷一,頁29。按通志堂經解本止二卷,四庫本四卷,較經解本爲 完備,故本文所據,雖參考經解本,然以四庫本爲準、下做此。

[、]註1091 見卷二、頁35、36。

意也。且喬行簡序云:「條列諸說而斷以己意。」當亦非無根據之詞,喬氏當見其書原題有「說斷」一辭,故有是言,此益足明「說斷」一名,乃傅氏之本題也。以是而論之,則是書之名,宜曰「尚書禹貢諸家說斷」,既合其體例,亦得存傅氏本來題意及面目也。然則四庫本之標名,因誤用而反近乎是。至於喬行簡序中,兩度稱此書謂「禹貢說」,蓋亦泛稱之辭,非專門命名也;要之亦與「說斷」爲近「註」10」。

又考四庫提要云:

是編當先以山川總會,及九河、三江、九江四圖,而次及諸家之說, 今經解四圖俱誤編人程大昌禹貢論中,與其書絕不相比附;而永樂大典獨 系之說斷篇內,蓋當時所見,實宋時原本,足以依據,而經解刊行之本, 則已爲後人傳寫錯漏,致并書名而竄易之,非其舊矣(註1)]。

按四庫提要以書前四圖,通志堂誤入程大昌禹貢圖中,類比而言,係經解本傳鈔有 誤也。其實禹貢集解四圖,誠誤入程氏禹貢圖中,如提要所言;然所以然者,非後 人傳寫錯誤,乃印書之時,裝書者以同類而誤裝入程書中,非版本傳鈔之誤;蓋納 蘭容若序云:

「其書先以山川總會之圖,次九河、三江、九江之圖,次及諸家說斷 (註112 。」可見容若所見之書原本,其前本有四圖;若其底本無此四圖,則容若 無從得知:縱得知亦必有說矣。又其曰次及諸家説斷,則彼所見所據之本, 與瞿氏目錄所云者相同,即圖後有尚書諸家説斷字樣,至刻印時改之爾, 故今本與宋本稍異。

又四庫提要云:「呂祖謙謂其集先儒之大成。」其實稱傅氏者乃祖謙之弟祖儉;呂祖儉號曰「大愚叟」、註...。宋史翼及經義考引黃溍之言曰「大愚呂公」是其證也。

其實傅氏之書,據杏溪祠堂記云:「事爲一圖,累至於百,號曰群書百攷,大愚 呂公閱其禹貢圖攷,曰:是書可謂集先儒之大成矣。」黃溍去傅寅百二十年,而其 說得之於傅氏後代,當亦有所據,然其說出於喬氏刊印「集解」之後,又與喬序異; 若以是書體例論,其前有四圖,「群書百考」之圖非一,此四圖或本有子目曰「禹貢 圖攷 註 114 」;其後爲「尚書諸家說斷」;喬氏截取相對應之圖文,成「杏溪傅氏禹

⁶ 金華經籍志志二,頁4胡宗懋按語曰、「喬行簡序云:刊叔著有群書百考,禹貢説斷,蓋其一也。」較四庫本,經解本之喬序多一「斷」字、未知其所據爲何,要之彼以爲「禹貢説」即「説斷」也。

[、]註 111 同註 102 1

註 112 見通志堂經解本 (禹貢集解)前附。

[[]註113 參川註101。

豆1.14 考今四庫本禹貢説斷,前第四圖〈九江、東陵、彭蠹、北江之圖/中有考證文字,

重集解。耳。今以四庫本既較完備,而其名亦傳氏本來子目,合符傳氏原意,故仍 用「禹真說斷」之名。

三、傅寅之尚書學

傳演之尚書學,於其所著群書百考中,本就尚書全經而作,而今其書已佚,唯 存喬行簡所刊行之「禹貢說斷」;而傅寅於學,特鍾天文地理,則「禹貢說斷」者, 亦其尚書學之精要者也。

(一)尚書學之淵源

傅寅之學,其師承爲何,於史傳之中,無有記錄。唯宋元學案據杏溪祠堂記列之於唐仲友說齋學案中,然亦未必然,有可議者焉。

考學案中記傅寅與唐仲友之事曰:

說齋唐先生講學於東陽吳葵之家,先生之中表也。因從之質疑問難, 皆有援據可反復。說齋喜曰:吾益友也。及聞其升陑、分陝之說,語門人 曰:職万、輿地,盡在同叔腹中矣。、註115

可見傳寅雖與唐氏相往還,然其學早確立於往還之前,故相與問難有反復,非從其學也;或猶蔡元定之與朱熹也。考說齊唐仲友生性孤恃,鮮與當時學者相接,朱子、陳亮與之並有爭執,呂祖謙號稱能并包兼容,而地望亦近,說齋亦不與交往。然與傅寅往還問難,誠可見二者之學術旨趣,有相近者。然考唐氏之學,皆爲經世典制之學,所著之書,有天文詳解,地理詳解,是與傅寅之學有共同之與趣者。然唐說齋既有地理詳解之作,今雖未見其書,要之其中必有禹貢之論矣。今察夫傅寅之禹貢說斷中,所引諸家之說,無及唐仲友者,可見二者雖同長於天文地理,而其旨趣不同類也。

傅氏禹貢說斷,稱引自漢及宋諸家之說甚廣。宋以前則引 孔、班固、鄭玄、 王肅、馬融、杜預、李巡、酈道元、郭璞、顏師占、陸德明、許慎、韋昭、應劭; 於宋則引蘇軾、王安石、陳鵬飛、張九成、沈括、葉夢得、晁公武、林之奇、鄭樵、 曾政、程入昌、呂祖謙、吳棫、薛氏。尚有桑氏、司馬氏、小司馬氏。宋代諸家之 中,其長於山川地理者,若曾取、程大昌、鄭樵、葉夢得,皆在引述之列,唯獨薛 季宣未引及,或因其書尚未刊行歟!說斷之中所引「薛氏」,非薛季宣也;乃引自林

與「說斷」內又卷二,頁 26 之就全河、人其卷三,頁 8、9 中,論「熊耳、外万、桐柏至于陪尾」一節下接語曰、「圖而觀之,凡畎倉之水、或人於河謂、或入于伊洛、或人於准、皆可以形勢見也。學者知此味、其肯徒章句乎!」可見四圖之與說斷乃相應而作者:說斷既有子目,圖亦當有之。

缸115 見卷六十,總頁118。

之奇所引蘇東坡之說、或蘇氏書傳、誤作「薛氏」耳。

傅寅所引諸家之中,皆稱某氏,唯獨於卷四之中,引呂祖謙之說,則有七條稱「東萊先生日」,而他處引呂祖謙之說,亦謂「呂氏」而已。胡玉縉四庫提要補正云:

引諸家說,皆曰某氏,惟呂成公則稱東萊先生,疑同叔居義鳥時,學 於成公者也 註...6 。

考天宋元學案所述傅寅生平,有與呂氏相關者曰:

大愚呂先生見其禹貢圖,曰:是書可謂集先儒之大成矣。嘗延之麗澤書院中,列坐諸生,揭其圖,使申言之,且曰:以所能者教人,所不能者,理之所在,初無彼此。諸生弗以門户之見恥受教也。先生亦樂爲之盡。時人服大愚之善下,而益嘆先生之學之邃也(註117)。

可見傅寅之於呂門,乃爲異路,大愚叟呂祖儉,呂祖謙之弟也,以善容眾說,延請 講於麗澤書院而已,不可謂學於呂成公祖謙也。然說斷之中,既引稱「東萊先生」 七條,而他處則仍稱「呂氏」,或者他處之稱「呂氏」,本亦稱「東萊先生」,至永樂 大典編輯之時,省改作「呂氏」,而獨遺此數條未改耶!不然,何體例之不純若是。

傅氏之於呂東萊,雖未必如胡玉縉之說,有從學師生之事,然以大愚延請講於 麗澤觀之,則其學與呂氏之門當相近。學案謂其學曰:

先生之教人,則謂下學上達,各有次第,舉而措之,尤非可一蹴語者, 故其教人,必先以小學,授以曲禮、內見、少儀、郷黨諸篇,使其日用之 間,與義理相發明,而知道之與器,未嘗相離也、註118,。

是傅寅雖長於經制山川之學,然其爲學之宗歸,乃義理也。學案又記曰:

先生精于古今軍制,而從未嘗教人讀兵書,曰:胸中無論語孟子爲之權衡,遽聞譎訴之言,則先入者爲主,害心術矣[註119]。

可知傅寅之說,歸根於孔、盍,其說斷中之言可見矣。而呂祖謙學承林之奇,之奇尚書全解,即多據孟子、論語立言,然則傅氏之與呂氏,其學亦不相悖。復以呂祖謙作書說,雖自洛誥迄秦誓,然亦嘗爲禹貢圖說;今時瀾增修東萊書說前,附有「東萊先生禹貢圖說」,而圖則失之矣;書說曰嘗謂:「凡禹貢名物地理,皆考於圖,此特言其大意耳、註 1201。」則東萊說尚書,於禹貢亦特致其工夫,爲圖作說,與傅寅

註116. 見註106。

[[]註117 同註1150

[「]註118 同前註。

⁽狂.19 同前註。

[、]註 120、見增修東萊書說卷五,頁8。

禹 貢 說斷之意正同。總上述而思之,傅寅之學,不出於唐說齋,亦未必出於呂東萊、 要之與東萊文獻之學爲近似也。

宋元學案又謂傅寅二子,大東承家學,有父風,大原則從慈湖楊簡遊。而傅寅 禹貢說斷,刊印於喬行簡之手;喬氏者,亦嘗薦錢時於朝廷者也。錢時學於楊簡, 爲象山門人;然則傅寅之學,或亦有取於楊、袁歎!

(二)尚書禹貢說之特色

傅寅所著群書百考中,本就尚書全經而作,今唯遺禹貢說斷而已。據學案謂唐仲友聞其升陑、分陝之說而稱許有加;升陑者,揚蓍篇之序文也;孔傳謂:「桀都安邑,湯升道從陑,出其不意;陑在河曲之南。」傅氏既長於山川地形,又精於軍制兵法,則其說「升陑」,必有獨特之見,惜乎今不得而閩也矣。茲就其禹貢之學言之。

1、準乎孟子尚書之說

林之奇尚書全解,多引論、孟之言立論;傅寅禹貢說斷亦然。若論兗州「作十 有「載乃同」下引張氏、曾氏、林氏之言而斷之曰:

孟子曰:禹八年於外,三週其門而不入;而此言作十有三載,何也? 蓋八年而水患平,十有三年而兗之田賦定,兗雖河患最甚,施功八年,甚 患亦已去矣,而上田沮洳,疆畋廢壞,離散未集,室廬未修,故猶有待於 五年之久,而田賦始定者,蓋可知矣。…… 宽若後世之人,冀以要君之寵, 而必欲趨時以爲便乎!……大抵後世傳經之士,多以私意窺臆聖人,故經 意愈不明,而說者愈紛紛也。孟子生秦漢之前,去古猶近,凡有所言,正 當取信,要不可泥孔、張三載之說,而廢孟子八年之計,善稽古者,其必 有以辨之 註1211。

孟子去古未遠,其言視孔安國注尤可信。故必據之以爲說,方得大禹、孔子之意。故其論揚州「沿于江海,達于淮泗」下曰:

孟子於禹貢之書,講之素矣,豈不知禹之時,江無入准之道乎!孟子 去春秋之世近矣,又豈不知吳開邗溝,江始有通准之道乎!然而曰:禹推 准泗而注之江者,蓋准之東大抵地平而多水,古溝洫法,江淮之所相通灌 者非必一處,豈但邗溝之舊跡而巳哉、註 122.!

夫孟子既有斯言,而去古猶近,且長於詩書,則彼言可信。孟子之言雖與後世所知 者相齟齬不合,或占今地勢、典制之變異爾,非必以爲古人誤也。因之傅氏每爲孟

[、]註 121. 見禹頁說斷卷一,頁 44、45。

[[]至122 見前書卷二,頁22。

子之言補**罅**禰縫,期使與禹貞書文相合也。其論揚州「篠簜既敷,厥草惟天,厥木惟喬」曰:

天、喬盛於漸包,漸包盛於蘇條,言之輕重如此也;觀此足以見三州 水患之退有遲速,而禹之所記亦不容無淺深故也。雖然,孟子言堯洪水之 時,草木暢茂,益焚山澤以驅禽獸,而據此則言水患退而後草木始遂其生, 何也?蓋此記下濕之地,而孟子則言邱山之高,民被害,欲居之,而禽獸 逼人,則益不得不焚之耳。地有高下之不同,故二書之所言各異;苛非窮 經,未免致疑於此矣(註[23]。

孟子之言既如此足信,故傳寅於解禹貢之時,每有疑難,必求諸孟子之言而得其解也。若解冀州「覃懷厎績,至于衡漳」,因論禹治水先帝都,是先愛君而不急於民乎? 其論曰:

禹之用心,固爱君之至,而其於赦斯民之溺,特可緩乎?竊嘗思之,而得其說於孟子之談禹,又熟復禹貢之書,然後其疑始釋:而於神禹治水 又規劃,始井井乎知其序矣。孟子之言曰:禹疏九河,瀹濟累,是其爲談 禹之要旨,無大於此者。夫九河者,河之最下,而曆累者其傍流也,治其 最下而遠其行,通其傍流而使其中無停積之患,則河之大體無足憂矣, 既規畫成此,然後疏帝都四傍之水,舉達於河,而冀州之水患平矣,冀州 之患既平,則凡兗、青、徐、楊之所當治、或四載躬臨,或贊佐分命,入 從而次第舉矣;苟或不然,則雖奇計百出,隄防萬端、以殫終身之勞,而 水胡可得而治邪!今觀禹貢而冀州不言疏九河,以九河爲兗州之地,而首 言於兗州故也;不言瀹濟漯流兗州,濟歷豫、兗而不可總之於冀也。又導 九州之首尾,各已條列於後,倘於每州一一言之,則經又不幾於重複之甚 乎 紅124 !

傳寅以爲,以孟子之言觀之,可知禹治水非惟先帝都而不治他州也,治水之事,必 先經籌擘劃,總體施行,孟子之言,正其要旨,然則禹貢先言冀州者,非先帝君而 不急於救民也,乃禹貢載事之法,分州而記之,故不可同時記各州治水之事,故不 可以禹貢記事之先後,以言禹治水之緩急也。此即傅氏所云「得其說於孟子之談禹, 而又熟復禹貢之書」也。

2、經文記事,自有倫序

[[]註123] 見前書卷二,頁16。

註124 見前書卷一,頁20、21。

傳寅既信孟子近占,其言可信,又信經文出於古史之所記,無可疑惑,則按經 作說可也。若論「三江既入,震澤底定」曰:

經於此州治水,首書彭鑫,其規畫尚可想見於數千載之下也。一江名 三江,效經於會彭蠡之後,分辨中、北江甚明,當是堯禹時三江既會彭蠡, 而出則岷漢二江,復分而爲二,至今下流每分合不常;余以秣陵而下,蓋 嘗親考之矣,經文豈欺我哉(\$\mathbf{z}\mathbf{z}\mathbf{z})!

傅氏考彭蠡之水,經云北江、中江、而無南江、而宋代當時,彭蠡止一水,與禹貢所記不同,蓋古今地理有變,江流分合不常、故禹貢既云有三江,考其文亦有中江、北江、則當時必有南江、不可以今不見三江而疑禹貢之文也。夫如是、則解經一切以經文爲準。若其「漢沔辨」曰:

孔氏曰:漢上曰沔。鄭氏曰,或謂漢爲两;皆傳文承襲之餘,而未嘗知原委曲折者也。至劉氏所引巴漢志言曰西漢始原曰沔,鄭氏言東西兩川俱用沔漢之名,則又誤益誤,而不知質諸經者也。據經但言嶓冢導漾,東流爲漢,無漢上曰沔之語,雖曰浮潛逾沔,而逾之一字,與自漢逾洛同義。……學者苟能本諸經,而參之史,且於地理之學不苟,則余之說煥然,而前人之述誤可以挽 至126。

據經文解禹貢,方能得禹治水之旨,故凡有說義,必因經文推衍之,不可略加私意。 其論「導黑水」曰:

黑水亦出外戒,經雍州極境,過三危,越河南,渡經梁州西界入南海, 此經又可推者也。說者必欲言黑水所自出,鑿矣。夫禹不言而後世欲言之, 宜其說之不同,而徒爲是紛紛然也 紅127)。

據經作說,可得其理,經所不言,不強爲之說。然經文占遠,欲就經文以求其說,必先細釋經文記事之法,或省文,或互見,或簡明,或承上文;若不明其記事之法,則不得其義矣。若其論「覃懷厎續,至于衡漳」曰:

或曰: 壺口梁岐之役, 曾氏以爲鑿龍門, 而冀州所記, 不及龍門, 何也?曰: 導河積石, 至於龍門, 已列之於後, 故於此但言壺口梁山, 所以互見其事也。亦猶言導岍及岐,至于荊山, 逾於河, 而捨梁山不言者, 與此冶梁互見之也。壺口雷首,至于太岳, 則上捨太原而不言, 下舉雷首以見治, 龍門梁山之下, 而底柱析城、王屋太行之治, 則覃懷辰績之由也。

[[]註 .25] 見前書卷二,頁 15。

^{# 126} 見前書卷二,頁 51、52。

at 127 見前書卷三·頁 15。

禹貢一書,吾姑舉其一州言之,其互見之法,精密如此,學者可得而易言 乎哉 註 128,!

互見之外,傅寅尚以爲經文有蒙上省略者;若其論雍州「織皮,崑崙、析支、渠搜, 西戎即敘」曰:

梁州言態嚴、狐狸、纖皮,此獨言纖皮者,蒙上文也。此言西戎即敘, 梁州止言西傾者,以下文該之也 註[29]。

以下該上,以上蒙下,此就禹貢經文書法言也。傅氏既以爲經文自有倫敘,書法精密,故凡諸家以爲可疑,或以爲錯行脫簡之說,皆所不取。若其「榮澤辨」曰:

齊既入河,與河相亂,而其溢爲滎也。禹安知其爲濟哉!孔穎達謂以其色辨,東坡謂以其味別,而許敬宗則以爲入河伏流而出,鄭漁仲則以爲簡編脫誤,林少穎則以爲禹分殺水勢,而程泰之則又以爲水會於河既多,河盈而濟繼之,故溢而注榮也。紛紛之論,將孰從而折衷乎!程氏之見,比諸公爲勝。……此可以理推,不必過爲之惑。……然禹記兗州疆境,指濟爲東南所據,禹豈應亂名實如是乎! ……鄭氏簡編脫誤之說,求其說不得,而姑爲之說耳。凡此皆學者所當明辨,無容其汩亂經文,庶乎爲羽翼六經之一端也[經130.。

是以傅氏禹貢之說,除徐州貢道「浮于淮泗,達于河」之河,傅氏以爲「蓋古文轉寫之誤」,當作「菏」,以說文引曰「達于菏」故也,其他經文,均無疑改之論。

3、傅宙尚書禹貢新解

傅氏禹貢說斷,既條列諸家之說,而於諸家均無可採者,則以己見作新解。 (1)論賦之「錯」

傳寅論禹貢冀州「厥賦惟上上錯」之「錯」,引二孔、E荊公、蘇東坡、葉夢得、 林之奇、張九成、呂祖謙諸家說,然皆以爲未得要旨,遂論「錯」義曰:

竊嘗屏去諸家訓傳,獨取經文,端坐熟復,意其錯之爲言非雜也,差也。九州之賦,有一州之内而可均齊者,則無差等之例:如其不可均齊,則大概既何而或升或降,亦任土隨宜可也。故冀州大概則上上,而差等之例則有降而爲上中;揚州大概則下上,而差等之處則有升而爲中下,皆其當時之則例如此,要不可以指定言耳。若如此說,則庶乎經文前後可以通

[[]註128] 見前書卷一,頁21、22。

[[]註129, 見前書卷二,頁65。

[[]紅130 見前書卷三,頁43、44。

貫,考古者更爲我評、₹ 131/。 傅寅此說,自亦以爲有功於釋經義,得其要旨矣。

(2) 貢道之文,記遠不記近

傅寅執經文爲說,以爲經文自有書法,故遇有不易解者,多以書法立言。若其 論冀州貢道「夾右碣石,入于河」曰:

此記島夷入貢之道耳。餘不必專自碣石入河也。觀西傾因桓是來,可 見不獨西傾,雍之浮積石亦然;記遠不記近,此經文之妙(註132)。 傅氏此說,與林之奇之說爲近,林之奇以爲冀州三面環河,達河即達帝都,此云灰 右碣石入于河者,蓋在冀州之北者,遠于帝都之地,或有舟楫轉輸,則必遵海道以 入於河,然後至於帝都;瀕河之地,則徑自河以達於帝都矣。林氏未專指由碣石入 河者爲何,然以爲非皆由碣石入河以達帝都也。傅氏則專指島夷之貢道,以遠該近, 並引而伸之,并言西傾、積石皆然;此更有進於林氏焉。

(3) 荊州「九江」說

荊州「九江孔殷」・孔傳以爲「江於此州界分爲九道・甚得地勢之中」,晁說之曰:「洞庭,九江也。」葉夢得謂:「九江,說者以爲洞庭,不在潯陽是矣,九江荊之舊江也。」傅氏以爲:

自夫彭鑫既豬於揚州,而江漢於此乃得安會順趨以達於海,而其上合流之西有九江者,於是亦從而孔殷焉。……是皆禹之導水,自下而上,而彭蠡者,荊、楊腹心之疾也,先有以治之,而二州之水害去矣。說者惟不識此,故不求九江於江漢合流之上,而求之於合流之下,此說之所以紛紛而終莫可信執也。胡不玩經文而思之乎!胡不以江漢、九江、潛沱、雲夢次比其地勢而觀之乎!始余讀眾說,無一當全心者,及以葉氏之論評之,然後知余每論大禹治水之規畫,頗有可信者。九江不必求其有九,然後爲是;如太湖一湖而得名五湖,昭餘祁一澤得名九澤,皆不可以數求也。今之洞庭,當是堯禹之時名爲九江,無足疑者,不然則澧之下,東陵之上,有水大如洞庭而爲江所過者,禹顧不書何耶(註133)!

此論九江爲洞庭之舊名,九不必以數求之,於地理當求之於江漢合流之上也。考葉氏之說,亦他人之言耳,而傳氏乃自得之,後以葉氏說證其論不孤爾。此說朱子亦 主之。傅氏此說,亦見錄於「九江、東陵、彭蠡、北江之圖」中。

[、]註.31 見前書卷一,頁29。

[[]註132] 見前書卷一,頁34。

[「]証133、見前書卷二,頁26。

(4)「三江既入,震澤底定」說

江之說,自古以來,論者紛紛,莫衷 是,或以大水言,或以小水言,皆不得定論。傅寅按文繪圖,並詢及當地之人,因得新說曰:

自宜興縣航太湖、逕溧陽、至鄧步、凡兩日水路,自鄧步登岸、岸上小市名東壩、自東壩陸行十八里、至銀林、復行水路、係大江之支港;自支巷行百餘里、乃至蕪湖界,即入大江也。銀林之港,鄧步之湖,止隔陸路十有八里耳、故老相傳謂大江此港本入震澤、禹塞之。始愚得此說於友人王益之、再得於孟達甫,猶未詳也;三山陳子禮聞其還往宜興、蕪湖道甚熟,諏之,遂得其詳。因圖於此、用以知班氏所說中江,古蓋有之、堯水橫流,爲震澤害,禹因塞之也,自是不復有中江、震澤亦不被其害矣,故曰三江既入,震澤歷定 註 134 。

胡傅寅以爲三江,南江即吳江,中江即蕪湖斷港,北江即京口江也。

四、傅寅尚書學之評價及影響

元黃溍嘗應傅氏曾孫傅師蒙、師佐之屬,作杏溪祠堂記,述傅寅之事曰:

大愚呂公閱其禹貢圖攷曰:是書可謂集先儒之大成矣 註 135〕。

呂祖儉並延請講學於麗澤書院,可見其說見重於呂門。喬行簡與傅寅同里,得其書 而刊之,序曰:

夫說禹貢者多家,三江莫定其名,黑水不知所入,諸若此類甚眾。余 曩得同叔此書讀之,蓋躍如也;然間有疑而未決者,方圖與之講切,會而 一之,而同叔亡矣、註 136。

是喬行簡以爲其書可喜可參,然與喬氏之說不盡同也。四庫提要評其書曰:

書中博引眾說,斷以己意,具有特解,不肯蹈襲前人;其論孟子決汝漢,排淮泗而注之江,爲古溝洫之法,尤爲諸儒所未及,洵卓然能自抒所 見者 \$ 137 。

金華經籍志引獨廉居藏書記曰:

獨廉居藏書記稱寅書頗引班氏地理志及鄭注尚書,但雜以宋人之說, 不能折衷古學云云[註138]。

註 134 見前書前附圖之「三工既入,震澤底定之圖」中所述之又。

註135, 見黃文獻集卷七、頁89。

[、]註 136, 見禹貢説斷前附。

註137 見前書前附。

[[]計138 見金華經籍志志二,頁4,總頁54。

胡宗楙以爲此評存占學門戶之見,有失公充;其說是也。

按傅寅此書,有圖有效,條引諸家,斷以己意,博納而約取,誠孜孜於是矣; 爲圖而攷地理,此亦說禹貞之良法;所引用諸說,不拘於宋代,漢代諸家小學訓詁,亦皆採納,如其爲學下學上達之宗旨;至於能詢及耆獻,親至其地以考實,雖未必得其正解,然其求證工夫,不流於紙上談兵,斯有足取者焉。至於據孟子之言,執經文書法,則不免穿鑿強說之嫌矣。

第三節 陳 經

ハ 生平事略

陳經,字顯之,一字正甫,安福人。慶元五年進士,官至奉議郎,泉州泊幹。 嗜書成癖,啓益後學爲多。所著有尚書詳解五十卷,詩講義,存齋語錄。除尚書詳 解外,餘書皆已佚矢不存、註 139 。

1、 尚書學之著述及著錄

陳經尚書之學,著有尚書詳解五十卷。其書見錄于宋史藝文志,爲五十卷。經義敬亦著錄五十卷,曰「存」(註)40);四庫總目楊要云:

是編載于宋史藝文志者五十卷,今抄帙尚存:檢勘卷目並同,無所缺失,蓋亦流傳僅完之本也 1411,。

提要所云是也。今此書刊於百部叢書聚珍版叢書,其前有陳經自序曰:

今日語諸友以講此書之法, 諸友其無忽。

是其書蓋亦訓解尚書文義,以爲講學之資者也。書五上卷,蓋每卷含經文一篇;太 甲三篇,盤庚三篇,說命三篇,泰誓三篇,各共爲一卷,故爲卷五十也。胡玉縉四 庫提要補正云:

陸氏儀顧堂續跋影宋本跋云……以聚珍本互校、聚珍本頗有奪落·卷十三末嗣王當謹於善下脱三十四字;又脱肆命,徂后解三十一字;衍而已二字;卷二十四初一曰五行解故初一曰五行下缺八行,約百六十餘字,聚珍本聯屬不空;卷二十一首缺四行,聚珍本注曰:此句上原本缺四行。則

註139 參見陳經尚書詳解之四庫提要,以及宋人傳記資料索引第三册,總頁2499。

[、]註 1401 參見經義考卷八三,頁3。

註 [41] 見陳經尚書詳解前附。百部叢書集成中聚珍版叢書本。

所據亦與此本问 註 42,0

胡氏所校可信。且今本內側,裝線部分,每多損壞之行闌一、二,其文不可辨識。

1、陳經之尚書學

陳經嗜書成癖,好訓啓後學,然所著述多佚失,僅存尚書詳解五十卷,是以欲 明陳經之學,當即是書而求之 尚書詳解自序云:

帝王之書,帝王之行事也;帝王之行事,帝王之心也。帝王以是心見諸行事,而載之典謨訓誥誓命;夫人皆能知之,至于皓首窮年,研精極思,卒不能得其要領者,往往得裏遺表,見其異不見其同,則典謨訓誥誓命之所載者,是直典謨訓誥而已,于己奚有哉!昔者嘗觀授受之祕、危微精一,片辭隻語,足以該之,至易曉也;乃若工綱陳紀、綏民靖國、死生患難之變,下而至於軍旅行陣,器械弓矢之微,纖悉備具,何如是之不憚煩也耶 註 143,!於此可見陳經之學,深於尚書者也。

(一) 陳經尚書學之淵源

陳經之學,文獻略無言及其淵源,而彼其他著述皆佚,今據以考之者,唯尚書 ·門耳。四庫總目提要云:

經生於寧宗之世,正蔡傳初出之時,而此書多取古疏門,參以新意, 與蔡傳頗有異同。·· 前有自序云.今日語諸友以讀此書之法,當以古人之 心求古人之書,吾心與是書相契而無間,然後知典謨訓誥誓命,皆吾胸中 之所有,亦吾月用之所能行云云。尤近于陸九淵云經注我之說,殆傳金谿 之學派者 註 144,。

按陳經爲宋理宗慶元五年進士,翌年,朱熹卒,又十年,蔡沈書集傳始成。陳氏詳解中無一言及朱熹、蔡沈之說,其書殆成於蔡傳成書之前也。其於朱熹之說,或有 近似者,其武成篇云:

伐紂之年,周正月卒卯朔,其二日壬辰,翼日癸已,即正月之初三日 發鎬京始東行也;其月二十八日戊午渡河,即泰誓上篇一月戊午師渡孟 津,與中篇戊午次河朔也。二月卒酉朔,甲子殺紂,牧誓云甲子昧爽是也。 其年閏二月庚寅朔,三月甲申朔;四月己丑朔,厥四月哉生明,王來自商, 至于豐,即四月初三日,其日即卒卯也。丁未祀周廟,即四月十九日也:

缸143 同註 14] 書前附。

註 144, 问註]4]。

越三日庚戊柴望,即四月二十二日也。正月往伐,四月成功,史序其成功 之次也(註145 。

考朱熹有武成日月譜之作,所述與此文年月日時,干支皆相同,唯三月「甲申朔」, 日月譜作「庚申朔」,蓋形近而誤刻也。二者皆以爲當有閏二月,說似相近。然考諸 其說,實出於孔疏,文字亦頗相襲 # 146,,而非用朱熹之說。提要云多用占疏門, 誠是也,然謂或據蔡傳爲說,未允。

今考陳氏之書,其稱引諸家尚書說,除二孔傳疏之外,於宋代諸儒,稱引蘇東坡者爲最多,共二十八條,其中有兩條引而不用;其未稱名引用而確爲東坡之說者,另有十三條;合共四十一條之夥。其他則有稱引王安石者兩條;稱引葉夢得者兩條;稱引薛季宣者兩條;稱引劉敞者 條;鄭樵者一條;呂祖謙者一條;陳氏一條;周希聖兩條。其未稱名引用而可確定爲宋儒之說者,尚有林之奇、歐陽修、程伊川等。陳經書中,尚有引用「曾氏」之說甚多,曾氏者爲曾旼也,而皆見引於禹貢篇,蓋引林之奇之說而引及者,非專引其說也。茲析而論之,以見陳經尚書學之淵源。

1、徵引蘇東坡之說

陳經尙書詳解,稱引東坡之說最多,其中多云「東坡先生」者,唯有一條稱「蘇 氏」,顯見其推崇東坡之意。全書稱名引述東坡之說者凡二十八條,其中兩條引而不 用,另外引東坡說而未明指爲東坡者,亦有十餘條。

[「]at 145、見其書卷二三,頁2、3。

註 .46 尚書正義見卷十一,頁 19。比較之下,又字幾全部相同。

紅.47 參見愛日齋叢鈔卷二,頁13載。

註.48. 參見東坡書傳卷六, 頁7。

註(49) 參見本論文論蘇東坡尚書學一章。

陳經之說尚書,於東坡上述諸說,除洪範誤簡、康誥錯簡之說未引外,其他皆引之矣。若其論禹貢「三江既入」曰:

三江既入。東坡云·予以所見改之,自豫章而下,入于彭鑫,而東至于海為南江:自蜀岷山至于過九江,會于彭鑫,以入海爲中江、自嶓冢導漾,東流爲漢,過三溢、大別,以入于海,會彭鑫以入于海爲北江。此三江自彭鑫以上爲二、自夏口以上爲三江;漢合於夏口,而與豫章之江皆會于彭鑫,則三江爲一,至于秣陵、京口以入海,不復三矣。然禹貢猶有三江之名,曰中曰北者,以味別之也:蓋此三水性不相入,江雖合而水異味。禹之敘漢水也,曰嶓冢導漾,東流爲漢,又東爲滄浪之水,過三溢、至于大別,南入于江、東匯澤爲彭鑫,東爲北江、入于海。夫漢既已入江,且匯爲彭鑫,安能出爲北江,以入海乎!知以其味別也。禹之敘江水也,曰岷山導江,至東爲中江,以入海乎!知以其味別也。禹之敘江水也,曰岷山導江,至東爲中江,入于海,夫江既已與漢合,且會匯爲彭鑫矣,安能自別爲中江,知其以味別也。漢爲北江、岷山之江爲中江,則豫章之江爲南江可知矣。禹以味別,信乎?曰曆水既入于河,而溢爲榮,禹不以味別,安知滎爲濟。……安國謂自彭鑫分爲三江,入震澤,爲北江、入于海;蓋安國未嘗南遊、案經文以意度之,不知三江距震澤甚遠,決無入理;震澤決不足以受三江之水。此東坡以所見改之爲詳也 紅160.。

此詳引東坡味別三江之說,而以爲攷之詳也。按東坡之說,蔡沈書集傳評之甚嚴, 其言曰:

蘇氏謂岷山之江爲中江,嶓冢之江爲北江,豫章之江爲南江;……今 案此爲三江,若可依據,然江漢會於漢陽,合流數百里,至湖口而後與豫章江會,又合流千餘里而後入海,不復可指爲三矣。蘇氏知其說不通,遂 有味別之說。禹之治水,本爲民去害,豈如陸羽輩辨別烹茶爲口腹計耶! 亦可見其說之窮矣〔紅151〕。

陳經既引東坡味別之說,復引諸家之說,以資比較曰:

先儒或以爲南江從會稽吳縣,中江從丹陽蕪湖縣,北江從會稽毗陵縣 入海:或以爲松江、浙江、浦陽江;或以爲岷江、浙江、松江;或以爲自 義興,自毗陵,自吳縣 此皆東南枝流小水,自相派另,而入海者。禹貢所 謂中、北江、自彭蠡出者也,徒見禹貢有三江、中、北江之名,而不知一 江合流而異味,則雖枝流小水以應三江之數;今京口之江,視數江猶畎滄,

E 150 見噪經詳解卷六,頁 25、26。

註151,見書集卷卷二,總頁44。

禹不應遺其大而數其小也。東坡以味名之說,猶爲精確 至152 。 考此文中所引先儒,順序爲班固、韋昭、郭景純、王安石也,而其評語,亦檃括東坡書傳而爲之 註 152.,可見其獨鍾蘇氏之說也。陳經於此又並推東坡味別之說曰:

余因而推之,案唐相李又饒好飲惠山泉,置驛以取水。有僧言長安吳 天觀井水與惠山泉通,雜以他水十餘缶試之,僧獨指二缶曰:此惠山泉也。 文饒以是罷水驛。味別之說,古今皆有此理,不誣矣、註154。

陳經以飲水烹茶助東坡之說,是不獨服膺東坡之論, 並服膺東坡其人矣, 蓋東坡亦善辨水烹茶者也, 苔陳經之書出於蔡沈書傳之後, 見蔡傳之計,當不作如此說矣, 蓋助之適足害之也。

東坡論盤庚,以爲告論諄諄,以舌代斧鉞,忠厚之仁人也。陳經說盤庚曰: 盤庚自殷而遷亳,特一遷耳……民于是各嗟相與出怨言,蓋其懷土重 遷,好安惡危之情固雨也。盤庚于是作二篇之書以告戒之,而以口舌代斧 鉞,則盤庚亦忠厚矣 至155。

此雖未言所本,然出於東坡之說,明白易見。又論牧誓「左杖黃鉞;石秉白旄以麾」 曰:

王左枝黄鉞,右乗白旄,以麾;鉞,斧也,飾之以金,曰黄鉞,白旄 者,旗之名,白色使遠處可望。右秉白旄,便以指麾 [# 156 。

考孔傳曰:「以黃金飾斧,左手杖鉞,万無事於誅,右手把旄、示有事于教。」+安石並附會之曰:「鉞所以誅,旄所以教;黃者信也,白者義也;誅以信,故黃鉞;教以義,故白旄。無事於誅,故左杖黃鉞;有事於教,故右秉白旄 註157。」王氏於孔氏左手右手之外,附以黃白信義之說,故東坡於書傳曰:「軍中指麾,白則遠見。王無自用鉞之理,以爲儀耳,故左杖黃鉞。麾非右手不能,故右秉白旄;此事理之當,本無異說,而學者妄相附致,張爲議論,皆非其實(at.58)。」以蘇氏之說觀之,則陳經之論日於蘇氏無疑矣。

東坡論禹頁雍州「織皮崑崙析支渠搜,西戎即叙」,以爲當在「厥貢惟球琳琅玕」

^{¥ 152} 马廷 150 頁 26、27。

註.53 班固之說見引於東坡書傳,其他則見引於林之奇全解之中。東坡評語見書傳卷五· 頁12。

註154 見陳經詳解卷八、頁27。

註155、見前書卷十六,頁2。

註,56、見前書卷二二,頁2、3。

[、]註 .57 見林氏全解卷二二,頁 4 引。

之下 計159 : 陳經說之而引東坡之言曰:

東坡云,禹貢之所篚,皆在貢後立文,而青、徐、揚三州,皆萊夷、 淮夷、島夷所篚,此云織皮,崑崙,析支、渠搜,大概皆篚織皮,但古語 有顯倒詳略耳。其文當在嚴貢惟球琳琅玕之下,其浮于積石,至于龍門西 河,會于渭汭三句,當在西戎即敘之下,以記入河水道,以結雍州之末, 簡編脫誤,不可不正 至 1601。

是陳經用東坡說而疑有錯簡也。又於舜典「夔曰於予擊石拊石百獸率舞」下曰: 此一段說者以爲益稷之文,脫簡在此 註 161.。

按此說劉敞、東坡皆主之,林之奇引其說,亦合劉、蘇二人共論之,可見此亦東坡 所主之者也。

陳經引東坡之說,有引而不用者二條,然雖不用,亦未加批評。若其論胤征曰:

東坡本史記、左傳之說,以爲仲康即位時,乃羿之秉政,其權皆出于 羿;胤侯即羿之黨,義和乃憂之忠臣,胤侯承王命以征;意者如後世挾天 子令天下之事。其所見甚高明,非常人所及,後之君子,未敢以其說爲正 者,蓋其書已定于夫子之手(註162)。

按陳氏解書,多本二孔之舊,以爲孔子手定百篇,故雖以爲蘇氏之說高明,而未敢來用也。以此觀之,陳經之尚書說,其淵源 F東坡書傳甚深可知也。

2、徵引呂祖謙之說

陳氏詳解,雖明稱引呂東萊之說者僅一條,然考校陳、呂尚書之著,其相承之 跡顯而易見者不下數十條;蓋祖謙說書,長於巧思,討論義理之是非,敷陳文詞之 大義,體味占聖賢之氣象,本乎傳疏而發揮大道,不矜異說新論,故其書說甚爲說 尚書家所推崇,蔡沈集書傳,於朱子說之外,取之獨多,可見一斑矣。

陳經詳解引呂祖謙之說,在堯典「欽哉。九載續用弗成」之下。其言曰:

堯典篇記事甚簡,而載知人事,至于特書慶書不一書,其亦以是爲後人之法數!堯朝多君子,此則記其小人;堯之治多美瑞,而此記其洪水之災;呂東萊以謂堯之盡變如此,其說爲長 至 [63]。

按考呂東萊書說,以爲堯典大略先言堯盡天下之常,自疇咨以下,言堯處天下之變。

註 150 參見東坡書傳卷五,頁21。

at 160 見陳經詳解卷六,頁45。

H.61 見前書卷二,頁28。

証.621 見前書卷九・頁1。

[、]註 .631 見前書卷 - , 頁 18 。

蓋堯朝無非君子,而有小人者,是變也;堯朝無非佳祥之瑞美,而有洪水之患,是變也,計164.;是堯典一篇記堯事常變俱盡矣。可見陳經引時瀾增修東萊書說,時在開禧三年丁卯之後也。

陳氏引東萊之說甚夥,而多未明言。若其論舜典「乃命以位」下云:

幽曆之德升聞于堯,乃命之以官任,此二五大人交相見之時也 ﷺ,651。 按考呂東萊書說云:「堯舜並出,盛德輝光,前後相映,重光合照,如日月遞明,常 有光輝,正乾之二五,大人交相見之時也 (註166)。則陳經乃引東萊之文也。又陳經 論皋陶謨「禹拜昌言曰俞」下云:

禹皐问列之際,或都或俞,或吁或哪,無非真情實意之發,不可以常情窺之也。惟其好善之心出于真情,故言有合于其心則俞之,有疑于其心則吁之問之:善之在人猶在己也,故聞言而拜,不以爲諂,善之在己,猶在人也,故自言而先曰都,不以爲矜。後世孔門學者知之爲知之,不知爲不知,如三子言志,無有隱情,正名曰迂,短喪曰安,皆是真情所在,與虞舜之廷,禹、皐陶同列都俞之氣象相似 註,67。

按考呂氏書說,於大禹謨曰:「唐虞廣大之象,於此可見。……然亦豈以禹掩皐陶之功哉! 子華使齊,孔子雖知其乘肥馬,衣輕裘,冉子請粟,亦與之釜,聖人非以人情與之,聖人寬大自如此。如此氣象,自堯舜以下,於洙泗見之 註 168 。」呂氏引孔門師弟之間以說尚書,陳經亦引之,可見其法意之相承也。陳經解召誥「召公不悅」曰:

召公起退之心,爲召公計則得矣,爲成王爲周家計則未也。故周公因 其不悅而作君奭之書,挽召公留,欲與之共圖周家之政,至于水水無窮而 後已。卒之召公相成王,及成王、周公已歿之後,至康王之時,猶未忍去, 其亦有感于周公之言也(至169)。

按考東萊書說,以爲召公不悅,蓋召公未以周公之志爲志也,其不苟隨如此,逮周 公作君奭以喻之之後,非特暫留於一時,相成王,又相康王,身任托狐寄命之責而 不辭,可見周公喻之之言,其渝肌浹髓之深矣,亦可見召公守其既明之志,如是之

⁽註 164 參見增修東萊書說卷一,頁 16。

[[]註 65 見陳經詳解卷二,頁2。

L註 66、見東萊書說卷二、頁 1、2。

[[]註167 見陳經詳解卷四,頁3、4。

⁽註.68) 見東萊書說卷三,頁1。

[[]紅169] 見陳經詳解卷二十六,頁3。

篤也 · 註 170 · 。陳經之說,其出於東萊者可見矣。又陳氏論顧命曰:

經之所載,固嘗言帝乃殂落矣而無顧命;又嘗書陟方乃死矣而無顧命;又嘗言成易既殁,武王既喪矣,而皆無顧命,成王獨有顧命何也?曰:成王自艱難變故中而得之也。自堯舜禹湯文武以來,百官總已以聽冢宰,初未嘗有變故;而成王當幼沖之始,管蔡四國流言,成王致疑,其事亦殆矣。凡天下經一變者長一智,遭一蹶者得一便;顧命之作,成王其亦折肱而知良醫數(註171!

呂東萊嘗論顧命曰:

堯舜禹湯文武無顧命,而成王獨有顧命,始終投受之際,國有常典矣。 成王之初,經三監之變,王室幾危,故於此正其終始特詳焉「註 172」。 比「者而察之,可見陳氏之論,實據東萊之意而益爲之說爾。類此之例證俯拾即是;可見陳經之取於呂祖謙者甚多,而淵源於東萊者甚切也。

3、徵引林之奇尚書全解之文

陳經詳解,於林之奇尚書全解,未嘗稱名引用,而其實用之甚夥,尤以禹貢 篇之解說爲然。若陳氏論舜典四巡歸格之事曰:

歸而告至,則其出而必告可知矣。用特一牛也。事神之禮貴簡不貴繁, 觀其事神如此,則舜之道途所以供給者,皆簡易可知。文中子曰.舜一歲 而巡狩四岳,國不費而民不勞,何也?儀衛少而徵求寡也。古之聖人以一 歲之間而遍行四方,其意欲以省方觀民,致察風俗,正其制度,豈徒以逞 己之侈心哉!後世不明此意,借聖經以文其侈,封泰山,禪梁父,以是爲 告成功,千乘萬騎,望蓬萊、祠太乙,其聖人之意亦遠矣 註.731。

按考林之奇全解,於舜典同一段之下,論之曰:

根恬問於文中子曰 舜一歲而巡守四岳,國不費而民不勞,何也?文中子曰 儀衛少而徵求寡也。夫惟儀衛少而徵求寡、故國不費而民不勞。 元朔六年冬十月,勤兵十餘萬,北巡朔方,東望緞山,登中岳少室,東巡海上、還封泰山,禪梁父,復之海上、並海北之碣石,歷西朔方九原、以五月至於甘泉,周萬八千里。夫武帝儀衛可謂多矣,徵求可謂眾矣,尚能八月之間,周歷萬八千里、而舜則儀衛少而徵求寡,豈不能周歷萬八千里

豆170 參見東萊書說卷二十六,頁1

註 171 見陳經詳解卷四二,頁1、2。

ax 1.72 見東萊書說卷三一,頁7。

註173、見陳經詳解卷二,頁8。

子「註174 !

二者相校、陳氏承林氏全解之义、淵源自見、唯陳經變論舜之歷萬八千里爲可信、轉而評武帝千乘萬騎、段聖經而文其侈爾。又禹貢篇、陳氏多引用林之奇全解之文、 然於林之奇之說則多未敢從,而每轉用東坡之說。若禹貢「冀州」,陳經首引孔穎達 大段疏文,再引東坡之言,次又引「或者」之言,其言曰:

孔類達云:九州之次,以治為先後,以水性流下,當從下而泄……每州之下,言水路相通,通向帝都之道,言禹每州事了,入朝以白帝也。東坡曰 堯水河患最甚,江次之,淮次之,河行冀兗爲多,而徐其下流……以治江河上流餘患。或者以前二說未盡,謂九州特紀其疆界,而治其先後之序,則自導岍及岐以下是也:蓋水勢未嘗不自上而下。竊意禹之行水,既自下而上,從東向西,因其下流,隨其州而先治之,及九川既畢功,方見得眾水之原因,記水所自出,與向來加功之處,未必是先導河使入每已畢,又導江使入于每,如此不亦勞乎。諸家之說,皆兩存之〔註175〕。

接考林之奇全解,亦首引唐孔氏之言,次引蘇氏之言,再加己見,即陳氏所謂「或者」也、註176.。惟陳氏引諸家之文,視林氏尤詳備,而於林之奇之說,則大肆撮要 古之,終以兩存置之。可見其汲取文辭於林氏,而未必取林氏之說也。又其論「賈懷厎續,至「橫潭」曰:

河内郡有康縣,在河之北。章水橫流入河曰衡潭。濁漳水出長子縣,東至鄴縣入清潭;清漳出上黨沾縣大黽谷,東北至渤海阜城縣入河,此二水相合橫汽入河也 莊 777.。

林之奇全解,於同一經文下云:

孔氏曰:覃囊近河地名。漳水橫流入河,覃懷致功,至于衡漳。地理 志云:河内郡有懷縣;蓋覃懷二字共爲一地。王肅云:衡章二水名。而孔、 擊諸儒亦謂漳水橫流入河、當從孔氏之說。清漳水出上黨沾縣大黽谷,東 北至渤海阜城縣入河:蜀漳水出長子縣,東至鄴縣入清漳;蓋二水相合橫 流而入河也 註 78.。

陳氏詳解繼之曰:

at 174 見林氏全解卷二,頁 20、21。

註175 見陳經詳解卷六,頁4、5。

BI 176 參見林之奇全解卷七,頁5、6。

註.77 見陳經詳解卷六,頁7。

註178, 見林書卷七,頁9。

曾氏曰:河自大伾折而北流,漳水東流注之;地之形南北爲縱,東西爲橫,河北流而漳東流,則河從而漳橫矣。禹自覃懷致功,遂逾太行而北, 既得漳流導之入河,漳水合河下流,如不治則亦害于河流故也、至179〕。 林氏亦繼之曰:

曾氏曰·河自大伾折而北流,漳水東流注之;地之形南北爲縱,東西爲橫;河北流而漳東流,則河縱而漳橫矣。禹自覃懷致功,遂踰太行而北,既得漳原而導之入河;漳水合河下流,如不以道則亦害於河流故也。曾氏論禹貢山川地理,援引書傳,考究源流,其說皆有依據,此諸儒之說爲最詳,學者能取信於先儒之說,則思過半矣、至180。

陳氏繼之又曰:

禹自壺口至衡潭,皆治河流之害,與別流之入于河者,下文導河積石 以下,載河流之大概,其委曲見冀兗等州,禹之加功見三處:治壺口則梁 岐之水皆治,既治太原之水,沿流至太岳之水;太岳在太原西南,上流治 則下流通而入于南河矣;既治覃懷之水,則至于衡潭之水入于東河矣。此 皆審其利害所在,規模簡要不煩也 至[8]]。

林之奇繼之曰:

禹治水先後之序,既見于下文導山、導水之次矣,……(約兩百字 …… 冀州在東河之西,西河之東,西河之北,故其所治,自壺口至于衡潭,皆 所以治河汽之害,與夫兄流之入于河者,爲之決導,使之順序;蓋於下文 導河積石以下,載河流之大概,而其委曲則見於冀、兗等州;彼此相發而 治水之功可以盡見(註182 。

合林、陳二氏之說觀之,可見陳經解禹貢之文,多因襲林之奇者;林之奇解禹貢, 多取曾旼彥和之說,陳經既引林氏之文,故亦因之而引及曾氏之說也。不獨曾氏如此,陳經詳解兩引王安石之說,兩引薛氏之說,一引鄭樵漁仲之說,兩引周希聖之說,一引陳氏之說,類與引曾氏同,皆林氏本已引之,遂因用林氏之文而引之者也。 對此二書相應之處,自然得之。

陳氏雖多引林氏全解之文,然於林氏之說,則以「或者」、「說者」、「或說」、「 說」出之,而不明言其出於林之奇,未知其故。若夏僎引林氏之說,則每稱「少穎

[「]註 1791 見陳經詳解卷六,頁7、8。

[、]缸180, 見林氏全解卷七, 貞9、10。

[[]註18.1 見陳經詳解卷六,頁8。

註182 見林氏全解卷七,頁1。

日」; 二者大不同。

禹貢之外,陳經於他篇亦每引林氏之言。若洪範「五福六極」之疇,陳經論其 相配之說曰:

動不遇吉為凶,未六十為短,未三十為折,此則考終命與壽之反也。 疾者有惡疾,憂者多憂,即康寧之反也。貧者困于財,即富之反也。惡者 醜陋,弱者用心不剛,不能強于為善,即攸好德之反也 雖 1831 。 此以且福六極分合相配,或以一極配二福,或以一福配一極,或以兩極配一福,其 說蓋亦出於林之奇所引張景之論也。林氏全解論之曰:

張脢之曰:其義相反,不必數之相敵。五福曰壽曰考終命,六極曰凶 短折;此一極而反二福也。五福曰富,六極曰貧,此一極而反一福也。五 福曰康寧,六極曰疾曰憂,五福曰仪好德,六極曰惡曰弱;此則二極之反 一福也。蓋亦各盡其意而已矣。至184。

林氏用張晦之之說; 陳氏之說, 其義解仍用孔傳之說, 而配對則用林氏引張景之說, 可見陳氏亦取於林氏也。

4、徵引葉夢得之說

陳經解禹貢,文多用林少穎之辭,然亦非全盤抄襲,蓋亦嘗以己意己見移易補 綴之矣。其中陳經引用「石林」葉氏之說有兩條。禹貢「導岍及岐」,段之下,陳 氏曰:

石林先生云:周官言天下之地勢,兩山之間,必有川馬,則導山者濬 兩山之川,屬之大川,以同入于海。今以經文致之,下文言人于海,則先 儒與石林之說不誣矣 註185 。

又「導洛自熊耳」一段・陳經云:

石林云:淮出胎簪,至桐柏而始大:渭出南谷,至鳥鼠而太;洛出冢 嶺,至熊耳而大;因其流之大,可以爲人害者治之,而非其源,莊1861。 林之奇全解禹貢文中無引葉石林之說,陳氏引之,以補徵引之未備也。然葉氏之說, 其書已佚、註187 ,今不可考之矣。然陳振孫稱之,以爲視諸儒爲最精,或以此故而 陳經引之耶!

註 183 見陳經詳解卷二四,頁38。

註184 見林之奇全解卷二五,頁31。

至 185 見卷六,頁 46°

월 186 見卷六,頁63。

註 187 參見經義考卷七九,頁7。

5、徵用薛季宣之說

陳經兩引「薛氏」之說,皆因林之奇本已引用而遂引之,然陳氏說尚書,亦有 引薛季宣特有之論以爲說者。若泰誓序,陳經論之曰:

可馬遷作本紀,謂武王即位九年,祭于文王之墓,然後治兵于孟津, 其說是也。意者當九年祭文王治兵孟津之時,乃觀政于商,至十一年而討 不改過,然後大舉以伐討也。乃若戡黎之時,竊意正當治兵孟津之時,亦 未嘗審乎是否也 註 88 。

按考薛季宣書占文訓,於西伯戡黎之下,嘗謂曰:

書序殷始咎周,周人乘黎,蓋商人咎周之不伐紂,故武王有乘黎之舉; 秦誓觀政之語,謂乘黎也 註 189 。

又 F 泰誓篇曰:

可見薛氏以爲九年觀政者,即戡黎之事也。而陳經謂治兵*孟*津,乃戡黎之時,即是 用薛氏之說,雖以爲未審其是否,然有以參敬之者無疑矣。

總上所論陳經引宋代諸家之說觀之,其所引用,於蘇東坡獨多且深,而引呂祖 謙者則。爰而廣,於林之奇則用其文而不取其說。考東萊呂氏之尚書學,本即以東坡 爲宗,而東萊書說之作,亦爲繼補其師林之奇全解而爲之;至於薛季宜之古文訓, 於文則、承自郭忠恕,於義說亦多本蘇東坡。合而言之,陳氏尚書學之淵源,蓋始于 東坡,而終極於東萊,其淵源之跡可考明者若此。

四庫提要謂陳經之學,乃傳金谿陸九淵之學派者,其所據者,惟在陳氏自序所 云:「以古人之心求古人之書,吾心與是書相契而無間,然後知典謨訓誥誓命,皆吾 胸中之所有。」遂定陳經之學,歸於金谿。今考之呂祖謙之徒時瀾增修東來書說序, 記東萊之言曰:

爛軟經左右面承修定之旨曰·唐虞三代之氣象,不著於吾心,何以接 典謨訓誥之精微,生於百世之下,陶於風氣之餘,而讀是書,無怪乎白頭 而如新也、翻.9.1。

夫以吾心契占人之書,然後知典謨訓誥之義,本在吾胸・此說非金谿六經往我之意

[[]註188 見陳經詳解卷二一,頁2。

註 189 見書古工副卷六,頁2。

⁽¹¹¹⁹⁰⁾ 見前書卷七,頁2。

[[]註191 見經義考卷八一,頁6引。

所獨有,呂東萊之言,與陳氏之說,義尤相契切也,以此觀之陳經尚書之學,以時 間與學說而論,皆與東萊爲近,當由東萊一脈而來。可見四庫之論,實未考校陳氏之學,徒以私意虛指爲說耳。

宋元學案補遺,於槐堂諸儒學案補遺中,象山門人之下,補入陳經。王梓材案云: 象山號存齎,存齋語錄,蓄錄象山之語,宮即象山弟子也, 註 92 。

王梓材之說,較提要爲有據。然存齋語錄已佚,不能知其真面目矣,存齋一號,宋代名士取之者非一,是否指象由亦未可必。不如據陳氏尚書詳解立說爲有據。或陳經雖從學於象由一派,然其尚書學說則多取蘇、呂 系,蓋呂東萊之學,當時與朱、陸之間,則有似陸者也;若楊簡爲陸氏高弟,於東坡、東萊之說,亦多取馬。

(二) 陳經治尚書之觀念與方法

陳經尚書詳解,多取占疏,故於尚書小序則以爲孔子所作,於尚書經又,則以爲孔子所定,故說義基礎於二孔爲多,是以無甚疑經眞僞之論,有之者僅數處經文錯簡之說耳。其論堯典二字曰:

夫子贊易自伏犧而下,定書自唐虞而下,莫不各有其意。……暨乎堯舜繼作,人道始備,可以爲百王之冠:後世之所取法。故書首二典,觀論語堯曰篇稱堯曰咨爾舜而下,是皆夫子斟酌帝王之道,可以通行于天下後世者也;知堯曰篇之所載,則知夫子所以定書之本旨矣(註1931。

此可見陳經遵尚書孔序之說,以爲天子定書,上斷自唐堯,各有其意。陳氏又於堯 典小序下云:

此夫子之所作也。書序,序所以作書之意,故引之各冠其篇首 註 1941 。

此又可知陳經信孔子作小序,故於小序無所疑。陳氏論胤征篇之義,引東坡之 說謂「羲和貳於羿,忠於夏」,「胤侯黨惠奉亂命」,以爲東坡之說甚高明,非常人所 及;然陳經未採其說者,蓋因與小序及孔子定書相悖故也。其言曰:

其 東坡 所見甚高明,非常人所及;後之君子,未敢以其說為正者,蓋其書已定于夫子之手,序之者第云羲和湎淫,廢時亂日,胤往佂之,初無異說。觀此一篇可見古人以天時爲重,以西爲禁。羲和掌天地四時之官,堯典一篇,首舉命羲和之事,至此日食不知,而遂以六師討之; 足況禹惡旨酒,自周以來,群飲則殺,深見古人之禁酒甚嚴; 羲和廢時亂日之罪,

[·]註192 見該書卷七七·頁27。

註 97 見陳經詳解卷一,頁1。

經 94、見前書卷一,頁2。

原于沈湎之故,其犯此禁也亦重矣,故王朝九伐之法,不得而赦、至 195 。 陳經以堯典證羲和典天時,其職甚重;以酒誥明酒禁,其罪甚惡;故不可如東坡之 說爲佯狂沈湎,廢時亂日爲忠於夏者,進而說有必誅之因,以見小序之說合義也。 既信小序之說,則東坡之論雖新穎可愛,亦不得而採之矣。明夫上述治尚書之基準, 茲復析論其觀念與方法如次:

1、天人相诵之理

尚書本爲記聖王論治之大法,其言多關切乎人事,然商人尚鬼,周文郁郁,猶重喪祭;故尚書之中,亦嘗記災異卜筮,天變洪水之事也。若舜典之納大麓,烈風雷雨不迷;高宗肜日,則有雊雉鼎耳之異;金縢啓匱,則有反風禾起之應;洪範之首論五行,而殿以庶徵、福極;凡此種種,皆足使後世藉以爲祆祥、災異、讖緯之資;漢儒洪範五行傳,言天人相應之事者,即其明例。唐孔氏止義,解經號爲平實,然猶有讖緯之言。逮宋慶曆之間,歐陽修嘗上「奏刪九經正義讖緯符子」,王安石新義,亦不言天人相應之說,風氣一變。然東坡作書傳,與王氏新義相辯,王氏不言天人相應,而蘇氏則力主之。故東坡論高宗肜日,以爲可以以類象求之;論洪範以爲天人有相通之道;皆是也。故陳氏解說尚書之義,亦多本天人相通相感之說。天天人之所以能相感相通者,蓋其本同源故也。陳經論之曰:

人與天地萬物,同此一氣。天地未定位,一氣混然;及此氣既分、輕清者上浮,重濁者下凝,浮者爲天、凝者爲地、天地之氣,交感生萬物,而人最靈。皆此一氣也;星辰得之而有次舍躔度,日月得之而有四時長短、人得之而有析因夷隩,物得之而有作訛成易、至196)。

夫萬物皆爲一氣所出,其間本性自是相同,故凡能不蔽于物而能盡其性者,當可與 萬物之性相感相通。能之者,人也。陳經繼之曰:

惟知道爲能默識大要,則以人爲主。蓋人者,天地之心,萬物之靈, 五行之秀,是故三才之氣,相爲感通。人道亂,人事乖,則其乖戾之氣、 亦足以感觸天地,三才之氣交亂而災害日至,陽愆陰伏,凶荒荐臻,民益 困窮(註 197)。

人得三才秀氣,爲萬物之靈,有能通能感之道焉。然人有上智下愚之異,有自誠明者,有自明誠者;及其自修道而率性,能復其命性之本,則可感通矣。能感通者, 其在人上之位矣。所謂「綏厥猷惟后」也。故爲君者之所舉措,皆與大地相感也。

[、]紅195 見前書卷九,頁1。

註196) 見前書卷一,頁7。

駐197 見前書卷一,頁7、8。

或政有所失,則災異屢至;或政通人和,則五時來備,民康物阜。棟經論帝堯曰:

或曰堯有堯之性,萬物有萬物之性,堯有何預于天下?曰:性一也, 人各得之,如日月之明,散在萬物,萬物各得其明,此明而不偏,其爲明 無二也。故堯全是性,天下無不應者,其機同也。天下各具此性,無以感 之,則亦彫喪述亂,如行德而仁壽,行暴而鄙天是也(註198)。

堯全體皆是性之本然,無一毫蔽障,故無所避而天下皆應矣。是以陳經甚重大人之際。其因大禹謨禹征有苗事而論之曰:

余嘗論感應之理,謂天下之理一而已矣。惟其一、故感彼應此、不疾而速,不行而至者也。自夫人反躬之未至,天理不明、人欲昏蹇,故物我爲二、天人爲二,內外彼此爲二,障蔽日深,動輒窒礙,何自而能感哉!山下有澤,君子以虚受人、聖賢所謂物我者,初無異理,惟能私意消釋、天地皆吾同體,自然有感有應:所謂正己而物正,篤恭而天下平,其身正而天下歸之,皆此理也、註199)。

按陳經此「感應」之說,「天下一理」之義,蓋亦本諸呂伯恭也。呂東萊書說曰:

至誠可以感神,神與人,一理也。歷舉天之可動,神之可感,人如瞽瞍者,亦可使之允諾;則豈苗民之不可格;當時虞廷如禹如益,皆實用工者,故其言深見天理如此「註 200.。

夫天人既一理,故凡人者欲進德修業,參天地造化之大功,則必力求復其本性,務 求天人合一,孟子所謂「萬物皆備於我,反身而誠」是也。爲君者尤然。故陳經論 洪範,治國之大法,力闡天人合一之道。其解「初一曰五行」一段云:

五行爲萬物之本,次以五事,蓋以人治物者也,故五事則在乎敬,敬則視聽言貌思皆得其正。正己者所以正人也,故次以八政,則在乎農;農者厚也,政施于民,不厭其深厚。治人者不可以不知天,故次以五紀,其用則在乎協;五紀者,爲天之綱紀也,以人合天,故謂之協;協即和也,人事乖于下,則天紀亂於上,必以人而和合之。欲順乎天者,必本于大中之道,故次以皇極。……人主建極則五行、五事、八政、五紀皆得其中,三德、稽疑、庶徵、五福六極亦得其中矣。……必參之以人謀、鬼謀,以合幽明之理,故次之以稽疑。……明乎鬼神之理與人之理,則吉凶可以無差,而疑者可以决矣。疑既决而又取證于天之休咎;九疇皆得,則天應以

^{31 198} 見前書卷一,頁3。

[、]註,99 見前書卷三,頁3。

BI 200 見東萊書說卷三,頁 21。

休,皆失則天應以咎。……休咎之在天者可見,而又放之在人,天與人一理也,九疇皆得則爲五福,皆失則爲六極 註 201 °

君王治國,需先識此理,用功行之。成已成人,進而成物,斯可臻聖王之域矣。故陳經謂通天下一氣也,理也,君臣上下,理之在人者,即其歲月日星之在夭者,人王知此,則可以知夭道而立極;人臣知此,則能贊萬機而調變陰陽矣 (註 202 。

2、以史事解經,以經義論史

夫天人一氣也,一理也,既有感通之理,亦有感通之事;孟子謂四方聖人曰:「此心同也,此理同也。」然則六合之內,占往今來,無不因此理而可通貫也。是以陳經序曰:

苗民之碩,若非干羽之所能格;太甲不明,若非三篇書之所能變移;

天雨反風,亦宣啓金騰者之所能感動哉。然此舉彼應,捷若影響。泛觀帝王之行事,幾于散漫無所統紀者,然旁通曲暢,無不各得其宜,各止其所;此豈無自而然哉!道行于天地之間,散在萬物,萃于人心,廣大悉備,悠久無禮,卓然常存,而未始斯須亡也。精粗一理,古今一時、物我一機,天人一致;得其所謂一,則應變酬酢,開物成務,亦無往而非一之所寫也、至 203 。 古今既一揆,則後之視今也,亦猶今之視昔矣。故陳經解尚書,每以後史證前事,亦常以經義論後史。此法亦非始創於陳氏,蓋前此者若林之奇、呂祖謙,已孜孜於是矣。此二者,亦正陳經尚書學之大淵源。呂祖謙書說,屢據書以評後世之失。若其論牧誓「不愆于六步、七步、乃上齊焉」,則曰「後世之師,有追逐夜行三百里者,其紀律安在哉、註 2041」;其說武成歸狩「示天下弗服」,則謂「後世蕭俛、段文昌銷兵,一有禍亂,遂不可支吾。註 205 」;凡此者甚眾。陳經說解書經文義,融合經史

(1) 以經義論後史

之道,約有如下兩端:

夫經者,恒久之道;聖人立言垂教,百代遵之;故據經立言,則不失其正;據經行事,則不入於邪;故依經以察史,可知理之得失所在,亦足爲後世鑑者也。若陳經論堯典命羲和曰:

是上代以來,皆重歷數、故知堯于卿官外別命義和、似尊於諸卿;後

註201、見陳經詳解卷二四,頁11、12。

註202 參見前書卷二四,頁37。

^{# 2031} 日註 141 ·

註204, 見增修東萊書說卷十一、, 頁4。

註 205、見前書卷十六、頁6。

世稍益卑賤,周禮太史掌正歲年,馮相保章,即義和職也。左傳云日官居卿以屆日,猶知尊其所掌。自漢以後,又史星歷,近乎卜祝,遂指爲藝術之流,而古人之意寖薄矣:蓋緣後人以天人分爲二事,不知堯所以命官, 天人只作一事也 si 206 。

此據堯典見上古重歷數,以爲首要之事,可見天人相依之理,而後世不明此義此理,不獨失歷數之旨,亦失敬授民時之理也。又其論說命下未章云:

詳復此章之意,可以見古者帝王君臣,其不自足之意如此。君不以四海仰德而怠于資臣,臣不以君之已能而怠于輔其君;君臣相期,俱欲至于先王先正而後已。唐太宗貞觀之治,一見魏公勸行仁義之既效,遂喜形于色,其不及古人遠矣 誕 207)。

此因高宗、傅說之言,以評唐太宗沾沾于小成,是不及古人遠矣。

(2) 據後史證經義

陳經論顧命序「成王將崩、命召公、畢公率諸侯相康王、作顧命」曰:

夫以召公之勳德,與周公同,而其位乃次于畢公之後,以此見古者腹心宗臣,與社稷同體,初不論職位之高下,官資之崇卑。晉文公十九年在外,及其定霸,無非趙衰,狐偃爲謀主;文公自僖公二十四年入國,至僖公二十七年萬于被廬、始命狐偃將上軍、趙衰爲卿,狐偃則遜于狐毛而佐之,趙衰則又遜于樂枝、先軫。以後世論之,二臣自入國即當以高官大職處之可也,經數年而後命將上軍及爲卿之任也,又相遜。齊桓公之霸,全在管仲,管仲只爲下卿;及平戎于王,王以上卿之禮享之,仲不敢受,且曰:有天子之二守國、高在。當時國子、高子當爲齊上卿,然國、高初無功于齊,而管仲甘處于國、高之下。漢高祖之興、全在張良,其後立太子,便叔孫通爲太傅,張艮爲少傅;由此觀之,腹心之臣,本無計較官位,自春秋漢世以來,尚有之,而況召公之大賢乎哉。註208 !

此章連舉三事,以證召公所以列位畢公之後之說無差;後世如此者既多,則推之上世,何獨不然。陳經引後事說經義,不止於史,至於當代之事,亦可引之作說。若其論說命高宗夢得傳說事曰:

高宗之所以能感乎天,能感乎說者,以其知德之弗類,恭默思道而虚 其心也。雖然,高宗豈無所自而然哉?其始之舉于甘盤,而所得已多,故

註206. 見陳經詳解卷一,頁8、9。

註207. 見前書卷十七,頁25。

程 2081 見前書卷四二,頁3。

今日之恭默思道,今日之得傳說,皆前日之學于甘盤而有得者也。後世私心而窺聖賢者,謂夢中所見未必有是事;又安知至誠之道,可以前知,實有是事哉!嵩前有董五經,隱者也;伊川先生聞其名,特往造焉;董平日未嘗出菴,是日伊川不值,還至中途,一老人負茶果以歸,且曰.君非程先生乎?伊川異之;曰:先生欲來,信息甚大。尹子問于伊川,伊川曰:靜則自明。觀此則高宗、傳說之事不誣矣 \$\$ 2009 。

又其論舜典「詢事考言,乃言底可續」曰:

帝堯雖號知人,亦不以空言取士,既詢事以考言,又因言以責其功, 則舜之所以言于堯者,皆其胸中之規畫素定,終身所行,無一不合者。韓 信北取燕趙,東擊齊,南絕楚之糧道;范文正公上宰相書,皆以一言決定 他且之所爲,而兄舜大聖人,而言有不合于所行者乎,註210!

陳經舉董五經與伊川事以證高宗夢得傳說爲不誣;又舉范仲淹文正公之舉措明大臣 之念,皆素定於胸中,非隨意所得者也。二者皆宋代當世人物事蹟也,而陳氏不忌。 二事之外,陳經亦引王安石諫官論,蘇洵管仲論之文作解,亦同此意也。

3、以經解經

陳經之著作,見著錄者有詩講義,可見其學亦長於詩經,然未見陳氏有易經之 著作;今考尙書詳解中,引易理以說尙書義者獨多,或 經所載之事最占,且陳氏 亦長於易使然也

陳經解大禹謨「好生之德, 治于民心」曰:

天地大德日生。一陽方復于建子之月,雷在地中,而易以見天地之心, 則天地之心者,皆所以生物也 註211 。

此解「好生之德」,引易經復卦象辭、彖辭爲說,以見天地好生之德,而大禹能協之矣。又其論文侯之命曰:

觀此章見平王無興復之意。雖求助于諸侯,而平王殊不能自立;雖御事之臣無有耆俊,而平王不能求賢以圖事,所以國家大仇,終不能報。然則爲平王者,宜如衛文公、燕昭王、越王勾踐,奮然有必爲之志,則可矣。 謙之六五曰:利用侵伐。當平王之時,正當侵伐收攬威權之時,而謙以自處,曰:予則罔克。此所以不復興也 註212 。

at 209 見前書卷十七,頁4、5^a

至210 見前書卷二,頁3。

at 211 見前書卷三,頁16。

at 212 見前書卷四八、頁5。

陳經之論,既舉燕昭、勾踐爲言,示必如此然後大仇可報,復引易謙卦六五之文, 以申平王當積極圖治,今而反謙言罔克,是足見平王之不能復興周家王業也。

4、疑經之說甚少

宋代疑經之風,始於慶曆年間,蘇軾、劉敞、E安石等,皆有說焉。其後學者 說尙書,或多或少,總致疑於其間。陳經多依二孔,故於疑經改經之說甚少;此與 東坡異趣而尤近乎呂東萊。若洪範「曰 E省惟歲」一段,蘇軾以爲乃五紀之文;呂 祖謙則無致疑之辭,陳經曰:

說者以此爲五紀之文,非也。若以爲有歲月日星五紀之文.... 泐漫不可辨兩行,…王者無爲,居尊兼總萬事而加省察爲,亦如歲然 至213.。陳氏所非者,蓋爲東坡之說,並爲辨此文之與庶徵相關,非五紀所獨有者。可知陳氏甚反疑經之議也。

綜合陳氏詳解,其致疑於經文者有四條:

(1)舜典「夔曰於予擊石拊石,百獸率舞」

陳氏曰:「此一段說者以爲益稷之文,脫簡於此 註 2141。」

按此說者蓋指蘇軾及劉敞也。其說林之奇全解引而評之曰「以理觀之,義或然也。然筆削聖人之經以就己意,此風亦不可長 註 215 」;林氏亦鮮言疑經者,於此亦云「或然」。呂祖謙亦云「或者以爲脫簡,亦未可知;不然,變若自言其功、註 216 」,蓋亦在疑與不疑之間。陳氏此引曰「說者」,未指其實,亦未置然否,蓋與林、呂 氏同調也。

(2)舜典「陟方乃死」

陳經於舜典「陟方乃死」下云:

陟方乃死。先儒以爲升道南方,謂舜在蒼梧之野、或又疑東南不可謂之升,凡升遐曰陟,如新陟王是也;乃死,作書者以是而釋陟方二字。姑 闕其疑、₹ 2.7 。

按此說出於韓愈也。蘇東坡嘗用其說曰:「韓愈以爲非。其說曰:地傾東南,巡非陟也; 陟方者猶曰升遐爾; 書曰惟新陟 E是也。傳書者以乃死爲陟方之訓,蓋其章句,

[、]註213 見前書卷二四,頁36。

^{[\$1214} 見前書卷二·頁28°

RE 215 見林氏尚書全解卷三,頁2。

[[]註216, 見增修東萊書疏卷二, 頁17。

[、]註217 見陳經詳解卷二,頁33。

而後之學者誤以爲經文。此說爲得之。 註 218) 」此說於宋代首倡於東坡也。其後林之奇以爲非。其全解曰:「揚子曰:黃帝、堯、舜殂落乃死,與陟方乃死文勢正同, 豈亦詩書章句之言哉 (計 219) ! 」呂祖謙則無說。可見陳氏此闕疑之說,蓋有取於東坡而未敢必然也。

(3) 皐陶謨「允迪厥徳・謨明弼諧」之下有闕文

陳氏於「禹日俞・如何」一段之下曰:「禹日俞如何上必有闕文 (註 2201 。」蓋 陳氏以爲篇首「日若稽占皐陶日允迪厥德謨明弼諧」一段,乃作書者以之形容臯陶 之德也;禹與臯陶皆若稽占,見其與堯舜同德、社 221.。

按堯典篇首有「曰若稽古帝堯曰欽明文思安安」 段,文句與此與正同;堯典之「帝堯曰」不可謂「帝堯言曰」,乃史官以此名狀帝堯之德,同理則臯陶謨之文當亦如之。孔傳解堯典,則以爲狀堯之德,解亳陶謨則以爲臯陶言曰之辭,於文例言之,實欠通暢。故蘇東坡首倡關文之說曰:「書言若稽古者四、蓋史爲此書也。曰吾順考古昔而得其爲人之大凡如此。在堯曰……在舜曰……在禹曰文命敷于四海祇承于帝;在臯陶曰允迪厥德,謨明弼諧;皆有虞氏之世,史官記其所聞之辭也(計 222 。」故東坡復云:「允迪厥德,謨明弼諧者,史之所述,非臯陶之言也;而禹曰俞,所以然者誰乎?此其間必有闕文者矣。臯陶有言而禹然之旦問之。簡編脫壞而失之耳、計 223 。」林之奇則以爲堯、舜、禹與臯陶有別,其言曰:「薛氏……(當爲蘇氏之誤 …… 蓋未深考典謨命名之旨 計 224 。」蓋:者皆爲帝上,惟臯陶爲臣 乎,故不可混爲 一談。呂祖謙書說,亦以爲「允迪厥德謨明弼諧」八字爲史官狀皐陶之德也,故其亦 上闕文之說。其言曰:「或言上有闕文。未可知。皐陶必先有所言,禹始發問,始大禹謨先載禹言之類 計 2251 。」其明用東坡之意也。綜合言之,陳經此段主張,其用蘇氏之意甚明且堅決也。

(4)禹貢雍州「厥貢惟球琳琅玕、浮于積石、至于龍門、西河、會于渭汭;織皮崑 崙析支渠搜,西戎即敘」有錯簡

陳經於禹貢雍州上述之文,引東坡之言曰:

[[]註218] 見東坡書傳卷二,頁15。

註219、見林氏全解卷三,頁26。

缸220. 見陳經詳解義四,頁3。

紅221, 參見前書卷四、頁1。

至 2221 見東坡書傳卷三,頁11。

註2231 見前書卷三・頁12c

紅224 見林氏全解卷五,頁2

註 225. 見增修東萊書說卷四,頁1。

東坡云:禹貢之所筐,皆在貢後立又,而青、徐、楊三州,皆萊夷、 淮夷、島夷所筐,此云織皮崑崙析支渠搜,大意與三州無異,蓋言西戎即 敘,崑崙析支渠搜大概皆筐織皮,但古語有顯倒詳略耳;其又當在厥貢惟 球琳琅玕之下;其浮于積石,至于龍門、西河,會于渭內三句,當在西戎 即敘之下,以記入河水道,以結雖州之末;簡編脫誤,不可不正、註226,。 按此段全引東坡之三,是其亦取其說,以爲有脫誤也。東坡之說,考諸禹貢文例, 其說可信。林之奇不以爲然,呂祖謙無說。可見陳氏此說純出於東坡也。

綜合陳經疑經之說,皆出東坡所主者,雖東坡所主疑經之言不止於此,然亦足 見陳經尚書學與東坡之淵源相承之跡也。

(三) 陳經解尚書之議論與己見

陳經著尚書詳解,雖前有淵源,然亦非抄襲拼奏,蓋時有己意出焉;其說解書 義之中,亦每因以發抒議論,此亦東坡、東萊所擅者也。

1、因尚書論為治之道

夫尚書一經,本即記聖朝君臣爲治之跡及謀謨,故言尚書者因論爲治之道,實屬平常;漢世帝于皆研習尚書者,亦以此故也。東坡因無逸言人主永年之藥石 [註 227],東萊言堯典 篇,主在「欽」一字 (註 228. ,如是類皆是也。陳經亦常因解書而論爲治之要。若其論堯典曰:

看堯典一篇,須見得堯所以盡君道:看舜典一篇,須見得舜所以盡臣道。蓋君道在于無為,乾知大始也:臣道在于有為,坤作成物也。今觀堯典無他事,惟用人知人而已。故明俊德興乃命,分命、申命、若時登庸。若予采、有俾义,皆是堯之所以用人知人。以此見人主無職事,惟在于用人知人而已 註 229 。

此以堯典以明人君無爲、惟在知人用人耳、與臯陶謨之言「在知人」相應。又其論 舜典「闢四門、明四目,達四聰」曰:

竊嘗觀古之治天下者,莫不以是爲要道,蓋使吾身立于無蔽之地,如 人之養生然;關節脈理,心欲其無所凝帶,一節不通,則身受其病矣。古 之王者,所以使工執藝,瞽誦詩,士傳言,庶人謗,商旅議者,亦欲使天 下之匹夫匹婦不得隱其情,然後君臣上下得以無壅。以漢之武帝觀之,其

科 2261 見陳經詳解卷 、· 頁 42 · 東坡書傳見卷五 · 頁 20 · 21 ·

E 227, 參見東坡書傳卷十四, 頁 9。

註228, 參見增修東萊書說卷一, 頁16。

註229、見陳經詳解卷一,頁14。

征伐,其重斂,其好大喜功,不減于奏皇,而得為七廟之宗,所以與奏皇 異者,徒以下情通故也。觀主父之徒,上書者朝奏暮召,輪臺之詔,其所 以敗亡者,無不悉之;以此見通下情,乃治國家之要道也、至230 。 尚書詳解之中,凡此者多矣。

2、解尚書プロ見

陳氏解經,多因前儒,然亦有己見存焉。若其論商書湯誥曰:

此篇大略與前篇仲虺之語相爲表裏。前篇乃仲虺釋湯之疑;此一篇 乃成湯推廣仲虺之意,以布告天下,所以釋天下諸侯之疑。昔武王克商, 遷九鼎于洛邑,義士猶或非之,天下既定,商民不服者幾四十年。湯之 克夏也,安知天下無有懷疑而未釋者;天下有懷疑未釋之情,湯不能以 一朝居,于是歷舉天命,與桀之當伐以告之,其末章之意,又言吾之所 以有天下者,非假是爲樂也,震懼驚惕如不自安然;凡爾有罪,皆予一 人之故,予一人有罪,皆聽命于天。成湯既以有罪歸諸己,則天下之情, 庶乎其少安矣。至231.。

陳經以湯誥與仲虺之誥等視,以爲皆釋疑情之作,並以商民於周比觀之,以明民情之多疑,而疑亦難釋;武成之歸牛放馬,倒載文矛,包以虎皮,示不復用,亦釋疑之事也。陳經又論泰誓曰:

武王之誓中、下二篇,只及西土……又有一説焉 當時之諸侯,皆已明知紂虐政而更不待再三言之矣,至如西土之眾,海涵春育于文王明德之中,不知有紂之易火,想此舉未必不以武王爲勞民動眾,如湯之民以爲我后不恤我眾之意;故武王不得不惓惓西上之人 註232,。

陳經此說,蓋借湯誓之義以言泰誓也 湯誓之文,歷來解之者,皆謂湯之民沈游於 湯之明治,不識桀之暴虐,是以湯動眾伐桀,眾心有怨辭;此義蘇東坡、林之奇、 呂祖謙、王柏、金履祥以下,蓋無異辭。然如陳經借之以解泰誓之所以誓西 r.之人 者,則首見於陳經,別無他見。

至於文字訓釋之事、則多本二孔、無新說之見馬。

四、陳經尙書學之影響及評價

陳經尚書詳解,既用蘇東坡、呂祖謙之說爲多,是其於宋代尚書諸家之中,視

at 230 見陳經詳解卷二, 頁 16、17。

SE 231] 見前書卷十二,頁[。

ET 232 見前書卷二一·頁2。

未喜、蔡沈爲異途。四庫提要謂與蔡傳頗有同異,其言誠是也。觀元代董鼎之書集傳輯錄纂註,于纂註之中,亦時引陳經之說,註 231 ,是陳氏尚書說,亦見重於後世, 日與朱、蔡異。陳櫟書集傳纂疏,引陳經之言尤夥,幾乎每條皆有之。董氏、陳櫟, 皆宗朱、蔡者也,其引陳經之言,足見陳經雖與朱、蔡異途,然亦非相遠太甚,堪 起與朱、蔡之說參勘經義也。

四庫提要之於煉氏詳解,有評曰:

中間每采後世之事以證古經,雖本程氏說易之例,然如解說築傅巖條,引伊川訪董五經事,似爲非體;又論舜放四凶,云欲其居止,俾無所憂愁,見于聖人懲惡之義,亦有不協 註234 。

提要之評,蓋亦有偏責之嫌。大引後世以證占經,宋代諸儒,習以爲常,若林之奇、蘇東坡、呂祖謙等皆然,唯彼等未引當代之事爲說耳。然以陳經之時代言之,視伊川之與漢高、齊桓,其義相同,皆古代既有之史事,唯程度有遠古近古之別爾。且陳氏既主天地人 氣一理之說,則古今無別,其理皆同。然則何必以此藉口責之。至於舜放四凶,提要以爲陳經解之不足明懲惡之義。考孔傳云:「流、放、竄、殛皆誅也。」提要之基準在此。而陳經曰:

流、放、竄、殛,不必皆死刑也;特置之遠方,使不與中國齒也。何以知之?左氏曰:投諸四裔。而此經上文言象以典刑,欽哉,惟刑之恤, 則知舜當輕刑之際,猶懷欽恤之念;四凶雖劇惡,豈遽致之死哉 註235 。 故陳經不以殺之作解。且此說亦非陳經首創,林之奇早已言之矣,陳經蓋亦用林之奇之說爾;不必以此貴之。

四庫提要又云:「然其句梳字此,議論正大,疏證詳明,往往發先儒所未發之旨, 可與林之奇、夏僎諸家相爲羽翼, 于經義固殊有補焉。」其說雖有過譽之嫌,然大 致不差。據陳經尚書詳解之作亦可以見蘇東坡、呂祖謙尚書學之影響也。

第四節 魏了翁

~、 生平事略

魏了翁、字華父、邛州浦江人。年數歲、從諸兄入學、儼然如成人。少長、英悟

^{[34 233} 董鼎之輯錄纂註有[纂註引用諸家姓氏]表,其中列有「陳氏經 三山 全解」,而書中引用亦不少。

廷2341 同註 141。

註235, 見陳經詳解卷二·頁13。

絕出,日誦千言,過目不再覽,鄉里稱爲神童。年十五,著韓愈論,已有作者風。慶 元五年,登進士第。時方諱言道學,了翁策及之,故止授劍南西川節度判官。開禧元 年,韓侂胄謀以開邊自固,群言噤寂,唯了翁對策以爲不可。明年,以校書郎出知嘉 定府。丁父憂,解官,築室白鶴山下,以所聞於輔廣、李燔者開門授徒,士爭負笈從 之,由是蜀人盡知義理之學。嘉定十五年,被召入對疏二千餘言,蓋在蜀十七年矣。 理宗即位,累官至權工部侍郎,被謗劾,詔降三官,靖州居住;至靖,湖湘江浙之土, 不遠千里,負書從學,乃著九經要義百卷。紹定四年、復職;入對首乞明君子小人之 辨,次論故相上失猶存。六閱月,以端明殿學士同簽樞密院事督視京湖軍馬,尋復召 還,遂知紹興府安撫使而出。嘉熙元年卒,贈太師,諡曰文靖。所著有鶴山集、九經 要義、周易集義、易舉隅、周禮井田圖說、占今考、經史雜抄、師友雅言 註 2361。

二、尚書之著述與著錄

真德秀有九經要義之作,而尚書要義存爲。宋志著錄此書曰「書要義二十卷」, 經義考曰:「宋志二十卷、序說一卷,存 (計 237 」。今四庫全書中亦有此書,提要云:

了翁謫居靖州時著九經要義凡二百六十三卷。……是書傳寫頗稀,此 本有曠翁手識一印,山陰祁氏藏書一印,澹生堂經籍記一印,猶明末祁彪 住家所藏也。原自二十卷中,第七、第八、第九卷並供,無別本可以校補, 今姑仍其闕馬 至238。

是今四庫本尚書要義止有下七卷,序說一卷爾。九經要義之存於四庫者,今唯有周易、尚書、儀禮、春秋左傳四種,亡佚頗多,是當時是書似未盛行,故自後目錄家多未之及,惟明萬曆中張萱重編內閣書目,及菉竹堂、絳雲樓、述古堂諸目有之,然亦非完書。清嘉慶間,阮元巡撫浙江,復得尚書三卷,禮記三十一卷,呈補九經之闕,而禮記中曲禮猶闕,可證元明以來,即罕觀全編矣。同治間又有毛詩要義出而又佚;後於滬瀆有影寫宋本尚書、毛詩兩要義,而毛詩刊行,而尚書則未見 [註 239 。今所據惟四庫十七卷本耳。

三、魏了翁之尚書學

鶴山尚書學之著作,唯尚書要義一種,而尚書要義之內容體例,乃摘尚書王義 中注疏文字而成,復加標目,別無一語置其意於其間,故實難據之以探鶴山尚書之

註2361 參見宋史卷四百三十七儒林傳頁 17 本傳。宋元學案八十鶴山學案,總頁 1499。

[、]註237、見卷八三,頁50

訂 23x 見尚書要義前附。

註 239、參見莫祥芝毛詩要義敬。群儒考略魏了翁下,頁 8 引。

學;雖然,亦有可論者焉。

(一)尚書要義之探討

尚書要義 書,其實節撮自尚書正義,四庫提要論之曰:

尚書要義十七卷,序一卷,……皆摘注疏中精要之語,標以目次,以便簡閱……此其所摘尚書注疏也。孔安國傳本出依託,循文衍義,無大發明,亦無大瑕類,故宋儒說詩排小序,說春秋排三傳,而說書則不甚排孔氏。孔賴達雖詮釋傳文,不肯稍立同異,而原原本本,考證粲然;故朱子語錄亦謂尚書名物典先,當看疏文,然尚書既聱牙,注疏又復浩汗,學者卒業爲艱.了翁汰其冗文,使後人不病於無雅,而一切考證之實學,已精華畢撷,是亦讀注疏之津梁矣、其240,。

其意若析而言之,可分兩點:一為肯定尚書注疏本身之價值,朱熹亦甚重之; 1為 魏了翁作要義之目的與價值。

就第一點而論,朱熹甚重疏文之價值,然則鶴山取注疏爲要義,其本諸朱熹之理念歟!此未必然。鶴山之學,得之於李燔、輔廣甚深 (計 24. ,即其學源自朱熹 · 派,始無可疑。然鶴山嘗謂:

向來多看先儒解說,不如一一從聖經看來,蓋不到地頭,親目涉歷一番,終是見得不真。來書乃謂只須祖述朱文公;朱文公諸書。讀之久矣,正緣不欲於賣花擔上看桃李,須樹頭枝底,方見得活精神 註242 。

鶴 ... 又云:

某向來多作易與三禮工夫,意欲以讀詩記之類爲一書。比來山間,溫 尋舊讀,益覺今是昨非,安知數年後不又非今也;以此多懼,未易輕有著 述 至243 °

以此觀之,鶴山取注疏文爲要義,蓋既以爲注疏自有可取,或亦遵朱子之意,而鶴山之意,蓋不敢輕爲著述,亦欲就經傳注疏中自尋眞義,故僅就注疏中攝取之,以爲玩索體味之資也。

就前述第二點而論,鶴口爲要義,蓋亦有汰冗存精,以使後學之意。而四庫提要於周易要義提要中云:

王禕雜說云:孔穎達作九經正義,往往援引緯書之說,歐陽公常欲刑.

註 240 同註 238°

註 241 參見宋史本傳及宋元學案之鶴山學案。全祖望嘗論之矣,

註242 見宋兀學案八十鶴山學業,總頁152引鶴山答周子口之言。

狂243、问前註。

而去之,其言不果行;迨鶴山魏氏作要義,始加黜削,而其言絕馬,則亦 甚與以廓清之功矣 ** 244.。

據此言之,則要義之作,於刪選之際,鶴山已先有去讖緯之意。此說不獨見於此, 於明朝孫穀所編占微書提要中亦有是言。然則提要以爲「刪削讖緯之言」,爲要義之 重要準繩。考諸鶴山之言,其說亦不無根據;鶴山曰:

讀書雖不可無注,然有不可盡從者。只如鄭注三禮,已各隨時爲義,不能盡可,禮與詩異,詩與書異,書與易異,一事而自爲兩說二說者極多;其改字處十有八九不可從;最害義者,以緯證經,以恭制證周公之法。註245。

據此則下偉之說有可取信者矣。

然若據尚書要義之內容以探之,則又有不然者焉。鶴山慮己見之未定,怛於唐突聖經,不敢輕爲著述,而欲就經文傳疏中體會枝頭精神,此誠要義所以純採擷於傳疏之因由。至於汰冗存精,刪削讖緯之說,則有可議。考要義之體例,皆截取注疏一段,立以標目;然若彼本爲汰冗存精,則必每段皆有截抄,始足資讀者貫通經義之用,然要義之中,有部份經文之注疏,悉數不取者,如供範三德一疇,全無疏文,其意以爲三德之疏文皆冗耶?此不可之說也。至於刪削讖緯之說,求諸孔疏,本方不取讖緯者矣。正義於孔安國序「古者伏犧之王天下也」一段下云:

若然,尚書緯及孝經識皆云三皇無文字,……藝文志曰:仲尼沒而微言絕,七十子喪而大義乖。况遭秦焚書之後,群言競出,其緯文鄙近,不出聖人,前賢共疑,有所不取:通人考正,僞起哀、平,則孔君之時,未有此緯,何可引以爲難乎、至2461?

所謂「通人考正,僞起哀、平」者,語蓋出於文心雕龍正緯篇 計247 ,而通人蓋指 漢賈逵、張衡也 計2481 ,可見正義之作,本即不信緯書,故凡緯書之說,疏皆駁之。 若堯典「日中,星鳥,以殷仲春」,孔傳云:「日中謂春分之日。鳥,南方朱鳥七宿。

紅244 見四庫總日提要。

註 245 見註 242 引鶴山答夔曹趙師恕。

正246 見正義卷一・負1 ℃

[、]註 247 文心雕龍正緯篇云:「通僑考數,謂偽起哀、平」,語與上引正義之又稍異,而正義於卷十二,頁3洪範「天乃錫禹洪範九疇,彝倫攸敘」下云 「緯候之書,不知誰作,通人討覈,謂僞起哀、平。」與上例正心可互補。范又淵注文心雕龍曰:「正義之又,蓋本彥和。」其說是也。

[「]註 24x 參見後漢書張衡傳,張衡上疏之言曰,「任者侍中賈逵摘藏互異三十餘事,諸言識者 不能說。至於王莽纂住,漢世大禍,八十篇何不成?見知圖讖成於哀、平之際也。」 可貪參證。

股, 正也。春分之昏, 鳥星畢見, 以上仲春之氣節, 轉以推季、孟可知。」正義疏 傳曰:

天道左旋,日體右行,故星見之方與四時相逆:春則南方見,夏則東方見,秋則北方見,冬則西方見也:此則勢自當然。而書緯爲文生說,言春夏相與交,秋冬相與互,謂之母成子,子助母,斯假妄之談耳、至249.。 七疏斥書緯爲「假妄之談」,可證前說爲眞、且若孔傳之說與讖緯之說同,正義以爲 非孔傳用緯說,乃前世相傳有之,孔傳取前世之說耳。若洪範唐徵「月之從星,則 以風雨」孔傳云:「月經於箕則多風,離於畢則多雨;政教失常,以從民欲,亦所以 圖。」正義疏傳文云:

詩云:月離于畢,俾滂沱矣。是離畢則多雨,其文見於經;經箕則多風,傳記無其事。鄭玄引春秋緯云:月離於箕,則風揚沙作。緯在孔君之後,以前必有此說,孔依用之也、註250。

正義信孔傳出於孔安國,而安國在衰、平之先,故孔傳之說,必非出於緯書,乃因前世所固有之說也。

孔傳既不取信讖緯之說,故於鄭玄所引讖緯、中候之言,多所駁斥,然則無所 渭刪削之說矣、且通觀要義全書,於疏文引讖緯之說,亦皆錄之,未見刪削之迹; 更有甚者,於鶴山集中,鶴山論及尚書之語,有用鄭說讖緯之言者。其論洪範「星 有好風,星有好雨」曰:

此不獨引鄭玄讖緯之說,復益之以五行相克,下支衝破之論,其視鄭注,更有甚者矣。以是察之,鶴山尚書要義之作,非爲刪削讖緯之言而爲之也,提要之說不足採 信。然則何所爲而作耶?曰:爲考古今之變張目也。

考鶴山有「古今考」一卷,乃未完之作;其自序曰:

果陽山中暇日,編校經傳,自兩漢諸儒,去古未遠,已不能盡識三代 遺制,凡冕服車旗,類以叔孫通所作漢禮器制度爲據,其所臆度者,無以

at 249] 見尚書正義卷二,頁 16。

至250、見前書卷十二、頁24。

zi 25 見魏了翁讀書雜鈔卷一,頁 15

名之,則曰猶今之某物;然孔、賈諸儒爲之疏義,則又謂去漢久遠,雖漢 法亦不可考;因嘆三代遺制,始變於周末,太壞於秦漢,而盡亡於魏晉, 以後名物、稱謂、字義、晉釋,亦鮮有存者。……人情習於簡陋,古制蓋 不可考矣,始即漢紀,隨文辨證,作古今考、紅2521。

鶴山占今考末成一卷,止二十條,後有元代方回者(註 253, ,爲之續作,而其旨恪遵 鶴山之潰規焉。方回敘其事曰:

右鶴山先生初東所撰。先生次子故大府卿浙西安撫使知臨安府靜齋先生家藏,回客門下,自淳祐十二年壬子於知吾州時,入書塾,咸淳丁卯,國子正遭論,寄家於先生之鶴山書院,秋九月借親筆繹觀,遂錄諸此,所謂古今考者,僅成二十則而未竟。……靜齋謂鶴山之意,以漢最近古,用班固書帝紀隨的解釋,則知古制之所以變者,在於周末及秦,而古制之所以不復者,在乎漢之因秦之陋,善學者從是而推之,亦可以髣髴其遺意云至254.。

是方回之續作,乃沿鶴山之舊例也。而方回於書中云:

鶴山先生果陽山中,嘗取九經註疏爲要義,所以爲古今考張本也。古 今考雖不就,要義吾州有刊本,兵火已亡,而回尚留印本。謹以禮記、大 傳正義,對論賜姓賜氏賜族之別者,續于鶴山先生所論劉氏之後、\$# 255〕。 方氏於文下即引「要義曰凡姓族異者,所以別異人也」一大段作論。其後續作之書, 引鶴山九經要義立論甚多。若「附論周太宰九賦」曰:

回讀魏鶴山先生九經要義,批曰:漢法豈可證周;賈公彥曲附後鄭,賦口率出泉,即漢譯泉; 人謂末作增賦,若漢時賈人侶筭; 又謂計口出泉,無泉者以財賄當。鶴山又批曰未必然。…… 註 2561

續占今考論尚書呂刑「單辭兩辭」曰:

明清于單辭,聽嶽之兩辭,鶴山集要義,題曰·單辭一人獨言,兩辭 一虛一實。疏單辭謂一人獨言,未有與對之人。紫陽万氏曰:鶴山十二字

it 2521 見學生書局雜著祕笈叢刊印古今考、續古今考一書中,總頁 9、10。

註 253、方回,字萬里,一字 甫,號虛各,別號紫陽山人,安徽歙縣人。宋理宗景定三年進士,入元爲官,至元十八年後,不復任,成宗大德十一年卒年八十一。元史無傳,生平具載新安文獻志洪焱祖所撰傳中。

紅254、見註252書中,總頁10、11。

^{# 255,} 見註 252 書中,總頁 57,

註 256 見註 252 書中,總頁 683。

妙,疏十字亦好 註 257,0

方回以爲九經要義乃爲占今考張本,故所作續考,每引要義文字段落爲之也。方氏之說可信;蓋以體例言之,鶴山既欲明三代制度,及占今之變遷,則捨九經傳疏而莫由也。蓋經文爲一代之制,傳注則屬兩漢,疏則及隋唐矣,此正占今考之素材也;而考占今之變,非必每段每事皆可考,亦非每段每事皆可取用,亦或有評骘者爲;故要義者,取之九經傳疏之可考者,以備考占今典制之資用,其無可考者則不取也。此說於體例爲合。且方氏去魏鶴山未久,而彼所以續占今考者,亦得授意於鶴山次子靜齋魏克愚 註258 ,嘗曰:

四十一歲遭論,得鶴山先生以漢紀爲古今考二十段;前尹京靜齋先生 在吾州,與進壬子,年二十六未見此文,公乃得之,謂回可續考也 至 259.。 其續占今考既受意於鶴山之子,彼必當有以啓之;今其說若是,則視 E禕、提要之說,其近是實無可疑者矣。

以此言之,謂鶴山取傳疏以資斟酌體味,則可;謂其別有寄意如刪削讖緯者, 或謂其爲後學汰冗存精者,皆無的之說耳。

(1)魏了翁尚書學之淵源

鶴山向書要義,既本爲其占今考之作張本開目,今占今考未成,無可考其是非 臧否之見矣,然亦不可執要義之出於傳疏,即謂其尚書學純由傳疏而來。考鶴山論 「月三日則成魄」曰:

朱氏曰:魄者月之有體而無光處也,故書言哉生明,旁死魄,皆謂月二三日,月初生時也。凡言既生魄,皆謂月十六日,月始闕時也。鄉飲酒義兩言月三日而成魄,則是漢儒專門陋學,未嘗讀尚書者之言耳。疏知其繆而曲徇之,故既言月明盡而生魄,又言月二三日而生魄,何相戾之甚耶[註 2601]

此評孔疏之繆也。 孔傳疏見於康誥,今康誥一篇,要義闕逸不可考,然據此亦是 足知鶴山有不用 孔傳疏者也。

夫鶴山之學,蓋私淑於朱熹一門;宋元學案謂爲「范氏所傳,朱張再傳」,學案

缸 257 見註 252 書中·總頁 132。

[、]註 258 參見宋元學案卷八寸鶴山學案,總頁 1514、鶴山家學下有「知州魏靖齋先生克愚」 一條,靖齋即靜齋也,傳寫之誤耳。

註 259 見註 252 書中,總頁 1298。

註 260、見讀書雜鈔卷二,頁 23。

表亦曰:「潛庵、宏齋講友,范氏所傳,晦翁、南軒私椒 註 261 。」潛庵者,輔廣也;宏齋者,李燔也 註 262 ;皆朱熹高弟。范氏者,雙流范子長也,與其弟子該同游南軒張栻之門 計 2631。四人皆與鶴山友游,是以得晦翁、南軒之學焉;而尤以朱子之說爲深。雖然,鶴山尚書之學,亦不甚用朱子之論,反近於東萊呂祖謙書說。考諸鶴山讀書雜鈔可知也 註 264 。若其論說命上「台恐德弗類」曰:

台恐德弗赖。吕氏曰:與天地合其德云云,方謂之類 at 205 。 按東萊書說云:

> 夫大人者,與天地合其德,與日月合其明,與四時合其序,與鬼神合 其占凶,德至於此,所謂類也 程 266 。

通考鶴山讀書雜鈔引及尚書而論之者,共上七條,其中稱「呂氏曰」者有六條,而其中一條之後,復連引三條尚書之文而立說,以「又曰」起語 註 267 ,乃因前文而省之詞,亦即所引者比照前條「東萊呂氏曰」也。考諸東萊書說,無誤。若其中「子小封,個瘰乃身,敬哉」一條,下曰:

又曰:乃是委疾痛在爾身上,以商民殃害汝,不可錯認作富貴之具。 考東萊書說康誥篇,於同段之下云:

今命爾爲諸侯,非欲富貴爾身,乃委稱庸于爾身耳,以商民累汝,不可認以爲富貴之具 31 268)。

然則十七條言尚書文中,引呂氏之書說者九條,而稱名引朱子「哉生魄」之說者一條,論句讀者一條,引鄭玄說者兩條,評孔疏者二條,其餘兩條雖未稱名說義,考 諸其文義,亦取諸呂氏爲近。其言曰:

召敵讎不怠 微子 ,力行無度 泰誓中 ,祗保越怨不易 酒語言敬保其怨而不易也);武王所謂吉人爲善,惟日不足,凶人爲不善,亦惟日不足,爲善爲惡,同此功夫,看紂所謂不怠、力行、祇保可見 註 269 。 考東萊書說於微子「召敵讎不怠」下云:

大抵善恶皆有不足之理,吉人爲惟,惟日不足,凶人爲不善,亦惟

註 261) 俱見宋元學案八十之中。

至 262 參見前書卷六十九滄州諸儒學案,總頁 1283。

ax 263 參見前書卷七十二二冮諸儒學案、總頁 1363。

[.] 註 264 考鶴山諸作之中,論尚書者唯此最集中矣。

註 265. 見讀書雜鈔卷一,頁5。

[、]註266 見卷十二,頁3。

[、]狂 267 見讀書雜鈔卷一,頁18。

[、]註 268、見增修東萊書說卷二十、頁6。

缸 269 見讀書雜鈔卷二,頁9。

日不足,召敵雠不怠,凶人之不足也。紂爲惡之不息,特其機之不轉耳 至270,。

可見其文其義之相近同也。由是觀之,魏了翁之學術淵源,雖得諸晦翁、南軒爲多, 然其尚書之說,則多淵源自呂祖謙,是亦學術之異數也。

然則魏鶴山何以不取於朱子而反近於東萊哉?試論之曰:朱子嘗謂東萊書說曰: 伯恭直是說得書好,但周語中有解說不通處,只須闕疑,某亦不敢強 解,伯恭卻一向解去,故微有尖巧之病也。是伯恭天資高處,卻是太高, 所以不肯闕疑[延271]。

東萊解書,無有闕疑,一向解去者,蓋其大資高妙,人善爲文章,體察辭氣,所謂 左右逢源,無有滯礙,故無闕疑之說,其視闕疑之說,乃力不逮者所爲之辭爾;是 以東萊說書,多仍孔傳之義,加以發揮義理,已游刃有餘矣。鶴山少有神竜之譽, 其天資絕俗可知,故其嘗謂讀朱子之書久矣,而猶不欲賣花擔裡看桃花,以朱子之 說讀經,所得者乃朱子之經爾,須自己心眞有所得,然後始可謂得聖經之眞義,所 謂樹頭枝底見眞精神也(計272);是以不欲輕有述作,惟取傳疏以爲入門之奠石,進 而可窺聖人之堂奧也。可見鶴山之與東萊,其天資性格,學術觀念有不言而相契者。 蓋以是故,鶴山尚書之說多取於東萊也。

全祖望謂:「嘉定而後,私淑朱張之學者曰鶴山魏文靖公,兼有永嘉經濟之粹而 去其駁(註 273.。」其言雖不誤,然未及鶴山與東萊之關係,則不無小失。

四、魏了翁尚書學之評價及影響

鶴山尚書之學,除節錄傳疏而成之尚書要義外,無有專著定論,而尚書要義又 非爲解尚書而作,故欲據之而論鶴山之尚書學,猶緣不求魚也。而九經要義雖既成, 當時亦不盛行,故歷代目錄之家,亦鮮及之,至於篇簡亡佚,殘缺不全。就所見者, 唯方回續占今考之作,承魏鶴山之成規,據九經要義之目以爲之,其中亦多有引用 鶴山尚書要義之文,若前引呂刑「單辭兩辭」條是也 註 274 。

雖然,以今日視其書,猶文章之選本其截取傳疏文字,分段標目,眉目清楚,便於翻尋披閱,誠亦學者研讀傳疏之一助也。至於其中是否已盡包尚書之要義,則 見人見智矣。

[[]紅270] 見其書卷十四,頁5。

¹ 註 271 , 見黃鼎書集傳輯錄纂註綱領,頁7,弓葉紹翁四朝聞見錄之言。

[[]註272 參見同註252。

^{· # 273,} 見宋元學案卷八十鶴山學案,總頁 1499。

[[] lat 274 讀古今考卷二十七多論尚書之刑法,其中引尚書要義頗集中。

第五節 胡士行

^、生平事略

胡士行,廬陵人,官臨江軍軍學教授。著有尚書詳解上三卷 (註 275)。考其書及 引時瀾增修東萊書說,而時氏書成于宋寧宗開禧三年丁卯,去呂祖謙卒後二十六年, 則士行之卒,當在開禧三年之後也。

二、尚書之有關著述與著錄

胡士行有尚書詳解十三卷。其書宋志及宋代各書家均未著錄,明焦竑國史經籍志著錄「書集解十三卷」,朱彝尊經義考作「初學尚書詳解十三卷」(註 276. 。 考其書解書之形式,有類孔傳,多於文句之下,順文解義,文辭簡略;而於每節之後,時加說義以發揚義理,其文亦簡要;而所引諸家之說,鮮有評騭之語;於一辭數說者,則臚列諸家以並觀。就其量而言,視林三山之全解,夏僎之詳解,陳經之詳解等書爲簡略,不可謂之詳;就其蒐羅諸家而言,其集諸說而解之者,全書之中不及十一,其說多主於一家,不宜謂之「集解」;就其形式而言明白簡潔,無紛繁之病適於初學尚書者閱讀,經義考名曰:「初學」,蓋得其實。豈書肆以其比孔傳爲詳,而冠以「詳解」之名耶。

:、胡氏之尚書學

四庫全書總目提要云:「其解經多以孔傳爲主,而存異說,於孔傳有未善,則引楊時、林之奇、呂祖謙、夏僎諸說補之,諸說復有未補,則以己意解之「註 277.。」 驟而視之,其說固若甚是,然細而察之,其實不然,蓋孔傳者,凡研讀尚書之上固不能外之,故胡氏之著,於孔傳有時而用之,未足指爲根源。提要之說未允。今重加釐正,述胡上行尚書之學於后。

(一)胡氏尚書解之範圍

胡氏之解,有集諸家學說而成者,其所引用之範圍,相當廣博:於漢、晉之世, 劉歆、夏侯、賈逵、馬融、鄭玄、王肅、孔傳、張髦等,於唐則有孔氏正義;於宋, 則有周敦頤、劉敞、蘇軾、楊時、林之奇、夏僎、朱熹、呂祖謙諸家,此皆明稱其 名而引用者。至其未稱名而實引用者,尚有王安石、陳鵬飛、程頤、吳蘊古、胡益

駐 275 參見經義考卷八四,頁2,宋人傳記資料索引,四庫提要卷十一,頁29。

註 276 並見四庫總目提要卷十一,頁 29 引。

[「]註277、同前註。

之等,以此觀之,不可謂不博矣。然細考之夏侯九族之說,出於孔疏,亦見於林氏 全解;賈逵、劉歆、馬融、張麾、鄭玄等六宗之說,亦出於孔疏及 E氏新義、林氏 全解所引用;以此知之,胡氏所據,於宋之前者,唯孔傳、孔疏而已。

至於宋代諸家,其引周敦頤兩條,一引通書解咸有一德之「協於克一、註 278.」之語;一引太極圖以證洪範「五行」之本「註 279 ,此說亦本諸呂祖謙。其引劉敞一條,以解九共即九丘「註 280」。其引楊龜山一條,以釋洪範「皇極」,而其說實出於呂祖謙 註 2811。其引朱熹皇極辨以釋「皇極」,亦止一條而已、註 282.。而胡氏書解中,未稱名引用者,於王安石新義,多以「或云」、「一曰」、「一說」出之;如 E氏以堯典「若時登庸」乃與「若予未」相對,上指順天道,下指人事,胡氏引之而稱「或 「註 283 」,存其一說。若洪範皇極,胡氏引「一云」:「皇、君也,猶言王極、有極者,天建極者、君也 註 2841。」此爲王氏之說;而直接引用而未加注明者,若釋「庸」字曰「王功曰庸(註 285 」,釋「殂落」曰「魂氣歸天,體魄降地「註 286」」等是也。其引伊川之說一條,見益稷「昭受上帝,天其申命用休」,下注云:「以形體謂之天,以主宰謂之帝、註 2871。」此乃伊川之言也。其引用陳博士鵬飛之說一條,其注大禹謨「九功」曰:「惟修之六府,財用之所自出;惟和之三事,人事所當爲(註 288.」此說乃陳少南之論,見引於夏僎詳解。至於胡益之,吳蘊古之說,皆引自夏氏詳解 註 2991。

總上所述,胡上行書解,其所稱引,以著作計之,二孔之外,則以王氏新義、 伊川書說、東坡書傳,林氏全解、夏詳解、呂氏書說爲主,朱熹皇極辨、劉敞七經 小傳、周敦頤之通書、太極圖,乃偶而參考耳。

(二) 胡氏尚書解之根源

胡氏書解·於二孔之外·引及宋代前輩諸家之說,然其尚書學之根源,非如四

[、]EX 2781 參見胡氏書解卷四·頁 15。

⁽註279) 參見前書卷七・頁2。

[「]註 2801 參見前書卷一,頁 23。

[[] EE 28. 參見前書卷七·頁 6 o

[、]註 2821 見同前註。

註 2831 參見前書卷一,頁11。

⁽註 284) 參見前書卷七,頁6。

^{51 285} 參見前書卷一,頁16

^{5± 286,} 參見前書卷一, 頁 18。

[´] at 287、參見前書卷二,頁17。

[[]註 299 胡氏書解卷三,頁 13,益稷「禹錫玄圭,告厥成功」,胡氏之論乃引自夏僎詳解所 引,胡益之之説。又卷二,頁 2 大禹謨「惠迪吉,從逆凶」胡氏之論及卷四、頁 14 成有一德「惟尹躬楊,咸有一德」下胡氏之言,皆引自夏氏詳解所引吳蘊古之言也。

庫所云「以孔傳爲主」,實乃以呂祖謙書說爲基礎,其他諸說,則或引用 以參校,以補呂氏書說之不逮,除此之外,胡氏之書,實即最取呂氏之說,分隸文句之下, 又於每節之後兼取呂氏說義,如是而己。茲引數例以見二者之關係。呂氏書說於立 政「亦越成湯」至「用不式見德」一段曰:

凡典禮命討,昭著於天下者,皆上帝之光命也。成湯之升大冶之,使 章條炳蔚,所謂陟丕釐上帝之耿命也。然楊所以大治之者,豈一手足乙力 哉!亦曰圖任三宅三俊而已,乃用三有宅克即宅,曰三有俊,克即俊,言 知之之明也;所用之三宅,實能就是位而不曠其職,所稱之三俊,實能就 是德而不序其名,未即宅未即俊之前,知之者獨易,既即宅既俊之後,則 夫人而信之也。三俊,就者謂它日次補三宅者。觀夫宅以住言,後以德言, 意其儲養待用,或如說者之所謂歟!高帝儲參、陵、平、勃於身後,迄能 定再世之亂;諸葛亮儲琬、瑋、允、維於身後,亦能持循數十年,況三代 所以爲社稷長慮者,股肱心腹之任,固宜預求其繼也、註 290 。

胡士行書解,則注曰:

(亦越 于 成湯陟 升 丕 大 釐 治(上帝之耿 光 命)典 禮命討昭著於天下者皆是也 乃用三有宅)事牧準之職 克 能 即 就 宅 居位而不曠其職(曰 定論 三有俊 有事牧华之才他日以備三宅 者(克即俊 有德而不浮其名 註 291 。

稍事比對,即知胡氏書解,其註文幾全由呂氏書說而來。若「陟丕釐上帝之耿命」, 孔傳曰:「得升大賜上天之光命王天下」,而呂氏以「典禮命討,昭著於天下者,皆 上帝之光命也。……升大治之」解之;孔傳於「三有宅,克即宅,曰三有俊,克即 俊」曰:「用三有居惡人之法,能使就其居,言服罪;又曰能用剛柔正直一德之俊, 能就其俊事,言明德。」呂氏則以「就是位而不曠其職」解「克即宅」,以「就是德 而不浮其名」釋「克即俊」,並以「常伯、常任、準人」之說「三宅」,以「俊以德 言,其儲養備三宅者」說「三俊」,皆與孔傳異;而胡氏與呂說意同文同,實即以呂 氏之文釐析分隸而已。可見胡士行之書解,其源於呂氏而不主於孔傳 註 292 。

胡氏於此節之下,有發揮義理,指陳議論之一段文字,其辭曰:

此易之知人也。易之陟所以丕釐帝命者,曰圖任三宅三俊而巳:用者, 定其位,曰者定其論,以待用者也。如高帝之儲蕭何、曹參、王陵、陳平、

註 290 見增修束萊書說卷二九,頁5

E 29. 月胡氏書解卷十,頁 13。括號 内者爲經文,餘者爲夾註

註 29. 如上引文之状况,胡氏書解中,無處無之,允以各語以後諸篇爲純一徹底。

周勃;諸葛亮之儲蔣琬、費禕、董允、姜維,所以爲社稷長慮也 31 293 。 此段論辭,亦由呂氏書說撮要而成,其中引漢高帝,諸葛亮之例亦同,證據確鑿不 易;足見胡七行之說不以孔傳爲主;又如洛誥,呂東萊論之曰:

大甲復毫而伊尹告歸,成王卜洛而周公告歸,蓋伊尹、周公處大臣之變者也。巴事而亟去,所以明吾心而嚴萬世之防也。然周公不得遂其去,何也?伊尹之時,國無他變,太甲思庸,則其責塞矣;至於周公雖卜洛以遷商民,基業略定,然其心猶未服,四方之大勢,猶未集,非周公誰與鎮安之,此所以欲去而復留也。註2941。

胡氏於洛誥・其論曰:

太甲復毫,成王卜洛,而伊尹、周公告歸,所以處大臣之變,嚴萬世之防也。然周尚有項民未定,故公未得遽去 ## 295 。

胡氏取呂氏之文,復加減省,去其繁重以成文。然呂東萊書說,長於說義而短於考證,於名物訓詁之處,呂氏不及者,則胡氏每據林之奇全解或夏僎詳解補足之,若 舜典「帝曰咨汝二十有二人」,呂氏曰:

此段命九官之文通看意味深至,……二十二人,治職之統要也 至 296 。 民氏於「二十二」之數,未有一言論其所以「二十二」者,蓋說之者多不同,或謂四岳爲一人,或謂伯夷、禹、重益、變,龍六人新命;而胡氏註釋之,則曰:

> 四岳十二牧九官,共二十五人,曰二十二人者,有一人而兼二職者也 \$297 °

胡上行此註,蓋出於林之奇全解之說也。至於議論之文,亦有以呂說未足,或無所解釋而取他說補之者;若舜典「舜生三十徵庸,三十在位,五十載陟万乃死, 呂氏曰:

舜自初即位,至陟方乃死,凡五十载。今舜典一篇載舜即位一年之事,若不能盡五十年之治,蓋舜之治天下,自始立規摹,後之號令紀綱,非無變易,而皆自此出也。史官載其一年而略其餘,規摹一定,四十九年之事,皆枝葉流派也,此最作史之妙,又見人君爲治之要 # 2981。

呂氏此說義頗爲奇特,與他說皆不同,然彼於「陟方乃死」則無所置辭,胡氏遂別

[、]計 293、見同註 291。

缸294 見東萊書說卷二三,頁1。

[、]註 295, 見胡氏書解卷九, 頁1。

註296, 見東萊書說卷二,頁17。

註 297 見胡氏書解卷一,頁21。

EE 298、見東萊書說卷二,頁18。

求之他人。林之奇解「陟方乃死」 句曰:

孔氏云·方,道也,舜即位五十年,升道南方,巡狩死於蒼梧之野而葬焉。……漢儒以謂卒蒼梧之野,其說已不可知矣,況揆之以理,有所甚不可者;夫堯老而舜攝,則不復以庶政自關,而舜實行巡狩之事;舜既耄期倦於勤,而使禹攝矣,則巡狩之事,禹實行之:蒼梧在舜之時,其地在要荒之外,舜已禪位而使禹攝矣,豈復巡狩於要荒之外而死,死而葬於蒼梧之野,以是禹率天下諸侯以會舜之葬於要荒無人之境,此理之必不然者。司馬溫公詩曰 虞舜在倦勤,薦禹爲天子,豈有復南巡,迢迢渡湘水。此説爲得之。陟方者猶云升遐也、乃死謂升遐而死,猶云帝乃殂落也、註 299 。

而胡士行於舜典此段,則曰:

在位五十年,舜典載其一年事而略其餘,規摹一定,四十九年之事皆枝葉流派也。此作史之妙。陟方[孔]以爲舜升道南万,巡狩死於蒼梧之野而葬焉。案堯老舜攝,則巡狩舜行之矣,豈有禹既攝而舜猶巡狩者乎。 司馬温公詩云 :虞舜既倦勤,薦禹爲天子,豈肯復南巡,迢迢渡湘水 註300 。

此論前坐根據呂祖謙之說,而後坐則據林之奇全解之說,以補呂氏之所無也。

當然,胡氏之書亦非盡取呂氏之說,間亦有以爲他說較優而呂氏說亦可取,遂 〔說並存者,若洪範「五事」,胡氏曰:

始孩而貌,稍長而言,於是能視,能聽而思終焉。 呂云 · 孔門四勿, 視聽先言動。箕疇五事,貌言視聽者:顏子爲已,舉目皆用功之地;人君 動容作命,天下觀聽繫爲故也[註 30]。

呂氏於「五事」下曰:「五事,形色天性也。聖學精微,所當從事於此者,故謂之五事(計302)。」所謂「形色天性」,其義不明,故胡氏取蘇軾書傳之說,以人成長之歷程說五事之順序,或即呂氏之所謂「形色天性」之義也。而復取呂氏說五事之論,並比較四勿與五事差異,則又不盡棄呂氏之言也。

呂氏之書說,自洛誥以前,乃其徒時瀾所增修,故有部分無所解釋之處,胡士 行多引相近之說以補足之。若胤征序「羲和湎淫,廢時亂日,胤往征之」,增修東萊

[[]註 299] 見林之奇全解卷三,頁 25、26。

註3001 見胡氏書解卷一,頁23。

証301、見前書卷七,頁5。

程 302 見胡氏書解卷十七,頁6。

書說中無所釋,而胡氏引林之奇之說曰:

羿逐太康,太康崩,其弟仲康立,即位之初,以六師之柄付之胤侯, 所以收兵權也,即夜拜宋昌之義。故終仲康之身,羿不得逞。至仲康子相, 始爲羿所遂。羿自〕爲帝,羿淫亂爲家眾所殺,寒浞代之,殺相;相之後 锯生少康。夏之遺臣滅浞而立少康,然後祀夏配天,不失舊物、冠303)。

呂祖謙雖於序無所釋,然其於經文「其或不恭,邦有常刑」之下曰:「征伐天子之大權,天下有道,禮樂征伐自天子出 [計 304 。」則其意以爲亂侯之征義和,乃仲康所命,非后羿所命也;而林之奇之說與此正近同,或呂氏本即有取於林氏之說。是以呂氏書雖不具其文,而胡氏取林氏相近之說補足之也。

雖然,胡士行書解,亦有不同於呂氏者,洛浩「復子明辟」,呂氏曰:

程氏謂如復於王之復。周公蓋言我以作洛獻卜之事,反告於汝明君也。……世儒復辟之說,蓋生於此語,抑不知有失,然後有復;武王崩,成王立,未嘗一日不居王位,何復之有哉!君幼而百官總己以聽焉,是固家宰之職也、註305。

是呂東萊不獨信周公末攝之說,且大力評擊復辟之論。胡氏於此則不然。其說曰: 先此周公攝政,王之爲君未明也。今公歸政而王即政,則爲明辟矣。

5£ 306 1

彼雖言成王爲君,然亦謂周公攝政,是用孔傳之說而與呂祖謙之論相違。惟通考其書,與呂氏之書相違者唯此一見而已。

總結言之,胡氏書解,其文辭、訓詁、義理,皆本之呂祖謙書說,雖或參以他家,終不離其主流;而於呂氏不足之處,或無說之文,則多引林、夏諸家相近之說 佐之,要之,可謂主於東萊 家之學者也。

(三)胡氏解尚書之形式

胡氏之書,乃爲初學尚書者而作,祖述東萊,參以各家,文辭刀求簡要,義理 主於清明,爲此之故,其解書之形式,有則於他家。

1、雙行夾注及分段說義

胡士行書解,採夾注小字雙行爲之,類乎孔傳,蓋取其就近即得,不需翻閱披尋,是有便於初學者。且其注文用呂東萊之文抽釋爲之,而不用孔傳,蓋東萊之文,

[[]註303 見胡氏書解卷三,頁16、17。

[「]註304、見東萊書說卷六,頁1。

缸 305, 見前書卷二二·頁2。

[「]註306、見胡氏書解卷九、頁」。

隨義理措辭較合誼之外,其文亦較孔傳明白淺近,若按注文直讀之,即有類乎宋語錄體,猶今日之白話轉述之功能,非若其他注解必先訓詁而後釋義者也。

此外,胡氏於每一小節之後,附加義理之發揮,或史例之補充,以總一節之義, 使初學者先通經文,而不失於義理也。

2、並存畢證,以利比觀

尚書之說,自來異說頗多,紛紛擾擾。於先秦有儒、墨之異,於漢有占今文之爭, 漢以下有鄭、王之對,南北之別,及唐始獨尊孔傳,暫歸一統;唐末史通,疑議復起, 迨於宋,諸家蠢動蜂起,有逾前代,王介甫藉朝廷之力,頒行新義,亦止六十年之獨 擅,其間評議之書不息。初學尚書者,雖不宜兼攝諸說,徒眩耳目,然亦不可不知; 名家異說,亦不能不知,蓋進學之始也。若堯典「九族」之說,則並列孔傳「高曾祖 考,己子孫曾玄」直系九族之說,及夏侯氏「父族四、母族」,妻族「」之說 直 3071 。 於舜典「六宗」之說,則列劉歆、賈逵、馬融、鄭玄、張髦、孔傳諸說,而按以孔傳 之說爲合 (註 308)。於益稷「十二章」,則列虞五服有孔、鄭之異,又加周五服比之、証 309 。而禹貢「三江」之說,則列韋昭、郭象、王安石、班固、夏僎、蘇軾諸家 計 310、。其說胤征,亦存蘇氏「羲和忠於夏」一說 註 311 。凡此者皆是也。

3、歸納整理,先通其則

向書·書·其中最難明者 篇,日禹貢、日洪範、而堯典之「觀象授時」、亦知之不易。胡氏於此則每作歸納整理、使學者先知其原則大概,然後能優游於經文之間也。若禹貢、於「任上作貢」之下、即先解釋經文之文例術語,如「山南日陽、北日陰」、「水停畜日瀦、水隈曲日隩」、「順流日浮、順流而下曰沿,絕流曰亂、舍舟遵陸曰逾,因水入水曰達」之類 註 312 、使學者知之然後讀經文,則無混淆之弊也。又若冀州田賦之下,胡氏即先統說九州田賦之等差,及其中術語若「上上錯」、「錯 上中」者 註 313 ,欲使讀者不惑。又導水 段、亦先言導河、導漾、導江、導流、導淮、導渭、導洛之勢,並釋其文例 註 341。至於洪範,則於五行之下,總言

紅307 見前書卷一,頁2、3。

駐308, 見前書卷一, 頁14、15。

a 309 見前書卷二·頁18、19。

[「]無310、見前書卷三,頁6、7。

[■] 註 311 見前書卷三,頁 17。

Ⅲ 312. 見前書卷三,頁1。

^{≅3.3,}見前書卷二,頁3。

[「]註3.4, 見前書卷三,頁10、11。

五行之生數、成數、大數、地數,及五行四時陰陽奇耦之位 (計3)5 。凡此者皆利於初學者也。

4、繪圖列表,一目了然

商書一經,有關於天文、地理者,若以文字說明,十分煩瑣而不達義,故宋代學者,有圖說之作;若楊甲之六經圖,成於宋孝宗乾道元年,其中即有尚書圖五十有五。以圖解文,利在一目了然,統合整體,誠利初學者之良方。胡氏書解,亦取此法。若堯典四中星,胡士行以圖示之。註36。其圖中環四象,次環列十二辰,外環列二十八宿,於旁注文四時星位。於仲春曰:「春分日在婁,初昏時鶉鳥王七宿之中」,其餘夏秋冬仿之;可見四仲時之天象,春昏時鶉火在南天之中,此即可明經又「日中星鳥,以殷仲春」之義。胡氏此圖與乾道元年六經圖比觀之,一一辰、二十八宿之位相同,然其說明文字則有異,胡氏四仲星圖云春分日在婁,夏在井,秋在房,冬在斗,而六經圖則日春分日在胃十二度,夏在柳十四度,秋在氐十四度,冬在虚一度;以此考之,胡士行之圖,未必取自六經圖,蓋亦自爲之也。

又若禹貢五服曰甸、侯、綏、要、荒,每服之中,又分二焉,所謂弼成五服, 至於五千之數,若以五乘五則1r二千五百而已,且王畿千里,其數似不倫,故爲國 示之,其意謂以王畿之中爲中心,四面各百里,則王畿東西,南北廣袤各千里,然 後四面以五百里外移,則一面總長二千五百,兩面合并五千甲矣 註317 ,以圖示之, 可無誤解。

而胡氏於洪範五行之下,列太極圖,並引太極圖說之文作說義,以明五行化生之源。彼所以如此者,或因呂祖謙之意也。呂祖謙曰:

太極動而爲陰陽,陰陽布而爲五行,五行上既有陰陽,陰陽上又有太極,何以即言初一曰五行,當深究之。萬物莫不有初,未嘗息也,故謂之五行 註 318 。

呂氏之說,或本即有取於太極圖,然其言推止及於太極,而不及於無極。周敦頤太極圖說,則先云「無極而太極」,其圖於太極之上,亦書「無極而太極」五字;或無極本不可言,太極則入於有,故形色之本乎太極可矣。今胡氏所列太極圖,其上無「無極而太極」五字,其文亦不引「無極而太極」之文,則其說或即本諸呂祖謙,而酌取太極圖爲佐耳。又察乎諸家之說洪範,無有以太極之說解之者,唯東萊有之;

註315 見前書卷七,頁4。

a 316、見前書卷一,頁6、7、8。

廷317. 見前書卷三,頁12。

[·] E 318 見東萊書說卷十七,頁4。

然則胡氏引太極圖作解,亦本乎東萊之意無疑也。今人有著宋人洪範學,云「胡氏此解,全用周敦頤太極圖說,殆亦深受理學風氣感染,乃引其說」,其實胡士行乃根據呂祖謙之說,引周氏太極圖以佐其說耳,非本即全用之;蓋亦不考於胡士行學術淵源也。

胡氏書解,圖之外尚有表,表而列之,對比分明,亦一目了然之效也。若大禹 謨「人心」「道心」之說,胡氏表列對比,而人心道心之全體大義,皆能清晰顯見。 其表列如下 at 319.:

人心 氣 情欲 動 出應	喜怒哀樂之已發 危 過動 中	不過動 精 明 不差	察動靜之理
道心理性理靜人定	喜怒哀樂之未發 微 過靜	不過靜誠不	守動靜之上

又臯陶謨「九德」,胡士行用唐孔疏之說,以洪範三德分統九德之目,以三德中剛德、 正直、柔德各領三目,並有其德之善及惡,衍爲二十七日,列爲一表 註 3201。

剛德()	簡 剛 彊	剛善 <i>。</i>	塞義	剛惡	疏 虚氣 自任
	6 [近	敬		恃才
正直	直	善善	溫	悪	徑行
	擾 		毅		嫋
柔徳・	寬柔愿	柔善 <i>。</i>	栗 立 恭	柔惡	縦 儒 大樸

(四)胡氏尚書之見解

胡氏尚書解,於呂東萊書說,幾乎亦步亦趨,其異於呂氏者。亦多前有所承,故其書解似無所示其一己之見解,必於其所取於他說中之異同差別間說之;蓋其間有胡氏取捨之意存焉。抑又有難者,今所存宋人尚書之說,多所亡佚,故胡書中今

缸 119 見胡氏書解卷二,頁7。

[「]註 320 見前書卷二,頁13。

不見於所有現存宋人之說者,亦未必即胡氏之己見。茲就所見者,略述一二:

堯典「欽若昊大,歷象日月星辰,敬授民時」之下,胡氏先列五行生克之數,次列四時、四德、四方、五帝、五岳、五聲、五色、五味、五當、五臟、五事,然後再列十千,十二支、二十八宿、八卦,復以十二辰、十二律呂、十二支、二四節氣,合爲一表,然後再次八節、分、至啓、閉,終列堯典日中、日水、宵中、日短四日度 對321.。以此察之,可見胡氏取洪範之義以解堯典「昊天」至「授時」之間之歷程。蓋洪範一日五行,事事皆由五行而起,次而五事,至於五紀,有歲、日、月、星辰,歷數,正與「歷象授時」之意相近,胡氏即取洪範以注堯典,此乃胡氏尚書學之一得也。

而皐陶九德之說,胡氏雖引孔疏之說,以洪範三德統九德,然所統之目,稍有 差異。孔疏以寬、柔、擾隸屬柔克,愿、亂、直隸屬正直,簡、剛、彊隸屬剛克; 而胡氏則以愿入柔,擾隸正直,異於孔疏。孔疏解「擾」口「事理擾順」,解「愿」 口「容貌恭正」,胡氏則解「擾」曰「馴」,解「愿」曰「誠樸」, 「者說義相去不遠。 孔疏又曰:「九德之次,從柔而至剛也。惟擾而毅在愿亂之下耳。」以此考之,孔疏、 胡氏之所以異者,蓋胡氏取孔疏之說,由柔而至剛,順經文而分,不加變易,其意 或即以爲經文順序,其義本確,後人不可以己意移易,致使經義疑迷也。

立政之篇「兹乃 "宅無義民」下,胡氏曰:

義·剛德也,非不賢也,然較之不訓德者之軍然,剛猶覺主角之露也 夏三宅之選嚴矣,雖偏於義德者無之也,其必如鼎陶謨所謂常吉者,而後 膺是選數[註322]!

此說不見於他家,或即胡氏之已見。其說即據上述九德之說,以殭而義入剛德,故 有是說。其義謂夏之三名,選人甚嚴,強而義者,雖具剛德,然不能正直渾然無偏 者,亦不可入於三宅之選也。

四、胡氏尙書學之評價

四庫提要稱胡氏尚書解曰:「堯典星辰之伏見,列爲四圖以驗分至,洪範初一日 五行,則補繪太極圖以釋初字,見五仃生尅之有本雖皆根據舊說,要能薈萃以成一 家之言,解經之篤實者也。所引漢晉人訓討,間有異字,如益稷篇引鄭康成云: 黹, 紩以爲繡也。與注疏所載不同;凡斯之類,亦見其留心占義,不但空談名理突 [註

註 321 見前書卷一,頁4、5、6,

註 322 見前書卷十,頁 12。

[[]註 323, 見问註 237。

(-)義理尚書之入門讀本

(1)補證呂氏尚書說之後續發展

朱熹雖稱呂氏書說爲不可不看之列,然呂氏之後,承續其說者,宋元學案中有袁燮者,有絜齊家塾書鈔,然其說上承陸九淵之學,而非東萊之說,然則東萊之說,止及其身歟?今考胡上行書解即宗呂氏,亦足補東萊學系之空乏。且胡上行取東萊書說改編成初學入門之讀本,亦可見呂說之流傳,不獨止於學者之間而已。時爛序云:「東萊天子講道於金華,首攄是書之蘊,門入寶之,片言隻字,退而識錄,見者恐後,然以板行,家藏人誦,不可禁禦、註 3241 」其言當時流傳之速之廣若是者,若其後乃無所承續之者,則時爛之言爲虚言妄語矣。據胡氏書解,則證時爛之語爲實然。

復察胡氏書解,於洛誥以前,引他家書說補改者較多,洛誥之後,引諸家異說 者轉奪,可知胡氏所據者,即時瀾所增修之本,而胡氏視之,洛誥前後有別矣。

(三)補宋元學案之缺佚

切上行其人,後世傳記之者極罕,唯知彼嘗爲臨江軍軍教授,如是而已。今田 考其尚書解,可知其生平一一。其學及引時欄增修東萊書說,則其生活時代當在寧 凉開禧、年前後。又進知其尚書解淵源自呂祖謙,今宋元學案未見列入,是亦一失; 上梓材爲宋元學案補遺,列胡上行於「龜山之餘」下與馮夢得、黃去疾、陳宏馨並, 而所據者,僅爲四庫提要之言耳,是亦不考其實而誤入歧途。今據前節所考徵,胡 上行可列置於東萊學案之中,目爲私淑者也。

[、]驻324、見經義考卷八一,頁6引。

第六章 程氏尚書學案

程大昌

·、生平事略

程大昌,字泰之,徽川休寧人。十歲能屬文,登紹興二十一年進士等,主吳縣簿。丁父憂,服除,著十論言當世事,獻於朝,宰相奇之,擢太平州教授;明年,召爲太學正,試館職,爲秘書省正字。孝宗即位,遷著作佐郎。帝初政,銳竟事功,然所令多非其人,大昌陳奏,帝稱善,遷國子監司業兼權禮部侍郎直學士院。帝以治道不進問之,答以求賢納諫,修政事;邊事之要在練卒。除浙東提點刑獄,進秘閣脩撰召爲秘書少監;升侍講兼國子祭酒。進言謂辟以止辟,未聞縱有罪爲仁也;帝以爲然,兼給事中,累遷權吏部尚書,力請郡,出知泉州。光宗嗣位,徙知明州,尋奉祠。紹熙五年,請老;以龍圖閣學士致仕。慶元元年卒,年七十三,論文簡。

大昌舊學,於古今事靡不考究,猶長於地理禹貢之學。著有禹貢論、圖、詩論、 易原、雍錄、易老通言、考占編、演繁露、北邊備對、書譜,註,。

1、尚書學之著述與著錄

程人昌之尚書著述,重在禹貢一篇。宋志著錄其書有禹貢論五卷,禹貢論圖五卷,禹貢後論一卷 ā 2 。陳振孫直齋書錄解題云:

禹貢諭二卷,圖二卷,程大昌撰。凡論五十三篇,後論八篇,圖三十 一……淳熙四年上(註3 。

[、]註 | 參見宋史卷四百二十三儒林傳,總頁 8~1 本傳。彭椿年禹貢論序。

至 21 參見宋史卷二百一藝文志頁9。

註 3 見其書卷二,頁7。

其書之刊行,蓋在淳熙七年,程大昌知閩泉州,以副本示彭椿年,彭氏遂取以刻于郡序。然彭序云「論凡五十二, E應麟,歸有光亦皆云止五十二篇、註41,少陳振孫所言一篇,或陳氏連程氏序並計之數?宋志作五卷,陳振孫均作二卷,或傳鈔之訛二作五數!抑上進之本作五卷,而彭椿年所刊者作二卷數?未可定也。

經義考謂「禹貢論」存;「禹貢論圖」、「禹貢後論」則云「未見」,並注曰萬卷 堂目「禹貢論」、「禹貢論圖」皆作「卷、ins ,與陳振所言同。歸有光跋禹貢論後 云:

禹貢論五十二篇,得之魏恭簡公,而亡友吳純甫家藏有禹貢圖,皆享 熙辛丑泉州舊刻也 亞6 。

是明朝時歸有光尚得知見二書也。通志堂經解納蘭性德序禹貢圖論曰:

禹貢諭五十二篇,亦公所著;……圖本三十有一,今僅存序說,兼有 所缺;考歸熙甫爲跋時,圖已不及見,况又百餘年子?……安得并傳之爲 快數 347 !

納蘭氏謂歸有光未見論圖,其言蓋以意推之也。且云己所得者僅有序說殘本而無圖; 今經解本程氏書,不獨有論五十二篇,有圖二十八幅,並敘說亦一一俱全,與納蘭 氏所書不相應,蓋取四庫本以補足之也。四庫提要云:

通志堂經解惟刻其前後論,而所謂禹貢山川地理圖者,則僅刻其敘 說。今以永樂大典所載校之,祇缺其九州山水實證及禹河、漢河二圖耳, 其餘二十八圖,歸然並在,誠世所未覯之本。今依通志堂圖敘原目,併爲 二卷,而大昌之書復完 至81。

按四庫輯永樂大典補通志堂經解,而分禹貢論爲五卷,依宋志之舊,而禹貢山川地 理圖則爲二卷,與陳振孫解題合,則前後不相統一,今依通志堂經解本爲主以論。

程氏禹貢論、圖之外,尚有論「象刑」五篇,論「三宅三俊」三篇,見於考古 篇;演繁露亦有數則考證及尚書者焉,亦可參見其尚書之學也。

三、程大昌之尚書學

四庫提要謂程大昌之學曰:「大昌喜談地理之學,所著雍錄及北邊備對,皆刻意

[、]註 4 參見經義考卷九三·頁 9、1 引彭椿年禹貢論序,通志堂經解論圖前亦有引之: 又引 王應麟、歸有光之言。

^{# 5} 參見經義考卷九二、頁 9。

註 6 見前書卷九三,頁1。

BE 7, 見通志堂經解書前附。

註 8, 見四庫總目提要卷十一經部書類一, 頁 9。

冥搜,考尋舊蹟,是書論辨尤詳、註 sī。」是程泰之長於山川地理之學也。程氏自 視其學亦頗有舍我其誰之志;其言曰:

今去古日益遠,禹迹之在名山大川,其稱謂位置,轉徙益多:而臣乃 欲究極其變,以發明經文本指,實所不量,然考古談經,正業儒者之職, 若人人畏之不言,則古典何賴,故卒究之[註10 °

又曰:

臣以爲儒當考古,苟言之未當而啓他人意見以歸於是,或可少備國家 稽據,亦其志之樂爲者也(註1) °

是程氏自以其學有過於先儒者矣。茲述其學如次:

(一)程氏尚書學之淵源

程大昌之學,史傳皆未言及其淵源,宋元學案亦未以之列入;茲就其所著尚書相關資料,略考其淵源。考夫前述程氏尚書學之著述,其中引用諸家之說者,多爲宋以前者;於宋代諸家中,所稱引者唯王安石、蘇軾、晁說之二人而已。

程氏甚鄙三江「味別」之說(註12),故雖引蘇氏之說不少,然每加評駁之,是不取東坡之說也。其引晁說之之說一條曰:

近世晁說之氏雜引山海經、博物志、水經、地記,而斷以洞庭應塞九 江,又其一也,至13,。

然其下程氏評晁氏說曰:「晁氏所引水經、地說,以洞庭應塞其目,地雖在荊而源不 出岷,皆的然不可據(註14)。」是所引晁氏說,乃引而評之耳,非用之也。

程大昌於王安石之說,則有取有捨焉。若其辨禹貢「 [x [],引孔傳、班問、韋昭、虞氏志諸說,復曰:

近世臨川王氏又為之說曰:三江入海,其一自義興,其一自昆陵,其 一自吳縣;三江既入,則水有所洩,故震澤得以展定。此其意以震澤展定 綴三江既入之下,既者已事之辭,故以展定而之既入,是亦一見也、致 151。 然程氏復評其失,以爲上文之「既」,未必與下文相連續,並舉經文「彭蠡既豬,陽

註 91 周前註。

缸10 見禹貢諭卷上,頁40

註111 見禹貢山)地理圖前附程氏自序。

[、]缸12 參見禹貢論卷上,頁2。

缸13 見前書卷上,頁36。

缸14) 見前書卷上,頁38。

⁽註[5] 見前書卷上,頁4。

鳥攸居」、「弱水既西,涇屬渭汭」爲例,示「既」與下文不相干也 畫 .6. 。禹貢, 川、地理圖之「韋昭三江圖」敘所引相同 1計 17 。又攷占編有「三宅三俊」篇,其中 引「王氏曰」 ·條並評之云:

王氏必謂孔氏外立三居以汩正意,遂順飾本文而別爲之言曰:已命以位,已任以事,則爲三宅;其才可宅而未踐此位,則爲三俊。此於經文無忤矣,然有不通者,周公之稱成湯曰:克用三宅三俊。夫三宅三俊,概言克用,而猶謂三俊爲未用之才,何哉!……且使此三人者見謂爲俊,拔而顯之,不知其將處之何地:若明命其才,實誠以職,則當併已用未用而數之,且將參耦而六,不得止云三宅也:若姑下一等而小試之,不居其位,且未有職業可以程品,豈容虛並三宅而假立稱謂也哉!詳復考之,皆不安恆(至18)。

以上兩條,是程氏明引王安石之論而評之者。細考程氏之書,有實用 E氏之說而未明言之者。若禹貢論中論縣一節曰:

臣以其時考之,作十有三載乃同、則禹告成功之年也。禹之自言予乘 四載,隨山刊木、又曰娶于塗山,辛壬癸甲,啓呱呱而泣,予弗子、惟荒 度土功。以辛壬癸甲通九載而得年正十有三年也。是禹獨任水事之日淺而 鯀創立規模之日長也、註19 。

考以益稷「予乘四載」之「載」讀上聲,作年歲解,通鯀治水九載續用弗成而數之,總十三載,以合禹貞兗州作十有三載乃同」之文者,王安石之說也。東坡書傳嘗許之曰「喜異而巧於鑿」,夏僎亦引之以評,與蘇氏同。今程氏於此以「辛壬癸甲」爲四年,與「四載」合,故通鯀之九載爲十三載也。又考占編「象刑」論,以爲漢儒解「象以典刑」爲「晝衣冠,異章服以爲戳」者爲非,其論曰:

象刑云者,是必摸寫用刑物象,以明示民,使知愧畏。…… 周之關名 象魏;魏者取其巍巍然也,象者實有六典事物之象,畫著其上也。司冠之 職,正月則垂刑象之法於象魏,使萬民觀刑象,挾日而欽之,此其爲刑正 本有虞也。既名爲象,且又可垂可斂,則不止巍然徒闕而已,其觀之上, 必有具焉,則畫刑爲象者,其是矣。周言刑象,命其形也;虞言象刑,兼 其成也,其實一也、至20,。

註 16] 見前書卷上,頁41。

註17. 參見其書,頁18。

註18 見考古編卷五,頁1。儒學警悟叢書。

at 19. 見禹貢論卷下,頁 27.

[「]註20, 見考古編卷四, 頁5。

考孔傳謂象刑曰:「象、法也;法用常刑。」又益稷「方施象刑」,孔傳曰:「人施法刑。」是皆訓「象」爲「法」,於義迂迴不通。王安石新義曰:

象者,垂以示人之謂,若周官重治象、刑象之法于象魏是也[142]。 可見程氏此說,其淵源於王氏也。以此考之,程氏之說,其取於王氏者不在少數; 雖不足以謂學說師承有關,然其有所汲資者爲多,可以見矣。王氏爲新義,乃在以 經義治國,爲新法置地;程氏之解辨禹貢,亦欲有用於當時後世也。其序後論曰:

臣本爲稽考禹貢而及古今山川曲折,於是念河、汴二水,本朝極嘗關意,而其聞應講求以備稽用者,實云有之[at 22]。 以於後論中辨「汴」下曰:

自遷、固以後,史官不志河渠溝洫,今天下之水,猶麤存經緯者,賴 二子作述相因爾。……則祖其書而求之他載,揆理而訂證之,以要其所宿, 而待有國者之所采用,學士大夫之職(註23)也。 可見程氏著書,其用世施爲之心意,亦與王安石相去無幾矣。

(二)程氏治尚書之觀念與方法

夫區字之地,非一人可遍歷,上古山川,亦與時而變易;黃河改道,故碣石非其口矣; 江一名,而異指何其多也。程氏辨禹貢,號爲博治,然其法不外下列二者:

1、本乎經文,深探書法

程氏解禹貞,一以經文爲準,若文句義解有似不通者,則多以書法說之。其馬 貢論序曰:

去古益遠、簡編不與禹接,其辨正實難、顧有一者、經文雖簡而於事情無所不該。如即其簡而得其該,則雖茫茫之迹、見於千餘言,亦既無所之少;若但病其簡,言外輒無餘見,必且越而求之經文之外,說成而經不應,則於稽據何賴。臣爲此故,方其疑牾古說、則盡屏訓傳,獨經又而熟復之,研味既久、忽於一言一字之間,覺其意指可以總括後先、則主以爲據,而益加參校、暨其通之一經而合,質之旁史而信,稽諸人情物理而準,於是躍然喜,渙然悟,知其簡之中有甚該者焉。

程氏不信傳注,一以經爲準,求其義可通於全篇而又合於事理者焉。故其論「三條 荊山」曰:

註21, 見程元敏先生著三經新義輯考彙評 一) -尚書,總頁21引, 五氏佚又。

註 22 見通志堂經解本前附。

^{\$ 23} 見後論頁 5°

三條四列,紛紛無宿者,皆以荊山兩出之故也。而經自兩荊山之外, 山無同名者乎?……自古及今,不聞有言其脈絡相貫者。諸儒不能以類通 類,而獨於兩莊曲說,何也?聖人之經所以萬世尊用而異端奇說,終不能 勝者。以其通古今而常然,故曰經 至24 。

此據經立言,以經求經,以經文本有兩荊山,不必以異端曲說爲之亂道,若地脈之類,直以兩荊山同名解之則可矣,豈不實在而易乎!其論「漢沔」而及貢道之法曰:

若夫梁之貢道,於浮江便,而浮潛逾沔,則若甚迂而偏,此習山川孔 道者之所疑,而其實不然也。聖經書法與後世不同,經費簡,雖簡而於事 理無所不具:故有書例相貫,越數州而互相發明者,凡州之貢道皆是也, 此梁之貢,其實江潛皆浮,然其書潛遺江者,荊州貢道在道而可固以見 也。……通禹貢九州書法,亦莫不然,非於梁獨爾也:使不熟於經者見之, 公驟駭以爲不然、而經例可考也 [125 。

此以經文之條例書法以言經義也。蓋經文疑似迂迴不合於理者,程氏以爲非達於理, 乃學者未明經文義例書法爾。

2、求諸地理,證諸人言

夫天下之大,非一人所偏歷,然地理之學,非親至其地,則又難以爲說,故或 求諸其方之人,或詢之嘗親歷其地者。若黑水、弱水,其流在境外,則必求諸人言 矣。若其論「濟」曰:

李賢註釋范史曰,齊自鄭以東貫滑曹鄆濟齊青以入于海,則唐語也。 樂史襄宇記曰:入東平濟南淄川北海界中,水流入海,謂之清河,則本朝 語也。臣嘗考諸古史,兵師糧餉所經,及詢諸今日曾行其地者,二子之言 皆信 註26 。

是程氏徵諸人言,以知其地理之狀,與「者之言合,故信其說而可採,此猶身遊其中而目睹之也。又其論「弱水」曰:

漢書條支國臨西海,安息長老傳聞其國有弱水,又于闖之西,水皆西流,注於西海;又弱水之轉出于古,初未爲諸儒飾說之所汩亂 至 27.。 夫弱水地在極西,中原人難及至,目所不能親見,豈不多臆說哉!故程氏求諸息安國之長老以明弱水之情狀流派也。

註24 見禹貢論卷上,頁47。

註25 見前書卷下,頁5。

註26、見前書卷上,頁26。

註27 見前書卷下,頁9。

(三)程氏禹貢說精義

程氏禹貢論,所論者七,曰江水、河水、淮水、濩水、濟水、弱水、黑水,後 論則專論河、汴之患。天禹貢一書所載山水非止於此也,然則何爲而上論此七者, 程氏序曰:

極天下大川,如江、淮、河、漢、曆、黑水、弱水,此七者,宇宙不能以自大,禹功不能外之以自立,而其名稱遊道,世傳失實,七繆其六。 人主苟欲追會禹績,而不得七者之眞正,猶禹之行水,高山大川,其猶來 奠而欲行其荒度,則將何據以爲施置之序也「註 28 。

是以程氏論禹貢 主於此七者焉。茲述其說之精者:

1、九河、逆河、碣石,俱淪於海

禹貢云兗州云:「九河既導。」又導河曰:「又北播爲九河,同爲逆河,入于海。 孔傳兩注皆以爲河水分爲九派,以殺水勢,九河之末,同合爲一大河而入於渤海。 爾雅有九河之名;後世讀禹貢者,欲求九河於地上而不見,故鄭康成謂齊威公塞其八,遂不復可尋;逆河有謂渤海者,有謂乃一大河者,然其地不可考,於是云者紛紛矣。程氏爲之辨而謂九河、逆河、碣石,俱淪於海矣。其曰:

臣常安於漢儒,隨事傅致之論,而思得恆當事情之實者,以與經義爲底,其究求久之,乃得於王橫之論焉。先時韓牧欲即禹實九河處穿深河以毅水怒;其說曰:縱不能爲九,但爲四、五,宜有益。橫闢之曰:河入樹海,渤海地高於韓牧所欲穿處;往者天嘗連雨,東北風,海水溢西南,出漫數百里,九河之地,已爲海所漸矣。橫之若言也,以當時親見而破萬世傳聞之惑。……而碣石者,通一山冢趾皆石,無有徙移曲折之理也。漢河既不並碣石入海,而平地亦無碣石,則九河、逆河,其與碣石俱淪於海;王橫之言,其已信矣。每29.。

按程氏每謂禹河、漢河不同,古名今名有異,桑田滄海,其誰可識,今王橫既載几河之地爲海水所浸,淪入海中,則九河、碣石,逆河不可考於後世矣。

2、九江為一派而非九水

禹貢荊州云:「九江孔殷。」而導江又曰:「過九江,至于東陵。」孔傳皆謂江水分爲九道;鄭玄則以爲有九小水注江,故謂之九江。宋晁說之則引山海經、博物志、水經、地記而斷以洞庭應塞九江。程氏則以爲皆非也。蓋九江非一江派爲九,

紅28] 見通志堂本前附序又。

[[]紅29] 見禹貢論卷上,頁16。

乃一江之本名如此也。程氏云:

古人命物以數,不必以數數而應,乃始命之,或時意自有主,不可應 鑿也,……三苗之竄,又居三危,杜佑亦嘗謂苗族分而爲三矣,然經數四 罪,以縣共兜配三苗爲四,則是一有苗而以三苗命之。今去古遠,一苗之 名三苗,不可隨度矣,而苗民亦未嘗分三,則經文甚明也。又當時大臣之 尊者爲百揆,豈真有百人而共居此官也邪?以此參較九江之所以九,其創 意正義,不敢禮推,而其決非一流分九者,則爲經之書河,以播九爲文, 而九江無之,故得知其非九也。

九江不爲九數,以經文書法與 E江、九河不同,故不可以數目視之也;如太湖亦稱 五湖,昭餘祁一澤亦得名九澤,其實乃一湖一澤耳、註 301。

3、三江為江、漢、彭蠡會合之名

歷來論三江者多矣。孔安國傳、班固地理志、韋昭國語注、王安石新經義、東坡書傳,皆各有一說;程氏以爲彼等不進於經,求諸經外,失禹貢之旨。故其說「三 江」,以爲經既有中、北江江之文,則三江可求矣。其言曰:

有中有北而未嘗有南,經遽以三江總之者,省文而互見者也。且經之言曰 東匯澤爲彭蠡,東逸北會于匯,是二語者非附著南江以鑿其所不書者與!夫其同爲一水,別其北流以爲北江矣,又命其中流爲中江矣,而彭蠡一江,方且自南而至橫衡兩流,與之迴轉而得以名之曰匯,參配北、中,與之均敵,而得以名之爲會,則是向之兩大者,并此爲三矣。當其兩大,則分北、中以名之,及其匯會而鼎錯於南,則辨方命位,而以南江且之,不亦事情之實哉!其匯會之地,雖名彭蠡,而上流鍾爲鄱陽大澤者,亦彭蠡也,究其源派,則合江右數千里之水在焉,絜度其力,雖不及江,猶倍於漢:漢之力尚得抗江而分中、北,則彭蠡匯會,既能兼敵江漢,豈應不爲南江也哉[註3]!

按程氏以爲北江爲漢,漢水自北來匯于江也,於江而言爲北,彭蠡自南而納江、漢之水,成一大澤,其勢可與江、漢分庭抗禮,以其在南,故名之曰南江也;中則爲 江水主流也。此說與前述諸家皆異,亦程氏獨門之見也。

四、程氏尚書學之評價及影響

程大昌尚書之學,長於禹貢。禹貢論序謂經筵進講尚書禹貢黑水甚詳,爲時君

H 30 見前書卷上,頁39。

^{33 31} 見前書卷上,頁42。

所賞,嘉其考據之功甚大,遂繕寫工進。然周密則云:

程泰之以天官兼經筵進講禹頁闕文疑義,疏說甚詳,且多引外國幽奧 地理,阜陵頗厭乏,宣諭宰執云,六經斷簡闕疑可也,何必強爲之說,且 地理既非親歷,雖聖賢有所不知,朕殊不曉其說,想其治銓曹亦如此也。 既而補外、並 32,。

此記與程氏自序相反,未知孰是孰非。然陳椿年序則云:「予聞諸學士大夫稱其精博。」 則此書當時或頗受重視。若傅寅著禹貢說斷,多引程氏之說。若禹貢「導黑水,至 于三危,入于南海」,引程氏之說曰:「黑水即葉榆澤是也。」繼而論之曰:

程公駁鄰道元等諸說,求漢志益州葉榆縣葉榆澤爲黑水之正,又以滇 也縣滇池澤爲黑水之下流,蓋以滇池澤傍有黑水祠爲證故也,又據鄰道元 等敘載葉榆入海之地,在交趾,縣爲入南海之的,信其有驗也。……信其 善辨也,而東女弱水,前此未有黑水之稱,稱黑水自程公始,其殆可深據 乎?……余恐學者慕名而輕信,昧多聞闕疑之理 紅331。

是程氏禹貢論、當時號稱詳博、非虛言也。陳振孫評其學曰:

上下數千載,幅員數萬里,身不親歷,耳目不親聞見,而欲決於一心, 定於一說,爲保其皆無牴牾,然要爲卓然不詭隨傳注者也 註 341。 明歸有光亦以以爲不親見而爲之說者非能得其實,並舉河源及鳥鼠同穴二說以證程 氏之失也 註 351。納蘭成德通志堂經解序其書,稱南宋號稱博洽者三人,程氏其一也。其言曰:

接經證史,解駁盡致,則於公是書見之、\$1.36 。 四庫提要雖亦以爲不親歷爲可議,然其援據釐訂,實爲博洽,註禹貢者終不能廢其 書也,徇爲確論 註37.。

註 32 見經義考卷九三,頁1号。

[、]註33 見傅寅禹貢説斷卷三,頁16、17。

⁵x 34 見直齊書錄解題卷二,頁7。

註35 同註6 ~

註 36 見通志堂錘解書前附頁 2。

註37 问註8,頁1。

第七章 范、鄭尚書學案

第一節 范 浚

一、生平事略

范浚,字茂明,婺之蘭谿人,世居香谿,學者因稱香谿先生。徽宗靖國二年生。 自少嗜學,篤志求道。一家膴仕,獨浚不近榮利。研窮六經,諸子百家,辨博峻整, 出人意表。高宗紹興元年紹舉賢良方正,力辭,以秦檜當國,不屑以下時。婺守延 請入學主講,亦辭不就。閉門講道,塵几敗席,處之晏如。卒於紹興二十一年,年 五十。朱子嘗過訪之,得其心箴,手錄以歸,附載孟子註中。所著易書春秋皆有傳 註。今傳有香谿集二十二卷 註)。

二、尚書學之著述與著錄

元吳師道云:「 范凌 其學多本於經,貫穿精覈。」朱子亦云:「 范凌)所著 文辭,多本諸經而參諸子史(計2)。」是范氏雖無經學之名,而有經學之實。

范氏尚書之著述,未成卷帙,存於香谿集中,是以歷來著錄無紀之者。經義考 著錄「范氏浚書論一篇 註;」,又有「范氏浚堯典論」、「湯誓、仲虺之誥論一篇」、 「伊訓論一篇」、「太甲三篇論一篇」、「咸有一德論一篇」、「說命三篇論一篇」、「洪 範論一篇」、「大誥、康誥、酒誥、梓材、召誥、洛誥、多士、多方論一篇」、「君牙、

[[]註] 參見宋文翼卷二四,頁 14。宋元學簿卷四五,范評諸儒學案,總頁 815。金華府志卷十六,頁9。陳嚴肖香溪先生又集敘,陳師道香溪先生文集後序,朱熹香溪小傳,章懋重刊香溪先生文集序;章品香溪范先生傳。

註 2) 朱、吳二氏之說,均見香溪集前附。

⁽註 3) 見其書卷八十,頁5。

問命、呂刑論一篇 註 4 」、朱氏皆云「存」、凡共十篇、而所論及之篇目共二十三篇,又「多七、多方論」兼論及君陳、總而計之共二十四篇 [計 5]。此十篇之論、見於香谿集中、「書論」見於卷二、其餘全見於卷三之中、自成一卷、或其門人高栴編輯時所集者也。

三、范浚之尚書學

朱子爲范浚小傳云:「香溪先生初不知從何學,其學甚正。」香溪答潘默成書, 自言其學之由曰:

膚受末學,本無傳承,所自喜者,徒以師心謀道,尚見古人自得之意, 于孑孑爲世俗趨慕耳、[H 6]。

則其學自得於遺經爲多。茲述其尚書學如后:

(一) 范氏尚書學之淵源

范浚自言其學自得於遺經,以朱子之博,猶云不知其學所來自;章品作香溪范 先生傳云:「大抵致力於存心養性,所得於孟子者爲多 註 2 。」宋元學案黃宗羲論 其學曰:

顧當南北宋之交,關洛之書,盛行浙東;永嘉九先生而後,默成一輩, 多屬楊、尹之徒,先生所爲文集,若未嘗見關洛諸公書者,故絕口不及也。 而其言則多與之合;先生又與默成交,此事之不可解者[註8]。

其實黃宗羲所云「若未嘗見關洛諸公書」者,蓋失考矣。茲就范氏尚書諸論考之, 即可見其一斑。若其「說命三篇論」,論高宗武丁所以夢得傅說之故曰:

人之誠心,殆猶明鑑、鑑明洞徹、無物不形,雖群象雜委于前,而色色呈露,無得通者,鑑非往照,物無來心,實感通之理,冥于自然耳。高宗之誠,善必先知,則夢得賢人,與鑑燭物何異;蓋高宗恭默所思,思得良弼以自輔耳,逮其精誠感道,則同焉者合,類焉者應,乃有良弼見於正夢,初非彼來,亦非此往,神交默契,莫知所以然而然耳。從是觀之,豈非甚盛耶 紅9!

at 4)以上各篇,分别見於九十三,頁2,卷九五,頁1、2,卷九六,頁3、卷九七9、11。 at 5,連君陳而數之者,蓋香溪集於「大誥··多万論」之標題下,有「君陳附」三字,

[·]廷石体的数之母,监督供来於「人話··多力論」之標題下,有「石隙附」 未知是否其本來即有之,姑列入計算。見集中卷三,頁 15。

註 61 見宋元學案卷四五范許諸儒學案,總頁 815,

[、]註 71 見香溪集前附傳頁 9。

[[]註 8] 同註6。

狂 9 見香溪集卷三,頁12。

其論精誠感通,如鑑之照物,非彼來此往,蓋自然耳,是高宗於感通之前,不知傳說之爲傳說也。考程子亦有論說命之言曰:

蓋高宗至誠,思得賢相,寤寐不忘,故朕兆先見於夢,如常人夢寐間,事有先見者多矣,亦不足怪,至於卜筮亦然。今有人懷誠心求卜,有禱輒應,此理之常然。又問高宗夢住求傳說耶?傳說來入高宗夢耶?曰:高宗只是思得賢人,如有賢人,自然應他感,亦非此往、亦非彼來;譬如懸鏡於此,有物必照,非鏡往照物,亦非物來入鏡也。大抵人心虛明,善必先知之,不善必先知之,有所感必有所應,自然之理也(註.0)。

可見范浚之說,與程子雷同之甚也;非獨說義相同,以鑑爲喻亦同,而文辭亦多相因之迹,若「善必先知」、「亦非此往,亦非彼來」皆同。而范浚嘗評當時說說命者之言曰:

世之議者,妄謂高宗知博說之賢,遽欲引以爲相,懼群臣不心服,天下不以爲宜,因假夢以神其事,以要信於一時。嗚呼!其誣高宗乎!使誠假夢以用說,豈不爲僞乎!彼其三年不言,亦已久矣,爲可僞爲乎!揚雄曰:夫信周其誠,上通于天,高宗誠與天通,天以良弼貴之,此甚盛德也;議者誣以爲僞,豈非所謂邪說橫議乎[至1]!

按程伊川論說命,既言精誠感通夢應如鑑之照物,繼之又答人言曰:

又問或言高宗於傳說,又王於太公,蓋已素知之矣,恐群臣未信,故 夫托夢卜以神之?曰 此僞也,聖人豈偽乎 註12,!

是范氏之說幾與程伊川之言全同也,豈如黃宗羲之言以爲若未見關洛之書者哉!考 以高宗素知傅說,托夢以神之之說,是亦有之;黃倫尚書精義引周氏曰:

高宗即位之初,商道中衰,廿盤避世,朝多具臣,傅說賢而隱於版築之賤,一旦舉而加於百僚之上,則天下之心,未盡厭服,眾必駭異,故託夢得而旁求天下,置諸左右,如天所授,群臣莫之敢疑,然後傳說之道得行也;若不素知其才,而徒以夢取之,則與後世按符命,據圖讖以用人者何異哉、註.3!

此周氏不知何許人也,然既有是說,故程伊川始有是辨也。

程頤書說之外,范氏亦引用王安石新經之說,若其論說命上「若金,用汝作礦;

[[]註10 見程氏遺書卷十八,頁34。

[[]註11] 見香溪集卷三,頁11。

[[]註12, 見程氏遺卷十八,頁34。

[[]註13] 見卷二一,頁3。

若濟巨川,用汝作舟楫;若歲大旱,用汝作霖雨」曰:

觀高宗既得傳說,立以爲相,命之納誨;責以正己,使之作礪;責之 齊己,使之作舟楫;責以澤民,使之作霖雨(至14)。

按孔傳曰:「鐵須礪以成利器;渡大水待舟楫;霖,三日雨以救旱。」皆以比喻作解也,無所謂「濟己」、「澤民」之義。王安石尚書新義則云:

若金,用汝作礪者,命之使治己也;若濟巨川,用汝作舟楫者,命之 使濟難也,若歲大旱,用汝作霖雨者,使之澤民也[註15]。

林之奇評 E氏曰:「高宗之設此一喻,大抵言其望於傅說之納誨者如此其激切,而其 託意之深,故重複言之。或者見其有此三喻,則必從而爲之說,以爲每句皆有所託。…… 據此上文言朝夕納誨,以輔台德,下文言啓乃心,沃朕心,則是高宗於此其與傅說言 者,大抵欲成就己之德而已,未及乎濟難、澤民,與舉天下而聽之之事也 註 161。」 林氏之評說甚確。可見范氏以「濟己」、「澤民」解之,其出於王介甫之說也。

范氏雖有取于王介甫,然亦有評之者焉。其論「堯典」曰:

世儒謂堯行天道以治人,舜行人道以奉天,是不惟不知堯舜、柳亦不知道,又不知天人也。……古之王者必承天意以從事,是天理即人事:王者欲有所爲,必求端於天,是人事即天理也,註17、。

按此「堯行天道以治人,舜行人道以奉天」之說,實王安石之說。 E安石尚書新義曰:

堯行天道以治人,舜行人道以事天。……堯典於舜、丹朱、共工、驩 兜之事,皆論之,未及乎升黜之政。至舜典然後禪舜以位,四罪而天下服 之類,皆堯所以在天下,舜所以治「至18 。

張綱本於 E氏之說曰:

堯典言歷象日月星辰,于此言在璿璣玉衡,以齊七政者,歷象以數推之者也,璣衡以器得之者也;數出于天,故推之以授人時,器出于人,故占之以齊七政。堯以道在天下,故以歷象言之,舜以政事治之,特見諸形氣而已 註 9 。

註14 見香溪集卷三,頁12 ~

註[5] 見林之奇尚書全解卷二十,頁8。

註16 周前註。

^{¥ 171} 見香溪集卷三·頁 2。

^{※ 8,} 見程元敏先生著三經新義輯考彙評(一 尚書之中,總頁27、28引河南程氏遺書卷二二,頁4之文。

註19, 見黃倫尚書精義卷三, 頁9引。

考程頤嘗評 E安石此論曰:

介甫不識道字。道未始有天人之另,但在天則爲天道,在地則爲地道, 在人則爲人道[註20]。

程氏遺書記有人問「有人言:盡人道謂之仁,盡天道謂之聖;此語何如」,程子答曰: 此語固无病,然措意未是。安有知人道而不知天道者乎!道一世,豈 人道自是人道,天道自是天道,却」。

按此所謂「有人言」之語,實指王安石也。考楊時所訂定程氏遺書中粹言論道篇,亦記此一則之事,而明言「介甫有言:盡人道謂之仁,盡天道謂之聖」;是程頤、楊時多評王安石天道人道二分爲不知道也。范後所評「世儒」,實乃王氏無疑;而其所持論謂王安石「不知堯舜」、「不知道」、「不知天人」,亦本乎程頤、楊時之說也。此亦可見范後之說之出於程門也。

范浚評王安石之外,其餘所評以蘇軾書傳之說爲最多;蓋蘇氏爲駁王氏而作書傳,其中多據己意,自發新義異見,與孔傳大相悖違,而范浚信經甚篤,故評東坡之說亦多。若其論大誥至多方八篇之意曰:

曹考諸經,蓋自大語、康語、酒語、梓材、召語、洛語、多士、多方八篇,雖辭語繁悉,指各不同,大要以商人心未服周而作也。說者或以爲商自楊巳下,七王之德感人也深,方紂肆虐如在膏火中,歸周如歸,不暇念先王之德,及天下粗定,人自膏火中出,即念商先王如父母,雖以武王、周公之聖,相繼撫之,而莫能禁也。信如此言,則是武王、周公不足以服商人也,非商人之碩爲難服也(註22)。

按此說「或者」,乃指蘇軾書傳而言,其說見於卷上五多方篇下。可見范氏此篇,乃 專爲駁蘇軾之說而作,其曾研閱蘇軾書傳可知矣。又范氏有「君牙、冏命、呂刑論」, 其言亦以評蘇說爲上。其言曰:

穆王事見於經者,以三篇爲聖人所取,則穆王信亦賢矣。而好議論者, 掎振傳記不典之語,橫加詆訾,謂穆王征犬戒,祭公謀父不聽;又謂其欲 以車轍馬跡周天下,祭公謀父誦祈招之詩以止王心。嗟乎!信不典之語, 如此不幾於廢經乎[至23]!

按蘇軾書傳於君牙篇後日:

^{[\$£ 20] [] \$£ 18 0}

[[]註11 見河南程氏遺書卷十八,

[[]註22, 見香溪集恭三,頁15。

[·] 註 23. 見香溪集卷三,頁19。

予讀穆王之書一篇,然後知周德之衰,有以也。夫昭王南征而不復, 至齊桓公乃以問楚,是終穆王之世,君弒而賊不訂也。而王初無憤恥之意, 乃欲以車轍馬迹,周于天下。今觀君牙、冏命二書,皆無哀痛惻怛之語, 但曰嗣先人宅,丕后而已;足以見無道之情,非祭公謀父以祈招之詩收王 心,則王不復矣。呂刑有哀敬之情,蓋在感悔之後,時已耄矣(\$24)。

相比對之下,可見范氏之論,亦專爲蘇氏而發。以此論之,蓋伊川一門,與蘇氏蜀學,本不相協,范氏之學,雖未明其師傳,然其用程氏之書說,並以伊川之義理立論,其私淑伊川者無礙也。彼於王介甫之說,則不取說義而取其訓釋之詞,是不同於王氏也;至於蘇氏評之甚多,則可反證其說之近乎程氏也。

(二) 范氏尚書學之特色

1、專守經文傳注

范氏之所以屢評東坡書說及王介甫尚書新義者,蓋彼等俱自出異議,摒棄傳注, 甚而疑改經文,不守故度也。范氏解說尚書,則一以經傳爲宗,故其十篇尚書之論, 皆字孔傳之義,更無疑改之說。其論堯典曰:

夫子序書,辭嚴旨奧,不越數言,而終篇太義,粲然可明。……後世 邪說橫議,祗誣大聖,謂堯幽囚,謂舜臣堯,怪妄百出;特考是數古,而 唐虞禪紹之美,昭若白日,紛紛詭論,不攻自破 至25 。

故其評東坡論穆王三書之後,指以爲「信不典之語,如此不幾于廢經」,故謂「以經 考傳之眞僞,是學經之法也,……凡百家傳記有議論者,皆當折衷于聖言」,於是夫 以爲東坡「遽以傳記廢經,遂謂穆王非賢,甚不可」,遂屢言「竊求諸經「註 26 」, 可見其解尚書,一以經爲準,以序立義,以傳注爲宗;故其訓解多用孔傳,若皇極 則訓「大中」,訓「自問有終」曰「傳曰:忠信爲問、註 27」」,皆可見也。

2、以義理解說尚書

范浚有「心箴」一文,爲朱子大擊節賞,取以入孟子集註中;其詞曰:

茫茫堪輿,俯仰無垠,人生兩間,眇然有身;是身之微,太倉梯米, 參爲三十,曰惟心耳。往古來今,孰無是心,心爲形役,乃獸乃禽;惟口 耳目,手足動靜,投閒抵隱,爲厥心病;,一心之微,眾欲攻之,其與存

缸241 見東坡書傳卷十八,頁6。

註25. 見香凑集卷三,頁1。

註26) 參見前書卷三,頁19、20。

註27) 參見芾書卷三,頁14 洪範論,卷三,頁7太甲三篇論。

者,嗚呼幾希、君子存誠,克念克敬,天君泰然,百體從令 至28 。 其義蓋深得於孟子之言也。范氏解尚書,亦一以「心」爲之說。其說命三篇論曰: 高宗得傳說,言夢帝實弼予良,何也?曰:人心其神矣乎!苟惟精一,

則虚明洞建事物之至、註29.。

故其論高宗夢傅說,謂人之心誠猶明鑑照物,感通冥於自然。夫所以能誠,在夫克儉無我,否則爲物欲私念所沮而失甚本真矣。故其論太甲曰:

凡儉而守約,皆可以悠久而無窮。今伊尹告太甲以慎乃儉德,是永圖也;知儉爲守約,則所以慎者,蓋有要矣。亦曰儉於心而戒慎之耳、至 30 。 夫心能儉則人欲漸去,私欲漸消,心清明而入於無我之境矣。其論「湯誓、仲虺之 誥論、曰:

易之代桀,爲天下染虐也,而商人乃曰,我后不恤我眾,舍我穑事而 割正夏;此豈於人心有不順哉!蓋商人以穑事爲念,商人之私心也,成湯 以正夏爲急,天下之公心也。……以天下爲商人,而不以商人外天下,是 天下之公心也、註到。。

其論「伊訓」・則曰:「楊自始修人事之紀,以至于有萬邦,本乎無我以從諫靜。」 其論「堯典」亦云:「堯曰: 吾終不以天下之病利一人。卒授舜以天下。方其念丹朱 與大卜利病,孰輕孰重,荀懷一急有我之心,則視利天下不足以病其子,視利其子 雖病天下不屑也。惟堯無我,視天下猶吾子也。……不以私利易公利,此大心也 [計 12]。」夫心因人欲而墜於物,苟能以儉克之,至於無私無我,則能進乎堯、舜、湯 之心,而克體天心自然也。此與「心箴」所謂「一心之微,眾欲攻之,其與存者, 嗚呼幾希;君子存誠,克念克敬,天君秦然,百體從令」之義無異也。

3、范氏尚書說新義

范浚說尚書,進乎經文,謹守傳疏,然傳疏之說,時有不順者,則必爲之疏通; 異議邪說,有足移人心目者,則必起而辨之;是以其說頗發新義。茲列舉如次:

(1) 論伏生所傳諸篇之難

韓愈早言「周誥殷盤, 結屈聱牙」。陳壽三國志云:「皐陶之謨略而雅, 周公之誥悉 而煩。」是尚書之文, 占澀難通; 林之奇進而有孔壁占文順而易, 伏生今文晦而難;

^{# 28} 问註60

L 註 29 見香溪卷二,頁 11。

ax 30, 見前書卷二, 頁7、8。

註31.見前書卷三,頁3。

[、]E 32 見前書卷三·頁1、2。

遂謂伏生今文緒篇之所以難,乃因伏生所傳,耄荒而有齊語。朱熹則以爲先奏占籍 引書文之在伏生今文者,與今本同;且伏生暗誦,何以偏得其所難,反失其所易。 又謂或以爲記錄之實語難工,而潤色之雅詞易好,故訓語誓命有難易之不同,然亦 有所不通,故以爲有不可曉者、註 33 。范浚亦有見於伏生諸篇之難通,故亦別爲新 解以說之曰:

予嘗讀大語、酒語與夫多士、多方等篇,切怪其辭微義奧,雖宿儒老學,有疑滯而不能句者,當時群下何從明其說以知上之旨意哉!或以為三代盛時、家塾黨庠所以肄業者,固己目習耳熟,則於上之語命,夫人而能通其義:然抑聞之昔者,史佚不斂下殤於宮,召公問之、史佚曰:吾敢乎哉?召公言於周公:周公曰、豈不可。史佚行之。夫豈者怪拒之辭,豈不可云者,周公所以深言不可也。史佚不達其旨,謂爲許己、因遂行之。可云者,周公所以深言不可也。史佚不達其旨,謂爲許己、因遂行之。召公賢相也,史佚賢史也,以兩賢者而不能明周公之一言,謂當時群下夫人而能通語命之說,其可乎!意者一時致任之臣,爲州里父師少師,坐于門塾而教出入之子弟,群下於語命有不能曉,則父師少師與州長黨正之徒,開論詔告,使之心釋意解,知所以教戒之義,則庶于可也。陳壽曰 皋陶之談略而雅,周公之語悉而煩。皋陶與舜禹共談,周公與群下矢誓故也。夫惟略而雅,故其言軍厚簡直,理暢而旨顯,惟悉而煩,故其言丁寧反覆,公有義奧而難通者,非聖人於作誥故爲是信屈艱深之辭,理勢然也 紅34.。

按范浚以爲周公諸誥之所以難,乃因周公欲告群下以奧義,其文本難,故多丁寧反 覆之語,是以悉而煩也;范氏又以爲誥文之難,於誥命之申達於民無礙,蓋有致仕 之臣居州里之中,多所教論開悉故也。

范氏此說雖新,然所失甚多;周誥諸篇其義不外以商民不服,故誥之以商之所以失天下,周之所以得天下,數紂之惠,彰我之善,以服民心,以格君心,以勸臣心,如是而已,烏有所謂奧義難明者哉!且孔子不云乎;可與言而不與言,失人;不可與言而與之言,失言;又曰:中人以上,可以語上,中人以下,不可以語上。若依范氏之言,則周公既失人又失言矣。復以所謂孔睦古文之中,泰誓三篇亦誥誓於眾之辭,其不易如彼,則又何以爲說,是正見今文諸篇之難,而未見古文之易也。

(2) 論殷民難服

范浚既評蘇軾論殷人難服之說,以爲蘇氏所謂商人受自湯以下亡于之德深,故

註 33 林之奇之說,參見全解序。朱熹之說見朱又公文集卷六五,頁 4、5 尚書序說。 [註 34] 見香溪集卷二,頁 7 書論。

念念不忘,是以不服爲非。因爲之論曰:

嘗以商周論之。商代夏、周代商,其事則同:易伐桀以救民,武王伐 約以遏亂,其心則同:易升隔,致天之罰,武王渡孟津,底天之罰,其奉天 命則同:易有萬邦,兆民永懷,武王定天下,萬姓悅服,其得人心則同:易 武之道,無不同也。何爲夏人歸商,不復攜叛,而商人歸周,屢爲翻動:雖 以成王之賢,周公之聖,又佐以召公同心鎮撫,久猶未服,豈無自而然哉! 蓋桀雖不道,得罪人神,自取威亡,與紂相似,然書曰紂罪浮于桀,則是紂 思視桀爲又甚也。……天下化桀之惡,亦未若商人化紂之惡之深矣。觀武王 誓眾,動數紂之惡踰數十條,過桀遠甚,而淫酗肆虐,商人化之,罔不沈湎 于西,草竊姦宄,上而卿士相師爲非度,下而小民相與爲敵雠,其凶豔惡德, 餘風遺毒,淪人骨髓,溢於後世,庶群自西,殆不可禁,自作不典,殆不可 安。……然則雖以成王之賢,周公之聖,又佐以召公同心鎮撫,久猶未服, 無足疑者。是商人之碩至難服也,非成王周公服之難也 註 351。

范浚爲此說、蓋爲周、召、成王辯護也。蓋如蘇軾之說、則是周、召、成王之德不足服殷眾也、是以力陳紂之惡、示其化商之深、是商人深習於紂之惡、故周、召、成王、君陳、畢公,歷三世而終能化其惡習也。

四、范浚尚書學之評價及影響

范浚之學,既無師傳,亦不以經學名家,其尚書之論,亦未獨立刊行,自成卷 帙,且其說謹守經文傳疏之義,無甚異見高論,竦動學林,故歷來學者,多未論其 尚書之學也。

總前所述而論之,范氏尚書之學,遠得諸孟子之意,近紹子伊川之論,說經多 主心性立言,發揚義理之學,亦義理家之說經正統也。至其每評蘇軾、王安石之說, 拒斥新異之論,謹守二孔之言,雖稍嫌於保守,然於當時視之,亦無可如何爾。故 其「心箴」雖因爲朱子所採而垂名於後,至於其他學說若尚書諸論,則未見有後人 援引採用,斯亦足見其尚書說之地位矣。

第二節 鄭伯熊

一、生平事略

註35、見前書卷二,頁16。

鄭伯熊,字景望,永嘉人,與其弟伯英歸愚翁齊名,時人稱之爲大、「鄭公。少慕呂申公、范淳夫之爲人,行己一以爲法,而論事則慕賈誼、陸贄,已而直見道體。登紹興十五年進上,歷黃嚴尉、婺州司戶;隆興初,召試正字,除太常博士,出爲福建提舉。魏王判宣州,南面坐受屬吏進謁,幕府進箚子,亦坐而可否之;及伯熊除王府司馬,以箚子開說謙德未光,嫌疑之際,或駭視聽;凡所進言,皆不聽,遂自劾去,改江西提刑;後人爲吏部郎官,兼太子侍讀;歷國子司業,宗正少卿;以直龍圖閣知寧國府,移知建寧卒;後諡文肅。

秦檜擅國,禁人爲趙鼎、胡寅之學,而永嘉之學乃其寓里,後進爲所愚者尤多,故紹興末,伊洛之學幾息;伯熊及其弟並起,推性命微眇,酌今占要會,師友警策,惟以統紀不接爲懼,首雕程氏書于閩中,由是永嘉之學宗鄭氏。伯熊臧否人物最矜愼,稱爲方峻。乾淳之間,永嘉學者連袂成帷,無不以之爲渠率、呂成公尤推重之。有文集三十卷,六經口義拾遺,有贛言、紀聞之作,今皆不傳,所傳敷文書說一卷「註 36.。

二、尚書學之著述與著錄

鄭伯熊所著今傳於世者,唯敷文書說一卷,其書不見於宋代著錄之家,其最早記錄此書者,首推陳亮作「鄭景室書說序」「註371),又有雲谷胡氏於宋寧宗嘉定十六年癸未序 註38. ,且陳大猷尚書集傳或問中,亦有引用「永嘉鄭氏」之言實即鄭敷文書說也。是是書亦見稱於當時永嘉學者矣。明焦竑經籍志有著錄「鄭敷文書說一卷」,朱彝尊經義考有「鄭氏伯熊書說一卷」 註39 ,即今所見之「敷文書說一也。四庫全書有此書,亦作一卷;今百部叢書集成本所行者,乃經苑之本也。四庫提要謂此書云:

此乃所作尚書講義,皆摘其大瑞而論之,凡二十九條,每條各標題其 目 ax 40 。

考陳亮序此書說云:

永嘉鄭公景望與其徒讀書之餘,因爲之說,其亦異乎諸儒之說矣 [124] 。 是四庫所謂「講義」,乃爲生徒所講說者,非經筵講義也。胡玉縉四庫提要補正以爲

註36,參見宋元學案三十二周許諸儒學案,總頁661:宋史翼卷十三,頁6、7、8。

正37〕參見龍川文集卷十四、頁2、3、又經義考卷八十、頁9亦引之。

TEL 381 參見經義考卷八十,頁9引:又數又書說後亦附引へ

註39 參見經義考卷八十,頁9、10。

SE 40 見敷文書説所附。

¹ 年41 旬註 37 0

其書有闕佚;其言曰:

說典寶書序,言是義也,於顧命三篇見其詳。案卷中無顧命釋義,疑 鄭氏本書當不止二十九條,而今闕矣。[註42]

按伯熊論典寶篇序「遂伐三朡,俘厥寶玉」,引「胡先生」曰:

古者寶玉世守,罔敢失墜,以昭先祖之德,存肅敬之心,告終易代, 洪璧琬琰、天球夷玉,兑之戈,和之弓,垂之失,莫不煉死,非直為美觀 也,先王所寶,傳及其身,必全而歸之,則可以免矣。夫以一器一物,傳 之先王者,猶謹如此,況神器之大者乎!謹其小所以警其大者,典寶之作, 其以祖宗之物所當常寶,而無德則失,亦可常乎!是義也,於顧命之篇見 其詳(34.43)。

其義蓋謂實玉乃先王實器,必讓慎寶重而勿失;若顧命所陳,雖不如寶玉之貴,方皆珍而重之,況寶玉乎!其引顧命所陳之物立言,以見非直為美觀,乃有全受全歸之義,故其言未謂此義於顧命篇之經文中可以明見之矣,非謂己有一顧命說義論及此也,故不可據此以爲有關佚之文也。胡王縉及四庫編校者均誤會其文意矣。

伯熊書說有「象以典刑,流看五刑」之論,謂「象刑」乃畫象以爲刑而民不犯, 是以謂舜首制刑書,實輕刑之始也。然其後又有一論曰:

蒙論堯舜之世,一用輕刑之說;近熟思之,不可不辨。 ··· 物或自逆于理,以干天誅,則夫輕重取舍之間,亦自有决然不易之理,其宥過非私恩,其刑亦非私怒。 ·····如天地四時之運,寒凉肅殺常居其半,而函育發生之心,未始不流行乎其間 æ44,。

此論與前一段所論正相反,或後人所補伯熊晚年之說也。是則其書或本不足 上九條,亦未可知。且陳大猷引敷文書說一條,今全見於其書,或亦可證其書本如此,無所缺佚也。

二、鄭伯熊之尚書學

鄭伯熊之學,見重於永嘉,呂祖謙、薛季宣、陳傅良、葉適等諸儒,皆奉以爲 宗,今其著作唯餘敷文書說而已。陳亮稱其尚書學,謂其胸臆之人,頗足度聖君賢 臣之心。茲陳其尚書之學焉。

(一)鄭氏尚書學之淵源

[、]狂42 見敷文書說後附。

E 43 見前書,頁16。

a 44 見前書, 頁 2、3。

鄭伯熊之學,史傳未言及其師承所自,唯云紹興末,伊洛之學爲秦檜所壓,至 於幾息,而鄭伯熊與其弟奮力振起之,並首雕程氏遺書於閩,足見鄭氏之學,與伊 川極有淵源。今考夫敷文書說,亦可證之。若其論舜典「四罪而天下咸服」曰:

驩兜、共工之徒,其惡著於心,在堯舜朝久矣,而不敢少肆者,堯之心如水鏡之於物,其妍醜不吾欺也。而人之鑑於水鏡者,豈得自隱哉!彼其心蓋知夫堯之見之,如見肺肝,恐懼慚縮之不暇,而暇惡之肆乎!惡之無所肆而才爲世用,其假息於堯之世,宜也。凡小人之惡,未嘗不包蓄,然未有終能忍而不泄者,未嘗不掩覆,亦未有終能護而不彰者:舜興於畎畝之中,群臣天下之所安,而小人之所以不悦也,其所包蓄者泄,而揜覆者著矣。並45。

考鄭氏之說,其實出於程伊川。伊川嘗曰:

四凶之才,皆可用,堯之時,聖人在上,皆以其才任大位,而不敢露 其不善之心;堯非不知其不善也,伏則聖人亦不得而誅之;及堯舉舜於匹 夫之中,而禪之位,則是四人者始懷怨不平之心而顯其惡,故舜得以因其 迹而誅竄之也 註46)。

伊川此論,見於遺書者二,而林之奇等亦引之以爲說。敷文論「夏社」曰:

夫旱乾水溢而變社稷,則國亡而社稷遷、宜矣;然桀之亡也,豈神之 責哉!勝夏之後、欲遷其社,而湯獨不可、特屋之以示戒。若曰:是其君 之罪,非神之責耳。蓋君者民之主,一失其道,則民失所庇,而神失所依, 屋社而不遷,專責以不戒,此作夏社之意也。後世有屋社之制,計必始于 楊 at 47 。

考此說亦程伊川所發者;伊川曰:

夫亡國之社,遷之,禮也;湯存之以爲後世戒,故曰欲遷則不可也。 記曰、喪國之社,屋之,不受天陽也。又曰:毫社北牖,使陰明也。春秋 書亳社災;然則皆自湯之不遷始也 科48,。

夫不遷其社,屋之以爲戒之說者,程伊川也;以屋社不遷之制始於湯者,亦程氏也,而鄭伯熊皆取之。又鄭氏論泰誓序「一月戊午,師渡孟津」曰:

序云一月戊午,蓋商正已當絕而周正未建,故不稱正月。武成有一月

[、]註45 見前書,頁10

[[]註46] 見程氏遺書卷六,頁7。

[[]註47] 見敷文書説頁16。

[、]旺481 見程氏遺畫卷六,頁6、7。

壬辰伐商之文,蓋武王興師之時,亦已不用商正也;若夫商正未當絕,則 孟津之師未舉矣 註49 。

按此說亦源於程伊川也。程氏曰:

泰誓、武成稱一月者,商正已絕,周正未建,故只言一月「註 50 。 總上述諸條,足見其尚書之說多淵源於程伊川,而論說書義亦多發心性義理之學, 與伊川相契合;蓋其首雕程氏遺書於閩,而振發伊川之學於幾息也。

敷文書說中,其稱引姓氏而立論者,唯有「胡先生」一條「註 5」。 考之於陳大猷尚書集傳或問所引「永嘉鄭氏」一條,則曰「胡氏春秋傳 註 52 」,固知其所引「胡先生」者,乃胡康侯安國之春秋傳也。胡安國親與程門 E傑楊時、游酢、謝良佐游,得程門之精義,是鄭伯熊引其說,亦即用程說遺緒也,其稱「先生」者,尊之至也。而書說之中,亦頗見其用胡宏之說。胡宏者即胡安國之子,卒於紹興 E 上二年,年齒視鄭伯熊爲長也。若鄭氏書說論西伯戡黎曰:

文王用師如侵共過密,非一也,至武王乘黎,則迫于王都而近,亦觀 政之事也 離53 。

按胡宏皇王大紀記「西伯發元年」於商紂二十四祀之下 (註 54. ,遂引西伯戡黎之文,是戡黎者武王也;又以爲武王伐殷,乃武王十一年一月戊午,而云經之十三年爲誤,又評孔傳虛造觀兵之說 註 551 ,凡此皆鄭氏所取者也、註 56. 。可見鄭氏之學與胡氏父子頗有王聯。

鄭伯熊於蘇軾書傳之說,多所批評;若論胤征,以爲羲和廢時亂日,沈湎於酒, 其罪極重,而孔子取之入書,必有其可垂法者焉。故其評之曰:

先儒於此篇疑焉者,蓋以廢時亂政之弗知日食之輕故也,其未之思乎 「註57,!

此所稱先儒者、蓋謂蘇軾也。鄭氏於論西伯戡黎中,因論武王伐紂事曰:

先儒謂武王觀兵之後,紂君悔過,不過存其社稷宗廟,封諸商,爲二

[[]註49 見敷又書説頁25。

[、]至50. 見程氏遺書卷十一・頁4。

A 51 參見數文書說頁 16。

註 52、 參見陳大猷尚書集傳或問卷上, 頁 51。

註 531 見敷文書說頁 24。

註541 參見胡宏皇王大紀卷十。

至55〕參見前書卷十一,頁3、4。

⁽註56 參見敷文書説頁25、26。

[[]紅57 見敷主書説頁13。

王之後,不復北面事之,此豈武王之心哉「紅 58 ! 按此蓋評東坡書傳之說也。東坡嘗曰:

或曰:或王觀政于商·欲針改過,不幸而不悛,若其悛也,則武王當復北面事之數?曰:否,文王、武王之王也久矣,纣若改過,不過存其社稷宗廟而封諸商,使爲二王後也,以爲武王退而示弱,周陋矣,而曰復北面事之者,亦過也[至59]。

考東坡書傳所謂「或曰」者,指劉敞七經小傳之說,而「退而示弱」之說,則批孔 傳也。鄭氏於此用劉敞之論而評東坡也。蓋程氏洛學與東坡蜀學,勢如水火,鄭伯 熊既振發程學,其於蘇氏多所批評,亦所宜也;蓋見鄭伯熊之宗程伊川之深也。

程伊广之外,鄭氏所用書說,亦有出於王安石者;若論舜典「五刑有服「,則以爲二就者,乃就輕、就重、就輕重之中;一居者,居近、居遠、居遠近之中;如是則刑人於宥者,以輕重遠近對處,原情而用法也。此用王安石之說也;因評孔傳「原野」、「朝」、「市」之說。「四裔」、「九州」、「千里之外」之言 註 601。鄭氏又論益稷「作服汝明」,以爲日月星辰運行以成歲,」之鎮、龍之變、華蟲之文,彝取其孝,藻取其潔,火取其列,粉米取其利物,黼取其斷,黻取其辨;凡此皆取其象而思其德,故云「古者服以象德」 註 611,此亦王安石之論也。然王安石論「象以典刑」以爲懸刑象於象魏以示民,鄭氏則下畫象以爲刑之說,則亦有不取於王氏者矣。

(二)鄭氏尚書學之特色

们熊既學宗程門,故其說尚書,亦每重義理,其論尚書之政治,亦多就君王之德,言;且程子之學,得之論、孟、學、庸爲多,義理唯據孔、孟,鄭氏書說,亦 取尚焉。茲述其學如后:

1、重取書序之義

鄭伯熊宗程,故亦取程氏學宗孔、孟之義,取說書多依孔子立言;而書序者, 傳爲孔子所作,鄭氏信之,故所論二十九條,主於書序者獨多,且以爲序之文有孔子春秋之法存焉。其論書序「皐陶矢厥謨,禹成厥功」曰:

大禹之功,非後世之所謂功也;聖人猶屈之於皋陶之下,其敘書曰; 皋陶矢厥謨,禹成厥功。蓋功未有不出於謨,而宣力四方者,不得先於朝 堂之論,以此示後世,則國正而朝廷嚴,驕蹇怨懟之意銷,而飛揚跋扈之

a 581 見前書,頁 25 c

豆59 見東坡書傳卷九,頁2。

丑60、參見敷文書說頁5。

狂台! 參見前書, 頁8、9。

心不萌,上下相安而禍亂不作矣[註62]。

鄭氏以爲聖人屈禹於皐陶之下,乃有使亂臣賊子懼,而導國家朝廷於太平之義也, 此即春秋之筆削大義也。其論太甲上序「太甲既立不明,伊尹放諸槅」曰:

昔仲尼作春秋,其於君臣之分甚嚴。……是以仲尼定書,於楊、武、伊、周之事,皆有所甚懼焉。仲尼之所懼,伊尹因亦懼之矣,直書曰放,伊尹所不敢辭也。……至聖人序書,猶謂之放,以見冠履之分,堂陛之勢,天尊地卑之義,亳髮不可紊,分寸不可移也;以此防民,亂臣賊子,猶以藉口,聖人鳥得而不懼。……孟子之論,敕時不得已之意也;春秋之法,以天道自處,兼堯舜湯武之事也,書之序,春秋之法也 註63 。

敷文書説二十九條之中・其論及書序者即有十條之夥・其他則片語段句作解爾・其 執書序以立言之意、概可見矣。

2、說書重義理

鄭伯熊既宗程氏之學,是以說尚書之義,每就心性義理立論。若其論皐陶謨「而難任人」曰:

任人何與乎蠻夷?曰:遠人不服,非內政不修,則邊際罔聞也。…… 則必怠忽而荒政,或好大而喜功……故惟敬德不怠,安靜無欲者,遠人之 所慕,而小人之無所利者也。[註 64

夫君王之有欲發見於外,則小人因以感亂之,故爲政要在修己之德,使心無欲,清 靜自然,則難任人,蠻夷服矣。又其論大禹謨「汝惟不矜」曰:

不矜不伐,至公無我之心也。舉天下之善,安而行,無所累于心,故無驕矜之氣,天德也,禹之所優,而顏子之所願也。蓋萬善之本,吾性之所固有,學至于聖賢,于性無所加益,而缺一焉,則不足以爲盡性;知此則任重道遠,惟日不足矣,尚何敢矜之有;進此而安焉,則達乎天德矣。38.65。

此論即孔子所謂下學而上達,孟子所謂盡心、知性、知天之義,亦即孟子性善之說也。程子謂「主一無適之謂敬」,敬則靜而人欲自去,善性發顯,於是優入聖域矣。

3、書說中之政治論

尚書者,爲政之典範也,故論之者皆有以言治道。鄭伯熊敷文書說呈上二十九

註62 見前書,頁6。

註63 見前書,頁2。

[、]社 64, 見前書, 頁 4。

註65 見前書,頁6。

條,然其論治道之要者甚多。

(1) 論君德在謙

夫人君居四域之大,兆民之上,號令夭卜,莫敢不從,若無德以輔之,則易自 矜自高,寖寖乎墜於淫佚之中矣;若太甲之「欲敗度,縱敗禮」是也。故爲君者必 謙冲自牧。鄭氏特於大禹謨「滿招損,謙受益」爲論曰:

爱人不親反其仁,治人不治反其智,禮人不答反其敬,行有不得者,皆反求諸己,此帝王之家法也。自反而仁矣,自反而智且敬矣,而人未遽吾聽焉,不遽責夫人也,曰是吾仁智且敬有所未盡而姑勉焉爾,此帝王之心術也。……夫帝王之兵無闕而後動,其省躬也至矣,其含容隱忍而俟之也久矣,其教詔誨諭也勤矣,然謂吾兵爲無闕,謂吾省躬爲無愧,謂吾容之教之爲無餘力,遽然自以爲足,則非所謂純亦不已。謙尊而光,樂天而無競,任物而無我者,故曰:滿招損,謙受益,時乃天道;唐虞之君臣,其自牧之道蓋如此 註 66;。

夫舜之引慝自咎,禹之班師修德,舞干羽,則瞽叟允若而三苗歸服,皆謙沖自求之效也。鄭氏論仲虺之誥,亦執此義爲言;其言曰:

驕心害德,雖聖人亦畏之,故以舜命征有苗而益以爲病,其言曰:滿招損,謙受益,時乃天道;况于人乎!湯勝夏而還,未至國都而慙德形焉。……自舜禹以降,厥功茂矣,顧不以爲善而以爲懼,不以爲滿而以爲不足,是心也崇德之原,致治之本也。仲虺於是作語以陳其應天順人之不可已,又因其不自滿假之美而將順之,使之終始如一,而不忘此心(註67)。

鄭氏此論君德,不獨形之於說解書義,更陳之於諫議之中。時魏王判宣州,南面坐 屬吏進謁,幕府進箚子,亦坐而可否之;伯熊除王府司馬,遂以箚子開說謙德之未 光,嫌疑之際,或駭視聽。可見鄭氏此論,著於文字,見於行事者也。

(2) 論為政之經權

尚書之中,記上占爲政之事,自大禹傳子以爲常,於是有湯革夏命,伊尹放太 甲,武王伐紂之事,而論者紛紛,或臧或否。鄭氏論之,則以爲此乃聖人用權之義 也。鄭氏謂「道有正有權,正以體常,權以通變,常不過中,變不矢正;權也者, 聖人之時中」。故其論「伊尹放太甲」曰:

太甲之初,伊尹作三書以訓之,今存者一篇,其言祖宗之訓,天人之

^{、# 60} 見前書, 頁 6、7。

[[]註67 見前書,頁17。

理,前世存亡之戒詳矣,猶不惠於阿衡,則繼以苫言聳動而警懼之。……伊尹之於成湯,豈獨貴戚之比,而其身任天下之重,一夫不獲,則曰時予之辜,又豈拘拘爲賢者之守節哉!故伊尹之所忍發,吾以爲懼,而彼由之以爲常,而若弗聞也,則其性淪於所習之中而惡且成矣。臣寧負王,不敢負社稷,……是以不得已而出於權,而非心之所安也。……故聖人語權,心稟然有憂慮天下後世之意,况其用之者,敢以爲常而不懼哉!……口伊尹放諸桐者,伊尹不得已之權而爲法受惡也。……聖人於大甲之書,反覆致意,體常而盡變,存正以明權,故曰春秋之法、至68。

唯鄭氏中用權之說,故其論武王伐紂,有戡黎觀政之事,以爲紂若悛改,則武王復 北面而事之矣,是觀兵者,使紂懼而悔改之權也。故其評蘇軾之說謂「不復北面事 紅」爲非也。

4、疑經文,改書序

鄭氏論說尚書義,雖止二十九則,然亦有疑改之事。

(1) 疑經文

泰誓經文云「十三年」,而書序則曰「十有一年」, 者有不協者,孔傳遂有觀 兵之說以調停之。鄭氏則曰:

經稱十三年,當依序文作十一年。史記云武王克商二年,訪箕子,而 洪範亦云十二祀訪箕子,可見也 註 69 、

接鄭伯熊引史記之文作證;考史記所述齊世家之文,以爲克商在武王十一年,周本紀亦言克殷三年,王訪箕子,問所以亡之故;此加「克殷後三年」,是史遷一家之言也。程伊川以爲據洪範十二年王訪箕子之文,固知泰誓序十一年乃誤,蓋克殷後三年始訪箕子,此於理不合也。今姑勿論其事然否,然就經文論之,金縢謂克殷後三年,武王不懌且將死,於是有周公禱天,以身代之之事,周公禱詞謂若武王崩,則周家危,則當時周道未至於興隆厚實也,然則武王前此而不知訪箕子,必危然後訪之乎?此於義亦未見高明也。且武王病且死,則訪箕子之事,容或未必同時也。雖然,據史記而立言,亦爲一說也。

(2) 改書序

鄭氏宗信書序,然於牧誓序「虎賁三百人」之說,則以爲不然。其論牧誓曰: 序云:或王戎車三百兩,虎賁二千人,與受戰于牧野,作牧誓。則武

[「]紅 68. 見前書, 頁 19、20、21。

[、]年69 同前書,頁25。

王謂紂爲獨夫,謂予有三千人,同心同德不誣矣 ¾ 70。 敷文書說直引作「虎賁〔千人」,與孔傳本書序「〔百人〕不同;所據者爲泰誓「予有臣三千,惟一心」,史記周本紀、孟子盡心篇,亦皆作「三千」,鄭氏蓋用孟子、 史記爲佐,以知牧誓序當作「三千」也。

5、鄭氏尚書學新解

(1) 堯典四中星・天道右旋

堯典四中星,以殷以正四時仲月,孔疏謂:「天道左旋,日體右行,故星見之方, 與四時相逆,春則南方見,夏則東方見,秋則北方見,冬則西方見,此勢自當然。」 而鄭伯熊則以爲天道右旋而西。其言曰:

二十八宿,列宿環於四方,隨而而西轉,自角至箕,東方之宿也…… 惟仲春之月,四方之星各居其位,故星火在東,星鳥在南,星昂在西,星 虚在北;至仲夏則鳥轉而西,火轉而南,虚轉而東,昂轉而北;……循環 無窮,大要如此、紅71。

胡玉縉引玉詠霓函雅堂集云:「其說堯典中星所在,自爲與注疏舊說不同。」其言是也。

(2) 書序「明居」之義

孔傳解書序「單咎作明居」曰:「咎單・臣名・王工地之官・作明居民法一篇・ 亡。」鄭氏不採其説・而曰:

各單作書,明其居成功之道,亦仲虺之意哉 ' 然不可得而臆之矣、32 721 。 孔氏以爲居者,居其民,故以爲土地之官,鄭氏則見其序在仲虺之誥、湯誥之後,而二篇皆言不自滿假,謙沖自牧之意,故囚之而言謂明居爲「明其居成功之道」,以續發「謙受益」之君德說也。

(3)洪範序「以箕子歸」

孔傳孔疏皆謂「歸」者,歸鎬京也。鄭伯熊則爲發義說曰:

箕子佯狂去國,有不臣武王之意,武庚既工,則箕子可歸矣;箕子之歸,爲洪範九疇,非爲武王也、至71。

鄭氏以爲箕子佯狂出國,然考之論語及微子之篇,皆云出國者微子也,箕子爲之奴而囚之,武王克殷始釋之。鄭氏蓋以爲武王既釋箕子之囚,箕子因佯狂出國,示不

^{≇70}, 问前註。

註71、見前書,頁]。

H 72 見前書,頁18。

^{、12 73} 見前書,頁 26。

臣武王,及武庚封於故國,而箕子始歸於商,因而武王可得訪之而問洪範九疇也。 然鄭氏此解,於文句不合,蓋「以箕子歸」之言,蓋就武王立說,非爲箕子也;且 「以」者,有以之也,則非箕子自歸,乃武王攜之歸,而所歸去亦不當指武庚之封 國,蓋其時商已滅,歸當指錦京也。

四、鄭伯熊尙書學之評價及影響

鄭伯能之學,爲永嘉一派所宗,故其尚書說於永嘉諸儒,頗有影響。若薛季宣 有書古文記之作,其中亦有用鄭氏之說者;若西伯戡黎,鄭氏曰:

又王用師,如侵共遏密,非一也,至於武王乘黎,則迫于王都而近, 亦觀政之事也。 12.74.

辞氏書占文訓則日:

西伯,武王也。舊說以爲文王,說苑膠鬲謂王爲西伯,武王亦嘗爲西伯也。書序殷始咎周,周人乘黎,蓋商人咎周之不伐行,故武王有乘黎之舉,泰誓觀政之語,謂乘黎也 # 75 。

可見薛氏之因於鄭氏也。考鄭氏乃紹興十五年進士,而薛季宣則生於紹興二年,以 協論之,鄭氏爲長也。又武王戡黎之說,始於胡宏皇下大紀,鄭有取之胡氏、而薛 則又取於鄭氏也,蓋胡宏無言戡黎即觀政,而此乃鄭氏之說也。又鄭伯熊謂牧誓「虎 賣二千人」,非「「百人」,薛季宣爲之考證曰:

書序牧野之戰,蓋戎車三百兩,虎賁三百人。司馬法戎車一兩,則馳車、革車各一乘,輕車甲卒三人,士七十二人,輜二十五人,戎車一兩凡有卒士百人,三萬之眾,而三卿爲之將,以千夫將彝將三旅之眾,損莽隨時,以便於事而已。泰誓上言有臣三千,指言戰士之長,獨客將馳車者,因卒伍長,三百乘則三千人也。至76。

薛氏此說,蓋亦因鄭氏而來也。

薛氏之外,東陽陳大猷尚書集傳或問引鄭氏書說三條,其於解五刑之說、謂「永 嘉鄭氏雖以典刑爲肉刑,然大意條達,附見於此」 註 77 ,又引「水嘉趙氏」之言 以論五子之歌,考此「永嘉趙氏」當爲「永嘉鄭氏」之誤,對此鄭伯能之言可知 註 78 。又引「永嘉鄭氏」以說典寶,日「永嘉鄭氏說典寶,恐近於臆度,然其論則甚

a 74] 見前書·頁 24。

[「]註75 見書古文訓卷六,頁2。

註76。見前書卷七,頁9。

[「]註77」 參見陳大猷尚書集傳或問卷上,頁 19,所引鄭氏之又見於數文書說頁2.

[[]註78, 參見陳大猷或問卷上,頁47,引又見數文書說頁1。

善,因附於此: 計內:;可見陳大猷亦頗重其說。

元董鼎書集傳輯錄纂註,列諸家姓名表,有「鄭氏景望 永嘉」,又有「鄭氏 永嘉」者,前條當指鄭伯熊也。若董氏書君陳篇之末,引鄭景望曰:

時乃罔不變,允升於大敵,成王自謂膺受多福,適洽政治,澤潤生民; 康王亦自謂膺受多福。成、康言福皆以商民之化爲說,然則民俗趨化,非 人君福之實乎!天保,報上受福之詩也,其詩曰:群黎百姓,徧爲爾德; 詩之意即成、康之意(ax 80)。

可見董鼎之時,鄭氏書說亦學者所常讀者,然此條不見於敷文書說,或亦未必爲書 說之文,不必據此論敷文書說之或有關佚。蓋董鼎列其姓氏下未稱引其書名也。 至於歷代學者其論永嘉鄭氏之學,亦不多見。陳亮序云:

至其胸臆之大,則公之所自知,與明目者之所能知 註811。

雲谷胡氏序其書曰:

心本同然,理不終泯,自伊洛諸先生力尋墜緒,遠紹正學,而數文鄭公得其傳焉。探聖賢之心於千載之上,識孔子之意於百篇之中,雖不章解句釋,而抽關啓鑰,發其精微之蘊,深切極至,要皆諸儒議論之所未及,亦可謂深於書者數 註82 !

四庫提要則評之日:

是書雖爲科舉而作,而尚不汩於俗學,惟誤信書序,謂真孔子所作,故於太甲序則以爲體常盡變,存正明權,得春秋之法;於泰誓序則以爲經稱十三年者誤,當依序作十一年;於洪範序則以爲所稱勝般殺紂,亦誅獨夫約之義,皆未免牽合舊文,失於考證,然其大端醇正。……反覆推詳以明,其說於經世立教之義,亦頗多闡發,有足採焉[註83]。

按四庫提要之評,乃就後世既知書序非孔子所作以責其非,其評欠公允。鄭氏書說,實宋儒義理學者說義之常態,其既能疑武王虎賁「三千」之數,實非純以胸臆爲說者,蓋亦有所考證矣。「三千」之數,清孫星衍尚書今古文往疏亦以爲然 註 84 ,可見其卓識。又提要謂其書乃爲科舉而作,其說非是,蓋提要者誤讀陳亮之序也。陳亮序謂曰:

豆 791 參見陳大猷或問卷上,頁 51,數文書說見頁 17。

註80 見董氏書集傳輯錄纂註卷六、頁]。

a 8. 同註 37 ·

^{# ×21} 月註 42 ·

^{≋ 831} 同註 40

註 x4, 見皇清經解卷七百七十三, 頁 4。

至其胸臆之,大則公之所自知、與明目者之所能知、而余則姑與從事 乎科舉者誦之而已 # 85 。

其意乃稱鄭伯熊之說甚高明,非己與科舉士子之俗眼所能洞識,非謂其爲科舉而作者;而其書中諸說,亦非士子考試之常論也。

[、]註851 问註37。

第八章 象山門人尚書學案

第一節 楊 簡

·、生平事略

楊簡、字敬仲。其祖自寧海徒奉化、又避地慈溪、因占藉焉。入小學時、便儼 若成人。弱冠入上庠,每試鮿魁。乾道五年,以一經冠南宮選登乙科,授油功郎, 主富陽簿。會陸九淵道過富陽、留之;與語數提本心二字,因問何謂本心;九淵答 云有一是必有一非,若見得熟是熟非,是非即決矣,非本心而何。楊簡聞之,忽然 心.有望悟,遂定師弟子之禮。富陽民多服曹 fi 不知學,楊簡興養土,文風益振。視 獄ぶ親臨,公平無頗,不畏權胄。時朱熹爲常平使者・薦之;先是丞相史浩亦嘗薦 之,差斱西撫幹;改知嵊縣。」外艱・服除,知樂平縣,興學訓土,諸生聞言有泣 下者;治政化民,至民以訟爲耵,夜無盜警。紹熙五年,召爲國子博士;會斥丞相 趙汝愚,祭酒李祥抗章辨之遭斥,楊氏亦上書爲之辨,亦遭斥。嘉泰四年,發遣全 九、云言罷;嘉定九年,寧宗更化,遷秘書省著作郎,轉對,極言經國之要,祖災 厲,消禍變之道,北境傳誦,爲之涕冠。以所陳久未果行,求外補;知溫州,移文 首罷妓籍,尊敬賢士;有負勢家第宅障官河,即日撤之,城中歡踊名楊公河。帝遣 使巡察至郡,乃楊氏世契,然執禮甚恭,示敬君使也。自奉甚儉,云不敢以赤子膏 血自肥。遷駕部員外郎改工部員外郎轉對,又以擇腎久任爲言,累遷至朝散大夫。 時命人大饑、來歸者日以數千萬計,邊吏拒之不納。簡戚然曰:得土地易,得人心 難,薄海內外,皆吾赤子中土故民,今蘄脫死,乃洓得处,豈相上帝綏四方之道哉! 即自上奏;不報。會疾請去益力。理宗即位,進寶謨閣直學士。寶慶二年致任;三 月卒。年八十六,諡文元。

楊簡晚年家食者_十四載、築室德潤湖上、更名慈湖、館四方學子、人稱慈湖先生。傳詩、易、春秋、又有甲稿、乙稿、冠、昏、喪記、禮家記、家祭記、釋菜禮記、石魚家記、已易啓蔽等書。今存楊氏易傳二十卷、五誥解四卷、慈湖詩傳二十卷、慈湖遺書二十卷(註1)。

二、尚書學之著作及著錄

楊簡於尚書之學,有五語解。五語者,即周書之康誥、酒誥、梓材、召誥、洛 誥也。蓋韓愈所謂佶屈聲牙者也。其書宋志不載,其弟子錢時撰行狀,亦未及之, 殊可怪也。然其徒錢時作融堂書解,而稱引「先師」之說,可見楊簡實有是著述也。

此書世久失傳,文淵閣書白作一冊,焦汯經籍志作一卷,朱彝草經義 考以爲未見。今從水樂大典各韻中案條薈萃,唯關梓才一篇,餘皆章句完 善,謹依經文前後,釐爲四卷(註3)。

今是書有文欄閣鈔本及墨海金壺本。

楊氏尚書之論,除五誥解外,尚有慈湖遺書卷八家記二中論書之言,其中多言 虞書之義解也。

三、楊簡之尚書學

楊簡之學,源出於陸九淵;錢時所撰行狀言之詳矣。然九淵素主「八經註我」 之說 計 4 ,於經書無甚專著,而楊簡則於諸經多有著述、可見楊氏之不宥於師門 也。袁燮絜齋書贈傳正夫曰:

自象山既殁之後,而自得之學,始大興於慈湖,其初雖有得於象山, 而日用其力,超然獨見,開明人心,有大功於後學,可不謂自得乎 註 5. ! 然則慈楜之學,既有師承,又有自得之意也。今述其尚書學如次:

(一) 楊簡尚書學之淵源

1、思想契合象山

註 1、參見宋史本傳。慈胡遺書後附錢時所撰慈湖先生行狀,四庫全書提要。宋元學案卷七四慈胡學案。

[「]註 2 見其書卷九五,頁1。

[[]註 3, 見五語解前附。

註 41 參見象山全集卷三四,頁1、頁4。

狂 5, 見慈胡遺書後新增附錄頁1引。

楊簡之學, 契合於象山。錢時述其行狀云:

初先生在循理齋,曹入夜燈未上,隱適奉公訓,然自反觀,已覺天地萬物通爲一體,非吾心外事。至是文安公 陸九淵 新第歸,來富陽,長先生二歲,素相呼以字,爲交友;留半月,將別去,則念天地間無疑者,平時願一見,莫可得,遽語離乎;復留之。夜集雙明閣上,數提本心二字。因從客問曰:何謂本心。適平旦嘗聽扇訟,公即楊聲答曰:且彼訟扇者,必有一是有一非,見得熟是熟非,即決定謂某甲是,某乙非矣,非本心而何。先生問之,忽覺此心澄然清明,亟問曰.止如斯邪?公殊然端厲,復楊聲曰.更何有也。先生不暇他語,即揖而歸,拱達旦;質明,正北面而拜,終身師事焉。每謂某感陸先生,尤是再答一語更云云,便是支離 註6 。之譽,本亦有白得之功夫,然經數[語記入,遂終生定之。然象出於經

按楊簡之學·本亦有自得之功夫,然經象山一語契入,遂終生定之。然象山於經, 臣「六經皆我註腳」之說,問何以不著書,答曰:

六經註我,我註六經,韓退之是倒做;蓋欲因學文而學道,歐公極似韓,其聰明皆過人,然不合,初頭俗了。··符讀書城南,三上宰相書是已:至二程方不俗,然聰明卻有所不及 註73。

象山之學, 主先明本心然後足以接物明經, 經書者, 印證吾心者耳。故曰:

大抵讀書訊話既通之後,但平心讀之,不必強加揣量,具無浸灌培益, 鞭策磨勵之功;或有未通晓處,姑缺之無害,其明白昭晰者,日夕崛詠, 則自然日充日明,後自本原深厚,則向來未曉者將亦有淚然冰釋者矣。…… 尚書皋陶、益稷、大禹、大禹謨、太甲、說命、旅婺、洪範、無逸等篇, 可常讀之,其餘少緩 至8 。

故陸象口之學,端在發明本心而已。其言曰:

宇宙便是吾心,吾心即是宇宙。千萬世之前,有聖人出焉,同此心, 同此理也,千萬世之後有聖人出焉,同此心,同此理也;東南西北海有聖 人出焉,同此心,同此理也、至9,。

又曰:

人心至靈,此理至明;人皆有是心,心皆具是理 註10 。

註 6、見前書卷十八,頁2、3。

註 7) 同註40

註 8 見象山全集卷七,頁2。

[、]註9]見前書卷二二,頁5雜試。

⁽註10) 同前註。

故象山言及尚書者,亦皆本此「心即理」之說,爲之發論。其言曰:「皇極之健,轉倫之敘……是極是彝根於人心而塞乎天地 註 111 。」又曰:「念慮之正不止,在頃刻之間;念慮之不正者,頃刻而知之即可以正;念慮之正者,頃刻而失之,即是不止,此事皆在其心。書曰:惟聖罔念作狂,惟狂克念作聖 註 12 。」又曰:「洪範 篇,著在尚書,今人多讀,未必能曉大義,若其心正,其事善,雖不識字,亦自有讀書之功;其心不正,其事不善,雖多讀書有何所用 [註 131 。」

楊簡契道於象山,故其說亦大主「心即理」「心即道」,以發明吾心爲首要。真 德秀跋慈湖訓語後曰:「言道以本心爲正,言德以直心爲主 計 4.。」其言誠楊氏 學之大旨也。故楊簡述其讀尚書之進程曰:

少時讀書,竊自念古聖人之道,高明廣大,不可以心思,不可以意度,當寂然不動,感而遂通、如曰惟精惟一:如曰一德、略見深旨,其他大略曰欽,曰敬,曰謹,曰克艱,曰孜孜兢兢,曰典常,曰學于占,曰奉天,曰勤卹,殊未省其實;豈聖人姑致其謹,循其常,而其中固自有廣大高明之妙耶、豈帝王之治理如何此而不及其精微,其精微不多見於書耶?至讀論語亦然。……聖人不輕出其祕耶?何其莫可曉也。及微覺後,方悟道非心外,此心自善,此心自神,此心自無所不通。心無實體,廣大無際,日用萬變,誠有變化無窮,不識不知之妙;而傳習尚熟,乘間而起,不無放逸,於是方悟尚書、論語所載,止合如此(註,5)。

葉紹翁四朝見聞錄,記慈湖之學曰:

慈湖楊公簡參象山學、猶未大唐;忽讀孔叢子、至心之精神是謂聖一句、豁然頓解;自此酬酢門人、敘述碑記,講說經義,未嘗舍心以上說,至16。

可見楊簡尙書之學,雖與陸九淵無直接解義之相聯,然其解說之理,本諸吾心,則 無異也。

(二)汲引蘇軾、呂祖謙、王安石之論

楊簡既從陸象山之說、本以我心註六經之法、則解經可無所依傍・一以吾本心

at 11 見前書卷二二·頁2。

註12 見前書卷二二,頁3。

[、]証13、見前書卷二三、頁8。

註14. 見然湖遺書卷十八,頁29引。

缸 15, 見前書卷八·頁 20·21。

[、]駐16, 見前書後補編頁 17 °

即可矣;然尚書之文,詰屈聲牙,陸九淵且言須先明訓詁,然後可以吾心讀之;然則尚書之學,必先依前人之說以訓詁文義,以利發揮吾心之理。尚書詁訓,二孔爲本,然有不合者,則汲引宋代前輩之說。困學紀聞卷八經說云:「自漢儒至於慶曆間,談經者守訓故而不鑿,七經小傳出,而稍尚新奇矣;至一經義行,視漢儒之學如工梗。……唐及國初,學者不敢議孔安國、鄭康成,况聖人乎!自慶曆後,諸儒發明經旨,非前人所及。……不難于議經,况傳注乎!」可見以己意解經者,自王安石而大行,蘇東坡反王氏,亦多出於己意;呂祖謙之學,介於朱、陸之間,且巧於解說經文,發揚義理,朱、陸二家學者,皆甚取之。王氏之學,自靖康之後,宋室南渡而熄,然其中一二甚合理之說,猶爲後人所取。楊氏說尚書,取蘇軾、呂伯恭之說爲多,蓋同以己意解經者也。

1、引蘇東坡之說

東坡書傳,見重於南宋,蓋南宋之前,解尚書而著名者,唯新義及東坡書傳耳。 E氏之學,與義理之家學說不合,故南宋既渡,其說寢熄;東坡雖非以義理名,然其書傳與義理學者理路相近,且勇於破棄舊說,自出杼機,故如朱熹者亦甚稱之。楊簡五誥解中引用前儒而稱名者,唯孔安國與東坡耳。其解康誥首段至「洪大誥治」曰:

蘇氏曰:以上皆洛誥文,簡編脱誤也[註17]。

又解「惟時敘乃寡兄,勗肆汝小子。封,在茲東七」曰:

寡兄謂武王。武王之爲諸侯也,常自稱寡人,故周公稱之曰寡兄。勗者勉也;謂武王能遵行文王之道,故汝小子封,得國於東上也。至是益驗東坡之説爲是,蓋封康叔時未營洛邑、若在洛邑之後,始封康叔,當言北上,不當言東土。衛在洛之北 註18 。

按東坡既以康誥首段爲洛誥之錯簡,故主封康叔在既克管蔡之後,營洛之前。其三曰:

周公東征二年,乃克管蔡,即以殷餘民封康叔,七年而復辟,營各在復辟之歲,皆經文明甚;則封康叔之時,決未營各;入此文終篇初不及營 各之事,知簡編脫誤也(知19 °

可見楊簡論康誥之事,本乎東坡之說。又解召誥「拜手稽手、旅王若公」曰: 曰拜手稽手,旅王若公。東坡云:旅如庭實旅百之旅、註 20 。

[:]EE17 見五語解卷一、頁1。

⁽註18, 見前書卷一,頁3。

[[]註19] 見東坡書傳卷十二,頁1。

⁽缸20) 見五誥解卷二,頁3。

楊氏引用東坡之說,除明稱名引用者外,亦有用其意而不稱名者焉。若其論召誥「其惟王勿用小人淫用非彝,亦敢殄戮用乂民」曰:

彝,常也;淫,逸而過也。王勿以小民過作失常之罪,遂敢於殄戮, 用此嚴刑治民也 121 。

按孔傳解此文曰:「勿用小民,過用非常,欲其重民秉常。亦當果敢絕刑戮之道,用治民。戒以慎罰。」其意謂不可過度任用小民爲政,亦當以刑戮爲治之。王安石新義則謂:「不敢慢小民而淫用非彝,亦當敢於殄戮有罪以乂民也 [註 22 。」東坡論之曰:

古今說者皆謂召公戒王過用非常之法,又勸王亦須果敢珍滅殺戮以爲治。嗚呼!殄滅殺戮、桀紂之事;桀紂猶有所不果,而召公乃勸王,使果于殄戮而無疑。……皋陶曰:與其殺不辜,寧失不經。人主之用刑,憂其不慎,不憂其不果也。……今召公方戒王以慎罰,言未終而又勸王以果于殄戮,則皋陶不當戒舜以寧失不經乎!……今予詳考召公之言,本不如說者之意。蓋曰:王勿以小民過用非法之過,亦敢于法外殄戮以治之。民自用非法,我自用法;民自過,我自我過,稱罪作刑而已、註231。

東坡所謂「古今說者」,古批孔傳,今指王氏,蘇東坡皆以爲不然,故有是說。楊簡之解,意與東坡之說同,其出於東坡無疑。

又楊氏說洛誥「汝受命篤弼, 丕視功載, 乃汝其悉自教 [[。孺子其朋、孺子其朋] 日:

今我大閱視爾記功載籍,而所記者乃悉汝所自教之官,皆汝私人受教 於汝者,非我所齊百工也。於是周公乃訓責成王曰:孺子其有朋黨乎?孺 子惟與爾朋往乎 註 24)?

按孔傳曰:「惟天命我周邦,汝受天命厚矣;當輔大天命,視群臣有功者,記載之, 乃汝新即政,其當盡自教眾官,躬化之。少子愼其朋黨,戒其自今以往。」孔傳以 「汝受命篤」爲句,「弼」字下屬。考東坡書傳云:

今王肇稱盛禮,……又命曰:汝受命厚輔我,其重且嚴如此。今我 大聞視爾功賞載籍,而所用者乃汝自受教之官,皆汝私人,非我所齊百 工也。于是周公乃訓責成王曰:孺子有黨乎!自今以往,孺子其以黨爲

註21、見前書卷二、頁7。

驻22, 見林之奇尚書全解卷三十, 頁29 引。

[[]註23] 見東坡書傳卷十三,頁11、12。

[、]註241 見五語解卷四,頁4、5。

政乎 註 25,!

以楊簡之言與東坡書相較,句讀,訓義相同,甚者文辭亦頗有相襲之迹,可見楊氏 實用東坡書傳之說也。

2、引呂組謙之說

楊簡五誥解中,未稱引呂祖謙之說,然於慈湖遺書中,記與曾汲古論尚書語, 兩引呂祖謙之言。曾汲古者,楊門之高弟也;其問楊慈湖臯陶謨「天敘」「天秩」「天 命。「天討。一段曰:

呂東萊云: 敕者整齊工夫, 寅恭是典禮之根源, 典禮皆本於天, 惟君與天爲一, 然後能惇之庸之, 若不同寅協恭, 皆是虛文: 賞罰皆不可有我, 此心常勉勉不已, 不可有一毫止息, 纔有止息, 有我之心便生, 便非天心。 此說如何 點 26. ?

楊簡應之曰:

五典者,父慈子孝,兄良弟弟,夫義婦聽,長惠幼順,君仁臣忠,不知者謂此五典人所爲,知者謂五典皆天敘也。……其五典皆人心所固有,固有者天也。敕者謹戒之謂,惇者厚也,人生本厚,因物有遷,始失其厚,謹戒之使不失其厚爾。五禮謂吉禮……凶禮……賓禮……軍禮……嘉禮,在人能用此五禮,皆人心之所不能自己者,天人一道也。寅布敬謹之意。五典五禮行則君臣上下皆敬皆恭。衷,心也:其心皆和同,天地之間一而已。五服章采不同,隨其德之大小賜之服,惟當乎人心,則當乎天心:討有罪,罪有五等,用刑亦如之,必合天下人心,則合天心,皆不可容一毫之私〔年27、。

按楊簡之說,與呂伯恭之意無異,惟發揮說明更爲詳暢耳。遺書又記曰:

先生觀書,謂汲古曰:出納五言,汝聽;何如説?汲古對曰:孔安國 云出納仁義禮智信之言;呂東萊云五言樂之成言者,今之三百篇詩是也。 詩出於上者爲出,出於下者爲納,出納作之於樂。先生曰:此不是東萊之 說。五言是五方之言,出納即舜命龍作納言,又周官之訓方氏,誦四方之 傳道,正歲則布而訓四方:五方者,并中國也:五方多所傳道者,乃其方 人士之所習,言之害道者,不可不訓而正之也,誦其言於朝,納也;布而

[[]至25. 見東坡書傳卷十三,頁15。

[「]註26] 見慈湖遺書卷八,頁24。

[[]註27] 同前註。

訓五方,出也:聖人之教民憂國如此[註28 。

按汲占所引東萊之說,今尚見於增修東萊書說中。而楊簡云彼非東萊之說。考東萊書說,本自洛誥始,洛誥以前,乃其徒時瀾所掇集師說修成者;而楊簡主富陽簿, 見象山定師弟子之禮時,陸象山年三十四,楊簡三十二,而呂伯恭亦三十二。或楊 簡嘗接聞於呂祖謙,其說有異於增修者歟?楊簡所云「五方之言」之說,或即所聞 於呂氏之說也。然則可見楊簡於東萊之說,亦深有取之矣。

3、用王安石之說及句讀

E氏新義,獨盛於熙寧以後,南渡以前,凡六十餘年,上子習之以爲科程,萬 日一聲,鮮能外之;有識之士,多指新義爲新法作地,蘇軾作書傳反之,而楊時, E居王皆有相反之作 [註 29];南渡以後,新政不行,其說隨熄,然其解書亦頗能正 孔傳之失,有新穎之說,故如朱熹者雖貴之曰鑿,然亦有所取也。楊簡說尚書,亦 有採王氏之學說者。若其解舜典「六宗」曰:

夫舜肆類于上帝……又禋于三昭三穆敷!古者天下爲公,惟讓於德, 三昭三穆,皆有德可宗,非如三代而下爲家而傳於子,三昭三穆,未必皆 宗也。若孔叢子所言六宗,則舜祭於上帝,不及地而遂及山川,無乃不可 乎(紅30 !

按楊氏以三昭三穆解「六宗」; 考此說乃晉張髦之說, E安石用張髦之說,以三昭三穆爲「六宗」(計31);楊氏之說,蓋得自 E氏新義也。又五誥解中洛誥「復子明辟」,楊氏曰:

復即孟子有復於王者之復。周禮宰夫待諸臣之復,大僕掌諸侯之逆 復。復謂奏事也,辟,君也。明辟稱成王,尊敬之辭 [註 32 。

按孔傳謂「復還明君之政於子」,故歷來有周公攝位之說,而王安石首倡新說曰:

復,如復逆之復,成王命周公往營成周,周公得卜,復命於成王。謂 成王爲子者,親之也:謂成王爲明辟者,尊之也、註33。

E氏之說,蓋謂周公得卜,復告於成 E;然則無所謂攝位之事,蓋無攝位則無復位也。 E氏此說,深得後人稱許。若葉夢得、林之奇、史浩、呂祖謙、 E應麟等皆用

註 28) 見前書卷八,頁 26、27。

[[]註29 參見經義考卷七九,頁7楊時書義辨疑,卷八十,頁]王居正尚書辨學。

註30, 見慈胡遺書卷八, 頁6。

旺311 參見林氏全解卷二、頁 11 引。

註32, 見卷四, 頁1。

註33 見林氏全解卷三,頁5。

其說 註34 。楊簡於此,蓋亦用 E安石之說也,

朱熹嘗稱 E安石於尚書句讀爲是。其最有名者,即酒誥「矧惟若疇圻父薄違農 父若保宏父定辟」一節。孔傳作「矧惟若疇圻父,薄違農父,若保宏父,定辟」;而 E安石則作「矧惟若疇,圻父薄違,農父若保,宏父定辟」,其言曰:

三卿之位,爲汝畴匹。

司馬主薄伐愆違,司徒主若國保民,司空主治四民,定而生之以致辟 #35 ° 而楊簡則曰:

又况於爾之朋傳, 圻父司馬, 征伐建道: 農父司徒, 順若保民: 宏父司空, 審定法辟, 皆所以冶人者 至 361。 可見楊氏之訓解及句讀,實取用 E介甫之說也。

總觀楊簡尚書學之淵源,其思想契合於象山,而引而用尚書之說者,以蘇東坡之說為多,而呂東萊之說本亦與東坡相承而又與心學相近,故金谿學者,多用蘇、呂之說。

(二)楊簡治尚書之觀念與方法

1、博採旁引,非議孔、鄭

楊簡治尚書,不主一家,兼取孔傳、蘇氏、王氏、呂氏之說,四庫提要以爲此 乃楊簡尚書學之長,誠是也。然楊氏於孔傳,每多批評,於鄭康成之說,評之尤嚴 厲。若康誥「又曰要囚服念五六日,至於旬時,丕蔽要囚」,楊氏曰:

服膺思念自五六日或至于旬時,謂至於十日左右也。十日曰旬。孔安國謂三月;簡思其意,誠爲慎重,恐太過,不可行。行安國之說,則服念三月,乃斷,則終歲僅斷四罪,非周公本意也。……又康叔服膺思念至五六日,其心未能己,或至旬時亦至矣盡矣 註 37 。

按孔傳謂「服膺思念五六日,至于十日,至於三月,乃大斷之」,是解「時」為「四時」之意,即三月一季也。楊簡以爲誠爲愼獄,然太過而不可行;故楊氏以爲「旬時」者「十日左右」也;以事理觀之,楊說有理。

又益稷篇「夔曰戛擊鳴球,搏拊琴瑟,以詠」,孔傳以爲:「戛擊,柷敔,所以 止樂;搏拊,以韋爲之,實之以糠,所以節樂。」是孔傳以「戛擊」、「搏拊」爲器 物也。楊氏以爲不然。其評之曰:

at 34] 參見程元敏先生三經新義輔考彙考彙評 一 尚書,總頁 179。

紅35. 見林氏全解卷二九,頁 24、25 引。

[、]註36, 見五誥解卷二, 頁9。

[、]註 37 見前書卷一,頁9。

孔安國謂戛擊爲稅敌,殊未安。按爾雅所以鼓柷謂之止,則稅所以止樂,非合樂:安國又謂摶拊者,拊以韋爲之,實以糠,樂記會守拊鼓;周禮小師擊拊,大師登歌,令奏擊拊,而故書附爲付,則付附拊特未定也。明堂位拊搏玉磬,揩擊大琴。大琴則摶拊,所以擊之,非器也。荀子曰;縣一鍾,尚拊之:大戴禮記,縣一磬尚拊然。則附或付,或拊,誠有其器,器甚占矣。而變曰搏拊琴瑟,則拊非器也,乃明堂位拊擊之謂;其出指曰摶,入指曰拊數!世亦曰拊琴而摶,其聲摶然,況下言拊石,豈韋糠之謂也,至38。

楊氏旁徵博引,以明「拊」於古可爲一器物之名,亦可爲一動作之名,以益稷文觀之,其非物器之名明矣;而孔傳以章糠解之,於文辭殊不倫也。

楊簡說尚書,有用漢儒之說而不用孔傳者,若舜典「象以典刑」,楊氏曰:

舜典曰象以典刑者,漢書所謂畫衣冠而民不犯也。漢儒去古近,宜有傳。後孔安國一人乃更其說曰:象,法也,法用常刑不越法。後儒又因別爲說曰:象民所犯輕重而加以常刑,皆不明白、釋象字不平正;象,畫也、畫其所犯之典形於衣冠耳恥之,而實不刑之 註 39,。

然漢儒之說,亦非皆可用,若鄭玄之說,楊氏評之最力。慈湖口:

甚矣!鄭康成之好作異,敢於意斷而不疑也。 · 康成輕於改作而不 思。康成每有此作,無足多怪而磁惑 5 ± 40 。

其遺書中有評鄭玄之說例。若堯典「協和萬邦」, 益稷「州十有二師, 外薄四海, 咸 建五長, , 楊簡曰:

堯典協和萬邦,春秋傳禹會諸侯於塗山,執玉帛者萬國,此皆言其太略爾。… 先儒故必欲整整其所謂萬數釋。鄭康成謂尚書州十有二師者,州立十二人爲諸侯師,蓋百國一師,州十二師則州千二百國也:八州九千上百國,餘四百國在畿內,則整整恰恰爲萬國,不少一,不多一,吁可哂哉,其陋至此。……舉凡是皆起於不達道義,無所用心,故溺情於名數之末,爰愚而不自知、又以愚後世,使學者弊精神於愚陋之說中,則先儒於是爲有罪(至41。

楊氏數康成之過錯,誠可謂責之深矣。而鄭玄此說,劉敞七經小傳取之以爲說也。

註38 見慈胡遺書卷八,頁29。

a 19 見前書卷八·頁6。

註40] 見楊簡石魚偶書,頁3。

缸41 見慈胡遺書卷八,頁2

2、以音理解經

楊簡說尚書,於訓詁經文,時用同音通假之法。若康誥「今惟民不靜,未戾厥 亡」,楊氏曰:

周人東征,罪人斯得,其曰不靜者,叛雖定而其心猶未定也。戾至也, 取麗字音義,麗者附著也,故有至義。行者未定,至則定矣,故戾亦有定 義。書疾爲聖,詩截爲節,則麗與戾同也 註42 。

按孔傳訓「未戾厥心」爲「未定其心於周」,戾之司定,二孔皆未言其所以然。楊簡據爾雅釋詁謂「戾、至也」,遂取麗戾音近義通爲說,以麗義爲附著,故有定上之義,以解孔傳戾訓定之所以然也。並舉疾爲聖,截爲節司音通訓爲旁證,以明戾麗音近義通也。考戾之司定,見詩經桑柔「民之未戾」,毛傳即訓戾爲定也;雲漢、兩無止之詩亦然;廣雅釋詁四即收此訓義。雖然,皆未之或明所以然者,楊簡以音近訓解之,亦爲 說。

又酒點未旬「王円訂,汝典聽朕毖勿辯乃司民酒上酒」,楊氏爲之說曰: 類即編音,勿容司民之官,皆面于酒。康叔遵語,必不至司民編湎于 酒 註43.。

按孔傳云:「辯,使也。勿使汝主民之更湎于酒。」楊氏不用孔傳之訓,改以同音通 段爲說,訓辯爲編,言官吏皆如是湎於酒也。此說蓋出於儀禮鄭社。考儀禮鄉飲酒 禮「眾賓辯有脯醢」,注曰:「今文辯皆作編。」燕禮「大夫辯受酬」注,少中饋食 禮「辯擂于「豆」注等,皆以爲今文儀禮辯作編也;然則辯、徧於古本已有同音与 用之實,楊簡之說,於古有據,視孔傳爲優。

3、以字形解經

四庫提要評楊氏曰:「又當字說行之後,喜穿鑿字義,爲新奇之論。」提要之言, 未爲無據。考五誥解中,楊氏時就字形結體方論,其釋形以說義,大類王安石字說之法。若召誥「其丕能臧於小民」,楊氏曰:

藏者, 言足以咸感小民, 本乎誠德也,民信之 註 44 。 按孔傳曰:「其人能和於小民。」訓誡爲和。楊氏訂「言足以咸感小民」,是以誠爲 从言从咸會怠爲說,又以言出誠德,故足以感小民爲義理以輔其說。此與王安石字 說多以會意解字相類也。又酒語「人無於水監,當於民監」,楊氏曰:

監字有暇視意,鑑字亦從監,古人比心如鑑,則可察物無遺,當於民

[「]註42 見五誥解卷一,頁14。

at 43 見前書卷二,頁1。

註44 見前書卷三,頁5。

監,言此心無私曲,無偏執,惟以下民爲監視也[註45]。

按楊簡以鑑說監,誠有見地,其云「鑑字亦從監」,是用釋形以說義也。夫監,鑑為 古今字,鑑爲監之後起形聲俗體也。楊氏以鑑字作說,比心如鑑,遂發其心學之論 矣。又同篇「予惟曰汝劼毖殷獻臣」,慈湖曰:

动有用力之意。毖致謹、當竭力謹慮,或諭殷之賢獻之臣 至461。 按孔傳訓「劼、固也」,言「按當固愼殷之善臣信用之」考孔傳之訓,出於爾雅釋詁。 而說文云:「劼、愼也。从力吉聲。周書曰:汝劼毖殷獻臣。」慈湖不用孔傳、爾雅 之訓,改用說文从力吉聲之說,故訓劼爲「竭力」也。

4、以今言解經義

楊慈湖解經,務在明其義理,不諱占今雅俗之言,故其說經,常以今事今言爲 例證。若康誥「已汝惟小子」慈湖云:

已者,今俗言休也,凡訓戒多有此言 f at 47 。

按已訓止,休止不復多言之意也,每爲總結前言,復開後語之辭;若陶淵明歸去來辭「已矣乎」寓形字內復幾時」,皆是也。楊簡以今言「休」說「已」義,可使學者益深體經文語氣,以助經義之了解。李清照詞曰:「新來瘦,非關病酒,不是悲秋;休、休;千萬遍陽關,也則難留 計48 。」是「休」爲宋代習用之辭,而與古「已」字義蘊相應也。

召监「厥終智藏樂在」, 孔傳曰:「賢智隱藏, 樂病在位, 言無良臣。」楊氏用 孔傳之義曰:

賢知者隱藏,療病者在位。謂之療者,今俗言人有不善曰有病痛 \$\text{\$\text{\$\text{\$\geta}\$}}\$ \$\text{\$\geta\$} \$\geta\$ \$\geta\$

又立政篇「周公曰:嗚呼!休茲·知恤鮮哉!」孔傳曰:「歎此五者立政之本,知慶得其人者少。」於「休茲」一詞無解,正義以「美哉」訓之,其義則是矣,然 其語氣體味則未論浹焉。故楊氏爲之說曰:

at 451 見前書卷二,頁8。

註46 見前書卷二、頁8。

³至471 見前書卷一,頁7。

註 48 見李清照鳳凰臺上憶吹簫詞。

[「]註49、見五詩解卷二,頁4。

周公發數而曰休者,以前言之甚美也,蓋冶道不遠,近在王之左右; 左右得其人,則君德島得而不正。曰兹者,公指所言左右之臣也。今人言 亦有此類。休絕句,茲亦絕句,謂治要在此、註 50 。

按慈湖以今言「茲」多作指稱之用,故解作「左右之臣」,非語氣詞也,並謂「休」 「茲」各有爲句讀,義句皆與孔傳不同,是據今言解經,以明爲故得人之理也。

5、疑議經文

象山心學一脈,多就經文發揮義理,故於疑改經文之說甚鮮,然或因所用之學 說本有是論,或因義理敷衍有礙,亦不忌爲之;然視朱熹 系則鮮矣。

楊簡於經文致疑者有 _。康誥首段四十八字,至「洪大誥治」,用蘇軾之說,疑 爲洛誥之錯簡;此承用東坡之說故也(註5))。

舜典舜命伯夷典禮曰「三禮」,孔傳云:「三禮,天地人之禮。」歷來說書者多循用之。楊簡則疑之曰:

某疑三者五字之訛誤數!按尚書多曰五禮:其巡狩修五禮;皋陶曰· 天敘有典·敕我五典惇哉,天秩有禮,白我五禮有庸哉,同寅協恭和衷哉。 五典之外,自有五禮,則吉凶賓軍嘉見諸周官者是數!且古中文字非古者 不一:如汝,古必不加水,太必不加點,遜必不加是;時日曷喪,本或作 害。…… == 52

接楊氏以爲尚書經文,占今有不同,復有異文如「制申勸寧王之德」作「周田觀文臣之德」,故經字訛誤,在所難免;遂據尚書文辭多作「五禮」,疑「三禮」本當爲「五禮」,字形訛誤使然,猶春秋「已亥渡河」訛作「三豕渡河」也。故以占囚賓軍嘉禮解之,而不用孔傳之說。

(三)楊簡尚書學之義理

楊簡之學契合於象山、終身帥事之、爲心學砥柱大將。故其說經,一以心學立 五,故其尚書之說解、每以心解之,此其一也。然楊簡之學,亦非空談心性,不事 敬持實學者,故其論治天下有最急者五,次急者八,是以有治務之論,此其一也。 茲析論之。

1、心學論

楊簡于富陽見陸象山,遂定心學爲宗,論經行事言政,莫不由之立言。其心學

[[]註50 見慈胡遺書卷八,頁38。

[「]缸51、同註 17 °

[[]註52, 見感湖遺書卷八, 頁8、9。

之論,蓋可以兩端言之:

(1) 心即道、理、性

葉紹翁四朝見聞錄記慈湖之進學曰:

慈 胡楊公簡參象山學,猶未大悟,忽讀孔叢子,至心之精神是謂聖 一句,豁然頓解,自此酬酢門人,敘述碑記,講說經義,未嘗舍心以立 說(誕53,。

葉氏之記,誠非虛語。慈湖嘗論尚書曰:

箕子曰 思曰睿,睿作聖。孔子曰:心之精神是謂聖。孟子曰:仁,人心也。後世學者率求道於心外,不悟吾心之即道也。故易大傳曰:百姓日用而不知。子思亦曰:率性之謂道。殆不必言率也。性即心,心即道,道即聖,聖即睿;言其本謂之性,言其精神思慮謂之心,言其天下莫不共由於是謂之道;皆是物也。孩提皆知愛親,及長皆知敬兄;不學而能,不慮而知,非聖乎!人惟不自知,故昏故愚。孟子有存心養性之說,致學者多疑惑;心與性之爲二,此孟子之疏 証 541。

楊簡由「心之精神是謂聖」一語之得,因成其全面心學之說,進而非子思「率性」, 孟子「存心養性」之說,是信用心學立論,無所迴屈也。其說解尚書,莫不以此接 之。若其解康誥「汝丕遠惟商者成人,宅心知訓,別求聞由古先哲王,用康保民, 弘子天,曰:

既使康叔學文王,又使學殷先哲王,又學商者老成人。…… 於是又使弘大而學天。蓋三才之道,一而已矣,有一不與天相似,則必有未盡乎道; 它心之久,純粹精一,則能合乎天矣:蓋此心即道,故舜曰道心,文王不識不知,即無思無爲之妙。孔子曰:夫孝,天之經也,地之義也,民之行也。又曰.禮本於天。又曰:禮本於太一;又曰:人者天地之心。又曰.心之精神是謂聖,變化云爲,無方無體,如日月之光,初無思爲而無所不照(至55。

夫心既即道,即理,然則天、地、人二才本 道為當然也。又其解益稷十二章服曰: 象服十二章,以舜之聖,猶未盡明,命禹明之。禹所明,又不傳於後, 後學何敢遽言。家語云:心服衰職。其義可明。人心即道,神明廣大,無 所不通,日月星辰,皆光明,無思無為而無有不照,即此心之虚明,光宅

紅53, 見前書補編頁17。

^{¥ 54} 見前書卷八,頁 31、32。

紅55 見五語解卷一,頁4、5。

天下。山以象靜止不動而發生庶物、龍以象變化不測而霈澤博施。由是心 而發諸禮樂政事,煥乎其有文章,則華蟲似矣;清明澄澈、蕩蕩難名,即 水之難於形容,姑繡以藻,則水可見矣;火之尺暇,象此心之暇用、宗廟 之彝尊,以其行道致孝;米以養人、而君心常患乎不博,粉以散之,則其 惠廣;及黼爲斧形,鐵黑而刃白,如此心之剛斷,柔而無剛,亦足召亂; 半白半黑者,即天時之秋冬,地之西北、二者之間,乃乾之次,合於天道, 非出於人爲;黻形相己相背,其色半黑半青,北黑東青,東北長位,萬物 之所終成始,是爲冬春之際,一歲之分,象此心之辨察,是是非非也。袞 職如此,豈可不心服之 紅56 。

按楊氏解十二章服,可謂集穿鑿附會之大成矣,其中混用 E 安石新義之說,又以易卦、五方、五色說之。所以然者,皆爲「心服衰職」一語,以成其心學之說也。

(2)無私意

夫心與天地、道理爲一、則心本無意、無私,始可合三才爲一,否則心之本然 矢其真矣。楊簡有「絕四記」 文,錢時撰行狀述其學曰:

人心自明,人心自靈:夫人皆有至明至靈,廣大聖智之性,微生意焉,故蔽之有故然,故蔽之有故然,故蔽之有我焉;聖人不能以道與人,能去人之蔽耳。如太虚未始不清明,去其雲氣則清明。是性人所自有,不求而獲,不取而得,先生是以有絕四記 至57 。

慈湖之學,其功夫所在,端在無起意。是以其解經義,時就「無意」 Z論。若康誥「主心知訓」一句,慈湖曰:

宅心者,安乎本心;心既安而不起私意,則能知古人之訓旨矣。…… 蓋人心本靜止而不動,喜怒哀樂,視聽言動,皆其變化,如鑑中生萬象, 而鑑無思爲。惟動乎私意,則至昏亂 ≅ 581。

按慈湖以鑑鏡之虚靈喻人心之明靜,而情慾、行爲,皆所映之象耳,此與禪佛之說 甚近。其論帝堯「光宅天下」曰:

帝堯光宅天下之光,如日月之光,無思無為,寂然不動,而自足以默 化天下之民。……堯之聰明文思,非出於人為,非由於造作,耳不蔽於聲 而自聰,目不蔽於色而自明,聰自無所不聞,明自無所不聞,明自無所不 見,使胸中徵有意、有我,則外物必得而蔽之:惟其無意無我,故虚故明,

[[]註 56, 見慈胡遺書卷八, 頁 25、26。

^{[8# 57,} 見前書後附。

⁽紅58) 見五誥解卷一,頁4。

故不得而蔽,故無所不通、註591。

葉紹翁四朝見聞錄嘗比較朱熹、楊簡二氏之異同日:

考亭先生解大學誠意章曰:意者心之所發也,實其心之所發,欲一於 善而毋自欺也,一有私欲實乎其中,而爲善去惡或有未實,則心爲所累, 雖欲勉強以正之,亦不可得;故正心者必誠其意。慈胡楊氏讀論語,有毋 意之說,以爲夫子本欲毋意,而大學乃欲誠意,深疑大學出於子思之自爲, 非夫子之本旨,此朱、陸之學所以分也 註60 。

朱子強調「誠意」,蓋私意可去而心不可無,而意出於心,故意亦不可盡去,然則正心誠意以去其私曲,以復心之本然大公之性,即「毋意」之義;而慈湖則以爲「毋意」即「無意」,心本清明,意皆虚幻之象,故必無之然後心復其清明也:故慈湖應接門人,著撰碑誌,解釋經義,上奏論治,無非以「去意」爲慮也。

2、政治論

真德秀跋慈湖訓語後曰:「至於言道以本心爲正,言德以真心爲主,則其論至平實,既與談空說妙者不同。而於當世之務,討論區畫,若指諸掌,又非脫略事爲者也 註61 。」可見慈湖雖主心學之說,然非空談妙理而無實學者也。是以有「治務論」。

(1) 君心無私意論

慈湖心學之說,以無意爲功天,冀復吾心清明之本然;其論治亦然。蓋君心無意,復其天地同一之本然,則視之能明,聽之能聰,不爲物蔽,以之爲治,何難之有。慈湖論舜典「咨女二十有二人,欽哉,惟時亮天功」曰:

夫舜所以各命四岳、九官、十二牧者,熟不曰皆人爲之功,而舜諭之曰欽哉惟時亮天功。……是天也,非一付之自然而不爲也,盡欽竭力,惟無入於意,苟動於意,即私即偏而非道心;禮樂刑政,一入於人爲,則違道建天,即可致患。……曾子曰:皜皜者,純白無意象,即此天也。伊尹與湯,咸有一德者,天德也。文王不識不知,順帝之則者,此也;小心翼翼者,此也。此心不動則不放逸,不慢易,不私不偏,日用純純,動靜無二道,三才無道、至62。

慈湖君心無私意之說,不惟用以說經,亦實踐於對君奏議箚子之中。嘉定三年,慈

註59〕 見慈胡遺書卷八,頁27、28。

[「]註60〕見前書補編頁16。

[、]Ex 61 見前書卷十八,頁 29。

⁽EE 62) 見前書卷八·頁 10、11。

湖首奏曰:

舜曰道心,明心即道;孔子曰:心之精神是謂聖;孟子曰:仁,人心也;此心虚明無體,廣大無際,日用云為,無非變化。故易曰變化云為,虚明泛應,如日月之光,無思無為而萬物畢照。陛下已自有此大道,又聖性澹然,無所好嗜,宜清明,舉無失策,而猶有禍變云云者,臣恐意或微動,如雲氣之興,故日月之光有不照之處。舜禹相告,猶以精一爲難,願陛下兢兢業業,無起意,則自然知柔知剛,知賢知不肖,洞見治亂之機,常清常明,可以消天災,弭禍亂 註63 。

可見慈湖之學說,非獨爲說經、修身而已,亦推而及爲政之事,且付諸奏議之中, 爲政治論之基石也。

(2) 擇賢久任

論語記夫子之言曰「舉直錯諸枉,能使枉者直」,夫任用賢人以輔政,乃爲治不 易之理也。尚書堯之疇咨,文王之五人,周公之立政,皆可見也。慈湖論治,力主 擇賢久任之說。慈湖遺書記曾汲古與慈湖論尚書立政篇「常伯、常任、準人、綴衣、 虎賁」,以爲說者不同。楊簡曰:

伯,長也,謂六官之長及三公,當常久其任,故曰常伯;其次在王左 右常任事之人曰常任 註64, o

按孔傅釋「常伯、常任」曰:「常所長事,常所委任,乃時時咨詢責任之意,非長久之義也。而慈湖以「長久」解「常」,與孔傳意不同,蓋以成其一己之論也。尚書舜典「一載考績,三考黜陟幽明」,所以三考者,亦有久任以見其人言與功之合否,所謂「敷奏以言,明試以功」是也。楊氏特標此義,並以解「常伯、常任」,亦有心爲之耳。不獨此也,楊簡解舜典「柔遠能邏,惇德允元,而難任人,蠻夷率服」曰:

民前無食,雖有常性,饑困迫之,必至斷喪,故舜先食。……其次又能難於任人。以堯朝而有共工雖兜,以四岳而猶薦蘇,人之難知此。孟子曰 左右皆曰賢,未可也;諸大夫皆曰賢,未可也;國人皆曰賢,然後察之,見賢為然後用之,如此任人,必得其賢,……禹曰:安女止,惟幾惟康,其弼直。……弼直即難於任人。……又曰:庶明勵翼,即任人,故曰:適可遠,在茲。言乎致治之道在此不在彼也,在適不在遠也,此萬世不可易之通論,論治者無能越之。子思論治天下國家,亦以修身爲先,尊賢次

註63. 見前書後附錢時撰行狀,卷十八,頁14。

赶64) 見前書卷八,頁37。

之;後儒亦曰: E者之道·在修身任賢而已[a65]。

按孔傳解「難任人」曰:「任、佞;難,拒也;佞人斥遠之,則忠信昭於四夷。」馬 永卿賴真子記元祐貢舉事業曰:

元祐中,東坡知貢舉日,並行詩賦、經義,書題中出:而難任人,蠻 夷率服。注云:任,佞也,難者拒之使不得進也;難任人則忠信昭而四夷 服。東坡智大科日,曾作忠信昭而四夷服論。而新經與注意同。當時舉子 謂東坡故與金陵異說,以難於任人,則得賢者,故四夷服。及東坡見說, 怒曰:舉子至不識字,輒以難(去聲 爲難 平聲 。盡黜之,惟作難 去 聲 字者皆得 3266 。

考東坡「忠信昭而四夷服論」,今不見於集中,末知其中所論如何。然東坡書傳意與 孔傳無異,主安石說亦與孔傳同,讀難爲去聲。應試上子以東坡與介甫異說之故, 遂讀爲平聲,解作「難於任人,則得賢者」;可見此說早於北宋已有之,且或爲東坡 早年之說。楊簡以「難於任人」爲說,即讀難爲平聲也。楊氏此解,蓋亦以遷就「擇 賢」之說,苟有便於己說,則皆納爲己用也。

楊慈湖「擇賢久任」之說,亦於其奏議轉對中見之。行款中記引其嘉定元年輪 對曰:

……重以今歲旱蝗,郡守不肯蠲稅、害民弊政、不可勝紀,此不擇賢之故也。… 得賢則公庫無公取竊取之益、財不可勝用矣:此又不擇賢之故也。… ... 臣自知學以來,執思治務、惟有一策:每路擇一賢監司,使監司各辟本路郡守,守辟縣令,守令各辟其屬,先於本貫人,本貫無人,乃及外邑;既得賢,必久任,擇賢久任,則百事成;不擇賢久任,則百事廢;擇賢久任,則社稷安;不擇賢久任則社稷危。宰執臺諫知社稷安危在此,共堅守此,不以親故私情敗國家公義,辟非其人,并罪舉主;此令一下,人知仕進之路,悉本行實,不用虛文;舍僞從實,更姦頓掃,民悅財豐矣 [467]。

而慈湖所謂爲治之最急者五其首謹擇左右大臣、近臣、小臣, 口擇賢久任中外之官 11.68。據此則見慈湖學說,果非空談妙理,乃其有見於行事者也。

總觀慈湖說向書之義,非爲明書義而說之,乃取何書之文以足成吾說也,至不

[[]註65 見前書卷八,頁7、8。

[、]至66〕見賴真子卷一,頁3。

^{[3167} 見感胡遺書卷十八,頁11。

註68、見前書卷十八,頁26。

惜一切以心學爲之說,又改經文音讀以遷就己論,分明承陸象山「六經皆我註腳」 之法也。

(四)楊簡對尚書之新解

慈湖以己意解經,借經以成己說,故勇於作爲新解。其新解之特異者,例舉如次:

1、大禹謨「正德、利用、厚生」

孔傳解「三事」曰:「正德以率下,利用以阜財,厚生以養民;三者和,所謂善政。」是三事者,孔傳以爲三事並列,與六府并而成九功。慈湖則不然,曰:

唐虞之際,六府以養民,三事以教民;秦漢而降,不復聞三事之教矣。 大禹謨具言正德、利用、厚生爲三事,而解者已不知其說。利用言器用之 便利、厚生言養生,凡民切身日用之事,無越斯二者而皆有正德焉。如茅 茨瓦器諫造,漆器權量均一之類,是利用之有正德也;老者衣帛食肉,頒 白不負載於道路之類,是厚生之有正德也。生民日用,非利用則厚生,非 厚生則利用,今也咸有正德,則斯民耳目之所見,手足之所用,心思之所 關,無非正德之事,不知其所以然而默化於德矣 紅69 。

楊氏以爲三事非並列之三事,乃正德寓於利用厚生之中,以利用、厚生見正德之所在。故以爲晏子謂「民生厚而用利,於是乎正德以福之」爲稍不失禹謨之旨,以申叔時曰「民生厚而德正,用利而事節」則失旨矣 註70 。

楊簡易傳說乾卦,亦引此「一德」之說立論。曰:

唐虞之三事,曰正德,曰利用,曰厚生。厚生者養生之事,利用者器 用於人爲利,是二者皆有正德焉。……卜筮者,民之利用,聖人繫之辭, 因明人之道心,是謂正德,人心即道,故舜曰道心 紅71 。

楊簡之所以特標正德爲重者,蓋正德即道心,利用厚生以正德爲先,廣業以崇德爲 本,知崇禮卑,故正德爲重也。

2、召誥「顧畏于民碞」

孔傳解之曰:「碞·僭也;又當顧畏於下民僭差禮義。,是「民碞」者·民之碞也。楊簡解之曰:

用顧畏于民碞者,民愚而神,撫我則后,虐我見讎,可畏如碞險 註72。

[[]註 69 見前書卷八,頁 16、17。

[[]註70 參見前註文後。

[[]註71, 見楊氏易傳卷一, 頁2、3。

註721 見五誥解卷二,頁5。

慈湖解「民碞」爲民險而可畏,即載舟覆舟之意也,與孔傳不同。考說文品部曰:「뤔,多言也。以品相連。春秋傳曰:次于嵒北,讀與聶同。」而說文石部曰:「碞,磛碞也,从石品。周書曰:畏于民碞,讀與嚴同。」蔡傳云:「碞,險也。……小民雖至 微而至可畏,正當不敢張於敬德,用顧畏於民之碞險可也。」董鼎則曰:「愚謂和小民今休矣,猶欲王汲汲於畏民碞者,民之碞險可畏,常伏於太和盛美之中。恃其已 和且美,而不顧慮以畏之,則福兮禍伏,險孰大焉。故莊生曰:人心險於山川。不敢後用官缺之。」

屈萬里尚書集釋於召誥「民碞」下注云:「碞,困學紀聞卷二云:說文:顧畏于民碞,多言也。……俞氏群經平議,則主困學紀聞之說,以爲本篇碞字應做品,乃多言之意,茲從其說。,王氏、俞氏、屈氏之說較可信。然可見楊簡之說,出於說文,而影響及蔡氏。

3、召誥「式勿替有殷歷年」

孔傳曰:「勿用廢有殷歷年,庶幾兼之。」孔傳文中,於「式」字無解。楊簡則 曰:

又勿替有殷歷年之數。式,又也,更也。仲虺之誥云:式商受命。盤 庚云.式數民德。君奭云:我式克至于今日休。……其義皆又也,更也。 車有較有式,車之前,上一橫木口較,下一橫木口式,平時手撫較,致敬 則手至式:式第二橫木,故有再義,即又也,更也 至 73]。

按「式」字訓「又」「更」,前此未聞之也。式為車前橫木,撫持之以致敬焉,其義 見於武成「式商容之閭」,楊氏復引而伸之,乃附會己意解之也。

4、洛誥「公無困哉」

孔傳解此曰:「公必留,無去以困我哉。」則困者,使成 E困無助而困阻也。楊 氏說之曰:

公無困哉,漢書作公無困我,言公母以我而告困也。困者倦勤于事之意 # 74 。

楊氏解「困」義,乃指周公倦動之意,此與上文孔傳「予其明農」老退之意。楊氏解「明農」曰「辨明篤切 rāt 75 」無告老退位之意,反於「無困」發此意,亦與孔傳意不相遠矣,皆以告老解召誥也。

⁽註73) 見前書卷三,頁7、8。

^{[1]74} 見前書卷四,頁1。

[[]註75] 見前書卷四,頁7。

(四)楊簡尚書學之影響及評價

楊簡解尚書,本我註六經爲之,故所解義,多與書本義不合。然其解經,博觀 約取,不主一家,不忌占今,凡於我有便者,皆可取爲;自爲體系,誠一家之言也。

象山於六經,無專注解釋之作,而楊簡爲陸門高弟,且於八經有專著,於象... 之門,其影響於經義者甚鉅。若尚書之解,除以心學解經之外,則多取蘇軾書傳, 呂東萊書說爲主;而象山門人後學之於尚書,多用蘇、呂之言,慈湖之力也歟!

方桐江送家自昭晉孫自菴慈湖山長序云:

四明志謂慈湖師象山,自爲一家之學,施之政事,人笑其迂,而信益 篤:此兩自字,乃慈湖以自爲是,以自爲高,不顧融笑云者。玉尚書應麟 云伯厚嘗語予曰:朱文公之學行於天下而不行於四明,陸象山之學行於四 明而不行於天下。此言亦復有味[註76]。

可見蒸湖之學承象に而大發揚之。象山之學於四明者,蒸湖之力也 [註 77]。

四庫提要謂「推本於心學。又當字說盛行之後,喜穿鑿字義,爲新奇之論,措辭亦迁曲委重,未能暢所欲言」,所評誠是也。

第二節 袁 燮

一、生平事略

衰燮,字和叔,慶元府鄞縣人。生有異質,不好嬉戲,惟喜觀水;乳母置盆水 其前,則玩視終日。夜臥常醒然達旦。少長,嘗讀東都黨錮傳,慨然以名節自期。 乾道二年,入太學,時陸九齡爲學錄,同里沈煥、楊簡、舒璘,亦皆在學,朝夕以 道義相切磋。後遇陸九淵於都城,象山即指本心洞徹通貫,遂師事之。又嘗從呂祖 謙遊,所得益富。淳熙七年中上舍選,八年登進上第,授江陰尉。寧宗即位,爲太 學正。是時黨鋼禁興,朱熹、趙汝愚等名公相繼罷去,變亦以論去國。久之,再召, 入對以爲國君長存念忠臣之心,何憂國之不治。爲國子祭酒,延見諸生,必迪以反 躬切己忠信篤實爲道本,每言人心與天地一本,精思以得之,兢業以守之,則與天 地相似。聞者竦然有得,上氣益振。爲禮部侍郎;史彌遠上和議,變與同鄉相好與 之力爭,被論罷。後知溫州,進直學上奉祠以卒,年八十一,時嘉定十有七年八月 也。賜謚正獻。生時以絜名齋,學者稱之曰絜齋先生而不以爵氏。著有絜齋家塾書

[。]註76、見無胡遺書新增附錄頁3。

[[]註77] 宋元學案七十四慈樹學案附錄,引陳北廣答陳師復書曰 「浙間年來象山之學甚旺, 由其門人楊、袁貴顯,據要津唱之。」可見慈樹之力在焉。

鈔十二卷,絜齋毛詩經筵講義二十四卷,絜齋集二十四卷(註78)。

二、尚書學之著述與著錄

袁燮尚書學之著述,有絜齋家塾書鈔一書。宋志作十卷。經義考云未見;然引陳振孫書錄解題及王應麟困學紀聞之語,以見其書實擅名於宋末;并加按語云:「是書葉文莊編菉竹堂目尚存〔註 79 」。然歷來諸家說尚書者,罕聞引證,故知傳本亦稀,殆有失傳之危。今本書鈔,乃四庫全書輯自永樂大典者也。四庫提要云:

今聖代博採遺編,珍笈祕文,罔不畢出,而竟未睹是書之名,則其佚久矣。謹從水樂大典所載,採輯編次,俾復選舊觀,以篇帙稍繁,釐爲一十二卷 註801。

是其書宋志云上卷而今本作上二卷也。又「絜齋」,宋史作潔齋,楊簡撰其墓誌作「絜齋,真德秀撰其行狀作「潔齋,故經義考命其書曰:「潔齋家塾書鈔」。按全祖望於宋元學案云:

絜齋之言有繩矩,東發先我言之矣,述絜齋學案 註81,。

考太學第十章有「是以君子有絜矩之道」一句,「絜齋」之名,當從此而來。黃震東發言有繩矩,蓋即從大學而來;故作「絜齋」爲長。 E梓材云:

又案絜齋一作潔齋。潔,經典多作絜,省文 註 82,。

其說可取。故其書名當作「絜齋家塾書鈔」。

陳振孫解題云:「其子喬、崇謙錄其家庭所聞,至君奭而止 rā 83 。」其子袁甫序絜齋家塾書鈔云:

甫自幼泊長,侍先君子側,平旦集諸生及諸子危坐說書,夜再講率至二鼓,無倦客。· …是編爲伯兄手鈔,雖非全書,然發揮本心,大旨具在。伯兄名喬 和 841。

四庫提要亦用陳振孫之說。以袁甫序觀之,袁燮居家講書,殆是事實;然錄之者是否袁喬一人,則有可疑;或諸生各有所記,而喬總其成者,如時瀾之增修東萊書說,

註78 參見宋史卷四百頁 8 袁燮本傳,慈湖遺書補編頁 6~9 楊簡所撰 故龍圖閣學士袁公墓誌/:宋元學案卷七五絜齋學案,總頁 1429:四庫提要;絜齋集中〈象山先生文集序〉及附錄之袁甫撰絜蘅集後序。

[、]SI 79, 參見經義考卷八三, 頁1。

[、]註80 見絜齋家塾書鈔前載。以下簡稱「書鈔」。

註 81 見宋元學案卷七五,總頁 1429。

[、]莊82 阿前註。

[、]註 84 見其書前附載。

林畊之補足林之奇之尚書全解者也(註85 。抑又有疑難者焉,考諸書鈔內說書之文, 有非出於家塾說書之口吻者。若說命中「惟治亂在庶官,官不及私昵,惟其能,爵 問及惡德,惟其賢,一段下,論爲政治亂之理,並引唐史以明之曰:

歷觀古今治亂之變,莫不於此乎決焉。明皇開元之治,幾於貞觀,其 所用者,姚崇、宋璟也。及天寶之亂,至於播遷,其所用者則李林甫、楊 國忠也。故崔群以爲人皆以天寶十四年安祿山反爲亂之始;臣獨以爲開元 二十四年,罷張九齡相,專任李林甫,此理亂之所由分也。蓋不必天下大 亂方謂之亂,用非其人,則禍亂之端已兆矣(註86.。

此段曰「臣以爲」一語,分明非家庭講學所應有之辭,乃經筵傳講之語。考諸袁燮絜齋毛詩經筵講義,每以「臣聞」作起首之語;可見絜齋家塾書鈔,並非純粹家庭所講者。以理推之,蓋袁喬整頓諸生所錄,又掇集袁燮經筵所講以補足之,故有如此之詞;全書唯此一見,或轉鈔之時,多已刪潤改削,而獨遺此條未改耳。且書鈔中說書之文,有極典雅若經筵講義、朝廷奏章者,有極俚俗若白話語錄者,亦可見是書之非純然家庭書之鈔錄而已,必有袁喬整理補綴之功在焉。陳振孫之說,未必全符其本來面目。

今本十二卷絜齋家塾書鈔,乃輯自永樂大典,亦至君興而止;而其中大典原即 短缺者,則無從摭輯矣。故今本書鈔中,缺五子之歌、胤征、湯誓、仲虺之誥、伊 訓、梓材六篇;且其中既有諸篇,亦間有闕者焉。

又考 E應鱗困學紀聞嘗引絜齋之書說兩條,與書鈔義同而辭異(註 87),蓋 E氏 撮引絜齋之說也。而元 E天與尚書纂傳引袁氏絜齋同條,文辭與 E應麟同 (註 88),則纂傳乃轉引自困學紀聞;然則 E天與時絜齋書鈔己罕見,故 E天與所引唯轉引自 困學紀聞數!

1、袁燮之尚書學

袁燮絜齋家塾書鈔,既爲未竟之書,亦非手著,難窺袁氏尚書學之全貌;且經 寖佚,又失數篇,益增其難。今就十二卷之書,以見其大略焉:

(一) 袁燮尚書學之淵源

袁燮之學,見於今者,唯毛詩及尚書二經有說。毛詩則有經筵講義,尚書即家

[[]註 85] 均見其書前附載乙序又。

[[]註86, 見書鈔卷七, 頁14、15。

[[]註87 參見困學紀聞卷二,總頁116。所引之文,相當於書鈔卷二,頁9及頁4、41。

[、]註 88 參見王天與尚書纂傳卷二上,頁 12。

塾書鈔也。然燮於朝廷奏對,亦每引尚書之文立言。墓誌銘記其經筵之事曰:

其在經筵,勤啓沃,謂陛下不邇聲色,祗畏天戒,此時之心,即諒陰 三年之心。先帝改容敬聽 蘇89.。

可見袁燮用功於尚書亦云深矣。茲考論其尚書學之淵源,厥有如下三端:

1、思想契合於象山

袁燮於太學時,嘗受教於陸九齡,其後則師事陸九淵。袁燮嘗自述其事象山之 事曰:

燮識先生于行都,親博約者屢矣。或竟日以至夜分,未嘗見其有昏怠之色,表裏清明,神采照映,得諸觀感,鄙吝巳消,矧復警策之言,字字切己數 # 90,!

而其子袁甫云:

又言見象山先生,讀康誥,有所感悟,反已切責,若無所容;讀呂刑, 嘆曰:從肺腑中流出。鳴虖!至哉!先君子之學,源自象山,明白光粹, 無一瑕疵,可謂不失本心矣,至91.。

袁燮之學,出於象山,殆無可疑。陸象山之學,在究其本心,而此本心即天地之理, 萬物之道,故其視六經皆注我者也;我者,我之本心也。然象山陸氏於尚書無成說, 象山全書中僅有片段論及尚書者,亦皆以此「本心」立論。袁燮承象山之學,說書 亦且「本心」。表甫序曰:

平旦集諸生及諸子危坐,說書,夜再講率至二鼓,無倦容。謂學問大旨在明本心;吾之本心即古聖之心,即天地之心,即天下萬世之心;彼昏不知,如夢如醉,一日豁然清明,洞徽聖人即我,我即聖人。舜號泣旻天,負罪引慝,祗見曹叟;禹荒度土功,三過家門,呱呱弗子,道心精一,曾何間斷。自古大聖问此一心,箕子論皇極,無偏黨,自薦為,無黨偏,自平平,無反側,自正直,是之謂極,是之謂本心。太甲顛覆典刑,痛自怨艾,克終允德,成王遭家多難,執書感泣,天雨反風,本心一昏,迷惑如彼,本心一復,光明如此。先君諷誦再三,聞者流涕 註92)。

可知袁燮講書之時,必據「本心」立論,是其思想源出象山也。若書鈔中論皐陶謨之「九德」曰:

註89 見慈胡遺書補編頁8。

註90 見絜齋集券八,負3。

a 91. 見書鈔前附袁甫原序。

註92。同前註 "

德之爲言得我心之所本然者是也。書曰 惟皇上帝降衷于下民。民受 天地之中以生,所謂命也。天之所以爲天,中而已矣。天得此中而爲天, 人得此中而爲人。天以此中降之於人,人受此中而生焉,故曰中也者,天 下之大本;大本者,人心也;人心者,中也。人之本心,固至中而不偏。…… 後世如荀子所謂治氣養心之術,匡衡所謂治性之道,與皋陶所謂九德,大 要相似,而究竟不同;荀、匡之言,皆是外面說,皋陶之論,自人本心上 說來,蓋有異矣 註 93 。

其論「九德」,以爲我心之本然,一若天地之中,無偏無頗,皆由本心而言,視荀、 匡以外力襲之者,不可同日而語矣。此說天下大本即人心,即我本心,不假外求, 直承象山之說而來者也。

2、攝取於東萊書說

真德秀爲袁燮撰行狀云:

東菜呂成公,接中原文獻之正傳:公從之遊,所得益富:永嘉陳公傳 良,明舊章,達四變,公與從容考訂,細大靡遺,至94.。

是袁燮嘗受學於呂東萊,並從遊東萊高弟陳傅良,是其亦受東萊之學也。夫東萊書說,朱熹稱之以爲極高,然亦以爲「傷於巧」, 往解去,無所疑難,發揮義理,辯析無礙;是以蔡沈爲書傳,除承師說外,取於東萊者獨多。絜齋書鈔之中,引用東萊之說者有之,若微子之命「撫民以寬」,袁燮曰:

撫民以寬一句,當從東萊之說,雖曰商人尊而不親,先罰而後賞,若 少過於尊嚴;然一代治體,畢竟寬大,蓋立國之體未有不寬者也。彼其少 過於尊嚴,雖與周家之忠厚不相似,然大略依舊,只是寬。所謂寬,非曰 委靡不振,只是一箇寬大,仲虺稱湯自說克寬克仁,彰信兆民,蓋可見矣 、至 95;。

其論商尙嚴先罰,不失其寬大治體,即本諸東萊書說而來。雖然,絜齋之於東萊之說,評議者亦不少,若禹貢揚州「厥土惟塗泥,厥田惟下下,厥賦下上上錯」,絜齋曰:

東菜呂氏曰:禹正當水患初平之時,人工未盡修,地力未盡闢,制爲 貢賦之定法,雖人眾地闢,賦不加多;其言信美矣,然亦恐未必如此;若 後來人眾地闢,所出者既多,從而少增之,亦奚不可。然禹當時所定,大

[「]紅93」見書鈔卷三,頁11、12。

註 94, 見宋元學案卷七五絜齋學案,總頁 143 引。

⁽註95 見書鈔卷十,頁27。

抵皆輕,田下下而賦下上上錯,蓋厥土塗泥,則其土宜稻,故田雖低而賦 自稍勝 至 961。

東萊以爲禹貢所言爲定法不可變,絜齋以爲可變;東萊以爲賦貢不因地關人眾而加, 絜齋以爲可加,皆與東萊不同。又絜齋論召誥「太保力以庶邦冢君出取幣」曰:

東萊以爲周公欲歸,召公取天下諸侯贄見幣物,獻之周公,與召公之 戒,一併轉達于王。其說信美矣,然以禮觀之,亦恐未必然。……觀東萊 之意,蓋謂序書只言成王在豐,使召公先相宅,不曾在洛;然不可如此論。 當時孔子序書,豈能一一具載,亦只舉其大綱爾 至97。

此皆明引東萊之說而評之者。然就全書考之,絜齋襲用東萊書說者甚多。若東萊每 據經文以論議後世史事,以見今日爲政之得失,施政之參考,絜齋書鈔,幾每條皆 有後世如何、如何之言。若說命中「不惟逸豫,惟以亂民」,絜齋論之曰:

後世人主初未嘗知其職分之所在,群馬而居,任其自安自危,自生自死,所以使之飽食煖衣,養生喪死而無憾者,既闕焉不備,而其教之者,則視古尤大異馬。周公酒語一篇,禁民群飲,其嚴如此,後世則崇臺觀,飾倡優,導之淫欲,勸之沈湎,自上至下,惟以財賦爲急,日朘月削,凡可以刻剝者,不遺餘力,所謂亂民之事,全然錯了:此無他,不知吾之職分在此而已 至98 。

此絜齋據經文而論議後世爲政者之弊也;若此者甚多。

東萊善於體味經文辭氣,時就,字一辭立論,以爲皆有義理可說,此所謂「巧」 者也。絜齋書鈔,用此法極多若大禹謨序云「皐陶矢厥謨,禹成厥功,帝舜申之」, 絜齋論之曰:

申,重也。皋陶所以能矣厥謨,禹所以能成厥功,皆緣是有一帝舜在上。……及謨已失矣,功已成矣,帝舜之心猶不已焉,故謂之申;申者,重複不已之意,聖人只是一箇不已處,便是聖人。唐虞之道,天也;維天之命,於穆不已;唐虞之道所以極盛,亦惟不已而已。欲觀帝舜申之處,合三篇觀之,便可見。益稷帝曰:來禹,汝亦昌言。直至終篇,猶是皋陶廣歌;此可見其申之處。三篇本合而爲一,所以孔子序書,將此二句并敘三篇,到底方才見得。當子細看箇申字 至1991。

[、]EI 96 見書鈔卷四,頁18。

[、]至97 見書鈔卷十一,頁6。

[、]紅98 見書釣卷七,頁]。

班99 見書鈔卷二,頁[、2。

長 「申」字,既可就義理書「不已處」,又可就文章言三篇合一處,更可言孔子敘 書之義,可謂無所不可用之矣,此法之用,視東萊猶有過之者也。

東萊書說,時就尚書經文中語氣辭立言。絜齋亦時加仿效。若洪範「王乃言曰」、 「箕子乃言曰」之「乃」字,東萊以爲「武王不敢輕其言,又嗟歎以發之」,「武王 不敢輕言,箕子不敢輕說,兩云乃言,洪範大體可見 註100.1;絜齋之言曰:

此事甚重,或王不敢輕問,故謂之王乃言曰;箕子不敢輕答,故謂之 箕子乃言曰。乃之一字,慎重之意也「æ 101 。 其說其法,皆出於東萊無疑矣。

3、博採前輩之說

絜齋既承象山心學之說,以我之本心爲鵠,六經皆爲我用,故几有助我本心之言,皆取用無礙。絜齋書鈔中稱名引用前儒之說甚夥,若引伊川者六條,邵雍 條,程明道一條,謝上蔡一條,薛季宣一條,楊龜山一條,王安石二條,蘇軾八條,張九成兩條;其中於東坡八條中,引用記之者六條,用之者兩條;於張九成則託之者一條,另一條止存其說耳

就其稱名引用者論之,其中可觀者二:其一爲絜齋師象山,象山之學,與伊洛 異途,而絜齋說書,不忌伊川一門之說,此可見絜齊之取材廣博,凡有用者,皆爲 我用,無所避忌。其二爲引蘇軾之說最多,評之最力;此蓋因東萊書說本即多因於 東坡,故東坡之說見引於其論說之中;然絜齋之評,多就東坡疑經改經處攻之,可 見絜齋於疑改經文之說,棄之不暇,而於東坡得力之論,則未必皆一概摒棄。東坡 書傳中,發議論之最有名者,無名胤征、顧命、文侯之命一篇,然此三篇絜齋之說, 不可得見,蓋書鈔止於君奭,顧命、文侯之命兩篇不可得見;而亂征一篇,以永樂 大典缺失不存,是以亦如不可得見,至可惜也。雖然,亦有蛛絲馬跡見焉。考絜齋 毛詩經筵講義,於黍離篇云:

成王之營洛邑,取夫朝貢之道里均、有時會諸侯于此、其實仍居編京 雨。平王懲幽王之碣,畏犬戎之彊,徙于東都,而宗周、遂不復。……平 王陛不自彊,所以迄不能復西都之盛、註102。

又揚之水篇下論曰:

平王 父雠當復而不能復,母家不當戊而戍之,顯色錯亂如此,安 在其爲剛德乎!嗚呼!居九五之孽住,憶兆之上,賞慶刑威,莫不在我,

科 100、見增修東萊書說卷十七,頁2、3。

註101、見書釣卷九,頁2。

註.02, 見其書卷三, 頁17、18。

而柔弱如悠揚之水,亦可憐也。君天下者二復是詩,盍亦勵精求治,自強不息,而深以平王之柔弱爲戒哉、註 103 !

此言平王柔弱,不能復西都之盛,不能復幽王之讎,與東坡言平王之無志,周室不可復之言相同。可見袁燮之論,取於東坡之說者甚深,不可以爲評議者不少,而指爲不用東坡之說也。

書鈔中明引王安石者 二,皆爲批評之論,所採用者,唯酒誥「矧惟若疇,圻父 溝違,農父若保,宏父定辟」一句之句讀耳。

書鈔中亦有未稱名引用,而實爲先輩之成說者,若歐陽修之泰誓論,胡瑗之洪 範口義,胡宏之皇王大紀,史浩之尚書講義,林之奇之尚書全解,蔡沈之書集傳等。

(二) 袁燮治尚書之方法

袁燮傳象山之學,攝東萊之說,一以本心立論,又巧爲辭說,發揮義理。其治 尚書之法,大略可指者有下列數端:

1、堅守本經,不加疑改

袁燮說書,遵從本經,於齟齬難通,前儒疑改之處,皆一,爲之疏解,可謂守之篤矣。疑經改經,自劉敞以來,凡說書者,無或無之,迨吳棫、朱熹出,其說更盛;而絜齋身在斯世,而守經不移,亦絕異於當時者也。是以其引蘇東坡之疑經改經說,皆一,評駁。若洪範庶徵「曰王省惟歲」一段,東坡以爲乃五紀之文,錯簡於此;而絜齋則云:

王省惟歲以下,亦是庶徵。在天者與在人者元只一般,非庶徵乎!後世見其與上不類,遂移而附於五紀,此甚不然,不知亦只庶徵也 註 104 。此反對以「王省惟歲」一段爲錯簡之說也。又康誥自首至「洪大誥治」一段,東坡以爲洛誥錯簡。絜齋則曰:

此一段說者多以爲脫簡,其實不然。此事正與封康叔一事脉絡相貫,當時雖命康叔而心在洛邑,商之民既遷于此,而吾於是乎命焉,不特告康叔,亦使商民聞之,曉然知上意所在。周公之意,正是如此;則作書者正當敘此一段,如何是脫簡乎 註 [05]!

可見絜齋反對改經。通觀書鈔全書,無疑經改經之說、乃篤守尚書本經者也。

2、議評安國,不守傳注

註103、見其書卷三,頁19。

註104 見書鈔卷九,頁33。

⁽註 105) 見書鈔卷十,頁31。

絜齋雖篤守經文,不主疑改之說,然於孔傳,則每多評議之辭。若堯典「安安」 :詞,絜齋曰:

安安者,安而人安也。謂之安其所當安,卻無甚意味。仁者安仁,或 安而行之,恭而安;古人多說這安字,德盛仁熟,終日周旋,不出於規矩 準繩之內,而無一毫辛苦勉強之意,夫是之謂安。一安字不足盡之,故又 加一安字 a 1061。

袁燮爲求義理之發揚,因評孔傳之無意味也。又若高宗肜日序「有飛雉升鼎耳而雊」, 絜齋曰:

注家以爲維于耳者,以其不聰之故。此說失之拘,要由于廟中無人。 任其事,所以飛維得入,蓋天以此警高宗,其意若曰一念簡忽,宗廟之 禮,必有不備,所以野處之物,得升鼎耳,雖維之升鼎,高宗此心之所 致也 至 107)。

此所謂「注家」者,即孔傳也。而絜齋之說,則出於史浩講義者也。

3、廣納諸說,不拘一家

絜齋說書,不守一家之學,凡有益於我者,皆取用之。嘗言爲學之法曰: 君子之道,無所不取,則智益明,德益崇,以臨其民,則陝然有餘裕矣。求之不廣,用之易竭,無以深得乎民心,又豈能爲俟偉光明之事業乎! 周公之稱康叔,,必欲其無所不取,非獨一端而止,以商周爲未足,而及 于古先哲王,則所求者愈廣矣 並108 。

治民之事無所不取,治學何獨不然。故絜齋說書,於前輩之說,多所吸納以爲己用。 4、發揮字義,以明義理

絜齋攝取於東萊者,在擅長發揮字義,即據經文之一字一詞,以申說義理功夫。 書鈔中此類極多。若堯典「瞽子,父頑母囂象傲,克諧」,絜齋曰:

諧之一字,最要看;大抵處天倫之間,使麤不得,須是由細密工夫, 在襄面調停諮和,工夫既到,自然感格;蓋處父子兄弟間,與外面事不同, 外面做事。果決有才力者,皆能爲之:父子兄弟之間,所有果决才力都使 不善;舜在頑囂傲弟之間,此心不敢有一毫放逸。只看諧之一字,是多少 工夫。……觀諮之一事,想見舜處頑囂之間,所謂下氣怡色柔聲,所謂和 氣愉色惋容,無所不用其至。……此心不特舜有之,人皆有之……此正是

[、]註106、見書鈔卷一,頁3。

註.071 見書鈔卷七,頁32。

紅108〕見絜齋集卷七,頁37〈書贈蔣字〉。

人乗轉之良心。·····後來外物汩之,是以良心昏塞,舜之所以爲聖,只是不失其良心而已,故曰大人者不失其赤子之心者也(註 109)。

·箇「諧」字,說裡說外,下而為行事工夫,上而為天賦良心,皆就此一諧字發揮 出來,真可謂善於鋪陳義理矣。

5、援據古誼,以證今務

絜齋書鈔,每據經文義理而論後世史事,此法林之奇,呂祖謙亦甚有得。絜齋 講尚書,不獨論後史,其至屢屢論及有宋當時之政治得失。若益稷十二章服論「稀 繡」曰:

締繡者,在夏則會于締,在冬則繡也。絲,葛之至精者,冬裘夏葛, 天地常理,若使夏間亦服繡,豈人情也哉。本朝嘗欲復大裘之制,竟以不 便於暑而議寢;是未知古者絲繡之義也、紅110 。

此據尚書解義之不明,評議朝廷議服之制度有誤也。又禹貢兗州「九河既道」,絜齋 因論宋代治河之事曰:

本朝都汴,正在黃河之中,爲害尤甚,日夜理會,無非是河;自既失中原,不理會河而河患遂息;雖無九河而卻有九河之實,無他,任其衝突而不與之爭故耳 [18]])。

此因九河可殺黃河之勢・而論治河之法,不在隄防整治・而在任其自然衝突・疏爲諸流派・不與之爭・此即禹貢「九河既道」之義也。

袁甫爲其父絜齋集文,撰爲後序曰:

入侍經幄,講讀從容,每援古誼,以證時務,啓沃之功良多,訓請後 進,關明本心,一言一字,的切昭明,闡者感動。

此可見絜齋書說,要亦在據古論今,非徒嗷嗷喋喋於口舌之間者也。

(三) 袁燮與楊簡於尚書學之比較

絜齋袁燮與慈湖楊簡,同爲象山門人,有功於陸學,號稱高弟。陳北溪嘗曰:「浙間年來象山之學甚旺,田其門人有楊、袁貴顯,據要津唱之 a+1121。」然袁、楊二人,其得於象山而自有其發展之路向,車同而軌異;全祖望謂:「慈湖之與絜齋,不可連類而語。慈湖泛濫夾雜,而絜齋之言有繩矩(註1.3 。」其言誠是也。今以二者

E 109 見書鈔卷一,頁12、13。

a 110 見書鈔卷三, 頁 36。

註 ... 見書鈔卷四,頁8。

計112 見宋元學案卷七四慈湖學案,總頁144引陳北溪答陳師復書之言。

註113 見宋元學案卷七五絜齋學案,總頁1429。

尚書之學觀之,足見其異處,厥有下述一端:

1、心學主張之異

楊簡言「心」,直指本然;心既本有、不假外求,此心發顯,自然光明,與天地、道理爲一。故其言心主靜而不放不動;其言曰:「放心之戒、果爲要害;此心微動、 百過隨之,此心不動,常一常明(註 141 。」心既本然如此,則全其心之本然,端在 「無意」;其言曰:「堯之聰明,非出於人爲,非出於造作,……使胸中微有意有我, 則、外物得以蔽之;推其無意無我,故虛故明,故不得而蔽,故無所不通 (註 1151 。」 是其說直指本心,以「無意」爲工夫。

袁絜齋則不然。雖亦主本心之說,然不廢修為丁夫,蓋人之所以爲人,雖受天地之中道以生,而氣質有異。其論皋陶謨「九德」曰:

大抵人之性雖一,而人之氣稟各有不同。夫受天地之中以生,此性安 有二;然其稟山川之氣,與夫時日之殊,則氣質不能無偏 [註116,

夫人既有氣質之偏,則不能無工夫以修治,使之不墮於物欲之域。絜齋解皇陶謨「慎 厥修身,思永」曰:

修身之道,必貴乎謹,戰戰兢兢,如臨深淵,如履薄冰,此所謂謹也。 修者如衣破則補之,器壞則修之;人有此身,要須當修治,去其惡而長其 善,補其關而歸於全,是非致謹不能。身不可不修,必則無待於修 註117 。 又其大禹謨「儆戒無慮」曰:

堯之聖神文武,先原是徹戒中來。儆戒不怠,行之也久,習之也熟, 所謂聖神文武已在是矣 註118 °

可見絜齋之學,除亦指本心即天、即理、即道外,尚不廢修冶上夫;其工夫在乎「不 已」。其說大禹謨「耄期倦于勤」曰:

勤之一字,不可輕看。 …… 益緣此心不可一念不存兢兢業業,一日 二日,要須常常兢業,造次必於是,顯沛必於是,人一能之己百之,人 十能之己千之,是之謂勤,勤則其德日進;聖人之所以爲聖人,勤而已 矣 紅119. 。

然所勤不已者何?曰「防」。其說皇陶謨「無教逸欲有邦」曰:

註 [4 見慈湖遺書卷八、頁 21。

亞115, 見前書卷八, 頁 27、28

註 116、 見書鈔卷一, 頁 52。

註117] 見書鈔卷二,頁3。

註118 見書鈔卷二,頁12。

至119 見書鈔卷二、頁2。

有逸欲之心,則此心便不清明,一有此念,何所不至。人之一身,皆是血氣,血氣驟而爲形體,而耳目之官又不思,所以易得爲物所誘而溺於逸欲。古人於此防閉甚嚴(註120)。

總上所述,絜齋雖承象山之學,以本心之說爲宗,然於修治之工夫,甚爲著重,與 楊簡「無意」之說不同。故全祖望論表、楊之異曰:

文元之教,不如正獻之密;蓋槐堂論學之宗旨,以發明本心爲人門, 而非其全力。正獻之言有曰:學貴自得,心明則本立;是其入門也。又曰: 精思以得之, 兢業以守之;是其全力也(至1,21)。

文元之學,先儒論之多矣,或疑發明本心,陸氏但以爲入門,而文元遂以爲究竟。……特當時學者沈溺於章句之學,而不知所以自拔,故爲本心之說以提醒之,蓋誠欲導其迷途而使之悟,而非謂此一悟之外,更无餘也.[註122.。

全祖望雖爲楊簡辯護,謂其言論乃有所爲而爲,然亦可見袁、楊二家心學之說,所 以異同者也。

2、對疑經改經態度之異

義理學者解說經典,蓋大分之途:一以改易經文,遷就己說,朱熹、E柏諸家是也;一以義理學說包容經文,橫說豎說,無所不通者,陸象山一系學者及呂祖謙是也。前者勇於疑改,後者善爲援引發揮。楊簡解尚書,亦有疑改之說(註 123);袁燮解尚書,則未見有疑改之論。是楊氏近前者,袁氏守後者;此亦袁、楊之異。

3、對異派學者態度之異

陸象山嘗曰:「元晦似伊川,欽夫似明道;伊川蔽錮深,明道卻疏通(註124 。」是象山之於伊川,不甚喜其說。陳北溪淳曰:「慈湖纔見伊川語,便怒形於色(註125 。)是楊慈湖之學,視乃師尤加厲。而袁燮則不然。袁氏解說書義,旁徵博引,不問流派,有用於我者,靡不收用;故書鈔之中,引伊川者六,謝上蔡者一,楊龜山者一,皆伊川及其傳人;可見袁燮之學,其兼容之度,視楊簡爲寬大也。

(四) 袁燮尚書之新說

[、]註 1201 見書鈔卷三,頁 18。

[、]註 121, 見宋元學案卷七五絜齋學案,總頁 1431。

[、]註 122〕見前書卷七四慈胡學案,總頁 145。

註 23, 參見本論文楊簡一節。

註124, 見象山全集卷三四, 頁 14。

[、]註 125 周註 112。

袁氏說書,既本心學爲宗,復博採諸家之說,容涵廣裕,左右逢源,發揚義理, 無所滯礙;然成說之中,亦有未盡如意者,則創爲新解以說之。

1、舜典「分北三苗」

孔傳曰:「三菌幽闇,君臣善否,分北流之,不合相從,善惡明。」正義曰:「分 謂別,北謂背。」歷來學者,多遵其說。釋文云:「北,如字,又音佩。」雖有二音, 而義則無別。絜齋則曰:

北讀作南北之北,三苗國在南、是今重湖之地,所以有洞庭、彭蠡之湖,蓋依其險阻,易以爲亂。舜分其民、處於此焉,前既遷其君,今則遷其民,此最是一箇教人之法。……大抵北方土厚水深,南方土薄水淺;故北方之人多沉厚,南万之人多輕揚。舜所以分三苗於北者,蓋桑麻沃野之地,雖欲爲亂,亦不可得(註126)。

絜齋以「北方」之義解「北」,謂分苗民於北方,使山川之氣教化遷移其民之習。蓋 絜齋既以爲人之性無異,而因山川地理時日而有氣質之偏,故欲救教之,則必視其 病之所在;今苗民習南方水上而負險輕揚,則遷之北方,其習自降,此乃舜所以教 民救失之意也。其說雖新,究非尚書之本旨。三國志虞翻傳注引翻別傳,述虞氏之 說曰:「分北三苗,北古別字。言北猶別也。」清惠棟九經占義云:

分北二苗, 北讀爲別, 古北字从二人, 別字从重八。介北川別, 字相似, 固誤入北。說文於八字部曰: 川別也, 孝經說曰: 上下有別。又十部曰: 川古文別。許君學于賈逵, 傳古文尚書, 必得其實 並127, 。

惠棟以文字、詁訓之學,證成虞翻之說,其論可信可採。孔傳以「分」爲「別」,以「北」爲「背」,其說與虞翻相近,義說亦可通,蓋「北」爲「背」之初文,亦有分別之義。而絜齋以「北方」說「北」,以爲「最是一箇教人之法」,乃想當然爾之論也。

2、召誥「旅王若公」

孔傳解「旅 E 若公」 句曰:「陳 E 所宣順周公之事。」正義辯召公所以賜周公幣曰:「召公不得賜周公,知召公既以幣入,乃稱成 E 命以賜周公;於時政在周公,成 F 未得賜周公也,但召公見周公功成作邑,將反 E 政,欲尊 F 而顯周公,故稱成 E 之命以賜周公 [註 1281 。」其下並引鄭玄、 E 肅之言以爲證。 正義之意,在欲彰洛 誥之「復子明辟」之義,以見周公本無私心於 E 位,故於此先下伏筆也。絜齋之說 則不然,其言曰:

[[]註126, 見書鈔卷一, 頁 56、57。

至 127, 見漢京版皇清經解冊十九總頁 14396 上。

註128, 見正義卷十五, 頁5。

旅王若公,庭實旅王之旅也。陳列幣帛以旅王,併及周公焉。夫旅王而及公,分明待周公以王者之禮;蓋當時周、召雖一等是大臣,然周公事體自別、觀其朝諸侯於明堂之位,抱成王以朝諸侯,與夫朕復子明辟,惟周公誕保又武受命七年;當時攝政七年,分明有王者之象,所以流言有不利於孺子等語:若使形迹無可疑,安得如此說。只觀號爲周公,便可見:周、國號也,不敢以爲一國之公而係之以周,明其爲天下之公也。是旅王而及公,蓋與王者敵體矣 紅129 。

絜齋訓「旅」曰「庭實旅百」之旅,乃用東坡之說;而說「若」字則不用孔傳之訓「順」,別以「敵體」爲解,則是訓「若」爲「相似」之義也,故其申言周公之攝政七年,有王者之象;周公既有王者之象且掌政,而成王雖爲王而不及政事,故此陳戒於王必併及敵體之周公也。此訓「若」爲「如」「似」之義,或有取於王安石洪範「兩若」「陽若」之「若」,訓「如」也。

絜齋此說,非比尋常。蓋自漢儒、孔傳以來,說者徒見成王幼沖,遂疑周公攝政,稱上而令天下,遂使王莽之徒,竊以爲藉口,行篡奪之事也 故後世諸儒,往復辯論,費盡多少唇舌,以說周公未攝位,無如王者之事。至王安石三經新義出,倡言「復子明辟」之「復」乃「復逆」之復,乃復命於成王也,非復政於成王;周公既非復政,則成王必無失政之事。此說一出,宋代學者群起用之,蓋此說能盡洗周公之嫌故也;故于應麟謂「荊公謂周公得卜,復命於成王,漢儒居攝還政之說,於是一洗矣 赶 30 1。而絜齋於各誥「復子明辟」下,不用丁安石之說,並力王攝政之說,以爲本無取天卜之心,不必曲爲回護 由 11 ;而於此則又宣揚周公有與王敵體之說,不嫌於後世藉口之慮,與當時風氣悖道而馳,亦可謂執之強固矣。蓋袁氏主本心之義,周公既無取天下之心,則其心自明,外物流言,無能污垢,故不必刻意強言以辯護也。

四、袁燮尚書學之評價及影響

袁燮書鈔,爲其了袁喬所錄,袁甫刻諸象山書院,且其書既非全帙,流傳亦止 於四明一帶。王應麟嘗云:「朱文公之學行於天下而不行於四明,陸象山之學行於四 明而不行於入下、註 132 。」可以見之。且象山之學,本即直指本心爲務,經典說義,

a 129, 見書鈔卷十一, 頁 17、18。

[、]正 30、見困學紀聞卷二、總頁 164 ~

[[]註13], 參見書釣卷十, 頁 3]。

[·] 註 132 , 見慈胡遺書新增附錄頁 3· 万桐江〈送家自昭晉孫自菴慈湖山長序,引。

本爲依傍之物耳,故象。一脈,讀經注經者少 註 1311 。故絜齋是書,歷來學者鮮少 引證。唯 E應麟闲學紀聞嘗引絜齋大禹謨「儆戒無虞」及「七旬有苗格」兩條 註 134 , 而元朝 E天與尚書纂傳亦引其「七旬有苗格」之說 註 135 。 E應麟爲四明人,學亦 與陸象山有淵源,其有所引及,自非意外; E天與纂傳,雖近蔡沈而不主一家,別 錄旁流以相參考,故偶然引用耳。其後書鈔寖佚矣。

四庫提要評其書口:

變之學出陸九淵,是偏大旨在於發明本心,反覆引伸,頗能暢其師說: 而于帝王治迹,尤參酌古今,一一標準其要領。王應麟發明洛閩之學,多 與金谿殊軌,然於變解做戒無廣諸條,採入困學紀聞中,蓋其理至足,則 異趣者亦不能易也。

此評大致不差,唯王應麟之所以引絜齋之說,非唯其理可取,地望、學派淵源亦有相關,非所謂「異趣」者也。

全祖望謂楊簡之說,因有見於當時學者陷溺功利,沈錮詞章,積重難返,必以 提醒爲要,故其說偏重而不自知;而其諸弟子不能善用之,反使泛濫洋益,直如異 端,而并楊簡之說而誣之。然使其有如袁燮絜齋之教論,則必無此流弊也(計136)。 言下之意,袁絜齋之學,視楊簡爲勝也。

今本絜齋家塾書鈔,前附「御題袁燮絜齋家塾書鈔」一詩,云書鈔「議論持醇正,興亡鑑古今;致危惟戒逸,勝怠莫如欽;惜未聯全璧,幸仍揀碎全;流斯失法度,先已獲予心」,盛稱袁氏「儆戒無虞」之說 註 1371」。蓋乾隆欲借其說以文飾其逸遊之事爾,與王應麟之引用,不可同日而語也。

第三節 錢 時

↑ 生平事略

錢時,字子是,淳安人。慈湖楊簡之高弟也;讀書不爲世儒之習,以易冠槽司。 既而絕意科舉,究竟理學;江東提刑袁甫建象山書院,招之主講席,學者興起。其 學大抵發明人心,指摘痛快,聞者皆有得焉。丞相喬行簡薦之,授祕閣校勘。召守

^{&#}x27;註133] 參見註 112 陳淳書中之言

註 134 見其書卷二,頁 116、117。

註 . 35] 見其書卷三上, 頁 12。

註1361 參見宋元學案卷七五絜齋學案,總頁1431 引全謝山城南書院記。

註 137 參見書鈔前附載。其下有御題案語可參、

臣以其所著書來上。未幾出佐游東倉幕。召入史館檢閱,求去;以江東帥屬歸。人稱融堂先生。所著有周易釋傳,尚書演義,學詩管見,四書管見,春秋大旨,兩漢筆記,獨阜集,冠昏記,百行冠冕集,註138。

二、尚書學之著作及著錄

錢時尚書之作,宋史本傳云有「尚書演義」;喬行簡進書節子中,有「尚書啓蒙」書,其未列有「家塾尚書演義」。此三名當是一書之異名,非別有啓蒙之作也。經義考稱其書曰「尚書演義」,與本傳同,而永樂大典則稱曰「融堂書解「註 39 」;四庫提要云:「疑爲晚年刪削更定之本。」今其書無可校勘,未知其原本如何,提要之說,蓋臆測之辭耳。今其已非原來之舊;提要述其大略云:

此書向勘傳本,故黃震日鈔,明胡廣等書經大全,俱未徵引其說。朱 彝尊經義考亦云未見。今據永樂大典中散見各韻者,依經文前後次第,衰 掇編輯;中惟伊訓、梓材、秦誓三篇全佚,說命、呂刑亦問有闕文,餘皆 篇帙完善、至140,。

今其書在四庫之中,沿用永樂大典之名曰「融堂書解」。

知嚴州萬一薦準尚書省箚子,列錢時家塾尚書演義三十冊,未言其卷數 ā. 1411。經義考云「八卷」,並加案語曰:「葉氏菉竹堂目載有是書、註 142 。」所謂八卷之數,或出於菉竹堂目歟!今本輯自永樂大典,分釐作二十卷,蓋本之正義也。

三、錢時之尚書學

錢時之著作,見於今日者,惟兩漢筆記及輯自永樂大典之融堂書解而已;欲觀 錢時之經學,捨融堂書解而莫由。錢時撰其師楊慈湖行狀曰:

孔氏遺書,不從言語上得,本心本聖,無體無方,虛明變化,無非妙用。斯道也,堯以之安安,舜以之無爲,禹以之行其所無事,湯以之懋昭, 文王以之順帝則,武王之訪洪範,周公以之師保萬民。孔子以之爲刪爲定 爲繁;爲筆削蹇貶 誕 143 。

⁽註139) 參見四庫提要所云。提要見於融堂書解前附。

[[]至140 同前註。

^[31 14] 參見融堂書解前附。

[[]註142 見卷八三,頁4。

[[]註143. 見慈胡遺書卷十八、頁24、25。

其所述者,均在尚書一經所包籠之中,可見其學術根於尚書爲深也。象山無尚書之 著作,楊簡上於五誥之解,至錢時則爲全書敷演義理矣。茲述其尚書之學。

(一)錢時尚書學之淵源

錢時師承慈湖楊簡之學,上接象山之緒,而發揮義理心學,旁採先儒前輩,復時加己見推理以爲說,此錢氏尚書學之大略也。分陳如次:

1、發揚慈湖師門之學

融堂書解二十卷中,採用諸家之說,或評議他說者不少,然明白稱名引用者僅四條,而楊簡之說佔其二,稱之曰「先師」。其不稱名而實用師說者,全書無處不在,皆心學以爲基準也。

錢時解堯典「帝曰疇咨若時登庸」曰:

時,是也。先師謂上古来有道之名,惟言時,不言道。言順是者我登 用之也, 新144 。

按考楊簡之說,見於慈湖遺書中。其言曰:

尚書率以時爲是,蓋古語也。堯典上無所承,忽曰誰乎嗟哉,有誰順是者乎,吾將登用之,蓋時即道也。…… 唐虞君臣朝夕之所謀謨經營,無出此道。是猶此,故當時相與詔誥,惟曰時,猶曰此也;時即道之異名 [註 145 。

夫時之訓是,孔傳已然;然指時之即道,楊慈湖之前無有言之者,以爲古無道之名而言時者,乃慈湖 家之言;錢氏於此,直承用師門之說也。又尚書湯誥「惟皇上帝,降衷于下民,若有恒性」一節,錢氏曰:

降衷之義,先師論之備矣 註146)。

今考慈湖之遺著・無有論及「降衷」之義者、或當時有之而今佚矣。

慈湖之學,得力於孔叢子「心之精神是謂聖」一語。故其說尚書之論,數引此語立論,錢時說書,亦有引用。其解洪範五事之疇「睿作聖」曰:

睿至于作聖,而六通四闢,純德孔明也。孔子曰:心之精神是謂聖。

本心自聖,本無所不通,顧何事于作哉 註 147.!

考楊簡於論洪範曰:

箕子曰:思曰睿,睿作聖。孔子曰:心之精神是謂聖。……性即心,

[[]紅.44, 見融堂書解卷一, 頁8。

[[]註 145. 見慈胡遺書恭八,頁 12、13。

[、]缸 1461 見融堂書解卷五,頁8。

[、]缸 1471 見前書卷十,頁7。

心即道,道即聖,聖即睿,言其本謂之性,言其精神思慮謂之心,言其天下莫不共由於是謂之道 az.48.。

此分明直用楊簡之說而不嫌襲取也。其他若「六宗」之解用王安石,酒誥之句讀「圻父」「宏父」「農父」、亦用王安石說,與楊簡同、皆可見錢時承傳慈湖師門之說也。

2、旁採諸家而多用呂東萊之說

楊簡之學,於尚書止於五誥解,其他篇章,亦止於訓課諸生徒時所講,瑣碎斷續,未成體統以窺全豹;錢時承楊簡之說,必復資於諸儒別派之說。四庫提要云:

唐人解經,多墨守注疏;宋儒始好出新說,每不免于穿鑿支離。時所解如羲和曠職,則本諧蘇軾、康叔封衛在成王時,則仍用孔安國傳;康王之誥,則兼采張九成書說。信能擇善而從,不專主一家之學者 £149.。

考夫融堂書解,除兩明引楊簡之說外,其他多稱「或曰」、「說者」,其指名稱引者, 餘張几成一條,唐孔穎達一條耳。其稱名引用者,皆爲書解所採用之說。至於未稱 名而暗用他說,考諸其書,亦不在少數:有程頤、E安石、劉敞、蘇軾、林之奇、 薛季官、呂祖謙諸家,其中暗用呂祖謙者爲最多,而於蘇軾之說者則評之最烈。

楊簡之尚書學,所引前輩諸家,獨鍾蘇軾、呂祖謙 (計150.,錢時之說多同呂祖謙者,殆非偶然;至於評蘇軾者甚烈,蓋多指蘇氏疑經改經之論而言,至於胤征、康王之誥、文侯之命諸篇,亦與蘇軾同調也。

錢時雖未明稱呂東萊,而暗用其說者獨多。苔舜典 篇之末,錢時論之曰: 舜在位凡五十載,其間設施,宜不一端,史官卻只敘其即位之初,命 官之詳,與夫考課之法,直是陟方乃死,更不他及;于此可見舜五十年之 規模,都定于命官一日之頃;自後只考課黜陟而已,無他事也。舜恭已無 爲而治,其是之謂數(註151)!

考東萊於舜典之末,亦有論之曰:

舜自初即位,至陟方乃死,凡五十载。今舜典一篇,截舜即任一年之事,若不能盡五十年之治;蓋舜之治天下,自始立規摹,後之號令紀綱,非無變易,而皆自此出也。史官載其一年而略其餘,規模一定,四十九年之事,皆枝葉流派也;此最作史之妙,又見人君爲治之要 註 152.。

[「]紅148 見慈胡遺書卷八、頁31。

SE 1491 日註 138 0

BI 150. 參見本論文楊簡 - 章。

註151 見融堂書解卷一,頁26。

註152 見增修東萊書說卷二,頁18。

可見錢氏之說,分明襲用呂東萊者也。又說命下「台小子舊學于甘盤,既乃遯于荒野,入宅於河」,節,錢氏曰:

或曰甘盤舊學,方有端緒,曷爲不究竟而遽遯耶?曰:此甘盤所以深有力于高宗、方爲王子,而篤志就學,天資真敏,不惠其不好進,而惠其太鋭大迫耳。若只相守,專倚師實,終不甚力,一旦遠遯,使之皇皇有求而弗獲,庶其思之深,念之切,而有脱然感悟之路耳,此甘盤造化之妙用也。註153。

呂祖謙於此有論之曰:

趨向定於甘盤, 乃小成也。… 大抵人之為學, 未知味之時而失其師, 視之若輕, 既知味之後而失其師則如中流之失稱, 万飢而奪之食, 方渴而 奪之飲。… 自甘盤言之,何爲於高宗之學未成而棄去?此廿盤之所以爲 深挽高宗於有成也;使甘盤常在左右,則高宗之心有所倚, 不復有進步之 機,惟翻然引去,高宗皇皇,則其進步乃有過人數十等者 註 154.。

考甘盤、高宗之事孔傳謂遯者爲高宗,至蘇軾、林之奇始易其說,以爲遯者爲甘盤, 然未之論甘盤何以遯也;呂祖謙始倡甘盤有爲而遯之說,以爲乃挽高宗於大成之教 意。錢氏之說,即用呂東萊之言而略加修改者也。

尚書說義之外,於治經之法,錢氏亦多吸收東萊之法而爲之。東萊說書,喜用 孔子春秋褒貶之意解經,又多謂玩繹體味經文,而每謂經文之意有若「春風和氣」, 且每就一詞一字發揮義理論說(註155);凡此錢時皆 用之;可見錢時尚書之學, 除直承慈湖楊簡之說外,旁採呂祖謙之說爲多也。

(二) 錢時治尚書之觀念及方法

錢時說尚書,除發明心學, 上本心即道, 天人相應之說, 與楊簡同外, 其說書不守孔傳, 主以孔子春秋褒貶之法說書, 出於楊簡學說範圍之外。茲述其治尚書之觀念及方法:

1、不守孔傳注疏之說

融堂書解之中,每引先儒之說而批評之,所謂「先儒」,不徒批孔傳注疏,然以 孔傳爲多。若太甲上「先王昧爽丕顯,坐以待旦」,錢時解曰:

丕顯,先儒以爲大顯其德,未安。聖人純德孔明,無時不顯,何晝何

^{&#}x27;SI [53 見融堂書解卷八,頁7。

註154. 見增修東萊書說卷十三,頁1、2。

註 155 參見本論文呂祖謙一章中。

夜,何蚤何莫,必日出而大顯其德,豈昧爽之先,有不大顯乎! 丕顯,天 大明也:旦,日出也:言湯白天未明以至大明,常坐待日出,急急求賢, 以啓迪其後人也 至156。

此稱「先儒」者,其實乃孔傳也。孔傳曰:「言先王昧明思人明其德,坐以待旦而行之。」錢時以爲如孔傳之說,則其德有間斷矣,然聖人之德,必不如是,故解此非指德而言,乃指求賢之渴望也。又其論多工「惟三月,周公初於新邑洛」曰:

惟三月,即營洛之三月。先儒見洛誥末書十二月事,遂謂此是次年三月。殆不然。洛誥所書十二月,乃史氏後來紀述,以備一書之首尾,非十二月後方有多士之誥也、至157。

按孔傳曰:「周公致政,明年三月,始于新邑格,用土命告商王之眾士。」可見此評「先儒」者,亦批孔傳而言。

2、信孔子作書序,且有一字褒貶之義

孔子序書之說,自漢已然。史記孔子世家云:「 孔子 序書傳, 上紀唐虞之際, 下至秦繆,編次其事。」漢書藝文志曰:「書之所起遠矣, 至孔子纂焉, 上斷於堯, 卜訖於秦, 凡百篇, 而爲之序, 言其作意。」故自漢以下, 學者皆無疑; 迨宋諸儒, 始起疑序廢序改序之議, 然學者信序者仍多。

錢氏解書,一以書序之意爲準,蓋彼既以序作於孔子,孔子之聖,褒貶筆削,施於六經皆然,書序正孔子序斷尚書之意所存者,故解尚書之義,捨序莫由也。錢 氏論「帝告」「釐沃」序云:

帝告實商書之首,後世以易誓爲第一,失其次矣。今書雖亡,只當以 序爲正 註 158,。

按帝告、釐沃上篇、陸德明釋文云舊解是夏書;馬融、鄭玄以爲商書。孔穎達正義謂經亡序存,文無所托,不可以無經之序爲卷之首,故附此卷之末。鄭康成注大傳,以帝告冠湯誓之前。錢時此說,蓋因鄭玄之說而來,而序文既曰「湯始居毫,從先臣居,作帝告、釐沃」,是其文之次當在湯誓、湯征之前,爲商書之首,而不當附夏書之末也,故曰「當以序爲正」。雖然,今本融堂書解乃輯逸之本,無法窺其原貌,然其既云「當以」,是未改定之辭,故其原本當亦未使之置商書之自也。

錢氏解書,於書序尤著力。錢氏於「九共」序下云:

愚痛念古書百篇,而不存者四十有二;今幸先聖之序,發明經旨,粲

正156、見融堂書解卷八,頁2。

註.57 見前書卷十五,頁2。

ax 158 見前書卷四,頁11。

然具在,書雖亡而義猶未泯也。篇名歷沒不著,而學者視之,幾若贅疣, 豈不甚可惜哉!愚故表而出之,以備百篇之義 (ma 159.。

書序既爲孔子發明經旨之所在,是以解說經文,一以序意爲準。若甘誓書序下,錢 氏論之曰:

史記曰 有扈氏,禹之後,啓立,有扈氏不服,故伐之。觀大戰之情 狀,必有素謀,必有憑持,必有黨與,必非倉卒苟爲抗逆之計。孔子序書, 書戰而不書大,所以微寓意于君臣之大分。不曰有扈何罪,不曰夏王,不 曰征而獨曰啓與有扈大戰于甘之野,春秋責賢者備,其旨深矣 註.60 。 錢氏以書序止曰「戰于甘之野」,而經文曰「大戰」,乃孔子所能,以寓意于君臣之 大分,此若春秋筆削褒貶之意也。

錢時說胤征,採蘇東坡書傳「羲和忠夏」「羿、胤亂叛」之說,蓋亦因於書序之 義也。其言曰:

孔子序書,獨曰胤征之,不書王命,何故?明非王命也。蓋義和世為 大臣,羿一旦因民弗忍,直據都邑,距太康于外,而正仲康,遂專國政、 觀後來篡迚之事,見,其包藏禍心,必非一日。義和遐棄厥可,徑往封邑, 日從事于酒,殆不止爲酣飲而已,若止是酣飲,執而罪之,甚易辦者,安 用張皇征討,而有殲厥果魁,脅從罔治之誓耶!竊謂義和不平于羿,當時 必有相與共起而謀之者,惜乎忠君之志未明,而失職之罪先著,并遂得以 爲之辭焉。然則胤之往征也,實羿命之,非仲康之命也。故孔子首書面定 以正義和失職之罪,不書王命以著賊羿無君之惡。春秋作而亂臣賊子懼, 可于是乎見之矣 [16]

按錢時以爲書序正言「胤往征之」,不言王命,可見乃孔子春秋褒貶之義,以見往征之命,乃出於潛而不出於仲康也。據上述諸條,可知錢時信書序乃孔子所作,而其中含春秋筆削褒貶之義,故解書義一準於序,而不惜大違於孔傳之說也。

錢氏於書序言有誤者,惟有一條,即泰誓上「惟上有一年,武王伐殷」之上一年。錢時曰:

序云十有一年,經云十有三年,當是序誤。一月即十三年正月 ﷺ 162 ° 按錢時所謂誤者,非文義有誤,乃文字筆劃有誤,以〔爲 也。此誤字之說,程頤、

[、]註 159、見前書卷 - , 頁 26。

註160。見前書卷四,頁1。

註161、見前書卷四,頁6。

[[]註 162、見前書卷九,頁]。

林之奇、朱熹皆有說,以爲當作十三年,除泰誓經文作十三年之外,供範篇亦有武王十一年訪箕子之事,故以十三年爲正。孔傳以爲十一年不誤,遂衍十一年觀兵孟津,退而示弱之說;錢時以爲十一年乃十三年之誤,敗不採孔傳觀兵之論;此亦因序而說經文之證也。

3、玩繹文辭脈絡,體味語意氣象

融堂解書之法,多效呂東萊之術,析文章,體氣象,尋脈絡,味辭氣者,皆是 也 若其解仲虺之誥,分仲虺之言爲〔節,每節各有主旨。又其論多方,自「嗚呼! 毛若曰: 誥爾多方, 至「乃惟爾自速臺」一段曰:

此節承上又極言商之所以亡,周之所以興,發揮今日誥告多方之意也;然當分二截看。自非天庸釋,至天准锋時喪,是言夏商之未,得罪天者如此,須看兩箇非字與二箇惟字相應:自惟聖罔念至尹爾多方,是言天非迫遽亡商而興周,須待子孫而罔可,求爾多方而罔堪,然後乃畀我周王者如此,須看罔可堪與克堪字相應;自今我曷敢至自速辜,是言爾等何不如此而乃反如此,我今日所以誥告者如此,須看三箇爾曷不與四箇爾乃字相應。…… 群 (63)

此分析經文爲若干節段,而析論其每段節之大意,進而言某字某詞之相應,段落之間之關係;此所謂析文章也。

錢時論盤庚上口:

想見遷都之議一與,眾口呶呶,失職曠位,全無紀律,盤庚猶反覆警告,雖曰明正法度,而終無忿疾之心,終能委曲以濟事。嗚呼!二代王者 之氣象,所以終非後世所可及數 (註 164 !

按此說首出於東坡書傳,以爲盤庚教民不以斧斤而以言勸,乃盤庚之仁;呂祖謙用之,而錢氏進以言王者氣象也。錢時論微子之命曰:

展于此重感成王方點殷命,殺武庚,而命繳子,自常庸而言,宜盛陳 其家乙反飢變故以爲儆戒,而乃略無一語及此,寬平易直,讀之藹然如在 春風和氣中「至 165 。

接此說實出於呂祖謙。東萊嘗論微子之命曰:

今觀惟体一辭,緩而不迫,如在春風和氣中者,太抵人公之工夫不可 迫切, 微子以恪謹克恭之素,成王既戒之以謹乃服命,又戒之以欽哉,義

註 163、見其書卷十六,頁7、8。

紅.64 見前書巻七・頁6。

至 1651 見前書卷十二,頁2。

已森嚴、……故告之惟体,從容屆養之意也。雖然,成王黜殷命,殺武庚, 非小變也、王室震動,宗社幾危,以周公東任,尚必二年而後罪人斯得, 其爲禍甚至,其成功甚艱矣。今觀微子一篇,曾無一語及此,怡然氣象和 平如常诗,見君子所過者化:封微子,賢者封之耳;殺武庚,叛者殺之耳 [166] 。

所謂「氣象」,所謂「春風和氣」,皆呂氏所常語,錢時之說,蓋採於東來者多矣。 此所謂體氣象也。

融堂論舜繼堯與禹繼舜曰:

禹祗承于帝,即舜重蕃協于帝,但祗承比重蕃差有輕重,此帝王之間 也。玩味而自得之 ±1671。

錢時以爲堯、舜乃一帝,禹、湯、周文武爲一上,帝之與王、氣象稍別有差等、然 此非言語所能盡,要之說者指其處而學者自玩味而得之也。此所謂玩味辭氣者也。

4、對疑經改經之態度

楊簡之尚書學, 主於疑改, 故多用蘇軾之說。錢時則不然。舉凡前儒所云可疑 可改者, 皆一一為之辯護, 甚至武成篇, 正義亦已有疑辭, 而錢氏以爲非。其言曰:

自王若口而下,辭無間隔,皆武王之言,所謂識其政事也,而先儒不察,受命于周以前,乃史官所記事節,而王若曰以下,皆过武王所告群后之言,但見前者丁未、庚戌辛日,而癸亥、甲子之事,反見于後,遂疑錯簡,文不相屬,未免以意更次之,不得謂之審矣 紅166,。

錢時據書序曰:「識其政事」,以言自「王若口」以下皆識政事之事,故不可以日期 王支逆亂而疑之,蓋前後之文不可併言之也。由是於武成無可疑者。

武成之外,於益稷篇「夔曰於予擊石拊石,百獸率舞」十二字,有錯簡之說,然以爲未敢輕議,於洪範庶徵下「王省惟歲」一段,以爲有脫簡之說者非是;蓋「歲月日」之時,正乃上文「曰時」之時,前後上相應,無所謂錯脫者 益 169 。又康誥首段至「洪大誥治」止,蘇軾以爲本洛誥之文,編簡脫誤,故順入康誥中;錢時以爲不然,其說謂此四十八字與洛誥下文事節全不相屬,反觀於康誥,則

. 日遣使告下丁君、十四、十五奏告天地、十六日乃初基作邑,頑民之遷、至此

冠.66 見增修東萊書說卷十九,負16。

赶.67, 見融掌書解卷二·頁2。

^{# 168} 見前書卷九,頁 L。

註 1691 論益稷篇十二字脫簡者、參見前書卷二、頁 24。論洪範「王省惟歲」一段、參見同書卷十、頁 16。

已有定論,然後卻以殷餘民封康叔耳;故謂此四十八字當仍爲康誥之文 [註 176]。 可見錢氏於疑改之說,一概不取。今所見融堂書解之有疑者,獨泰誓序「十一年」 耳,前已論之矣。

(二) 錢時尚書說之新解

錢時既信書序之說,且以筆削褒貶說之,故凡有可爲之調停發揮者,皆採納吸收,至於無可資取之時,亦不嫌於以情推斷,創爲新說也。至於發明心學亦然。茲舉其大者見例。

1、舜典「輯五瑞,既月乃日,覲四岳群牧,班瑞于群后,

孔傳解此節曰:「舜歛公侯伯子男之瑞, 崔璧, 盡以正月中, 乃日日見四岳及九 人牧監, 還五瑞於諸侯, 與之正始。」是舜所見者, 諸侯亦在其中矣。錢氏以爲不 然。其言曰:

止言群牧者,豈群牧來覲而諸侯不皆至敷!觀旺瑞于群后可見。若諸侯皆至,自當併言侯牧,不應獨言群牧;而下之班瑞,卻言群后也。況五瑞諸侯所執以見天子者,今未覲群牧,先輯五瑞,則是但斂而歸之上,非諸侯執之以至明矣 至171.。

錢氏於下文「肆觀東后」下復謂「觀肆觀東后之文,則上文群牧來觀之時,非是諸侯皆至」,義更明白。其說與傳疏及諸說皆不同。

2、禹貢導水「三江」之說

禹貢三江,說者紛紜,莫有定指,至蘇軾創爲味別之說,益增附會。禹貢導水, 有北江、中江而無南江之名。錢時以爲本無三江,北江、中江,即長江、漢水之異 名耳。其言曰:

岛爲有北江、中江之名乎?蓋江准河漢,水之尤大者,與渭洛之八河 不同,而渭洛之名遂展;此言導漢與下文導江、是各記兩江之始末,兩江 雖合爲一,而每一條下,各記入海以要其水之所歸、所以不得不著北江、 中江之名以別之。然謂之爲北江,爲中江,亦必是古有此名。愚至此深知 禹所以表北江、中江之名者,專爲記江漢兩大江之始末而設;不然則其他 水固有自南而入彭蠡者,曷爲不著其名而謂之南江乎!正其原流事體非江 漢之比,所以鉅此稱謂:註[77]。

程 70 參見问書卷十二,頁6、7。

[「]缸171」參見前書卷一,頁12。

[「]缸172 見前書卷三,負13、14。

錢氏以爲北江、中江,即漢水、長江,因二者各有源委,體勢相敵,故雖合流,而 自成體系,故必有以別之,故謂之北江、中江耳。

3、金縢「周公請代武王死」說

錢時論此云:

愚觀祝辭至此,因考武王已八十餘歲,周公豈不知死生有命;且以身代死之事,前此所未聞,何其辭懇到激切如此;縱武王死,寶命如何便墜,先王如何便無所依歸也?是蓋有說。武王九十三歲而後崩,成王方十三,則是時成王之已生與否,固未可知耳。管叔、蔡叔、周公親兄弟也,豈不熟識其爲人;商民之未易化服,亦周公所深知也;武王尚在,四方知所敬畏,以待嗣子之壯,則庶幾其可保;國本未立,遽以疾終,群小相挺,環視而起,則周之事勢何如哉!又十餘年後,武王方死,猶未免三監及淮夷叛,則周公此日代死之論,豈得已也(註173)!

錢時以爲周公代武王死,其辭之所以懇切者,蓋武王若死,周之基本動搖難挽也。 其說以爲成王或尚未生,即武王尚未有子嗣,故後繼無人也。此說前人所未言者也。

4、召誥「旅王若公」

按孔傳解之曰:「陳王所宜順周公之事。」錢時以爲「旅王若公」即「旅王及公」 也。其說曰:

禮諸侯朝王于廟,既畢出復東帛加璧入享,謂之幣;既致于王畢, 復奉東帛以請觀,大夫之私相見也,亦謂之幣。周公攝政,與常禮不同, 故特先告之,而又與王同時並旅;然必旅王而後及公者,是君臣之大分 也(註174)。

錢時據禮制以爲旅王而及周公,與大夫私觀之意同,然周公究非常臣,故禮有異也。

5、蔡仲之命「囚蔡叔於郭鄰,以車七乘,降霍叔于庶人,三年不齒」

孔傳云:「囚謂制其出入;郭鄰,中國之外地名;從車七乘,言少。」其意謂七乘之車,乃供蔡叔之用。錢氏不以爲然。其曰:

金騰謂管叔及其群弟乃流言于國,是管叔爲主,實首惡也,故就商誅 之也。蔡叔次之,故止于囚。霍叔又次之,故以車七乘降于庶人,不得齒 宗盟之列三年,後方封霍侯。先儒往往將以車七乘屬上文,不特文義未安, 而事理亦甚易見;郭鄰之囚,得不死耳,豈復資之以車;囚者車而降,庶

⁽註173) 見前書卷十一,頁6、7。

[[]註174] 見前書卷十三,頁11。

人者反不車耶 (註175) !

以事理言之,錢氏之見,實較孔傳爲高明。

6、對經文難易之解釋

尚書五十八篇,就文章而言,有難易兩體;林之奇以爲因伏生齊人,晁錯受書時,以意屬讚,故今文二十八篇皆詰屈聱牙;古文出於孔壁,乃經文之原本,故平易;有以爲今文多告百姓之辭,當時語言與後世不同,故今文難,古文多奏議朝廷誥文,故平易;朱熹則以爲同爲一人之作,何以有難有易,且伏生所記偏難,而出於孔壁中者偏易,復以先秦典籍所載引經文,與伏生所傳多無異,而與出於孔壁者不同,故深致疑難。

錢時於經文難易,亦有一說;其論大誥曰:

篇内王曰,皆周公以王命誥,史述當時之語,潤色成文,故謂之王若 曰也。此後如大誥、康誥、酒誥、梓材、召誥、洛誥、多士、君爽、多方 之文,獨擊牙,與盤庚無異;若謂皆周公所作,則無逸、立政、微子、蔡 仲之命等篇,又何其平易也;以此知大誥諸書,乃史氏所記,當時秉筆者 適爲此文體,故特不同耳。本朝歐、宋二公同修唐史,其立言斬斬不類, 是爲足怪哉 [註176]!

按錢時以爲尚書經文有出於史官所記者,如堯典、舜典有出於作者之筆,若禹貢是也。融堂書解中,每以史官所記之經文與書序之言對較,以言孔子筆削褒貶之義。故錢時解釋經文有難有易,據史官記錄之文筆而言,記者不同,故文風辭語有異,一如歐陽修、宋祁同修唐史,而文風迥異也。

錢時此說,有大可議者:若經文有出於史官所記,記者不同,文辭語氣,體格 繁簡容有不同,然朝廷記錄之體,當有定式,必不至於難易差異如許之大也;且史 官之文,當屬平順華美之辭,而非聲牙難懂之語;綜觀尚書經文,自大禹謨至君牙、 冏命,凡所謂出孔壁者,皆平易如出一手,若如錢時所言,則各朝史官所記,又何 以相似如此;此與錢氏之說正相反也。可見錢氏之說,不足爲據,僅一家之說耳。

四、錢時尚書學之影響及評價

錢時承象山一脈,受學於慈湖,主心學之傳;夫心學一派,出於六經註我之意,故於諸經本不甚著力爲解義;觀象山無甚經解,楊簡則稍增之,至錢時而愈益細密矣。黃宗羲嘗論之曰:

[[]註175] 見前書卷十六,頁1、2。

[[]註176] 見前書卷十一,頁9。

象山說顏子克己之學,非如常人克去一切忿慈利害之私,蓋欲於意念 所起處,將來克去;故慈湖以不起意爲宗,是師門之的傳也。……但慈湖 工夫入細,不能如象山一切經傳有所未得處,便硬說關倒,此又學象山而 過者也,[註[77]。

楊簡學象山,工夫入細,其意即接經文而說義,斟酌於經文之間矣。錢時之學楊簡,何獨不然。楊簡止爲五諧解,且解義之時,鮮有引用諸家之言,一以己意所向解之,於他說亦多置而不問,不加評斷是非,大有吾說定則定矣之慨。至錢時書解,不獨通經皆解,敷陳義理,而每引前儒之說,可取者採爲己用,異我者指而評駁;復分析文章,爲字詞作解,論文章難易之體格,校書序、史錄之異同;凡此者視楊簡益形細密;換言之,其說義依附援據經文之程度愈深矣。若以之比乎伊洛一脈,則近於林之奇、呂祖謙一支;而融堂書解中,引呂祖謙、林之奇之說,亦果然爲最多也。於錢時融堂書解,可見象山一派於經文治學態度之轉變軌迹。推而論之,其繼錢時者,則當必入於考眞僞,辯文義,進而疑經、改經矣,與朱熹之後有王柏、金履祥、許謙等同也。此融堂書解可觀者一事也。

宋元學案於錢時下附錄云:

趙寶峰示子弟曰:錢某小人,行己著書,趨時悖道,罔眾千名,乃斯 文中所當誅斥;史臣乃贅某於道統之後,未知其似是而非。(補)(註178) 王梓材案云:「是說與本傳相背,謝山蓋以爲然。故於石坡書院記亦有微辭云(註 1791。」按趙寶峰所評,不知其所指爲何;若以道統之立場言之,或有之。喬行簡 薦錢時箚子嘗曰:

見其(錢時)氣負才識,尤通世務,自田里之休戚利病,當世之是非 得失,莫不詳究而熟知之。

或以其切入世務之深故,遂有「趨時悖道,罔眾干名」之譏也。四庫提要評其書解曰:

至以泰誓爲告西岐師旅,牧誓爲告遠方諸侯,自抒心得,未嘗依傍前 人:又謂武成本無脫簡,中述武王告師之辭,後爲史臣紀事之體,康誥首 節以周公初基,定爲未營洛邑,封康叔以撫頹民,不當移置于洛誥,尤爲 卓然有見,不惑于同時諸儒之曲說,其取材博而精,其樹義新而確,蓋宋

[[]註177] 見宋元學案七十四,總頁144。

[[]註178] 見前註書卷,總頁148。

[[]註179] 見前註書卷,總頁149。

人經解中僅見之書也 [註180]。

接四庫提要之評,專取錢說之同於孔傳者而言,而未見其指評孔傳之夥,蓋孔傳之說,說尚書者莫能外之,唯視取之者或多或寡而已。而自抒心得,創爲新解,此眞錢氏之面目,蓋義理學者所共由之途也。提要之譽,有以偏蓋全,掩蔽事實之嫌。

象山一門尚書之學,後世皆鮮引用,或因其流傳拘限於四明一地之故歟!楊簡之說,錢時引之;袁燮之說、王應麟、元代王天與引之;錢時之說,未見引於後世;提要云:「此書向尠傳本,故黃震日鈔,明胡廣等書經大全俱未徵引其說。」殆是事實。宋元學案列融堂家學及門人有子錢槱,從子錢允文,門人洪揚祖、夏希賢、呂人龍,皆無尚書之著作(註181),足見融堂之尚書學,後繼乏人矣。

[[]註180] 同註138。

[[]註181] 參見宋元學案卷七四慈湖學案,總頁 142。